




OCCASIO I·DAVID

201  
3  
2









Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.201






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.201






Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.201







2  
3  
201



2. 3. 201

2  
3  
201



785



OCCASIO  
ALBERTA NGLESTA

THIVE C...  
ELIVE INCOMMODA  
A...  
R. F. B...  
S...  
S...

ANTVERP  
L...  
M...  
M...

SERENISS<sup>MS</sup> AC REVEREND<sup>MS</sup>

PRINCIPIBUS,  
DOMINO D. LEOPOLDO,  
EPISCOPO PASSAVIENSI,  
EPISCOPATVS ARGENTORATEN-  
SIS COADIUTORI, ETC.

2  
3  
201

ET

DOMINO D. CAROLO,  
CANONICO SALISBURGENSI,  
ET PASSAVIENSI, ETC.

ARCHIDVCIBVS AVSTRIÆ,  
DVCIBVS BURGVNDIÆ, STIRIÆ,  
CARINTHIÆ, CARNIOLÆ,  
AC VVIRTEMBERGÆ, ETC.

COMITIBVS TIROLIS  
ET GORITIÆ, ETC.

IOANNES DAVID

SOC. IESV SACERDOS

L. M. DEDICAT CONSECRATO





ATVM! fatum! profanus hîc  
quispiam Ethnicorum excla-  
met, SERENISSIMI PRINCIPES: At  
ego, numen nutumq; diuinum  
non obscuris hîc argumentis  
agnosco. Dum siquidem OCCASIONEM mun-  
do muliebri adorno, ac pro mea tenuitate po-  
lio comoque, vt ne publico semper careat; de-  
que patrono, ad quem se applicet, cogito; GE-  
NIVS quidam bonus adstare mihi visus est,  
qui dextram suauiter auriculam vellicans di-  
ceret; Opus hoc nouum de OCCASIONE, *Sere-  
nissimis LEOPOLDO & CAROLO Archiducibus  
Austriae*, dicatum oportere: vt qui iam pridem,  
côspectis OCCASIONIS iconibus, aliquid, quod  
VERIDICI nostri formam æmularetur, à me  
desuper elaborari peroptarint.

Ad hæc ego quod dicerem non habebam,  
nisi quod Propheta Habacuc Angelo respon-  
debat iubenti dicentiq; *Fer prandium, quod  
habes, in Babylonem Danieli, qui est in lacu leo-  
num. Dixit Habacuc; Domine, Babylonem non  
vidi, & lacum nescio.* Ita mihi res ista longè pe-  
tita, & à meo hemisphærio procul dissita vi-  
debatur; tametsi GENIVS ille mihi fidem  
amica manu abundè faceret.

Sed benè habet, quòd felicioribus AV-  
STRIS



STRIS ad aures SERENISSIMI ARCHIDV-  
CIS NOSTRI ALBERTI animi mei fluctuatio  
perlata est: qui nutu suo non obscure signifi-  
cavit, me recte eque mentis suæ facturum sen-  
tentia, si VESTRIS SERENITATIBVS, suis  
nempe nepotibus carissimis, foetum hunc,  
OCCASIONIS titulo insignitum dedicarem;  
quem L. M. DICO, CONSECRQVE.

Est sanè quod OCCASIONI meæ mihi que  
gratuler, vt qui spontaneâ CÆLI benignitate  
hoc consecuti sumus, quod tanta solitudine  
Lyricus sibi suoque labori exoptabat; dum  
Augusto librum mittens, cum qui laturus es-  
set, tam sedulò, vt opportunè id faceret eum-  
que tempestiuè accederet, admonebat.

*Si validus, si letus erit, si denique poscet.*

Eat itaque bonis auibus, sibi que capro-  
pter gratetur OCCASIO, quod vltro quoque  
magni illius Alexandri adhuc adolescentis  
voto frui concessum sit: quem cum pater eius  
Philippus (ob egregiam agilitatem qua in cur-  
su pollebat) hortaretur, in Olympiis vt curre-  
ret; Facerem (inquit) mi pater perlubenter,  
*si cum Regibus currendum foret.*

Neque est (SERENISSIMI PRINCIPES)  
quod illa, vobiscum in arenam descendens,  
palmam vereatur amittere; cum capi, teneri,



stringi que desideret; seque tum demum existimet vincere, cum vincitur, victa que vincitur. Illud tantum in hac palæstra lege cautum velit, quod Demosthenes olim, cum fugientis è prælio chlamydem sentes implicuissent, conuersus dixit; *Cape me viuum*. (Cuiuspiam fortè tergo inhærentis manibus se correptum credebat.) Viua sic cupit OCCASIO capi, & in VICTORIS obsequium lubens læta que concedere.

Habete itaque (PRINCIPVM, REGVM, IMPERATORVM PROSAPIA) OCCASIONEM nostram summissis manibus animo que VV. SERENITATIBVS oblatam, dedicatam: illam que non solum ab omni maleuolorum iniuria vestræ auctoritatis clypeo tegite; verum etiam ad præclara quæque facinora, ad honoris trophæa, & gloriæ sempiternæ fastigium consequendum, omnem ipsius facultatem vestris vsibus mancipate.

Sed, quid dico, mancipate? Nōne potius ipsa mirabitur, dum se tantò antè apud vos fuisse comperiet, quàm aduenerit? Quantis verò lætitiis cumulata incedet, cum se ipsa in vobis veriùs contemplabitur, secum que suauius loquetur, quàm olim Acco (illa apud Cælum anicula) suam in speculo imaginem compel-



compellarit ! Quod enim splendidius specu-  
lum , viuaque & benè habitæ OCCASIO-  
NIS exemplum , quàm eximia illa pietas , &  
auitæ Religionis integritas , quæ in illustri  
posita monumento sic radiant in vobis , vt  
gemmae carbunculi agnoscas in aureo Ec-  
clesiæ diademate illigatas ? Nimirum vobis  
non tantum præ oculis heroicæ antiquissimæ-  
que maiorum vestrorum imagines , sed viuis  
spirantem exemplis OCCASIONEM præbet  
ad fastigium pietatis , in primis SERENISSI-  
MA MATER , quæ veluti tot Reginarum se  
parentem oblita , Religiosarum modò fami-  
liarum & pauperum se matrem commemi-  
nit , munificam magis nescias an officiosam ;  
ita eis raro exemplo , etsi quotidiano , in ho-  
spitali domo , suis ipsa filiarumque suarum  
manibus ministrat. Quid SERENISSIMVS  
FERDINANDVS Parens vester , cum CON-  
IVGE , & fratre MAXIMILIANO , optimis  
piissimisque Principibus ? Cùm Collegium  
SOCIETATIS IESV , atque ARCHIDVCA-  
LEM illam Academiam , sapientiæ domici-  
lium , fundauit , amplificauit , ornauit ; quàm  
præclaram de sua atque adeò Christianâ Re-  
publicâ benè merendi OCCASIONEM arri-  
puit , facemque præluxit posteritati ! Vobis  
ista



ista hereditario iure tenenda, vsurpanda, tra-  
ditur, SERENISSIMI REVERENDISSIMI-  
QUE PRINCIPES. Et verò excelsa vtriusque  
vestrū ad Virtutem ac Sapientiam indoles,  
nihil non magnum, non eximium pollice-  
tur. Spondent hoc prima elegantissimæ ado-  
lescentiæ vestræ rudimenta, maturioris ætatis  
feges: clamat ille Philosophicus pulvis, Ari-  
stotelicus sol, in quem nuper SERENISSI-  
ME ac R<sup>ME</sup> LEOPOLDE (ô quem LEOPOL-  
DVM AVSTRIACI SANGVINIS æmularis!)  
magno orbis theatro spectante, plaudente, de-  
scendere non es veritus; eamque, propugna-  
tis è tota Philosophia Positionibus, ingenij ac  
doctrinæ gloriam consequi, quæ ad has quo-  
que aliasque remotiores oras penetrauit.  
Deus Opt. Max. tam læta captatæ OCCA-  
SIONIS principia in vobis prouehere & pro-  
sperare dignetur, SEREN<sup>MI</sup> & R<sup>MI</sup> PRIN-  
CIPES. Ipris Flandrorum. vi. Non. Iul.  
CIC. ICC. v.

PRÆ-



## PRÆFATIO AD LECTOREM.

**L**EGENDAM, spectandam, arripiendam tibi, bone Lector, damus OCCASIONEM, TEMPORE tamen NVTVQ. diuino comitatam, si ne quo nihil cetera. Caelestem aligerum, Angelum puta tutelarem, horum facimus administrum; cui cuncta nostrae utilitati ac saluti opportuna, à diuina sint maiestate commendata.

OCCASIONEM vsqueadè olim venerabatur Antiquitas, ut, teste Callistrato, diuinitate eam suo more donarit: sic tamen, ut Græci Deum, Deam verò Latini gentiles effingerent. At nos Christiani, qui vnum Deum auctorem omnium profiteamur, reiecta illa superstitiosa idololatriæ scoria, aurum quod in abdito OCCASIONIS recessu velut sinu delitescit, purum seligamus; & in Christianæ Religionis salutisquæ propriæ utilitatem prudenter & seriò conuertamus.

Erit interim pretium operæ, quid ad hæc fingenda veteres mouerit, penitiùs inspexisse. Quæcumque enim bona, honesta, ac vtilia, ab ipsis inuenta aut excogitata sunt, ut quæ à Deo vero bonorum omnium fonte promanarint, nobis vel iure hereditario ut propria debentur, vel certè ut hostiles manubiæ iusto bello partæ, Ægyptiæ spolia ad mundum muliebrem sponsæ suæ Ecclesiæ à Deo data, nostris meritò vsibus veniunt applicanda.

In primis, quòd Latini OCCASIONEM Deam, Græci verò Deum indigitarint; non alia videtur ratione factum, quàm quòd Græci tempus ipsum opportunum, Latini verò temporis opportunitatem spectarint; eoq; rem eandem sub diuerso sexu consideratam, illi masculinâ hi muliebri



voce



voce expresserint. Quod enim Latinis femineo genere OCCASIO, id Græcis virili *καὶ* effertur & pingitur. Tempus, inquit Volateranus, quod Græci *καὶ*, nos Occasionem siue tempestiuitatem dicimus; quod idem est, atque temporis opportunitatem dicere.

Huc spectat quod Romanus Orator libris Officiorum describit, quando OCCASIONIS naturam, ab ipsamet eius origine, licet alio scopo, inuestigatam enucleat. Modestia, inquit, secundum Stoicos, est scientia earum rerum, quæ aguntur & dicuntur, loco suo collocandarum. Videtur autem eadem vis ordinis & collocationis fore: nam & ordinem sic definiunt; Compositionem esse rerum aptis & accommodatis locis. Locum autem actionis, opportunitatem temporis dicunt esse. Tempus actionis opportunum *ἐν καίᾳ*, latine appellatur OCCASIO. Sic fit, vt modestia hæc, scientia sit opportunitatis idoneorum temporum ad agendum. Hæc ille: qui primo quoque de Inventionem, OCCASIO, inquit, est pars temporis, habens in se alicuius rei idoneam faciendi aut non faciendi opportunitatem. Et hæc est propria OCCASIONIS definitio.

Quia verò illa, licet optata, plerumque tamen nec opinanti solet accidere, rectè inquit Festus; OCCASIO est opportunitas temporis casu proueniens. Et quoniam in illa temporis opportunitate, rei semper aliquid obuenit, quæ partem illam temporis, qua accidit, ad aliquid vel faciendum vel omittendum opportunam & tempestiuam reddit; hinc aliquando indifferenter, & partem illam temporis, & rem ipsam tunc obtingentem (in quâ & locum rei aptum complectimur) OCCASIONEM appellamus, vt & Veteres videmus vsurpasse.

Videtur quoque nomenclaturæ ipsius ratio, seu etymologia ad subindicare; cum & tempus illud opportunum, & res ipsa.



ipsa tam tempestiuè proueniens, circum & propter te, et  
velut ob oculos tibi cadat, atque occasu vel euentu suo O C-  
C A S I O N E M tibi præbeat opportunam.

Quia porrò opportunitas illa ferè momentanea est, modi-  
co nempe tempore consistens, immo præteruolans; hinc manu  
quamprimùm iniecta arripiendam censuerunt: alioqui, si vel  
tantillam hæseris, eam pertransire, frustra; deinde elapsam  
queri. Hæc cùm ob oculos ponere vellent, OCCASIONEM  
velut Nympham alatis talaribus, volubili rotæ insistentem ef-  
fingebant, vertigine. quàm citatissima semet in orbem circum-  
agentem, priore capitis parte capillatam, posteriore verò cal-  
uam, nouaculam manu tenentem, ut quæ acie quidem esset a-  
cutissima, opposita verò parte planè obtusa vsuique inepta.  
Quæ omnia quia Ausonius de Græco, ut Politianus monet,  
eleganti carmine explicat, illud hic subiiciendum duxi.

Cuius opus? Phydix qui signum Pallados, eius

Quique Iouem fecit: tertia palma ego sum.

Sum Dea, quæ rara & paucis OCCASIO nota.

Quid rotulæ insitis? Stare loco nequeo.

Quid talaria habes? Volucris sum; Mercurius quæ  
Fortunare solet, trado ego, cùm volui.

Crine tegis faciem. Cognosci nolo. Sed, heus tu,  
Occipiti caluo es. Ne tenear fugiens.


Quæ tibi iuncta comes? Dicat tibi. Dic, rogo, quæ sis?  
Sum Dea, cui nomen nec Cicero ipse dedit.

Sum Dea, quæ facti non factique exigo pœnas:

Nempe ut pœniteat; sic METANOEA vocor.

Tu modò dic, quid agat tecum? Si quando volaui;  
Hæc manet: hanc retinent quos ego præterij.

Tu quoque, dum rogitas, dū percontando moraris,  
Elapsam dices me tibi de manibus.





Additur in hoc Aufonij Epigrammate METANOEAE, siue  
 pœnitentia OCCASIONI comes, & rectè, tametsi in Græ-  
 co non habetur: Nam quanta est negligentia in OCCASIO-  
 NE oblata nec arrepta, tanta mox ab elapsa oboritur pœni-  
 tudo. Hinc verè dici solet; Nemini umquam sera defuisse  
 consilia. Esto enim aliquando accadat, ut in rebus aggre-  
 diendis inops planè quis sit consilij, postquam tamen elapsa  
 est Occasio, & commoda rei gerendæ tempestas eum desti-  
 tuit, tum demum plurima solent occurrere, & quidem ut ap-  
 paret valde opportuna, si modò res esset integra; liceretque,  
 ut ait Lucianus, ad præterita repedare. Quo fit ut hi talia  
 vsurpent cum Phrygibus serò sapientes; Id mihi si denuò  
 agendum foret, vel res illa à capite tractanda, de integro  
 obeunda; scio quid agerem; cauerem utique amplius, aliter  
 mea instituerem consilia, nec mihi tam faciliè per fucum os  
 sublimi sinerem. Verùm, posthuma est hæc OCCASIONIS  
 elapsa soboles, eamque meritò semper ponè comitans ME-  
 TANOEA.


Nos TYPVM OCCASIONIS aliquot nuper iconibus in  
 studiosæ Iuuentutis gratiam exprimendum curaueramus, ita  
 tamen ut non per omnia Veterum vestigiis insistendum no-  
 bis existimarem; sed ea tantùm ex ipsorum descriptione  
 sumeremus, quæ præcipuè in OCCASIONE videbantur  
 expendenda. Vtpote quod rerum hîc benè gerendarum, &  
 salutis æternæ postea consequendæ, copiam vberissimam face-  
 ret; quique eam, quasi fronte capillatam arriperent, felices  
 fore atque beatos: qui verò negligerent, illos frustrâ eam ut  
 occipitio caluam conari apprehendere elapsam: eisque meritò,  
 ob eam amentiam, comitem eius relinqui METANOEAM,  
 quò serâ pœnitentiâ suam insipientiam deplorent.

Quia tamen, quod in TYPO hoc solis Iuuenibus applicui-  
 mus,



mus, cuius hominum generi conuenire quoque cognoscitur;  
vt videlicet pro suo quisque statu & gradu se probè gerat,  
Occasionemque sibi à Deo datam ad rectè agendum non neg-  
ligat; ideò in istà OCCASIONIS explicatione, singula  
imaginum schemata ita visum fuit interpretari, vt unicui-  
que mortalium vsui esse possit. Sic etenim fiet, vt quod  
quisque vmbriticè tantum de se sibi oblatà OCCA-  
SIONE in iconibus sub Iuuenum figura expressum ani-  
maduertebat, hoc in ipso decursu orationis clarè distinctèque  
sit lecturus. Vt, quemadmodum in parabola Euangelica, à  
Christo Domino nobis sub decem Virginum typo adumbra-  
ta, omnes cuiusvis ordinis homines habent quo se certò sciant  
admonitos, vt quinque Sapientum prudentiam imitentur,  
nisi cum quinque fatuis & ingressu Regni caelestis excludi  
velint, & damnationis eterne vinculis mancipari; ita hec  
quinque prudentes adolescentes, Dei gratiam, Angeli tu-  
telaris auxilium, & temporis OCCASIONISQ. oppor-  
tunitatem, ad eruditionem, honorem, & salutem assequen-  
dam, sibi Dei munere oblata studiosè amplectentes, omnibus  
sint exemplo, vt in suis quisque idem præstet; nisi malint  
cum insipientibus, serò postea suam imprudentiam, ob spreta  
tam opportuna salutis consilia, lamentari, & tali pretio  
AETERNVM MERCARI POENITERE.

Operam itaque hanc nostram boni consule, Lector bone,  
nam & istam OCCASIONIS BONAE non exiguam esse  
particulam, si attenderis, censebis. Vale.



AD



# AD OCCASIONEM

R. P. IOANNIS DAVID

## Profopopœia.

**V**ive OCCASIO, viue; inauspicati  
Nec te nominis huius vrat omen,  
Ceu merè OCCIDVAS sonet tenebras.  
Tandem, quod benè vertat, ORTA es Orbi.  
Non cadueiferi excitata virgâ,  
Non Amphionis, Orpheûve plectro,  
Quod feræ, & trepidi audire manes:  
DAVIDIS sed enim potentioris  
Docto pollice, dædalaque pennâ;  
Pennâ remige candidum per æquor:  
Quâ quisquis volitat virûm per ora,  
Huic Lethen datur aut videre numquam,  
Aut postliminio indidem reuerti.  
Hæc lucem tibi dat, dabitque porrò  
Nec lucem modò simplicem fruiscei,  
Mysis & miseris abominatam;  
Sed vitæ decus eminentioris,  
Famam quæ ciet ac fouet perennem.  
Quippe diuitias tuas, honores,  
Penum commoditatibus refertam,  
Lautam Synthesin, anulos, inares,  
Et mundum omnibus explicat nitentem.  
Vnum fòrs vereare; ne comanti  
Fronti caluitium fiet pudori;

Ncu



Neu quis de triuio dicaulorum,  
Ridendam Glabrionibus propinet.  
Non est quod metuas, amica, non est:  
Namque idem ille Pater facetiarum  
DAVID, areolam comâ carentem,  
Aptè sic radio ingenl figurat,  
Sic discriminat, expolitque; vt aureis  
Qui frontem tibi ventilant, capillis,  
Videri faciat venustiore.  
Quid? Ceston Venerisque, Gratiasque,  
Quòd iungit tibi, vt implicare dextram  
Horæ atque Aligeri ambient beati?  
His OCCASIO perpolita ad vnguem,  
Qualis Nympha thoros petit iugales,  
Num magna atria, Principesque turres,  
Num vultus Procerum SERENIORVM,  
Num vel Auftriacas pauebis aulas?  
Quas primùm attigeris, probè instituta,  
Gestu nec tetrico, nec indecoro,  
Passam cæsariem reductam vtrinque,  
Prætendens venerans; at hi prehensam  
Stringent molliter, & volens sequeris,  
Tali docta laciniâ teneri.  
Hæc te heroica si fouebit vmbra,  
(Vmbra ô ægide tutior Mineruæ!)  
Viue OCCASIO; viue; inauspicati  
Nec te nominis huius vrat omen,  
Ceu merè OCCIDVAS sonet tenebras.

J.D.C.

A D



TEMPVS ET OCCASIO SVA EXPLICANT MVNIA. 1.



- A. TEMPVS ego, sine quo nihil est quodcunque creatum est.  
 Me sine nec cælum, neq; cælo sidera, nec sol  
 Aureus irradiant: sine me, nec terra, nec aquor,  
 Et quidquid vasta Mundi compage tenetur,  
 Existant: Sed enim, per me, velut omnia constant;  
 Omnia sic rursus, per me, revoluta labascent.
- B. Illa ego, quæ priscis OCCASIO cognita Seclis.  
 Me quicunque catus non fastidiuit, amico  
 Sed vultu acceptam tenuit, mandata capeffens;  
 Ille sibi, compos voti, decora ampla parauit.



I

OCCASIO  
ARREPTA. NEGLECTA.  
ILLIVS COMMODA,  
HVIVS INCOMMODA.

Schematis i. explicatio;

*Quo TEMPVS & OCCASIO sua munia in  
Typo declarant.*

Schematis i. Caput i.

*Queritur, quid sit Tempus.*



VE AD MODVM in præfenti Typo,  
TEMPORIS OCCASIONISQVE videmus  
effigiem; ita hoc schemate quid eiusmodi  
vtriusque delineatio sibi velit, nobis est  
interpretandum: & primum quidem,  
quid sit Tempus.

Quàm facilis est in labyrinthum in-  
gressus, quin & progressus, cum nusquam se non pandat via  
progressuro; tam est difficilis exitus, cum obuia quæque ad  
maiores semper magisq; intricatam abducant viæ difficulta-  
tem & regrediendi perplexitatem. Non aliter hîc quoque no-  
bis accideret, si inuiam illam ingredi vellemus obscuritatem,  
solicitamq; disquisitionem, qua quæri solet, quid propriè sit  
Tempus: cum alioqui sit satis obuium, mente complecti, quid  
communi modo loquendi Tempus appellemus.

A

Verum-



Verumtamen, animi gratiâ, quantum quasi duâ fili cuiusdam tutò licet, vestibulum saltem passibus aliquot tentemus; ut solent qui iuxta cymbam natant, in quam se vel periclitantes vel nando fessi recipiant; quandoquidem tam speciatim in hoc typo TEMPORIS formam vsumque in medium constituimus.

*August.  
Confess. lib.  
11. cap. 14.*

*Temporis  
inuestigatio.*

D. Augustini aliquousque ad id ponè legamus vestigia. Quid, inquit ille, est tempus? Quis hoc facillè breuiterque explicauerit? Quis hoc, ad verbum de illo proferendum, vel cogitatione comprehenderit? Quid autem familiarius & notius in loquendo commemoramus, quàm tempus?

Et intelligimur utique, cùm id loquimur; intelligimus etiam, cùm alio id loquente audimus. Quid est ergo tempus? Si nemo ex me quærat, scio; si quærenti explicare velim, nescio. Fidenter tamen dico, scire me, quòd si nihil præteriret, non esset præteritum tempus; & si nihil adueniret, non esset futurum tempus; & si nihil esset, non esset præsens tempus. Ita Doctor ille Ecclesiæ singularis. Cuius si quis penitiùs ingrediatur studiosam constantemque temporis inuestigationem, varijs ambagibus circumuentus, non facillè, nisi ipsi inhærendo, regressum repererit. Nam & ipse, totis libri illius viginti duobus pluribusque capitibus, non semel, ut nauarchus in altum deuectus oceanum fidus intuens, ad benignam Dei opem recurrit, ut se queat extricare. Quæro (inquit) Pater; non affirmo. Deus meus, præside mihi, & rege me. Item alibi: Sine me, Domine, ampliùs quærare: Spes mea, non conturbetur intentio mea. Aliàs sic: Exarsit animus meus, nosse istud implicatissimum ænigma. Noli claudere, Domine Deus meus; bone Pater, per Christum obsecro; noli claudere desiderio meo ista, & vñtata & abdita, quòd minùs in ea penetret, & dilucescant allucente misericordia tua, Domine. Ita alio loco: Dicimus, tempus & tempus, tempora & tempora: quamdiu dixit hoc ille, quamdiu fecit hoc ille, & quàm longo tempore illum non vidi: & duplum temporis habet hæc syllaba, ad illam simplam breuem. Dicimus hæc, & audimus



dimus hæc; & intelligimur & intelligimus: manifestissima & vſitatiffima ſunt, & eadem rursus nimis latent, & noua eſt inuentio eorum. Alibi idem Aurelius: Confiteor tibi, Domine, ignorare me adhuc, quid ſit tempus. Et rursus confiteor tibi, Domine, ſcire me in tempore iſta dicere, & diu me iam loqui de tempore, atque id ipſum diu, non eſſe niſi moram temporis.

## Schematis 1. Cap. 2.

*Definitur, ſeu potiùs deſcribitur Tempus, &  
quando inceperit.*

**N**ON piguerit, ſpero, ſecutos fuiſſe per hæc diuerticula præeuntem, quamdiu clarior ſemper manifeſtiorque redderetur egreſſus, quem poſtremorum verborum ipſius luce iam facile eſt inuenire. Tametſi enim nouis ſemper quaſtionum inuolucris, quaſi denſorū implexu ramorum, rem quam quaerit, videatur obſcuriorem efficere; tamen, dum ſuo more ita ventilando intricata diſcutit tandemque explanat, ſatis animaduertitur, omnem in eo conſiſtere difficultatem, vt non ſit facile definire, quid ſit tempus; cùm alioqui, vt ait, facillimè à quolibet intelligatur cogiteturque.

Rem ſiquidem perplexam Philoſophi nonnulli reddiderant, & ſtulti ſapientes ſæculi; quorum quidam docuerant, tempus eſſe rem aliquam corpoream, alij tempus eſſe motum corporum cæleſtium, alij aliorum corporum motum, nonnulli verò, vt Pythagoras, animam eſſe vniuerſi. Dum autem his nodis & tricis ſe explicare contendit Auguſtinus, neceſſe fuit vtcunque cum illis implicari, & per illorum placita, quaſi per varios errorum calles, palpato ferè grefſu tentare veſtigia. Alioqui, quàm obſcurus tali de cauſa in diſquiſitione, tam clarus & certus eſſe ſolet in reſolutione.

Nos itaque hîc omiſſa penitiore indagatiōe & definitione

A 2

naturæ



Temporis  
descriptio.

naturæ ipsius temporis, accipimus illud vulgari modo, quo res aliqua vulgò dicitur longæ aut brevis durationis, aut simul esse cum altera, vel ab ea tempore distare: quæ licet penes durationem motus cælorum, tamquam mensuram à Deo datam, & à nobis ut notissimam & æquissimam acceptam, metiamur; non tamen ab illa præcisè & proximè accipiuntur, cum etiam cessante motu cælorum, aut si cæli non essent, vel celerius aut tardius mouerentur, res quælibet habitura esset suam durationem, æquè in se longam vel breuem, & æquè esset cum alijs simul futura, aut ab alijs abfutura. Tempus autem est mora quædam successiua, siue fluens, aut transiens æquabili fluxu: secundum quam omnia sunt vel simul vel distantia tempore, sicut secundum spatium sunt vel simul vel distantia loco. Et ut spatium hoc à rebus abstractum ac in immensum diffusum imaginarium vocatur, quòd tale non sit in rebus, quale intellectus apprehendit; ita D. Gregor. Nazianzenus, Oratione de Paschate, & Psellus commentarijs in eandem Orationem, moram hanc vocant imaginariam: & concipi potest etiam ab æterno fluere in æternum. Sicut autem spatij localis pars nobis est notissima, quæ ab hoc mundo occupatur; ita pars huius moræ siue durationis æternæ nobis notissima est ea, quæ ab exordio mundi vsque ad diem iudicij protenditur, & ab aliquibus non malè pars æternitatis vocatur: siue quòd pars sit illius moræ imaginariæ æternæ, sicut spatium huius mundi pars spatij immensi, cui Deus est præsens; siue quòd coexistat æternitati Dei, quasi secundum partem, sicut mundus coexistit immensitati Dei; quia illi non adæquatur, cum in vtramvis partem sit finita. Hoc igitur tempus siue mora successiua, quæ ab exordio mundi ad finem eiusdem extenditur, est ea de qua loquimur. In hac enim rerum gerendarum occasiones eueniunt, & labuntur: est enim mensura durationis & existentiae eorum omnium quæ sibi coexistunt, aut ab origine mundi in finem existent; sic ut etiam durationem Angelorum & cælorum hac mensura extrinsecam mensuremus, licet propriam habeant intrinsecam durationem, *Æuum*.

**Dum**



Dum autem hanc moram, quam tempus vocamus, varijs modis, vt sæculorum, lustrorum seu olympiadum, annorum, mensium, hebdomadum, dierum, horarum, minutorum momentorumue interuallis metimur, tot temporis partes nominamus: tamen non dicimus, tempus idcirco esse tempus, quia talibus distinctionibus iuxta solis & siderum motum mensuratur; neque etiam idcirco minus fore tempus, si durante hoc fluxu spatij & moræ, eam metiri definamus. Nam, vt inquit D. Augustinus, etiam si cessarent cæli lumina, tamen esset tempus: vt quando iubente Iosue, stetit sol.

Quia verò tempus, vt hic describimus, ante mundi initium non erat, sed simul cum creaturarum exordio cœpit & initium temporis; hinc tam efficaciter illos refutat idem Doctor Ecclesiæ, qui non minùs stolidè quàm impiè ita rogare non verebantur: Quid faciebat Deus, antequam faceret cælum & terram? Et, quid venit illi subito in mentem, facere quod nunquam fecerat? Ecce (inquit Aurelius) respondeo: non illud, quod quidam respondisse perhibetur, ioculariter eludens quæstionis violentiam: Alta (inquebat ille) scrutantibus, gehennas parabat. Sed, da illis, Domine, benè cogitare, quid dicant; & inuenire, quia non dicitur [nunquam] ubi non est tempus. Videant itaque, nullum tempus esse posse sine creatura tua, & definant istam vanitatem loqui. Extendantur etiam in ea, quæ antè sunt: & intelligant, te ante omnia tempora æternum creatorem omnium temporum: neque vlla tempora tibi esse coæterna. Et alibi idem. Si autem ante cælum & terram nullum erat tempus; quid quæritur, quid tunc faciebas? Non enim erat [tunc] ubi non erat tempus: nec tu tempore tempora præcedis; alioquin non omnia tempora præcederes.

D. August.  
Confess.  
lib. 11. cap.  
12 & 30.

Sed præcedis omnia tempora præterita, celsitudine semper præsentis æternitatis. Hodiernum tuum, æternitas: idcirco coæternum genuisti, cui dixisti: *Ego hodie genui te*. Omnia tempora tu fecisti, & ante omnia tempora tu es; nec aliquo tempore non erat tempus. Nam vt alio loco idē dicit: Deus fecit tempora; & idcirco, antequam faceret tempora, non erant tempora:

Psalm. 2.  
August. de  
Genesi,  
cōtra Manich.

A 3

non



non ergo possumus dicere, fuisse aliquod tēpus, quando Deus nondum aliquid fecerat. Quomodo enim erat tempus, quod Deus non fecerat, cū omnium temporum sit fabricator? Et, si tempus cū cælo & terra esse cœpit, non potest inueniri tempus, quo Deus nondum fecerat cælum & terram. Non enim cœuum Deo mundum istum dicimus; quia non eius æternitatis est hic mundus, cuius æternitatis est Deus. Mundum quippe fecit Deus, & sic cum ipsa creatura, quam Deus fecit, tempora esse cœperunt.

### Schematis 1. Cap. 3.

*Quando Tempus finietur; & quomodo se habeat  
ad Æternitatem.*

Temporis  
Æternita-  
tisque de-  
scriptio.

**E**N euasimus; & quasi per Thesei filum in clarameducti lucem prodimus. Iam ex his omnibus, vt antè dixi, id statuimus; Tempus esse spatium illud moræ seu durationis, fluentis ab initio creationis mundi, vsque ad eiusdem consummationem: reliquum verò, & quod ante mundi primordia erat, & quod eius finem consequetur, magis propriè ad Æternitatem pertinere.

Nam, licet spatium hoc moræ seu durationis, quod tempus appellamus, pars sit isti æternitati (quoad Deum immobili, & semper eidem) inclusa; tamen, quia cælestium corporum motu mensuratur, computatur, alioue modo distinguitur, & in certas partes, vsque ad momentum ictumque oculi, determinatur; temporis propriè nomine insignitur.

Ante igitur initium creaturarum tempus eiusmodi, quo de agimus, non erat, quia cum illis est concreatum; & post generale iudicium, vt Angelus iuramento affirmavit, *Tempus non erit amplius*. Quod autem ante omnem creaturam fuit, & post iudicium est futurum, ad æternitatem illud omne potius dicitur pertinere. Et hoc (per modum loquendi) tempus



pus Dei potest appellari, secundum D. Hieronymum, qui sic *Hieron.*  
habet; Ut ita dicam, vnum tempus Dei est, omnis æternitas.

Scimus tamen, his non obstantibus, partem illam æternitatis, extrinsecè loquendo, post iudicium, non eiusdem fore conditionis, cum illa æternitatis natura, qua ante principium creationis, Deus solus, in se omnia complens, subsistebat. Quia, tametsi motus siderum cælestiumq; corporum, per quem iam tempora discriminantur, cessabit; & non erit quod ultra homines temporum spatia dimetiantur; erunt tamen illa, & illi, in quorum gratiam tempora primum creata nescuntur; quod ante omnem creationem non erat ullo modo.

Eapropter, etiam si (vt dicit egregiè Eloquentiæ Princeps) *Cicero 2. de Diuin.*  
infirmæ terrenæque mentis sit, memorare annos; integrum tamen erit beatis in cælo (cessante interim post diem iudicij cælorum motu temporisque dimensione) æstimare, quot annorum myriadumue spatio in cælis fuerint, siue fuisse dici possint, si spatium illud, pristina adhuc annorum distinctione mensuraretur. Iuxta istam quoque æstimationem accipi potest, quod Regius Propheta dicit: *Psalm. 89.*  
*Mille anni ante oculos tuos, tamquam dies hesternæ quæ præterijt.* Quod è contrario apud damnatos aduerso prorsus computu euenire certum est.

Vtrisque verò congruit quod Aristoteles quarto Physicorum *Aristot. 4. Physic.*  
habet. Dormientibus, & ijs qui faciunt opus delectabile, videtur tempus breue: quia delectatio prohibet eos comprehendere motum. Et econtrà eis qui laborant. At nunc ad personarum schematis explicationem transeamus.

### Schematis 1. Cap. 4.

*Quare TEMPVS ita describatur, vt in schemate depingitur.*

**A**D personatum tandem Typi nostri TEMPVS veniamus. Non immeritò omnibus consideratis, dicit, qui tempus in schemate representat:

| Tempus



*Tempus ego, sine quo nihil est, quodcumq; creatum est.* A

Et tandem subdit: *Sed enim, per me velut omnia constant,  
Omnia sic rursus per me reuoluta labascent.*

Indicat, quod antè fusiùs dictum est, Omnia scilicet cum initio temporis sumiisse principium, quæcumque creata sunt; & cum tempore omnia similiter terminanda. Tamen enim neque cæli, neque elementa sint in nihilum vnquam reducenda; scitur tamen quo sensu quamque ob causam dicantur non futura ampliùs: ob insignem scilicet mutationem, quæ in ea cum sæculi consummatione inducetur. Et propterea, quia tempus tunc non erit ampliùs, quis dubitet maximam temporis habendam rationem, vt cuius vsurâ & opportunitate id consequi datum sit, quod est *æternum*?

Iam verò, quare Tempus ita depingatur, vt in imagine ipsa videre est, notam puto omnibus rationem; quapropter hîc obiter tantum illam attingemus. Sphæra enim in capite, motum cælestium corporum significat, quo tempora distingui supra declarauimus. Clepsydra verò, irrequietum temporis fluxum adumbrat, vt & alata talaria celeritatem. Volare siquidem fingitur tempus; adèd vt præteriti quidem & futuri spatia satis perceptibilia queant cogitari, præsentis verò tam exiguum, vt non quamdiu illud nomines, subsistere æstimentur. Falx ei in manus datur, quæ sit indicio, omnia successu temporis quasi falce demeti & prosterni; iuxta illud Cicero-  
nis: Nihil est opere aut manu factum, quod aliquando non conficiat & consumat vetustas.

Restat nunc tantum, vt verbo explicemus, quare iuuenili ætate Tèpus effingi curauerimus, cum Veteres senem virum soleant vice Temporis adornare. Dicam vt res est: Nos considerauimus, non quod dicit Poëta de tempore in vniuersum;

*Tempus edax rerum, tuq; inuidiosa vetustas:*

sed præsentiam potiùs temporis opportuni; cuius quasi ductu coràm sistatur OCCASIO; de qua potissimum in præsentii argumento differitur. Tali siquidem vultu contemplandum præbemus, quale est tempus dum præsens est, recens, nouum, floridum; ad omnia, ad quæ quis illo vti volet, accommodatissimum.

Temporis  
depicti in-  
signia.

Sphæra.

Clepsydra.

Falx.

Cicero pro  
Marcel.

Ouid. lib.  
15. Metæ.

Temporis  
apti præ-  
sentis que  
adumbra-  
tio.



tissimum. Quo sensu præclare Plato locutus est, partem illam temporis expendendo, quæ opportunitatem coniunctam habet. *Occasio*, inquit, est temporis vigor, ad id quod conducit tempus, quod bonum aliquod cooperatur.

Plato in  
Philosoph.  
rer. definit.

Mouit me quoque, ne diffitear, quod iuuenibus (quibus Icones primùm dedicatæ fuerunt) aptior gratioꝛque illa forma futura esset, quàm senis, & nescio cuius (iuxta Ciceronem) saturi annis Saturni; qui, quod tempus tempore nata consumeret, ipse ex se natos deuorare fingebatur. Saturnus enim Græcè *κρόνος*, quasi *χρόνος*, hoc est tempus, dicitur. Impulit me denique, vt tempus iuuenili specie occasionis occasione efformarem, quod Græci (teste Callistrato & alijs) dum OCCASIONEM, seu suo more tempus opportunum pro Deo fingebāt, pulchrum iuuenem siue puerum formabant, summis pedum digitis rotulæ volubili insistentem.

Saturni  
descriptio.

Tempus itaque quasi virens, vernum, & vegetum, quale expressum cernitur, idoneam suæ præsentis opportunitatem commendat, quam prudens quisque debeat in se rebusque suis obseruare: iuxta illud celebratum Pittaci (vnius è septem Græciæ sapientibus) dictum, *γνώθι καί ποτε*, Nosce tempus. Ac si doceat, Noueris distinguere, æstimare, & captare, rerum gerendarum tempestiuitatem, eamq; cordi habeto. Nihil, non suo tempore factum, vtile potest esse aut gratum.

Nosce tē-  
pus.

Hac de causa tam varij loquendi modi de tempore, vel potiùs, de rebus quæ in tempore accidunt, apud auctores leguntur: quæ omnia, si quis animum aduerterit, ad maiorem descripti iam temporis illustrationem adiuuabunt. Horum nonnulla, in studiosæ iuuentutis gratiam, hisce subnectemus, ad quorum imitationem, plura ipsi per se poterunt ex ipsis fontibus haurire.

Ita Lycurgus: Rectè eruditi temporis rationem habent. hoc est, Tempus impendunt vtiliter, atque studiosè obseruant, quid per temporis opportunitatem agendum omnendumque sibi videatur.

Lycurgus  
apud Plu-  
tarch. in  
apoph.

Thales: Sapientissimum omnium est tempus. Quia nempe vsus & tempus, docent, inueniunt, & eruunt omnia. Vnde &

Thales.  
Diogenes  
Laert. li. 1.



de & vulgò dici solet; Tempus docebit. Et Psalmista eodem  
*Psalm. 118.* spectans; *Dies diei eructat verbū: & nox nocti indicat scientiam.*

*Theophr.*  
*Diog. li. 1.* Theophrastus: Sumtus pretiosissimus tempus. Nam præ-  
 terquam quòd elapsum nullo pretio queat recuperari, etiam  
 Regni cælestis copiam facit. Sic tempus fortissimum dicitur;  
 quia tempore omnia superantur: sicut de labore dici solet;  
*Labor improbus omnia vincit.* Nihil (inquit Tullius) est, quod  
 longinquitas temporis efficere non possit.

*Cicero li. 2.*  
*de Diuin.* Item. Mendacij lupus, tempus. Quòd successu tempo-  
 ris mendacium euanescat, & quasi absumtum vertatur in ni-  
 hilum. E contrario; Veritas temporis filia vocatur, teste

*Gellius.* Gellio. Quòd, licet aliquando lateat, progressu tamen tempo-  
 ris in lucem instar suberis emergat. Quin & illud vſitatum est

*Plutarch.*  
*in Pro-*  
*blem.* æquè; Tempus omnia reuelat. Eam ob rem dicit Plutarchus  
 olim aperto capite Saturno consueuisse sacrificari, quòd veri-  
 tas, plerumque tecta & ignorata, cum tempore aperiatur &  
 innotescat. Saturnum porrò TEMPVS apud antiquos repræ-  
 sentasse paulò antè ex voce Græca monstrauius. Tempus

*Matth. 10.* itaque omnia reuelat: iuxta illud Domini, *Nihil est opertum,*  
*quod non reuelabitur; & occultum, quod non sciatur.*

### Schemat. 1. Cap. 5.

*Cur OCCASIO ita depingatur, & quare ipsi*  
*TEMPVS ceu dux vel comes detur.*

Occasio-  
 nis descri-  
 ptio.

OCCASIO iam, quantum quidem res tam manifesta  
 indiguerit, venit nobis describenda. Quare fronte ca-  
 pillata, caluoque pingatur occipite, dictum, & notum satis:  
 arripiendam scilicet, dum se prima fronte offert; alioqui si  
 neglectam præterire permiseris, elabetur, nec ita à tergo, vt-  
 pote calua, poterit apprehendi, vt maximè coneris.

Quæ dextrâ lauaque confertim gestare conspicitur,  
 omnium videlicet delectabilium desiderabiliumque insi-  
 gnia, docent, per occasionem obtineri posse verum hono-  
 rem & gloriam, diuitias, victoriæ palmam, pacis oliuiferæ  
 bonum,



bonum, eruditionem, rerum omnium quasi cornucopiæ affluentiam, gratiam Spiritus sancti, salutem veram in Christo Iesu; & demum, tam opportunè nobis in hac vita regnum cæleste proponi promerendum, atque si propinetur, modò lubeat labris admouere, & occasionem qua par est humanitate excipere, eaque benè vri.

TEMPVS, quali dux OCCASIONIS constituitur, eò quòd non nisi temporis successu talis opportunitas, quam occasionem vocamus, obtingere cognoscatur; vt tempus mortalibus occasionem meritò videatur adducere. Et verè ita dicere liceat, quòd per tempus Gratix & Euangelij, occasione ingratitude Iudæorum, gentes occasionem salutis in Christo reppererint: quodque occasione con-  
*Tempus Occasionis dux.*  
*Actor. 13.*  
*Rom. 11.*  
*Rom. 2.*  
 fractionis & excisionis ramorum oliuæ, rami naturalis oleastri in bonam oliuam sint inserti. Nos siquidem, qui ex gentilibus oriundi sumus, Iudæi veri facti sumus, secundum spiritum; nempe Christiani. Id autem non nisi tempore opportuno & speciatim ad hoc diuinitus destinato, in opus deductum est: quæ suis locis fusiùs sumus tractaturi.

Rectè igitur, vt dicebamus, tempus velut dux Occasionis alicuius boni consignatur. Nam non omne tempus, sed partem illam temporis qua occasio offertur, opportunitatem, tempestiuitatem, & occasionem appellamus. His ita assentitur Mirandula: Occasio, pars quædam temporis opportuni & signati censetur esse à Latinis auctoribus & à Græcis, etiam Medicis; maximè inter exponendum illud Hippocratis; OCCASIO PRÆCEPS. Hac de sententia ita Galenus: Est occasio præceps: quia materia circa quam versatur ars (medicina nimirum) continuè fluit. Corpus siquidem nostrum mutationibus obnoxium est: neque causis extrinsecis tantum, sed etiam ab intrinsecis facilliter alteratur. Quocirca rectè Aristoteles: Tempora non sunt tempus opportunum. Deo enim sunt tempora, non autem tempus opportunum; eò quòd nihil Deo vtile. At nunc de salutari cælestis Gratix adspiratione, citra quam nihil cetera profint, paucis differamus.



## Schemat. I. Cap. 6.

GRATIAE diuinae praesidium TEMPORI &  
OCCASIONI coniunctum.Gratiae Dei  
praestantia.

AT quoniam & tempus, & occasio, & quidquid istorum praetextu ad humanam vtilitatem affertur in medium, non nisi à diuini Numinis benignitate nobis conferri censendum est; meritò Dei omnipotentis nutum atque fauorem supernè hæc omnia largientem, fouentem, suaque benedictione fecundantem, in imaginis huius delineatione putauimus exhibendum. Nam, vt inquit Gregorius, Gratia diuinæ adscribitur, omne quod prospere à nobis geritur.

Gregor.  
super  
1. Regum.  
1. Cor. 15.

Vnde gratanter de se Apostolus; *Gratiâ Dei sum id quod sum: & gratia eius in me vacua non fuit; sed abundantius illis omnibus laboraui: non ego autem, sed gratia Dei mecum.* Quapropter & nos omnes hortatur, vt gratiam Dei non negligamus. Sic enim ait: *Adiuuantes autem exhortamur, ne in vacuum gratiam Dei recipiatis.* Et quo apertius videamus, occasionem temporis gratia, vt opportunam salutis, curæ nobis esse debere; subdit: *Ait enim (Deus scilicet per Prophetam Isaiam) Tempore accepto exaudiui te, & in die salutis adiuui te. Ecce nunc tempus acceptabile, ecce nunc dies salutis. Propter quod (inquit alibi) remissas manus & soluta genua erigite; & gressus rectos facite pedibus vestris: vt non claudicans quis erret, magis autem sanetur. Pacem sequimini cum omnibus, & sanctimoniam: sine qua nemo videbit Deum: contemplantur, ne quis desit gratia Dei.*

2. Cor. 6.  
Temporis  
gratiae op-  
portunitas.  
Isa. 49.

Heb. 12.

1. Cor. 10.

1. Pet. 1.

Tempus gratia nobis (in quos fines saeculorum deuenerunt) opportunissimè à Deo fuisse attributum, in D. Petri quoque verbis, vt in speculo videre est. *Regenerauit, inquit, nos in spem viuam, in hereditatem incorruptibilem, & incontaminatam, & immarcescibilem, conseruatam in calis in vobis; qui in virtute Dei custodimini per fidem in salutem, paratam reuelari in tem-*



*tempore nouissimo. De qua salute exquisierunt atq. scrutati sunt Prophetæ, qui de futura in vobis gratia prophetauerunt: scrutantes, in quod vel quale tempus significaret in eis spiritus Christi: prænunciâs eas quæ in Christo sunt passiones & posteriores glorias: quibus reuelatum est; quia non sibi metipsis, vobis autem ministrabant ea, quæ nunc nunciata sunt vobis, per eos qui euangelizauerunt vobis, Spiritu sancto missò de calo, in quem desiderant angeli prospicere. Propter quod succincti lumbos mentis vestræ, sperate in eam quæ offertur vobis gratiam. Hucusq; Apostolus. Ita pergit nos omnes animare; vt gratia Dei strenuè vtentes sancti simus; & toto incolatus nostri tempore piè conuersemur.*

## O R A T I O I.

*Ad benè vtendum Occasione, alijsq; Dei muneribus.*

**O**mnipotens sempiterne Deus, qui cùm in æternitate tua ineffabili, nullius indigus, fonsq; omnium bonorum, in te solo solus, thesauro tuæ diuinitatis fruereris, & compleres omnia; singulari tuæ bonitatis instinctu, & tempora & vniuersa creata in humani generis vsum condidisti, magisq; adhuc admirandâ misericordiâ in fine sæculorum TEMPVS speciale gratiæ, in collapsæ stirpis nostræ reparationem consignasti: Da nobis, ita gratiæ tuæ tamq; opportuni temporis salutarisq; occasionis munera venerari, vt cum electis tuis, in beata illa æternæ gloriæ felicitate, gaudere mereamur. Per Christum Dominum nostrum. Amen.





- A. Macte novâ grex date, frui cui munere Divûm  
 Conspêctûque datur. Vobis, OCCASIO, TEMPVS,  
 Quodq; fero CÆLO auxilium, quam molliter adstant!
- B. O nos felices, et amica sorte beatos,  
 Gratia quæis CÆLO ceu roscidus adpluit imber!
- A. Ergo manus proferte alacres; quamq; obtulit ultro  
 Prensandam sacra NYMPHA comam constringite læti.
- C. Non sic, o Iuvenes: deliria vana facessant.
- D. Læta decent lætos, tristes Dea calua Catones.
- C. Hem prædam! hem prædam! date retia, et ocyus hamos.



## Schematis 2. explicatio;

*Quo ad frugem vocat Angelus, auocat  
verò diabolus.*

## Schemat. 2. Cap. 1.

*Angelo duce, OCCASIO, TEMPVS, DEIQUE AV-  
XILIVM hominibus subministrantur.*



**T**AM ET SI suo sensu verum dicit Seneca; *Seneca,*  
Omnia aliena sunt, tempus tantum nostrum *in Prom.*  
est: rectius tamen nostroque proposito conue-  
nientius cum D. Augustino dicemus, Nihil  
proprie absoluteque loquendo esse nostrum,  
praeter peccatum, cetera omnia nobis à Deo esse concessa.  
Quadrat id optimè cum Apostoli sententia, quam eiusmodi  
argumento consignat: *Quid habes quod non accepisti? Si au-* *1. Cor. 4.*  
*tem accepisti, quid gloriaris quasi non acceperis?* Tempus cum  
reliquis à Deo accipimus: peccatum verò ex nobis ipsis habe-  
mus, tamquam maximè proprium.

Nunc verò, quia *Angeli administratorij spiritus sunt, in mi-* *Hebr. 1.*  
*nisterium missi, propter eos, qui hereditatem capient salutis;* non *Angeli bo-*  
malè hoc schemate inducimus Angelum, & quidem cum pri- *ni prae-*  
mis tutelarem; ut qui nobis tempus, occasionem, diuinamq; *dium, in*  
gratiam, velut caelestem rorem, in conspectum adducat. *Occasionis*  
*cura.*

Videmus siquidem factis diuinæ scripturæ monimentis ex-  
pressum, Angelorum adminiculo, tempus acceptabile, re-  
rumque rectè gerendarum opportunitatem, hoc est, OCCA-  
SIONEM percommodam, atque adeò gratiæ diuinæ prae-  
sidium, subministrari: Deo, ut supremo omnium datore ac  
moderatore, sic disponente.

Ita



Genes. 21.

Ita Angelus Agar ancillæ Saræ fontē aquæ peropportunum ostendit, quo & suam, & filij sui Ismahelis sitim restingueret, languentemque præ ariditate animulam refocillaret. Cui antea quoque tempestiuum se exhibuerat consolatorem, cum indignabunda ab hera sua profugisset: viam modumque ei suggerens, quò in gratiam Dominæ suæ humiliata rediret, quæ superba recesserat.

Genes. 16.

Genes. 19.

Sic quoque cælestes illi nuncij, Lot filio fratris Abraham in extremo discrimine constituto, vxoriq̃ue eius & filiabus, modum methodumque ostenderunt accommodam, quasi tempus, occasionem, diuinamque opem ob oculos statuentes, quò se præsentis periculo eriperent, atque in tuto collocarent. Quod dum non arripuerunt eius duo generi, sed spernentes oblatam cælitus occasionem, quasi per ludum & iocum talia in terculamenta sibi proponi existimarent, cum impijs Sodomitis malè mulctati sunt.

Petra salis  
sapientiæ  
typus.

Gregor.

Quin & vxor Lot, dum iam apprehensæ occasionis præscripta neglexit, respiciens retrò, in statuam salis conuersa, alijs exemplo statuta est maioris obseruantia & prudentia. Solent enim, vt ait Gregorius, oues petram salis lambendo reddi meliores, magisque ab insidiante illis corruptione immunes: ita & nos, si hanc petram lambuerimus, altiori sensu casum hunc expendendo.

### Schemat. 2. Cap. 2.

*Alijs præterea exemplis, Angelorum circa occasionem declaratur officium.*

Balaam.  
Angelici  
ministerij  
exempla.

Num. 22.  
2. Pet. 2.

**L**ICEAT his saluo boni Lectoris iudicio intertexere, quo modo & Angelus Balaamo à recto aberranti, tempus, & occasionem, Deique numen ad respiscendum opportunum adhibuit: cuius rei gratia, & ipse stricto gladio cum à malo cœpto diuertere conabatur; & asina (cui infidebat, quamque crudeliter, quòd plus ipso sciperet, cædebat) Dei nutu articulata



lata verba humano more locuta, increpabat.

Quum duce Iosue, Iordane siccis vestigijs transmissio, re- <sup>Iosue.</sup>  
 gna gentilium populo Israeli à Deo promissa venirent expu-  
 gnanda, primaque omnium Iericho, ciuitas munitissima, se  
 offerret; in tam ardua rei gerendæ prouincia, opportunam ei  
 præbuit Angelus occasionem, qua & ipse animaretur, & op-  
 tatam victoriæ palmam reportaret. *Cum etenim esset Iosue in* <sup>Ios. 5.</sup>  
*agro vrbis Iericho, leuauit oculos, & vidit virum stantem contra*  
*se, euaginatam tenentem gladium: perrexitq; ad eum, & ait;*  
*Noster es, an aduersariorum? Qui respondit, Nequaquam, sed*  
*sum princeps exercitus Domini: Et nunc venio. &c.* Quasi di-  
 cat: En, tempore opportuno me offero, & quidquid ad rem  
 tantam ritè conficiendam erit necessarium. Eiusque occa-  
 sione, ductu, & præsidio, diuinam expertus est opem in Ieri-  
 chontina ciuitate mirando modo subigenda, totaque illa in-  
 fidelium regione occupanda.

Sic Angelus Gedeoni, quem virorum fortissimum saluta- <sup>Iud. 6. 7. 8.</sup>  
 bat, occasionem percommodam, tempusque conueniens, & <sup>Gedeon.</sup>  
 cæleste auxilium ministravit; tum quò in spem certam col-  
 lapsæ rei restituendæ assurgeret, tum etiam re ipsa conceptam  
 mente victoriam consequeretur. Arripuit occasionem, obla-  
 tamque cælitus opem, hostes fudit fugauitque, & contribu-  
 les suos Dei que cultum iam penè pessundatum, ab intole-  
 randa illa profanarum gentium iniuria vindicauit.

Angelus peste cædens populum Dauidi apparens, ei tem- <sup>1. Reg. 14.</sup>  
 pus miserendi, & locum sua præsentia placando Deo propi- <sup>Dauid.</sup>  
 tium designauit; omnemque, Propheta Gad interprete, præ-  
 buit occasionem, altaris in area Areuna Iebusæi constituen-  
 di, offerendi que holocausta & pacifica: *& propitiatus est Do-*  
*minus terra, & cohibita est plaga ab Israel.*

Tobiæ cum seniori tum iuniori, & tempus opportunum <sup>Tobias.</sup>  
 & occasionem optatissimam, necnon diuinum auxilium suo  
 ministerio Angelus Raphael suppeditauit, tam ad iter igno-  
 rum turò conficiendum, pecuniamque desideratam requi-  
 rendam, quàm ad vxorem bonam diuino nutu iuniori pro-  
 curandam, patrique visum mirando modo restituendum.

C

Iudith



Iudith.

Iudith heroina illa non tantum inter mulieres sed & inter viros à D. Hieronymo cum primis laudata, procuratâ per Angelum eundi redeundiue facultate, dataque eiusdem patrocinio opportunâ & temporis & rerum occasione, intacta permanfit, hostem confecit, & populum Dei ab interecone imminente conseruauit: vt ipsamet hisce verbis contesta-

Iudith 13. tur: *Viuit Dominus, quoniam custodiuit me Angelus eius, & hinc euntem, & ibi commorantem, & inde huc reuertentem.* Momenta temporis, & rerum euenta haud dubiè adaptans sanctæ illius viraginis intentioni; quasi vbique & quouis tempore occasionem suppeditans, rei peragenda cum primis opportunam.

Innumera sint, si singula persequamur, quæ per Angelos præstita sunt bonæ occasionis argumenta. Vnum adjiciam, quo nihil illustrius in hoc genere desiderari possit. Angelus benedictæ virgini, Domini nostri genitrici Mariæ, administro Iosepho, occasionem tempusque opportunum suggessit, ad fugâ in Ægyptum, se cum puero Iesu, Herodis infantiæ subtrahendum; & tempore dein conuenienti, oblataque noua occasione iterum inde remeandi. *Mortui sunt, inquit, qui querebant animam pueri.*

Matth. 2.

At, quid mirum in Domini matrisque eius id procurasse obsequium, cum & tribus Magis, tum vt quæ nocitura videbantur declinarent, tum vt incolumes in patriam regrederentur, occasionem consiliumque suggesserit, quò per aliam viam reuenterentur in regionem suam?

## Schemat. 2. Cap. 3.

*Quantopere nobis angelicum hoc studium, OCCASIONIS intuitu, cordi esse deberet.*

**N**ON est itaque cur cuiquam mirum videatur, Angelum hîc, præsertim cuiusque custodem, constitui occasionis temporisque, & donorum cælestium administrum; vt qui opti-



optimam suppeditare credatur opportunitatem, temporeque aptissimo suum commonefacere clientem, quo & res gerenda sint, & salus animæ sedulo comparanda. Si maligni namque spiritus, quantum queunt, aptissimum tempus omnemque occasionem mala patrandi suis suggerant & subministrant; quâto magis Angeli boni, quibus præter insitam erga nos charitatem, præcisè quoque à Deo ita præceptum est? *Angelis Psalm. 90. suis* (inquit Psalmista) *Deus mandavit de te.*

Hinc, sicut Iudas, instigante diabolo, quærebat quomodo opportune Iesum, quem iam vendiderat, traderet; atque ad hoc, tempus aptissimum locique commoditatem captavit nulla occasione neglecta; quare ita non quærant salutis suæ studiosi, hortante tutore Angelo, omnem occasionem temporisque compendium, rectè omnia peragendi?

Ideoque non immeritò negligentibus exprobrat Dominus per prophetam: *Milvus in celo cognovit tempus suum, turtur & hirundo & cicinia custodierunt tempus aduentus sui; populus autem meus non cognovit iudicium Domini.* Non immeritò in quâ hac exprobratione ferimur: quia præterquâ quòd homo, ratione præditus, lumine cælesti collustratus, sagacius illa perspecta habere deberet, quæ ad rem salutemque faciunt, quàm bruta quævis animalia solo naturæ instinctu; Angeli insuper boni præsidium & instinctu bonum habet, ad accommoda rei benè gerendæ tempora discernenda, oblatamque salutis occasionem amplexandâ, & tamen tot stipatus auxilijs non obseruat.

Non absimili propterea in nos exostulatione etiam utitur, quando per Isaiam ait: *Cognovit bos possessorem suum, & asinus præsepe Domini sui; Israel autem me non cognovit.* Bos siquidem & asinus, quatenus fert eorum natura, nullam omitunt occasionem, & quæ ad Domini sui obsequium faciunt exsequendi, & quæ ad proprium pabulum offeruntur, gratanter arripiendi. Israel autem, homo Dei cultor, neque rationem ullam habet cultus mihi debiti, neque propriæ salutis. Non cognovit tempus visitationis suæ; oblatam pacis, gratiæ, salutisque occasionem vix dignatur adspectu: tamque sunt ei aliena, quàm peregrina & planè ignota.

C 2

Quis

Curate captanda occasio-  
nibus necessaria.

Matth. 26.

Ierem. 8.  
Autum sapientia.

Isa. 1.  
Bovis & asini gratitudo.

Luc. 19.



Hierogly-  
phicū op-  
portunita-  
tis, Echi-  
nus.

Ambros.  
Hexam. li.  
5. cap. 9.

Quis satis, in hunc eundem scopum, halcyonis aliarum-  
que avium miretur industriam, siue in nidificando, siue in re-  
liquis, tum quoad se, tum quoad sobolem, opportuna occa-  
sione disponendis? Quem non doceat echinus terrestris  
omnem captare temporisque opportunitatem: ut merito  
inter Hieroglyphica, Opportunitatis captatorem significet?  
Nouit siquidem cubilia sua Aquilonum & Austrorum mu-  
tatione commutare. Duas enim cubilibus fenestras facit, al-  
teram Notum versus, Boream versus alteram; quaque parte  
ventum futurum præcognoscit, fenestram obturat, alteram  
recludit: sin intra tectum alatur, ad parietem discedit. Quod  
Cyfici quidam cum obseruasset, consecutus est opinionem  
apud omnes, ut ventos omnes, qui spiraturi essent, ex se ipse  
præcalleret.

Echinus verò marinus, tempestatis prænunciator & etiam  
tranquillitatis. Cum procellam præsenferit, lapidem arripit,  
eumque velut saburram vehit, & tanquam anchoram trahit,  
ne excutiat fluctibus. Hoc videntes nautæ sibi præcauent  
etiam, docti. Homo interdum fallitur, echinus non fallitur.  
Echinum sua nequaquam signa prætereunt, inquit D. Am-  
brosius.

Sed quid in vno atque altero animalculo, hanc seruata  
occasionis industriam, opus est animaduertere, cum nullum  
ferè sit tam exigua naturæ dote præditum, quod non miram  
exerceat hoc in studio solertiam; seu abitum, reditum, ni-  
dum, partum, partum, medicationem, & quidquid velis, con-  
sideres? Et homo non intelligit hæc.

Quemadmodum igitur in expressa icone *Angelus* stu-  
diosæ iuuentuti *TEMPVS*, *OCCASIONEM*, diuinumque *CÆLE-*  
*STIS GRATIÆ* auxilium offert, atque ad amplexandum ex-  
hortatur; ita certò sibi quisque persuadeat, ab Angelo sibi  
præside omnem suo tempore subministrari occasionem, rem  
benè gerendi, ritè exsequendi officium, propriamque salu-  
tem operandi. Ea est patris cælestis in suos filios (nos inquam)  
cura & munificentia.

Sedula vicissim est opus attentione, ne negligatur *Occasio*:  
quin



quin potius oblata captetur, arripiatur, stringatur amplexibus. Hoc siquidem innuunt visitata illæ apud auctores sententiæ seu loquendi formæ: Occasionem dare, offerre, parere: item, quærere, captare, capere, nancisci, arripere & amplecti: atque econtrà, negligere, sinere labi, sinere præterire, contemnere, perdere. At nunc ad inuisos illos in *Typo* piscatores oculos conuertamus.

## Schemat. 2. Cap. 4.

*Diaboli piscantur, captantque occasionem, elu-  
dendi Occasionem.*

**D**OLENDUM! cum versus ille [*Semper tibi pendeat ha-* *Onid.*  
*mus: Quo minimè credis gurgite piscis erit*] nos meritò  
semper attentos vigilantesque deberet efficere; sit econtrario, Diaboli  
piscatio.  
ut diabolus nos potius inescet, nescio quibus friuolis nul-  
liusque momenti vel pretij reculis, & oblectatiunculis plus-  
quam puerilibus, ut interim oblatam rerum maximarum,  
immortalis gloriæ, salutisque perpetuæ, occasionem negli-  
gamus.

Dum nobis non pendet hamus, quo captemus opportu-  
nitatem benè merendi; vel si pendet utcunque, ictumque  
sentimus; neque ictu quidem vel icti sapimus; nihil capimus,  
oscitanter varijs vanis vagisque intenti: ipse interea insidia-  
tor prædoque animarum nostrarum, boni successus osor,  
retia expandit, adaptat hamum, & supinos ad seria animos-  
feriò captat.

Verè de nobis dici possit, quod est apud Sapientem: *Sicut Eccles. 9.*  
*pisces capiuntur hamo, sic capiuntur homines in tempore malo,*  
*cum eis extemplo superuenerit.* Exemplo, inquit, quia quasi re-  
pentè ac casu quodam opportunitas seu boni mali que occa-  
sio solet oboriri.

Sic ipse Propheta Regius, & vir secundum cor Dei, à  
diabolo fuit inescatus & adhamatus: quia occasione rectè



2. Reg. II  
Otij & ne-  
gligentia  
damnum.

peragendi officij prætermiffa, oblatam extemplò in malum prouendi anſam arripuit. Ita legimus in ſacra Regum hiſtoria: *Factum eſt autem vertente anno, eo tempore, quo ſolent re- ges ad bella procedere: Dauid remanſit in Hieruſalem. Dum hæc agerentur, accidit vt ſurgeret de ſtratu ſuo poſt meridiem, & de- ambularet in ſolario domus regia; vidiq; mulierem ſe lauante ex aduerſo ſuper ſolarium ſuum, &c.* Ecce, quot quamq; præ- clara conditiones bonæ occaſionis, temporis opportuni, loci, & circumſtantiarum, ad egregie de hoſtibus triumphandum, Dei gloriam ampliandam, Reip. conſulendum, ſalutemq; animæ ſuæ promouendam, ſi attendiſſet arripuiſſetq;? Ve- rum, dum hæc negligit, ingerit diabolus alias, illecebroſas, fal- laces, & fūco lenociniorum obductas, quibus eum in perni- ciem pertraxit, vt adulterium committeret, perpetraret ho- micidium, & ſtatim vniuerſum in certum præcipitij discrimen adduceret.

Ambr.  
Hexam. li.  
5. cap. 8.

Canceri  
molitio  
erga o-  
ſtreum.

In oſtreo noſtram oſcitantiam, & in cancro econtrà dia- boli aſtutiam, prout eam depingit Ambroſius, occaſione Da- uidis attendamus. Cancer, inquit, oſtreo delectatur, & carnes eius epulum ſibi quærit. Sed, quia vt appetens cibi ita pro- ſpiciens eſt periculi, quoniam propter teſtarum valuulas cū difficilis eſt venatio tum periculofa: itaque explorat captatq; occaſionem, ſi quando oſtreum remotis in locis ab omni vento contra ſolis radios diptychum illud ſuum aperiat, & re- feret clauſtra teſtarum, vt voluptatem à ſole capiat; & tunc clanculò calculum immittens, impedit conclufionem oſtrei, ſicq; tutò inferit chelas, viſceraq; interna depaſcitur.

Diabolus  
non dor-  
mit.

Sic non dormit dæmon, dum Petrus altum ſterit; dumq; nos per meram oſcitantiam noſtri obliuiſcimus, & mundi vo- luptatibus oblectamur, tunc maximè infidiatur aduerſarius electo noſtrarum animarum edulio. Quando recti bonique occaſionem velut ſomno ſepulti non arripimus, non negligit ipſe veteratorias ingerere & adminiſtrare opportunitates, ex ipſis Orci penetralibus quandoque ſuſcitas.

Ecquid mirum? Ita ille ab ipſis ortus ſui primordijs in ſe expertus, in primos quoque parentes idem exercuit ſtratage-  
ma,



ma, successitque ei ex animi sententia, ut adhuc succedit in dies. Sicut enim ipse, neglecta occasione confirmationis in gratia, æternæque gloriæ consequendæ, quæ ad manum erat; occasionem prorsus aduersam ex nativâ suâ pulchritudine, & ingenitâ nobilitate affulgentem arripuit; seque in abyssum, cum eiusdem consilij æmulis præcipitavit: ita primos parentes, reiecta è manibus gloriæ cælestis occasione à Deo ipsis oblata, oppositam fictæ diuinitatis occasionem obtendendo, è paradisi felicitate Dei que gratia proturbavit.

Ita Cain, Esau, Saul, totaque (ut ita dicam) Iudæorum progenies, neglecta prosperitatis veræque salutis occasione cælitus oblata, euanidam impostore diabolo apprehendentes, spe omnis felicitatis exciderunt, & ter quaterque miseri atque extorres facti malè perierunt. Sed de his aliàs meliori data occasione: nunc ad eos conuertamur, qui diaboli more, occasionem ad malum quærunt.

## Schemat. 2. Cap. 5.

*Improbi homines, exemplo Diaboli, occasionem ad malum inuestigant.*

**Q**UEMADMODVM aduersarius noster diabolus, tanquam leo 1. Pet. 5.  
*rugiens, circuit querens quem deuoret*, occasionem scilicet captans, tempusque præstolans opportunum, & quiduis aliud subministrans, quod ipsi ad malum suum explendum opituletur, ita homines improbi, eius instinctu, idem saxum voluunt, idemque moliuntur. At nos ipsorum docti solertia, ad omnis boni occasionem studiosè obseruandam, proficiamus in melius, discamusque sapientiam.

Sic namque tentator Dominum nostrum aggressus est, postquam, Matth. 4.  
 expleto quadraginta dierum ieiunio, illum esurire cognouit; quod naturali ipsius sagacitati Dominum concessisse ut animaduerneret, est verisimile. Tunc accessit, inquit Euangelista.

Ideo acutè Bernardus: Diabolus omnium discutit con- Bernardus in sermone  
 fuetu-



fuetudines, ventilat curas, scrutatur affectus. Et ibi causas quærit nocendi, vbi nos studiosius viderit occupari. Circuit enim omnes animi nostri affectus, non aliter atque callidissimus hostis explorat arcis muros; vt qua parte senserit infirmiora esse præsidia, eâ oppugnationem aggrediatur.

*Iud. 16.*

Ita Philisthæi Samsonis capiti nihil non struebant, vndique occasionem captando, quod eum interimerent; licet non semel spe sua atque expectatione frustrarétur. Quotiescunque enim opportunum credebat infelix Dalila, ab ipsis in Samsonis perniciem mercede conductâ, exclamabat, *Philisthym super te, Samson*: vt nimirum occasioni tam studiosè captatæ maiorem afferret securitatem, explorato priùs (vt putabat) certiori euentu, an verè tali vel tali, vt persuaserat, casu, viribus omnibus foret destitutus.

*Dan. 6.*

Sic Satrapæ & Principes Babylonici *quarebant occasionem, vt inuenirent Danieli, ex latere regni*. vt eum scilicet gradu mouerent; quod eum & virtus & pietas meritò euexerant. Dixeruntque viri illi; *Non inueniemus Danieli huic aliquam occasionem, nisi fortè in lege Domini*. Per calumniam nempe, diuinæ legis occasione, quam ex odio per legem regiam essent oppressuri.

*Deut. 22.*

Ita & Deus lege per Moysen datâ cavit, contra viros malitiosè aliquando quæsituros occasionem dimittendi vxores. *Si duxerit vir uxorem, & postea odio habuerit eam, quæsieritque OCCASIONES, quibus dimittat eam, &c.* Pœnam ibi constituit Dominus tali captione & calumnia dignam.

Ecce vt diaboli, etiam in prauis hominibus, hîc machinamenta panduntur, quibus nihil omittunt, quod ad occasiones mali non tantum non negligendas, verum etiam studiosè inuestigandas, pertineat.

*Eccli. 26.*

Monet quoque Sapiens parentes periculi circa filiarum custodiam, propter lubricam sexus ætatisque illius in occasione mali conditionem. *In filia non auertente se firma custodiam: ne inuenta Occasione, abutatur se.* Rectè; quia, sicuti Occasio furem facit, ita facit ex virgine meretricem. Non rarò etenim per solam occasionem virgines iacturam pudoris faciunt, numquam



quam alioqui tam futura vecordes. Sed periculi fomitem at-  
tende: dum nimirum vel quemquam adspiciens, vel conspe-  
cta ab aliquo, qui eius pudicitiae insidiatur, nec oculos, nec  
manus, nec se totam auertit; quasi certo se exponit discrimi-  
ni: sicut stappa vel palea, quando igni admota non sat citò  
retrahitur. Duplici egent eiusmodi custodia, ne vel expugnetur  
arx ipsarum, vel perinsidias intercipiatur.

Ita monet quoque alibi Sapiens, ne quis temerè aliquem pro  
fidei amico sibi associet, à quo postea nulla sua culpa defera-  
tur. *Occasiones querit, qui vult recedere ab amico: omni tempore* Prou. 18.  
*erit exprobrabilis.* Qui enim ob merum veræ amicitiae defe-  
ctum fastidio quodam obseruatæ hætenus necessitudinis du-  
cuntur; causas vndiquaque conquisitas prætexunt, vt honestè  
ab amico discedant: sed non propterea notam fugiunt im-  
properij & exprobrationis.

Ioram rex Israel acceptis lectisq; regis Syriæ literis, quibus 4. Reg. 5.  
eum rogabat, vt principem suum militiae Naamannum cu-  
raret à lepra; hoc est curari per Prophetam curaret; scidit ve-  
stimenta sua, & ait: *Nunquid Deus ego sum? Videte quòd occa-  
siones querat aduersum me:* belli scilicet, & controuersiarum;  
metam tecto scommate laceffendo.

Speciem solùm sibi inanem quæsitæ eiusmodi occasionis,  
vano metu stimulante, fingeat. At, vt verè quæsitæ & dete-  
ctæ habeamus exemplum, ex Romanorum Historijs vnum  
depromamus. Volscorum legati apud Romanos commissa R. antiq.  
lib. 8.  
sibi munia obeuntes, & quædam ab omni ratione dissita illis  
proponentes, eiusmodi ab ipsis responsum acceperunt: Non  
latet nos, Volsci, amicitiam quidem à vobis non peti, sed *spe-* Volscorū  
legatio  
fraudulen-  
ta.  
*ciosam* belli OCCASIONEM quæri. Nam, quæ à nobis petitura  
huc venistis, probè scitis, vos nunquam impetraturos. Postu-  
latis enim iniqua, & quæ fieri non possunt.

Nunc, non veræ quidem sed nec immeritò formidatae oc-  
casionis dissidij exemplum ex sacris ob oculos statuendum.  
Verebantur olim viri tribus Ruben & Gad arripiendam à po-  
steris reliquarum tribuum in suorum filiorum præiudicium Ios. 22.  
Altare in-  
gentis ma-  
gnitudinis.  
occasionem calumniæ. Hanc ideo exstructi ingentis altaris

D

dede-



dederunt ceteris rationem : *Cras dicent filij vestri filijs nostris; Quid vobis & Domino Deo Israel? terminum posuit Dominus inter nos & vos, ô filij Ruben & filij Gad, Iordanem fluvium: & idcirco partem non habetis in Domino. Et per hanc OCCASIONEM auerterent filij vestri filios nostros à timore Domini.* Dicebant itaque se idè exstruxisse altare hoc in perpetuam rei memoriam, quòd & ipsi, tametsi essent Iordane à ceteris tribubus separati, essent tamen pars populi Israel, haberentque communem cum ipsis Deum, Deum Israel. Et ita nascituræ occasionì occursum est, & omnis mali suspicio sublata. Sed tempus est, vt ad studium bonæ occasionì adhibendum, redeamus.

### Schemat. 2. Cap. 6.

*Cauendum sedulò ne vnquam elabatur OCCASIO.*

Occasio  
captanda.

**E**X antè iam recensitis perspectum habemus studium peruerforum quærendi occasiones, quas & boni magna debuerint prudentia præcauere, & diuini rigoris sententia legis castigatione præuerrere.

Ita, vt dixi, non dormit diabolus, non dormit Iudas, non dormiunt mali in opportunitate sectanda, qua pessimis machinamentis optatum procurent euentum. Atque hæc quidem occasione piscationis diaboli, inescationis, & ab omni spe boni auocationis, breuiter dicta sufficiant: nunc cetera prosequamur.

Demosth.

Vegetius  
de re milit.

Polybius  
Hist. lib. 9.

Quidni, cum ita in malo se habeat res, nos multò magis in bonum aduigilemus, nequa præterlabatur occasio rectè faciendi? Prudenter Demosthenes: Nihil prætereundum est, quod ad rem pertineat. Idemque sublimius: Paruæ occasiones, magnarum rerum causæ existunt. Vegetius de re militari, id pro suo quoque argumento confirmat. Occasio (inquit) in prælio, ampliùs iuuare solet, quàm virtus. Vnde & Polybius: In bellicis rebus minoris sunt momenti, quæ manifestè  
& cum



& cum violentia perficiuntur, quàm quæ opportunè fiunt. Item: Dominatur quidem OCCASIO in cunctis rebus humanis; maximè verò in bellicis. Ponitque idem auctor ibidem, varia exempla bellica frustratæ expeditionis, propter neglectum tempus & opportunitatem.

Occasio in bellicis rebus plurimū valet.

Ac rectè quidem hæc omnia; quid namque virtus bellica proderit, si vel occasio eam exercendi non detur; vel desit prudentia, qua oblatam arripias? Magna moles, sua se tandem mole consumit. Occasio verò facit, ut parua nonnumquam manu, non paruiam victoriam consequaris. Alioqui, quid arma, copiarum, viri, vires, & (quod ferè caput est) belli neruus, si rei bene gerendæ desit occasio, vel data spernatur, fidaturque; viribus, propriæ prudentiæ, vel præfractò quorundam iudicio?

Non malè propterea mihi visus Comicus ille dicere; Rerū omnium primum esse tempus. hoc est, Occasionem temporisque opportunitatem in re ritè peragenda præcipuè attendendam. Vnde & Lyricus probè callens quantum valeret oportunitas, sic scribit:

Terent.

Opportunitatis auctoritas.

— *Nisi dextro tempore, Flacci,*

Horat.

Sat. 1. li. 2.

*Verba per attentam non ibunt Caesaris aurem.*

Idem mittens Augusto librum, monet eum qui laturus erat, ut tempestiuè adeat; ut videlicet,

*Si validus, si letus erit, si deniq. poscet.*

Horat. 1.

Epist.

Contrà, de malè obseruata huiusmodi opportunitate in simili negotio Naso conqueritur, sic inquit;

Onid.

9. Metam.

*Non adiit aptè, non legit idonea, credo,*

*Tempora.*

Consultò itaque Pittacus Mitylenæus: Consimiliter vos, qui vultis apud Principem impetrabiles esse, captate id tempus, quo remissior, hilarior indulgentiorque esse solet: scitote plus pollere *tempestiuitatem* hanc, ad successus petitionum, quàm adipem leonis, quàm sanguinem basilisci, quàm spondylon draconis, quàm anguium drynedarum ouum, ceteraque; id genus promissa magicæ vanitatis.

Pittacus

Mityl.

Hinc de Vespasiano ab historicis proditum, id temporis fuisse facillimum & indulgētissimum, quo in balneum tricliniumque

Vespas.



niumque transibat; eaque momenta, atque *occasionem* domesticos ad aliquid petendum magnopere captasse. Iuxta illud Poëtae:

*Æneid. 4.*

*Sola viri molles aditus & tempora noras.*

*Phocyl.*

Vnde prudenter Phocylides: Occasioni obtempera, & noli spirare in ventos. Merito, nam qui citra occasionis imperium, & siue illa detur siue non, velit tamen rem animo conceptam aggredi, is tam ludit operam, atque si ventos flatu suo conetur abigere, inuitis canibus venari, inuitave Minerva, ut est in proverbio, literis operam dare. Sed aliter nos docebunt exempla sequentia; in quibus, loci, temporis, rerumque opportunitatem seu occasionem cōtemplabimur, prout horum in Præfatione meminimus. Ac in primis quod loci opportunitatem concernat, audiamus.

I.  
Occasio, à  
loci oppor-  
tunitate.  
Antigono-  
nus.

Quum Antigonus in arduis ac præruptis locis planitie imminetibus exercitum haberet, Pyrrhus positus circa Napham castris, postridie per caduceatorem, ut, in campum descendens, Martem experiretur, prouocauit. Antigonus verò respondit, suam miliciam non magis armorum quam temporum esse: Pyrrho, si illum vitæ tedium cepisset, satis multas ad interitum vias patere. Loci occasio suadebat supersedendum, interim temporis opportunitatem loci securitate captabat.

*Scip. Afric.*

Quocirca consultè Scipio Africanus: Non esse cum hoste confligendum, nisi aut inuitaret *Occasio*, aut vrgeret necessitas: quod incogitantis sit, opportunitatem oblatam negligere; & extremæ ignauia, tum non præstare fortem animum, quum audacia spem præbet incolumitatis; formidolositas nihil aliud sit, quam certum exitium. Ast aliam à loco captam occasionem aduertamus.

*Sext. Tul.  
Strateg.  
lib. 1. ca. 2.*

Iberi in Africa ingenti hostium multitudine excepti, timentesque ne circumuenirentur, applicuerunt se flumini, quod altis in ea regione ripis profluebat: qui ita à tergo amne defensi, & subinde cum virtute præstarent, incurfando in proximos, omnem hostium exercitum prostrauerunt.

Ita & C. Marius, in bello ciuili, quum fossa cinctus obsideretur



deretur ab hostibus, continuit sese, tempus expectans opportunum (iam enim loci opportunitate fruebatur.) Popedio autem Siloni dicenti; Si magnus es imperator, ô Mari, descende in conflictum: Imo tu, inquit, si magnus es imperator, coge me nolentem ad certamen venire. At Temporis nunc occasionem militari in exemplo contemplemur.

*Plutarch.  
in Rom.  
apophth.*

C. Domitius (quem Scipio maior pro se Lucio fratri in bello aduersus Antiochum legatum dederat) ubi contemplatus esset hostium phalangem, exercitus præfectis hortantibus, ut confestim aggrederetur; negauit tempus fuisse, ad hoc, ut tot millibus trucidatis, ac direptis impedimentis, in castra reuersi sua curarent corpora. Sed hoc ipsum postridie se tempestiue facturum dixit. Ac postero die congressus quinquaginta millia trucidauit. Vir strenuus non dubitauit de victoria, spatium modò temporis gerendæ rei par & opportunum eligebat.

*I I.  
Occasio à  
tempore  
sumta.*

*Plutarch.*

Huic subdam non absimile. Scipio minor, quum videret hostes despondere animum; aiebat, se, ut tutò veniret, morà temporis emisse: addens; bonum ducem, perinde ut medicum, non nisi in extrema curatione ferrum adhibere. Nihilominus per occasionem adortus Numantinos, terga illos dare compulit.

*Ibidem.*

Occasione similitudinis è medicorum usu prolata, nihil oberit hic versum vnum atque alterum eò spectantem apponere: iuxta illud, quod Seneca, in libro ad Albinam matrem de Còsolatione: nihil esse in morbis magis periculosum, quàm immaturam medicinam. Præcipit Plinius, cauendum ne in remedijs vitia fiant; quod euenit nimia aut intempestiua medicina. Optimum propterea (ut Cornelius Celsus scribit) medicamentum est, cibus opportunè datus; qui quando dari debeat, inter medicos non satis constat. Appositè itaque canit Ouidius, de medicina & vino:

*Medicina  
opportuna  
esse debet.  
Seneca.*

*Temporibus medicina valet: data tempore profunt*

*Et data non apto tempore vina nocent.*

Vnde cum Hippocrates in Aphorismis tū Galenus docent, dolores oculorum vino meraco solui: quod ita interpretantur;

*Galenus  
li. 7. simpl.*

D 3

si tem-



si tempestiuius detur. Cuius rei obseruationem probè callebat Æsclepiades, qui primus vino opitulari inuenit, dando scilicet *καὶ καὶρόν*, id est, in tempore.

*Plutarch.  
in Rom.  
apophth.*

Ast vnum adhuc commemoremus, in quo temporis ratio maximè habita consideratur. Post calamitatem illam, quam Romani apud Cannas acceperant, F. Maximus creatus Imperator cum Claudio Marcello viro audaci, semperque gestiente cum Annibale configere; Fabius potiùs spectabat, futurum, vt, si pugna abstineret, Annibalis exercitus ductu temporis deficeret. Id sentiens Annibal, dixit, se magis formidare Fabium à pugna quiescentem, quàm Marcellum pugnantem. Nam quantum periculi Annibal, tantum lucri Fabius in mora positum aestimabat.

**III.**  
*Occasio è  
rebus cir-  
cumstan-  
tijsque alijs  
capta.*

*Sext. Iul.  
Stratagē.  
lib. 1. ca. 1.*

Verùm nunc exemplis aliquot, rerum aliarumque circumstantiarum occasionem, simul tamen semper cum tempore obuientem, animaduertamus. Publius Scipio in Hispania, cum comperisset, Hasdrubalem Pœnorum ducem ieiuno exercitu manè in aciem descendisse; continuit in horam septimam suos, quibus præceperat, vt quiescerent & cibum caperent. Cumque hostes, inedia, siti, mora sub armis, fatigati, repetere castra cœpissent; subito copias eduxit, & commisso prælio vicit.

*Sabel. En-  
nead. lib. 6.  
cap. 4.*

Audiamus & Mithridatis industriam, Occasionis momenta librantem. Is siquidem cum instructis copijs aliquando in Bithyniam moturus, pro concione suos hortatus dicitur, vt forti alacrique animo nouum bellum secum caperent, ad quod inuitus Romanorum superbia & auaritia compelleretur; spem certam secum ferrent, id bellum, si vllum vnquam aliud, optatum exitum habiturum. Nobis florentissimæ, inquit, copix adsunt, & auxilia à gentibus inuictissimis; omnia ita instructa & parata, vt, ne Roma quidem incolumi, par esset nobis hostis futurus. Sed, præter cetera, **OCCASIO**, *omnium rerum gerendarum mater*, præsentem victoriam pollicetur, qua ne maiorem quidem ausus esset quisquam à Dijs immortalibus implorare. Hactenus Mithridates.

*Occasio-  
nis enco-  
mium.*

*Ita*



Ita & grauissimæ circumstantiæ à scriptoribus notantur, quæ Alexandro occasionem dederunt expeditionis in Asiam. Sic quidam nominatim: Alexandro, quod in Asiam traiecerit, OCCASIO fuit, Philippi mors relinquentis bellicosos exercitus, exhaustamque cladibus Græciam: vt omnes eius populi, aut gratia, aut metu, cum Alexandro sentirent.

Cardanus.

Itaque, non velocitas ad arma, vel ferocia pectoris imperterriti, neque etiam cunctatio vel mora, ad rem per se sola faciunt, vt belli domive præclare quidpiam geratur; sed Dei nutu data comitataq; temporis opportunitas & occasio, quæ ad faciendum vel non faciendum inuitent. Verum ad exempla sacra Occasionis prudenter acceptæ se vertat stilius.

### Schemat. 2. Cap. 7.

#### *Sacris exemplis declaratur Occasionis vtilitas.*

**N**E quis autem solūmodo in rebus militaribus id locum habere existimet, alius quoq; generis exempla proponamus. Nam, vt initio diximus, vnumquemque, cuiuscumque sit ordinis, hæc cura concernit, vt occasionem cordi habeat.

Iacob cum primis recensetur. Is siquidem occasione habita, fratris sui Esau prouocatus ingluuie, ius primogenituræ (sibi alioqui à Deo consignatæ) acquisiuit. Occasione item arrepta, mater eius Rebecca, ipsi apud patrem morti vicinum, benedictionem procurauit. Audierat siquidem Isaac dicentem Esau, vt venatione aliquid captum adferret, acciperetq; nouissimam benedictionem. Vsa est prudens mater opportunitate in gratiam dilecti & à Deo electi filij Iacob, & successit è voto.

Genes. 25.  
27.  
Occasionis  
vtilitas,  
exemplis  
ostenditur.

Ioseph, de necessitate virtutem faciens, occasione venditionis sui, oblatisque ad eximia medijs opportunè vtens, Princeps Ægypti factus est, & saluator mundi publico triumpho proclamatus.

Genes. 39.  
40. 41.

Iacob pater eius, opportunitatē coemendi in Ægypto frumenti

Genes. 42.



menti aded non putauit negligēdam, vt etiam filios suos eam fegnius obseruantes, grauiter nec sine expostulatione increparit. Sic habet historia : *Audiens autem Iacob, quod alimenta venderentur in Aegypto, dixit filiis suis; Quare negligitis? Audiui quod triticum venundetur in Aegypto; descendite & emite nobis necessaria, vt possimus viuere, & non consumamur inopia.* Sicq; famem vniuersalem non modò mortemq; euasit, sed hac occasione & filium Ioseph, quem à fera pessima deuoratum credebat, viuentem triumphantemq; inuenit; & ipse cum tota sua familia in Ægyptum commigrans, tam honorificè à rege est receptus, vt diceret ipse rex Iosepho;

*Genes. 47. Terra Aegypti in conspectu tuo est: in optimo loco fac eos habitare, & trade eis terram Gessen.* Idq; totum per occasionem benè captatam.

*Exod. 2.* Moyses occasione opportunæ adauationis gregis Iethro sacerdotis Madian, gener eius factus est. Erant ei siquidem septem filia, *quæ venerant ad hauriendam aquam: & impletis canalibus adquare cupiebant greges patris sui. Superuenerunt pastores, & eiecerunt eas: surrexitq; Moyses, & defensis puellis, adauauit oues earum.* Et quemadmodum occasionem fugiendi ex Ægypto arripuerat, eò quod Phraeo illum quærebat occidere; ita benè merendi de filiabus Iethro occasionem non negligens, apud illum inuenit gratiam, quam apud regem amiserat.

*Ruth 1.* Virgente quoque famis necessitate similem cum prædictis patriarchis occasionem arripens Noëmi, cum Ruth nuru sua, Bethlehem est reuersa: audierat enim quod respexisset Dominus populum suum, & dedisset eis escas. Oblatam à Deo occasionem amplectens, & communi Bethlehemitarum matronarum acclamatione, dicentium, *Hæc est illa Noëmi*, graterter excepta est, & nurus eius Ruth, opportunæ quoque occasionis vsa suffragio, vxor magni illius Booz, & Dauidis abauia facta est, atque in rectam genealogiæ nostri Saluatoris seriem regeſta. Vt verè de ipsius felici fecunditate dicerent mulieres, focui eius Noëmi congratulantes; *Benedictus Dominus, qui non est passus, vt deficeret successor familie*  
*tue,*

*Ruth 4.*



*dictus Dominus, qui non est passus, ut deficeret successor familie tue, & vocaretur nomen eius in Israel. Et habeas qui consoletur animam tuam, & enutriet senectutem. De nuru enim tua natus est qui te diligit, & multo tibi melior est, quam si septem haberes filios.*

Quæ omnia non obscure gratiam illam & benedictionem subindicant, quodamque præconio vaticinantur, quam per Christum filium Davidis accepimus. Illustriusque id ipsum præfigere sunt visi, viri iudices, dum ipsam Ruth Booz ut proximo uxorem traderent, dicentes; *Faciat Dominus hanc mulierem quæ ingreditur domum tuam, sicut Rachel & Liam, quæ edificaverunt domum Israel; ut sit exemplum virtutis in Ephrata, & habeat celebre nomen in Bethlehem.* Tanti referebat iusta Occasionis pretia benè æstimasse. Quàm celebre nacta sit nomen in Bethlehem & Ecclesia Dei hæc sancta familia, ex radice Iesse succrescens, nemini non manifestum est, nisi, cui fortè nomen ignotum est proprium.

At quia plurima sequentium schematum occasione, de Occasione diligenter captanda, necesse erit exempla producere, hîc pluribus afferendis superfedebimus.

Verumtamen, quis non videat, neque iter, neque ædificationem, neque fationem, nec messëm, neque bellum, neque coniugium, neque negotiationem, neque adeò opus ullum, ullumve virtutis alicuius exercitium rectè institui, nisi data à Deo acceptaque bona id peragendi opportunitate? Adeò per omnia vivit vigetque *Occasio*: quod sequenti Capite clariùs ostendetur.

E

Schemat.



## Schemat. 2. Cap. 8.

*Admiranda OCCASIONIS energia & vis, varijs  
argumentis demonstratur.*

Occasio-  
nis variæ  
efficacia.

*Menand.*

*Eccles. 9.*

Sapientis  
tamen  
pauperis  
præstantia.

Ingrati-  
tudo.

*Iob 12.*

Lampas  
contemta.

**T**ANTA diuinitus vim atque energiam habet oppor-  
tunitas, vt rectè dicat Menander; Occasionem nactus  
pauper, potest multum. Exemplo vnico (quod plurium me-  
moriâ, scio, inter legendum refricabit) id ex sacra Scri-  
ptura declaremus. *Civitas parua* (inquit Ecclesiastes) & *pauci*  
*in ea viri: venit contra eam rex magnus, & vallauit eam, ex-*  
*struxitque munitiones per gyrum, & perfecta est obsidio. In-*  
*uentusque est in ea vir pauper & sapiens, & liberauit urbem*  
*per sapientiam suam.* Occasione scilicet per necessitatem  
oblata, vtendi sapientia, quæ alioqui latebat vt inutilis. Ne-  
que proposito nostro quidquam obstat, quod ibidem se-  
quitur; & *nullus deinceps recordatus est hominis illius pau-*  
*peris*: quia inter negligentes occasionem, malique eius æsti-  
matores illi censendi sunt; quos æquè in hoc genere dete-  
stamur, atque studiosos opportunitatis sectatores commen-  
damus. Tamen id non rarè accadat, vt in summa quoque  
rerum, splendidi nonnumquam buccinatores plus gratiæ  
& laudis consequi videantur, cum nihil rei conferant; quàm  
qui sapientia sua & in rei veritate magna præsent, attamen  
pauperes sint & humili sorte contenti. Neglecto illi pauper-  
culo patriæ suæ liberatori, ceterisque similibus, quorum ta-  
men tam opportuna est in extrema calamitate prudentia, il-  
lud libri Iob quadrat; *Lampas contemta apud cogitationes di-*  
*uitum; parata ad tempus statutum.* Non enim est diuitum,  
potentum, magnorum, superborumque, opportunitatem  
occasionis captare, datamque arripere; nisi simul vel ipsi sapien-  
tes existant, vel credant sapientibus, tamen pauperibus, & se-  
cundum vanam seculi æstimationem abiectis.

Propterea



Propterea quoque Sapiens, postquam cum admiratione & indignatione dixisset, tam contra fas & meritum, sapientiam pauperis fuisse contemtam; addidit; *Melior est sapientia quàm arma bellica.* Arma tõe cedunt.

Hinc paulò antè memoratus Menander, dignas se, plures adhuc de Ocasione, nobis accommodas valde, profert sententias. Multos (inquit) OCCASIO viros non existentes, facit. Istud sacra historia de Barac testatum reddit: qui, quoad se, tam erat formidolosus ad suscipiendam populi sui ab hoste vindicandi prouinciam, vt responderet Deborah prophetissæ, id muneris ipsi Dei iussu deferenti; *Si veneris mecum, vadam: si nolueris venire mecum, non pergam.* Quid obsecro viri in hoc plusquam femineo responso relucet? Dixitque ei Debora viriliter verè, vt forte iam versa oportebat; *Ibo quidem tecum; sed in hac vice, victoria non reputabitur tibi, quia in manu mulieris tradetur Sisara.* Vir tamen ex non viro tali occasione factus est; nam fortem se strenuumque ducem in hoste persequendo fugandoque declarauit. Menand. Iudic. 4. Virum facit occasio.

Ita & Philisthæi, cùm propter Arce sanctæ in Israelitica castra aduectæ præsentiam, plusquam semiuiri essent effecti; occasione necessitatis qua premebantur, viri sunt facti, victoriamque reportarunt: Deo scilicet taliter populi sui peccata puniente. Sic habet historia: *Cognouerunt Philisthym, quòd Arca Domini venisset in castra. Timueruntque, dicentes; Venit Deus in castra. Et ingemuerunt, dicentes; Væ nobis, non enim fuit tanta exultatio heri & nudiustertius; væ nobis. Quis nos saluabit de manu Deorum sublimium istorum? hi sunt Dii qui percusserunt Aegyptum omni plaga, in deserto.* Hisce communi lamento prolatis, animo quasi planè præ metu consternato, repente, captata veluti occasione ex ipsius mali præsentia eos perurgente, assurgunt in viros, seseque mutuò animantes, ita loquuntur; *Confortamini, & estote viri, Philisthym; ne seruatatis Hebræis, sicut & illi seruiuerunt nobis: confortamini & bellate.* Pugnaverunt ergo Philisthym, & cæsus est Israel, & fugit unusquisque in tabernaculum suum: & facta est plaga magna nimis: & ceciderunt de Israel 1. Reg. 4. Arca sanctæ præstantia. In spei ex desperatione assurgere.

E 2

triginta



*triginta millia peditum. Et arca Dei capta est.*

*Menand.*

Mutatio  
rerum sub-  
ita per oc-  
casionem.

Menandri quoque illa est veteribus celebrata sententia: Celerrimè Occasio permutat res. Prolatum iam nunc exemplum id clarum facit, nam per occasionem, utrobique res planè in contrarium permutatæ fuerunt. Quis similiter istud non consideret, in admiranda illa rerum permutatione, quando tota Iudæorum gens, crudelis Amani superbiâ addicta supplicio, re in melius conuersa, Iudæi de suis hostibus sumfere vindictam; tot publico regis mandato internecioni traditis, quot vellent, ex ijs qui ipsis moliebantur exitium.

Aman in propriam actus est crucem, quam Mardochæo pararat: & vertente calculum *Occasione*, Mardochæus purpura indutus, aurea que corona redimitus, Princeps palatij est declaratus.

*Esther 7.*

Si quis fortè manubrium nosse velit, quo veluti circumducto, totam rerum currentium rotam sic inuertit Occasio, partem historię ipsius, obtutu solo consignemus. Esther totam Amani machinationem, ipso accumbente, paucis sed efficacibus verbis, in mensa Regi detexit. Rex verò scelestum facinus obstupescens, in hortum abiit meditabundus: reuersusque tandem ad locum conuiuij, reperit Aman super lectulum corruisse, in quo iacebat Esther, (rogabat siquidem illum miser pro anima sua) Rex verò rem aliter interpretatus, ait; *Etiam Reginam vult opprimere, me presente, in domo mea?* Hac occasione, res omnes quàm celerrimo motu sunt in contrarium prorsus commutatæ: indeque omnis iam dicta vicissitudo est consecuta.

*Menand.*

Magnum  
paruum.

Est insuper & illud Menandri dictum: Quàm magnum paruum est, in tempore datum! Docet id nos quotidiana experientia. Sic legimus variorum Regnorum principibus nonnumquam rapam, raphanum, caseolum, rusticanum prandiolum, & similia inemta & in manu nascentia, tempori oblata, magno fuisse in pretio.

*Æliæ. var.  
hist. lib. 1.*

Ita qui Artaxerxi obequitanti, haustam ambabus manibus è proximo Cyro flumine aquam obtulit. Sic & qui malum punicum eidem in vanno præsentauit. Et quia quod  
Rex



Rex præ admiratione respondit, huic nostræ sententiæ est accommodissimum, verbis auctoris id audiamus. Rex magnitudinem mali punici admiratus, interrogauit, è quonam horto depromptum hoc donum mihi adfers? Illo verò respondente, domo sua & ex suis agris: gauisus rex supra modum, missis regijs muneribus virum ornauit, & Per solem (inquit) iste homo tali curatione & diligentia, poterit etiam ciuitatem, meo quidem iudicio, ex parua ampliorem facere.

Quanti momenti fuit, puellulæ illius Hebrææ à Syris captæ <sup>4. Reg. 5.</sup> consilium, quo & Naaman Princeps militiæ Regis Syriæ, à lepra curatus est; & per illum (teste sacra pagina) dedit Dominus salutem Syriæ! Erat ista in obsequio vxoris Naaman, quæ videns quotidianam ob contagij illius tædium afflictionem & miseriam, ait dominæ suæ; *Vtinam fuisset dominus meus ad Prophetam, qui est in Samaria: profecto curasset eum à lepra.* Videtur innuere, dominum ipsius à quo captiua ducta esset in Samaria quidem fuisse, sed non arripuisse occasionem se in illa regione offerentem, Deo scilicet per Prophetam largiente sanitatem, & stupenda operantem. Nunc autem ipsa id referente, Naaman rem istā tali occasione oblatam cordi accipiens, litteris à rege ob id exhilarato acceptis, profectus est, & insperatam hactenus incolumitatem acquisiuit. Quanti facienda fuerit occasionis vbertas, primo licet ortu in puella despicabilis, ex eo colligi potest, quod initio historiæ ponitur, hisce verbis; *Naaman princeps militiæ regis Syriæ, erat vir magnus apud dominū suum, & honoratus: per illum enim dedit Dominus salutem Syriæ; erat autem vir fortis, & diues: sed leprosus.* <sup>4. Reg. 5.</sup> ac si dicat, ex omni ferè parte beatus erat, malo illo vnico excepto: quo per hanc occasionem sublato, quis credat quantum beneficium ipsi accesserit? Sed aliud nunc proferendum in medium; ex quo similiter constabit Menandri præmissa sententia, Magnum paruum est, in tempore datum.

Agrippa magnus rex Iudæorum, cum in priuata fortuna Romæ esset, & eum propter falsas suspiciones Tiberius catenis ante palatium ad arborem vinciri iussisset, vt inde in carcerem duceretur; in eo loco propter solis ardorem, ani-

Puellæ cō-  
siliū salu-  
tare.

Ioseph. lib.  
18. Antiq.  
Iud.  
Fulgof. lib.  
5. cap. 2.



Aquæ hau-  
stus oppor-  
tunè datus,  
quantè ef-  
ficaciæ.

miq; molestiam, magna siti torquebatur. Eà cum prætereun-  
tem Thaumastum vidisset Caij seruum, aquæ prægelidæ vas  
ferentem, orauit vt bibere se sineret. Quod ille cum amanter  
fecisset, dixit Agrippa, se pro ipsa re gratiam aliquando ei rela-  
turum. Haud multò post igitur Tiberio Caius in principatu  
successit, à quo Agrippa, qui in eius contemptum captus fuerat,  
liberatus, atq; in Iudæa rex constitutus fuit: qui tunc à Caio  
impetrauit, vt eius precibus Thaumastus liberaretur (à serui-  
tute videlicet.) Itaq; postea suorum numero acceptum, regni  
procuratorem fecit; moriensq; testamento sanxit, vt vxor ac  
liberi eodem apud se loco Thaumastum retinerent. Entibi,  
haustus frigidæ, ex seruo, Regni fecit administratorem, occa-  
sionis industriâ, ex minimis maxima producente. Sed admi-  
ratione maiore dignum est, quòd in diebus istis salutis ac tem-  
pore acceptabili, haustus seu scyphus aquæ frigidæ opportunè  
porrectus, celo compensandus venit: tanti est, occasionis præ-  
stantiam in re etiam minima benè obseruasse.

Matth. 10.

Verùm quid oberit, nisi fortè Lectorem grauet, mirandum  
illud occasionis exemplum adiungere, quo Samaritana ciuitas  
arctissima illa obsidione soluta est?

Obsidionis  
solutio ad-  
miranda.

4. Reg. 7.

Quis non suspiciat felicem illum miserandæ ciuitatis euen-  
tum quatuor leproforum, inedia quam patiebatur, occasione  
obortum? Dum siquidè in vniuersum omnes in extrema per  
hostilem obsidionem necessitate versarentur, ipsiq; extra  
mœnia degentes fame tantum non enecti, potius sibi stipis  
conquirendæ gratiâ in hostium castra concedendum iudica-  
rent, quàm certæ per inediam morti occumbendum: effecisse  
videtur Deus occasione strepitus pedum istorum, vt sonitus in  
castris videretur audiri currum, equorum, & exercitus pluri-  
mi) iuxta verbum Domini, *Terrebit eos sonitus folij volantis,*  
*& ita fugient quasi gladium*) sic vt ad vnũ omnes fugâ sibi con-  
suluerint, liberata sit ciuitas strictissima illa obsidione, ditatiq;  
spolijs ciues, & magna Domini manus in opportunitatibus  
adiuuantis mirificè sublimata. Sed, quoad diuinæ gratiæ, An-  
geli tutelarioris, temporis, occasionisq; opportunitatē non negli-  
gendam, vitâdamq; diaboli molitionem, hæc dicta sufficiant.

Leuit. 26.

O R A -



## O R A T I O II.

Ad declinandas Diaboli insidias, & Angelico  
præsidio inuigilandum.

**D**Eus, nostrarum amator animarum, qui tantam erga  
nos ab initio ortus nostri dilectionem declarasti, vt &  
diuinæ tuæ gratiæ nos munimine obumbrares, & Angelicâ  
præmunires custodiâ: illumina intellectum nostrum, & con-  
forta voluntatem, vt ne gratiam tuam in vacuum accipia-  
mus; sed tam vigili studio, gratiæ, temporis, & occasionis  
beneficijs vtamur, vt & diaboli insidias superare, & per  
Angeli tui sancti præsidia, celestibus donis gaudere valea-  
mus. Per Christum Dominum nostrum. Amen.



Sche-





- A. Effluat in risum TEMPVS: quid rectius istam  
 Etatem deceat, quam ludere, quamque iocari?  
 B. Dum ver molle sunt, rapiat sua quemque voluptas.  
 C. Vnam de multis mihi sit fas uellere pennam  
 Gestamen capiti. D. Non pluma hac aptior villa.  
 E. Hæm, quæ sphaera! polo subdam caput. En, nouus Atlas.  
 F. Ast ego subsiliens equitabo in arundine longa.  
 G. Quam pellucidulo placet hæc mihi clepsydra vitro!  
 A. Sic decet, et fas est: sic præsens exigit ætas.  
 B. Seria sint senibus, pueris ioci et ocia curæ.



## Schematis 3. explicatio;

*Quo fatui instinctu Satana turpiter  
Tempus terunt.*

## Schemat. 3. Cap. 1.

*Improbum diaboli studium, vt Temporis ra-  
tio negligatur.*



ARGUMENTUM (inquit Plato) stultitiæ est, plato.  
à sapientibus dissentire. Quæ siquidem maior Tempus  
pretiosissi-  
mum.  
infamia, quàm spontaneam temporis iacturam  
facere, quod apud sapientissimum quemque  
in maximo semper pretio fuisse, est manife-  
stum? En, quid agant in hoc schemate vecordes isti adoles-  
centuli. Hoc agunt nimirum, quod eiusmodi iniqui rerum æ-  
stimatores, non minùs stultè quàm impiè solent verbis expri-  
mere: Oportet (inquiunt) fallere tempus; teramus tempus fa-  
bulis, lusibus, inambulationibus (vt deteriora silentio pre-  
mam) horæ nobis videbuntur breuiores, sicque tollemus  
tædium. Tempus  
fallentium  
infamia.

A Meritò profectò mali tanti diabolus incensor appingitur;  
vt quod alioqui numquam in hominem sibi præsentem cade-  
ret. Quis enim, nisi à cacodæmone dementatus, solem solo  
premat, cœnove demergat? quis pretiosas conculcet mar-  
garitas, balsamum in lutum effundat, rosas spargat ante por-  
cos, atque vnde mortalium vita dependet, id vilem vt algam  
abijciat?

Quid namque hîc aliud dæmones ad T E M P V S perden-  
dum, tamque pretiosum thesaurum dilapidandum, adducunt Iuuentutis  
lubricitas.  
in medium, quàm quod eodem satanæ fucò pellecti iuuenes, à

F sacra



Sap. 2.

facra nobis scriptura ingeminare perhibentur? Quod, quia spectaculi cuiusdam loco futurum est huic schemati subseruiens, non pigebit apponere. Sic inquit Sapiens; *Dixerunt cogitantes apud se, non rectè*, (suggerente scilicet spiritu nequam omnis recti osore) *Exiguum & cum tadio est tempus vite nostræ, & non est refrigerium in fine hominis, & nō est qui agnitus sit reuersus ab inferis: quia ex nihilo nati sumus, & post hoc erimus tamquam non fuerimus: quoniam fumus flatus est in naribus nostris: & sermo scintilla, ad commouendum cor nostrum: quia extinctus cinis erit corpus nostrum, & spiritus diffundetur, tamquam mollis aer, & transibit vita nostra tamquam vestigium nubis, & sicut nebula dissoluetur, quæ fugata est à radijs solis, & à calore illius aggrauata: & nomen nostrum oblivionem accipiet per tempus; & nemo memoriam habebit operum nostrorum. Umbra enim transitus est* TEMPVS nostrum, & non reuersio finis nostri: quoniam consignata est, & nemo reuertitur. Hucusque quasi iactum fundamentum perdendi & inutiliter transigendi temporis, immo in voluptatibus consumendi, ut ex sequentibus audiemus. Pergunt itaque in sua insipienti ratiocinatione. *Venite ergo, & fruamur bonis quæ sunt, & utamur creatura tamquam in iuuentute celeriter. Vino pretioso & unguentis nos impleamus: & non prætereant nos flos temporis. Coronemus nos rosis, antequam marcescant: nullum præteritum sit, quod non pertranseat luxuria nostra. Nemo vestrum exsors sit luxuriæ nostræ: ubique relinquamus signa luxuriæ: quoniam hac est pars nostra, & hac est sors. Hucusque frugiperdarum concio. Idque est totum, quod vno versu in icona dicit minor diabolus;*

*Dum ver molle finit, rapiat sua quemque voluptas.*

Polemon  
ut repente  
mutatus.  
Val. Max.  
lib. 6. cap.  
vit.

Si iam personatè magis ad viuum istud expressum intueri est animus; Polemonem nobis ob oculos statuamus, de quo sic Maximus Valerius. Perditæ luxuriæ Athenis adolescens Polemon, neque illecebris eius tantummodo, sed etiam infamia gaudens, cum è conuiuio, non post occasum solis, sed post ortum, surrexisset, domumq; rediens, Xenocratis Philosophi patentem ianuam vidisset, vino grauis, unguentis delibutus, fertis

B



fertis capite redimito, perlucida veste amictus, refertam turba Doctorum hominum scholam eius intrauit: nec contentus tam deformi introitu, confedit etiam, vt clarissimum eloquium, & prudentissima præcepta, temulentia lasciujs eleuaret: orta deinde, vt par erat, omnium indignatione, Xenocrates vultum in eodem habitu continuit, ommissaque re quam diserebat, de modestia ac temperantia loqui cœpit. Cuius grauitate sermonis resipiscere coactus Polemon, primum coronam capite detractam proiecit; paulò post, brachium intra pallium reduxit; procedente tempore, oris conuiuialis hilaritatem deposuit; ad vltimum, totam luxuriam exuit, vniuscûq; orationis saluberrima medicina sanatus, ex infami ganeone maximus Philosophus euasit. Peregrinatus esteius animus in nequitia, non habitauit. At vtinam, sicut eum imitantur in malo quamplurimi, ita in bono respondeant. Sed nunc peculiariùs actus singulorum in schemate expressos explicemus.

## Schemat. 3. Cap. 2.

TEMPORIS *Symbola atque instrumenta, in risum  
vertuntur ab imprudentibus.*

**M**Agnum videtur (sed immeritò) apud adolescentes habere momentum, ad tempus nugis & voluptatibus tendendum, quòd ætas illa non tantum id permittere videatur, verum etiam postulare. Hinc quasi in proscenium introducti sunt, temporis illudentes, & quæcumque ad tempus pertinent ad suam voluptatem explendam rapientes. Vnus pennam alæ eius euellit, gestamen capiti: eos hoc facto significans, qui sibi gloriæ insuper aliquid ex eo decerpunt, quòd partem aliquam temporis, iocis suis lusibusque consumserint. Alius non minus sibi bellus videtur, quòd fabulando, & ineptijs recensendis tædium alijs scilicet sustulerit. Tertius sphæram capiti suo imponens, & quasi sub pondere incuruatus, se nouum Atlanta per iocum exclamat: eos cum primis tali lusu defig-

Adolescentia imprudentia.



Vitæ lon-  
gioris spes  
fallax.

gnans, qui fiderum cælestiumque corporum motis ac reuolutiones accuratissimè obseruare videntur, in eoque toti esse; & interim exsiccandis cantharis curandæque cuticulæ vacantes, vix punctum temporis ad frugem & æternitatis compendium impendunt. Alius ab illo, falce temporis erepta, puerili F more, in arundine longa obequitat; neque tantillum sapit, vt caueat, ne (vt pueri terreri solent) à rostro ferrato mordeatur. Non ineptè illos hic referat, qui, cum tempus cuique sit breuissimum, ac momenti punctique instar, propter vitæ incertitudinem, mortis fortasse falce mox demetendæ, longum sibi tamen præsumpta temeritate pollicentur. Non tam, vt dixi, ferri aciem metuentes, quam in hastilis sibi longitudine complacentes. Nihil, inquam, falcem carmenve illud veriti:

*Rumpe moras, volucris mors aduolat improba curru,*

*Multa furens, iaculis horrida, falce minax.*

Hoc in lusu se eiusmodi homines tam securè oblectare solent, atque si stamina vitalis coli forent intermina, cum Parcæ singulis momentis ea minentur abrumperè. Hunc in finem viri cuiusdam doctissimi epigramma subiiciendum putavi, quod rei præsentis esset accommodatissimum.

Mortis  
meditatio.

*Mors alata volat, brevis aut scribitur hora;*

*Rarescuntq; mea stamina ducta coli.*

*Vt restent; persæpe tamen data pensa momordit*

*Atropos. Infidè fidere nolo colo.*

*Fortè mihi centum vix restant staminis vlne;*

*Et detexo, velut millia dena forent.*

*Nudos ergo breui Lachesis trahet incita fusos:*

*Dumq; nihil Parca liquero; dicet, Obi.*

Isa. 38.

Hoc ipsum rex Ezechias considerans, inquit, *Præcisa est velut à texente vita mea: dum adhuc ordire, succidit me; de mane vsque ad vespèram finies me.* Neque ignorauit id Cicero. Quis est, inquit, quamuis sit adolescens, qui exploratum habeat, se ad vespèrum esse victurum? Punctum est, quod viuimus, inquit Seneca, & adhuc puncto minus. Etiam si multum superesset ætatis, parcè dispensandum erat, vt sufficeret necessarijs. Quæ quotque sint tum corporitum præsertim

Cicer. Philipp. II.

Seneca.



ferim animæ necessaria, docet nos quotidianus usus; qui non exiguam diei partem, etiam nobis nolentibus, sibi iure suo vendicat.

G Postremò, quintus ex his imprudentibus adolescentulis, clepsydram è manibus TEMPORI euulsam in risum vertit; eà luficans, vt solent pueri è conchæ testa bullosos orbes flando excitare. Eiusmodi hominum genus ille suo facto demonstrat, qui vanitati operam dantes, nihil vmquam solidi meditantur; sed totum tempus suum, honoribus, diuitijs, & vanis mundi cupiditatibus infumunt: idque tam auidè, atque si vno non contenti mundo, plures sibi conentur effingere. Ita Alexander Macedo, cùm audisset Anaxarchum de mundorum infinitate differentem, illacrymatus est: rogatusque ab amicis, quam ob causam ad lacrymas moueretur? An non, inquit, dignum est flere, quum infiniti sint mundi; ego verò dominus vnus vix factus sim?

Mundiamatores  
vani.

Brunonius  
lib. 1. ca. 1.

Interim non cogitant miseri, dum præsentis temporis rationem non habent ad solidam salutis acquisitionem, se illorum more desipere, qui tempore fori seu nundinarum, spretâ seriâ negociatione; qua ingentem lucri vim accumulare possint, nænijs, ioculatorijs, & crepundijs plusquam infantilibus spectandis oblectantur; statis verò mercimonij diebus expletis, inani se esse marsupio demirati.

Simile à  
foro &  
nundinis.

Similes item sunt omnes isti horiperdæ, illis qui è naui egressi ad cibaria aliaque vitæ necessaria coëmenda, vanis se interim oblectamentis in via, pictisve in prato floribus, vel insanis in triuio lurconum saltationibus oblectando, nec soluturæ citò naus, neque rerum necessariarum, ob quas venerant, importandarum meminerint: seque tandem omnibus destitutos, in regione longinqua ignotoque solo derelictos animaduertunt.

Imprudentes.

Mirabuntur aliquando tam malefani temporis æstimatores, dum tempus mercandi merendi que transierit, mœrendi dolendi que; tempus eos repente correpturum: dum mors fluxæ huius naus funem præscindet, eundumque; fuisset eò, vbi cibo qui non perit æternum viuere oportebat; cheu! nihil tale opi-

Mercatores imperiti  
peccatores.



*Ecclef. 14.* nantes videbunt se in profundum præcipitari ad inferos, *vbi*  
*Psalm. 48.* non est inuenire cibum; at econtrà assidue mors depascet mise-  
*Marc. 9.* ros, rodetque eos vermis qui non moritur.

*Laërtius.* Appositè propterea Laërtius, de Zenone Cittico Philo-  
 sopho. Aiebat (inquit) hominibus nihil magis deesse quàm  
 tempus: longè dissentiens ab ijs, qui bonam vitæ partem  
 perdunt somno, temulentia, nugis, & alea; quasi multum  
 temporis superfit homini. Aiebat idem, nullius rei tanta nos  
 penuria laborare, quàm temporis. Hinc Plinius maior, tem-  
*Plinius* poris trutinator seuerissimus, cum nepotem suum ambulan-  
*maior.* tem videret, obiurgauit; poteras (inquit) has horas non per-  
 dere. Iusto igitur pretio Democritus Milesius rem tantam  
*Democr.* aestimabat, cum diceret, Pretiosissimum impedium esse tem-  
 pus. Vt autem exemplo quodam id reddamus illustrius, Plu-  
 tarchum de Sertorio narrantem audiamus.

*Plutar-* Sertorius Proconsul & dux Romani exercitus, cum trans-  
*chus in* itum à Barbaris pecunia redimeret, à suisque ob id malè au-  
*Sertorio.* diret, quasi tributum darent Romani Barbaris, TEMPVS se  
 redimere dixit, quo nihil carius esse consueuerit magnarum  
 audis rerum viris.

*Seneca* Rectè itaque ad Lucilium Seneca: Ita fac ergo, mi Lucili,  
*lib. 9. epist.* vindica te tibi, & tempus (quod adhuc aut auferebatur, aut  
 furripiebatur, aut excidebat) collige & serua. Quem enim  
 mihi dabis, qui aliquod pretium temporis ponat? qui diem  
 aestimet? qui intelligat se quotidie mori? Ita Seneca. Sed ad  
 sacra transferamur.

### Schemat. 3. Cap. 3.

*Pretiosissimum cum sit Tempus, maximam eius  
 habendam rationem.*

*Temporis* **Q**uemadmodum, iuxta fidei nostræ lumen, longè melior  
*aestimatio.* esse debet apud Christianos temporis aestimatio, quàm  
 apud quoscumque profanos sapientes, qui rem istam grandem  
 solo



folo rationis modiolò metiuntur; ita pluris semper facienda est, de valore temporis sacrorum scriptorum auctoritas.

Quare, vnum hîc Bernardum, quasi ex ceterorum loquentem sententia, producamus in medium. Nihil, inquit, pretiosius tempore: & heu! Nihil hodie eo vilius inuenitur. Transeunt dies salutis, & nemo recogitat. Nemo sibi perire diem & numquam rediturum causatur: sed, sicut capillus de capite, sic nec momentum peribit de tempore.

Bernard.  
serm. ad  
schol.

Hinc idem eodem sermone serîd scholares admonet, vt tanti pretij pignus prudenter expendant. Nemo, inquit, vestrum parui æstimet tempus, quod in verbis consumitur otiosis. Volat verbum irreuocabile, volat tempus irremediabile; nec aduertit insipiens, quid amittat. Licet fabulari, (dicunt) donec hora prætereat. O, donec prætereat hora! quam tibi ad agendam pœnitentiam, ad obtinendam veniam, ad acquirendam gratiam, ad promerendam gloriam, miseratio conditoris indulserat. O, donec transeat tempus! quo diuinam propitiare debueras pietatem, properare ad Angelicam societatem, suspirare ad amissam hæreditatem, excitare remissam voluntatem, flere commissam iniquitatem. Hucusque S. Bernardus, parsimonie temporis zelator singularis.

Scholariũ  
admoni-  
tio.

At, cum bona Lectoris pace, hîc quasi per transennam meminisse non pigeat, dicti illius celeberrimi, quod Titus Vespasianus in cœna aliquando dicitur protulisse: quum siquidem illi in mentem veniret, se illo die nihil cuiquam beneficii fuisse largitum, O amici, inquit, diem perdidi. Huic omnino quadrat, quod Pictorius versu quodam ad amicum scribebat.

Pictorius  
ad Lau-  
rent.

*Quo te cumq; die nil sancti egisse videbis;*

*Hunc tibi, Laurenti, deperisse puta.*

*Ista nec in minimis ponas dispendia damnis:*

*Aere potest nullo vel breue tempus emi.*

Sed ad sanctum nostrum redeamus, consilio eius & dictis, consilium dictumque Sapientis accommodando, quo ita omnem hominem Christo vt amico fide obstrictum comonebat: *Fili mi, si sponderis pro amico tuo, defixisti apud*

Prov. 6.

CXIV-



*extraneum manum tuam, illaqueatus es verbis oris tui, & captus proprijs sermonibus. Fac ergo quod dico, fili mi, & temetipsum libera; quia incidisti in manum proximi tui. Discurre, festina, suscita amicum tuum: ne dederis somnum oculis tuis, nec dormitent palpebra tua. Eruere quasi damula de manu, & quasi avis de manu aucupis.* Ita Sapiens: nihil spatij concedens, quod cum exacta ratione non conueniat; vt, cum exiget is cui fidem dedimus & animam debemus, bonam illi dati acceptique reddamus rationem, fidemque nostram liberemus. Torpentem proinde, & à tam salutari necessarioque cessantem officio, duriter verbis sequentibus exagitat; *Vade ad formicam piger.* Si ita pigri inutilesque temporis dispensatores increpantur, quomodo excipiendi erunt dissipatores? Et verè increpationem merentur acerbissimam, qui nihil minùs cogitantes, quàm in quo sint statu, quàm tenui è pilo pendeat ipforum salus, delicijs interim & iocis, & meris vacant insanijs: non maiorem habentes temporis rationem, quàm si ad ipforum nutum, vt olim ad imperium Iosue, sol stare cogatur, quandoque voluerint; nec vel tantillum eis sit metuendum, quid serus vesper vehat.

*Ios. 10.*

*Horarum  
vñs.*

Dicere solent propterea istiusmodi temporis decoctores; vt quid anxie curemus horulas? non nos ipsis, sed ipsæ nobis factæ sunt: quasi verò idcirco tempus in horas distinctum sit, non vt exacta eius habeatur ratio, sed vt pro libidine bonæ horæ consumantur.

*Bernard.  
serm. 3.  
in nat. Do.*

Hanc oscitantiam, intolerandamque inconsiderationem disertè describit Bernardus; in se (ad maiorem motum) tam tristem transfigurans fabulam. Ludebam, inquit, ego foris in platea; & in secreto regalis cubiculi super me ferebatur iudicium mortis. Audiuit hoc vnigenitus eius; exijt posito diademate, sacco vestitus, aspersus cinere caput, nudis pedibus, flens & eiulans, quòd morte damnatus esset eius seruulus (ego nempe.) Intueor eum subitò procedentem; stupeo nouitatem, causam percontor, & audio. Quid facturum sum? Adhucne ludam, & deludam lacrymas eius? Planè, si insanus sum & mentis inops, non sequar eum, nec simul cum lugente



gente lugebo. Ecce, vnde pudor. Haftenus Bernardus. Hinc ille, cuius superiori capite Octastichon de morte proposui, se taliter exstimulabat :

*Quin operor ? segnis tunicata quid otia sector ?*

*Fortè breui nuda flebilis abdar humo.*

Quàm exiguam habeant temporis benè merendi rationem, qui sic viuunt, neque vllis mouentur modis ad seria ; res ipsa testatur : in ludum eis vertuntur omnia, more infensatorum. Ita Canius Iulius, Philosophus alioqui grauis, cum diu cum Caio Cæsare altercatus esset, mori ab eo est iussus. Cum verò ad necem vocaretur, latrunculis ludebat (Scachia ludus notus est.) Tum numeratis calculis, sodali inquit : Vide, ne post mortem meam mentiaris te vicisse : & simul Centurioni annuens ; Testis, inquit, mihi eris, vno me antecedere. Ceruicem inde percussori præbuit intrepidè.

*Seneca.*

*Latrunculo-  
rum lu-  
dus.*

Ita Ptolomæus Ægypti rex tesseris ludens fontes condem-  
nabat. Berenice vxor eius, accepto libello è pueri manibus,  
non permisit vt ad finem vsque legeretur : dicens, non sic obi-  
ter aduertendum esse, cum de hominis salute quæritur, sed  
altius cogitandum, & relinquenda ludicra. Non enim si-  
milem esse casum tesserarum & corporum. His auditis de-  
lectatum Ptolomæum ferunt, neq; postea vñquam inter lu-  
dendum de capitalibus causis audiuisse. Concludamus ita-  
que hoc caput illa Senecæ sententia : Non tam benignum ac  
liberale natura nobis TEMPVS dedit, vt aliquid ex illo vacet  
perdere.

*Flan.*

*var. hist.  
lib. 14. cap.  
43.*

*Tesserarū  
ludus.*

*Seneca epi.  
118.*

### Schemat. 3. Cap. 4.

*Exactis calculis ostenditur, quanti sit momenti, com-  
pendium & dispendium temporis.*

PORRò, vt adhuc euidentius tantam inæstimati temporis  
iacturam, eamque irreparabilem, graphicè commonstre-  
mus ; cogitemus, non iam solum (vt ex Bernardo didicimus)

G

mortis



Morti pro-  
ximo, quæ  
mens: quæ  
temporis  
ratio.

mortis sententiam in nos latam, regisquæ filium habitu feruili pro nobis exeuntem, desilentem nostram infelicitatem, paratumquæ mori pro nobis; verumetiam, si placet, nos ipsos ad supplicium duci, omnemquæ toto oppido concurrere populum, ad tam triste spectaculum. Nõnne extremæ esset dementiæ, ridere, iocari, nugis & mundi vanitatibus oblectari, saltitare, gestire, & ludicra quæque exercere per viam?

Tempus quod reliquum est, mœrorem, meditationem mortis, conscientiaexamen & purgationem, salutem animæ, & totius vitæ præteritæ bono fine iam iam claudendæ feriam recordationem iure suo indubiè deposcit. Et sanus sit, qui hoc ipsum, partemve ipsius minimam fallere, perdere, vel tefere non horrescat?

Vita via ad  
mortem.

Quis enim nesciat, vitam hanc viam esse ad mortem? si paulò diutiùs alijs vitam trahis, productiorem tantum tibi esse ad mortem viam debes æstimare. An, quia reorum aliqui foras ad locum supplicij extra portas ciuitatis deducuntur, minùs de morte ac præsentis illo tempore benè collocando cogitare debent, quàm qui intra mœnia, in ipso fortè foro, plectendi sunt? Si plus spatij suppetit, eò felicior, quòd plus otij reliquum est ad diligentius se in mortem præparandum: at non, vt vel punctum tam sancti temporis perire permittat, nedum sponte perdat.

Quis item nisi emotæ mentis homo, tempus terendum existimet, vel futilibus transigendum, quando iam certatim ad incendium esset concurrendum, præsertim si illud viciniam corripuisset? Nemo enim nescit, quid verficulus ille, lippis & tonforibus notus, tam sedulò cunctis inculcat:

Horat. I.  
epist.

*Tum tua res agitur, paries cùm proximus ardet.*

Subito in  
casu, quid  
facto opus.  
Ludi pa-  
storiales.

Quis similiter in communi naufragio tam vanus sit temporis emensor, qui tum vacare se posse delicijs iocisquæ credat, cùm, si cuique centum sint manus, omnes essent adhibendæ? Aut quis pastorum tam euaporati sit cerebri, qui fistula, cantu, saltu, poculisve cum otio se oblectet, aliòsve similibus ad certamen inuitet, quando iam lupo in gregem irruens,



irruens, rapit, grassatur, & stragem facit tetram ac miserandam? Quis deniq; si quando domus ruat, si hostis inuadat mœnia, si ad arma concurratur, si miles infrendens iugulum petat, si postremò cum morbo letali morteque ipsa luctandum; quis, inquam, temporis illius opportunam non habeat rationem? quis tunc ei ad ludicra, risus, & voluptatum intemperiem, sit animus? quis ei rem gratam facturum est, qui de tempore fallendo, terendo, perdendove fecerit mentionem; cum de vita, de anima, de salutis æternæ possessione, vel etiam de adeundis gehennæ incendijs agatur? Merito quod res tum postulat & usus, tota est animi intensione prouidendum, cum à momento vno tota (tanta quanta est) pendeat æternitas.

Quocirca Apostolus, totius vitæ nostræ breuitatem, adco-  
 que totius temporis restantis vsque ad diem iudicij, quasi momentaneum transitum expendens, sic censebat, sic loquebatur, sic nobis agendum arbitrabatur; quemadmodum iam diximus in casibus illis subitis faciendum, pro re nata nimirum. Et in hoc totis studijs incumbendum, quod ipsa res, & præsens temporis necessitas videtur exigere. Sic inquit: *Hoc itaq; dico, fratres; Tempus breue est: reliquum est, ut & qui habent uxores, tamquam non habentes sint: & qui flent, tamquam non flentes; & qui gaudent, tamquam non gaudentes; & qui emunt, tamquam non possidentes; & qui utuntur hoc mundo, tamquam non utantur. Præterit enim figura huius mundi.*

Sic & Propheta Ezechiel inclamat: *Venit tempus, appropinquauit dies: qui emit, non letetur; & qui vendit, non lugeat; quia ira super omnem populum.* Quo loquendi modo illam temporis hominumque conditionem nobis ob oculos ambo statuere videntur, quæ in communi omnium vastatione & conflagratione solet accidere; qualemque certò futuram scimus, quando in die illa, die inquam iræ & consummationis sæculi, nihil erit quod tristetur qui sua distraxerit; nihilque quod gaudeat, qui illa sibi compararit. Quia, qui vendidit, caret quidem, sed æquè erat iam omnia perditurus; atque ita non est, quòd cum venditionis transactæ poeniteat.

Vitæ tempus ut expendendum.

1. Cor. 7.

Ezech. 7.

Diei nouissime consideratione.



Qui verò emit, habet is quidem, sed idem est, atque si non habeat, quia possidere non potest, cum certum videat omnium interitum imminere.

Sic qui vxores habent, qui diuitias accumularunt, qui sumtuosa exstruxere palatia, qui amplissimos plenis animis fovebant fecundabantque conceptus, & quasi nomini orbem extra mundi præsentis ambitum ac horizontem meditabantur: cum iam labascent vniuersa, & inaudito partium collisarum fragore, certam vicinamque cuncta minabuntur ruina; tempus illud, quo figuram, opulentiam, molemq; ipsam mundi huius præterire & perire videbimus, ad alias longè cogitationes mentem vniuscuiusque auocaturum res ipsa declarat.

Specimen aliquod, in re quam contigisse certum est, in medium afferamus, in quo, tanquam in hoc mundi theatro contemplabimur, quid animi tunc potuerit fuisse hominibus, ad tempus terendum iocis, ad inaniter se oblectandum fallendumque otium. Diluuij stragem, & hominum in illa exuberantium aquarum eluuiione discurrentium perplexitatem, ob oculos pono. Verum quidem est, quod & ipse dicit Dominus; *Sicut factum est in diebus Noë, ita erit & in diebus Filij hominis. Edebant & bibebant; vxores ducebant, & dabantur ad nuptias, vsque in diem qua intrauit Noë in arcam; & venit diluuium & perdidit omnes. Similiter, sicut factum est in diebus Lot; edebant & bibebant, emebant & vendebant, plantabant & edificabant: qua die autem exijt Lot à Sodomis, pluit ignem & sulphur de cælo, & omnes perdidit: secundum hæc erit, qua die Filius hominis reuelabitur.* Hæc Christus ipse. Ita quidem se ista habebant: sed id solum, quamdiu vastitatem ingruentem non sentiscebant. At, quando iam vndis diluuij absorbebantur iactabanturque omnia; quando item flamma cælestis iræ vindex vniuersa consumebat; sic in ipsa diei nouissimæ trepidatione & clade; quem tunc animum ad iocum, choreas, scurriles fabulas, pocula, aleas, nuptias, hortos, merces, & cetera mundi ramenta, miseris mortalibus fuisse vel esse posse existimemus? Certum est, alia tum temporis, etiam

Luc. 17.

Noë arcæ  
cōstructio,  
& in eam  
ingressus.



etiam non vocata ventura in mentem, totamque hominis cogitationem aliò prorsus abreptura.

Neque tamen hic ita quispiam Catonem agat, ut honestam suo tempore à serijs animi relaxationem improbarit; quam ad arcus detensi imitationem, non solum doctis grauiusq; viris, verum etiam sanctis ipsis in vsu fuisse cognouimus. Sed, salua illa quasi naturæ lege,

Recreatio  
honestæ.

*Quod caret alterna requie, durabile non est:*

Epist. Phæ-  
dra ad Hip-  
pol.

homini Christiano exactissimam esse habendam temporis rationem, statuendum est: quod & sequenti capite, ob rei tantæ momentum, declarabitur.

### Schemat. 3. Cap. 5.

*Cura temporis, ob vitæ incertitudinem, terrena  
cura posthabenda.*

**C**UM, iuxta D. Augustinum, huius vitæ tempus cursus ad mortem sit; ut & supra meminimus; mirum nemini videri debet, si toto vitæ decursu talem dicamus unicuique habendam temporis rationem, ut qui sit mox fortè moriturus. Huc facit illa Senecæ sententia: Sic formemus animum, tanquam ad extremum ventum sit: nihil differamus: qui quotidie vitæ suæ manum imponit, non indiget tempore. Ac si dicat, semper mori paratus est, quare quotidie mortem exspectat.

August. de  
ciuit. D. li.  
3. cap. 10.

Seneca  
epist. 102.

At, quia sponsi Penelopes, & studiosi temporis elusores, tam mordicus oppositam tuentur partem, ut liceat pro luto, quouis tempore ad quauis impunè abuti; idè prædictis adhuc parumper insistendum duxi. Lubeat igitur, prætorum occasione, tam turbati illius temporis aliquale videre spectaculum; quod, uti dico, propter vitæ caducæ incertitudinem, semper nobis ob oculos versari deberet. Dominum nostrum id viuide adumbrantem attendamus.

Sponsi Pe-  
nelopes.

G 3

Cum



Matth. 24.  
Marc. 13.

Cum videritis, inquit, abominationem desolationis, &c. tunc qui in Iudæa sunt, fugiant in montes; & qui super tectum, non descendat in domum, nec introeat, ut tollat quid de domo sua: & qui in agro erit, non reuertatur retrò tollere vestimentum. Ecce, vbique fuga, vbique celeritas, salutis solius cura, & contemptus omnium quæ in mundo sunt; non solum rerum vnicuique communium, verumetiam priuatarum, & maxime familiarium, quarum amore quodam peculiari hominis animus solet distineri.

Nec mirum tamen istorum tunc fore neglectum; eiusmodi namque futura est totius vniuersi constitutio, quæ nullam aliam, nisi in aperte dementibus, admittat cogitationem, quàm quæ ad rem faciat. Erit enim tunc tribulatio, qualis non fuit, neque erit; arescentibus hominibus præ timore, & expectatione, quæ superuenient vniuerso orbi.

Ephes. 5.

Chrysost.

Tunc siquidem in summo gradu locum habebit, quod dicit Apostolus: Videte, fratres, quomodo cautè ambuletis. Non quasi insipientes, sed ut sapientes; redimentes tempus, quoniam dies mali sunt. Hanc sententiam ita explicat Chrysostomus, ut quando in domo tua à violentis prædonibus inuasus obrueris, qui etiam minentur mortem; omnia quæ habes, in redemptionem vitæ lubens offers; adeò te nulla tunc amplius illarum rerum, quas possidebas, quibus oblectabar, voluptas tenet; sed tota cogitatio eò fertur, ut te præsentis periculo eripias: ita tempore illo tam varijs obnoxio periculis & calamitatibus, ita ob impendentes necessitates in angustum redactò, iam iamque extrema comminanti; non aliæ meritò occurrent animo cogitationes, quàm de tempore illo redimendo, ne ex eo vel momentum depereat, sed totum in salutem animæ cedat: quando quidem illa ab isto, ut puncto, dependere certò cognoscitur.

Petr. Mass.  
Hist. Indic.  
lib. 11.

Narratur in historijs Indicis singulare sollicitudinis animæ momenti quæ nouissimi exemplum; quo caput istud obfignabimus. Christophorus quidam Lusitanus in arce Diensi contra Turcas agitabat excubias. Fortè ita euenit, ut, cum pro mauri corona staret armatus, contorta ab hostibus è transverso



uerso pila, partem ventris vnà cum intestinis abriperet. Exemplò semianimis domum relatus, vti erat de æterna salute sollicitus, parentem optimam interrupta compellans voce, Peto, ait, abs te, quæloque mater, vti mihi prius ad expianda crimina sacerdotem, quàm ad prosequendum obitum lacrymas ac suspiria, præbeas. Vereor enim, si te ingemiscentem audiero, ne dolor tuus ac mœror, meam ad supremum hoc iter necessariam *exigui temporis* præparationem impediatur. Cui parens, vidua, inter adstantium singultus & complorationem, vnà siccis oculis, & placido vultu; Ego verò quod doleam, inquit, fili, habeo nihil, nisi noxæ aut piaculi quippiam tibi superesse, quod eluas. Nam alioqui probè intelligo, ijs qui istud obierint leti genus, præclaram esse mercedem paratam in cælo. Tu modò clementis Dei pacem ac veniam fidenter implora; teque in hoc transitu virum præbe. Id vnum in hac orbitate maximo mihi solatio fuerit. Inter hæc adhortationes labentia moribundi viscera manu suffulciens, fugientis animæ reliquias tamdiu fouit, quoad accito in id sacerdoti peccata cum salutari detestatione confessus, & absolutus, in sinu parentis animam efflauit. At nunc, ad temporis opportunitatem, quod proprium occasionis nostrique propositi est argumentum, reuertamur.

## Schemat. 3. Cap. 6.

*Temporis opportunitatem, exemplo quoque diuinæ  
providentiæ, maximi esse faciendam.*

EX hæcenus hoc schemate dictis liquet, prudentissimum quemque, multum in temporis opportunitate momenti collocare, siue quod ad gratiam salutemque animi procurandam, siue quod ad rem in alijs negotijs benè gerendam attinet. Idque iuxta Sapientis sententiam: *Omnia* Eccles. 3.  
*tempus*



*tempus habent, & suis spatijs transeunt vniversa sub celo.* Vnde sequitur, eum, qui opportunum rerum quarumcumque vsum quærit, tempus earundem proprium expectare debere, & captare opportunitatem.

Prouidentia  
diuina, tem-  
poris op-  
portunita-  
tem elegit,  
ad Salutis  
nostre my-  
steriũ per-  
agendum.

Nam, veluti importunum fuerit, si aliquid non suo tempore attentaris, ita similiter, si suo quidpiam tempore prætermiseris. Vnde Christus Saluator noster, tametsi ardentissimè salutem humani generis sitiebat, toties tamen ingeminabat, tempus meum nondum venit, nondum venit hora mea. Abscondebat se quæsitus ad necem, & cum iam salutare illud momentum, ab æterno statutum, aduenit; nullo modo sibi illud prætermittendum existimauit; vt etiam tum suis persecutoribus obuiam sponte processerit. Adeò, apud altissimum quoque diuini consilij secretum, locum habet, cuncta tempore opportuno in effectum deducere.

Cant. 2.

Opportu-  
nitas Dei  
exemplo  
captanda.

Hinc sicut sponsa dilectum suum, Dei filium, ad humanæ naturæ consortium, nostrique generis reconciliationem inuitauit, temporis opportunitatem allegando, hisce signis velut tessera, ex ore sponsi ipsius collectis; *Hiems transit, imber abiit, & recessit: flores apparuerunt in terra nostra, tempus putationis aduenit; vox turturis audita est in terra nostra, &c.*

Ita Deus noster, temporum ipse rerumque omnium creaturæ opifex, qui unicuique rei tempus proprium consignauit, ipse inquam (vt iam cœpi dicere) mundum renouaturus, genusque redempturus humanum, aptissimum tempus, & occasionem tantæ rei opportunissimam elegit, statuit, obseruauit.

Mundus siquidem totus in maligno positus, quod clariùs videbat, non esse sibi auxilium à se, neque à sacrificijs legis, quibus tot iam retrò seculis, ad fatigationem fuerat exercitatus; neque à quoquam alio, nisi à solo Deo; eò magis debebat agnoscere beneficium Redemptoris, tam opportuno sibi tempore exhibitum: vt qui verè is esset, quem toties antea illuminatissimi quique exoptarant adiutorem in *Opportunitatibus*, & in tribulatione.

Ob id meritò exclamauit ad Dominum, ipse, qui hanc opportu-



portunitatem à Deo illustratus clarissimè cernebat. *Tempus faciendi, Domine; dissipauerunt legem tuam.* Vnde & ipse Dominus conuenienter his respondens, ait: *Tempore accepto exaudiui te, & in die salutis adiuui te.* Quod & Apostolicà tubâ, vt præconis voce, proclamatum est, esse tempus gratiæ, tempus euangelij. *Ecce, inquit, (vt ante memini) nunc tempus acceptabile, ecce nunc dies salutis.*

Quapropter est euidens, quare tot annorum spatijs antè denunciauerit Isaias; *Querite Dominum dum inueniri potest, inuocate eum dum propè est.* Quia, in signum, tempus illud optabile, Occasionemque tam diu expectatam, per Christi Saluatoris aduentum obtigisse, re ipsa testati sunt omnes miserijs morbisque corporis & animæ distenti, ipsum esse, qui à Dauide fuerat prædictus & prædicatus, *Adiutor in tribulationibus, quæ inuenerunt nos nimis: tempusque esse miserendi eius, quia venit tempus,* quo miseretur Sion. Proinde accurrerunt ad Saluatorem nostrum, non solum ægri, tum maximè opportunè, quando *virtus de illo exibat, & sanabat omnes;* verumetiam publicani & peccatores, vt animæ noxas tam opportuno, ceu cælitus lapso, remedio eluerent.

Temporis itaque maxima est habenda ratio homini Christiano; qui Deum ducem fidelissimè sequi debet, in ijs omnibus quæ sibi in eius actionibus per fidei normam didicerit imitanda. Hinc periculosum in tam sancto compendio dispendium tædij vitare tempusque lucrari doctus Antonius, visum à Deo accepit, quo Angelum viri specie in cella sua est contemplatus, nunc orantem, nunc manibus operis aliquid actitantem, temporisque momenta fructuosè dispensantem.

Nec immeritò, quis enim balsamum vel aliud pretiosum vnguentum, cuius sola gutta vitæ conseruandæ sufficiat, abijciat in cloacam, vel calceis inungendis infumat?

Quocirca non immeritò Alexander ei succensuit, potiùs quam

H

quàm

Psal. 118.

Isa. 49.

2. Cor. 6.

Isa. 55.

Tempus gratiæ, tempus opportunum.

Psal. 45.

Psal. 101.

Luc. 6.

S. Antonij visio.

Alexand.



Mirādum  
in re parua

quàm vt temerè speratum præmium largiretur, qui grana ciceris per ocellum acus quoties vellet eminus sine frustratione traiceret; quod nimirum non tam laudandam ipsius iudicaret industriam, quàm damnandam pretiosi temporis in rem inutilem impensi iacturam.

Matth. 18.

Ita edoctus periculo suo seruus ille nequam, bonorum domini sui dissipator, quantum momenti vrgenti necessitate in temporis vsura esset ponendum; cùm nihil aliud ei suppeteret, minis subhastationis, venditionis, destitutionis eum extremè prementibus, hoc tantum occurrit reliqui, vt ita rogaret dominum suum: *Patientiam habe in me, & omnia reddam tibi.* Ac si secum cogitet dicatque: Spatium dato, ne præcipientes, temporis moram aliquam indulge misero, in rerum temporisq̃ angustia constituto; &, tametsi nihil rei sit ad manum, quod tam ingenti debito soluendo sufficiat; neque certò sciam, quid mihi eum in finem sit accessurum; spei tamen suppetet plurimum, si moram impetraro: tam insperatum est siquidem nonnumquam temporis emolumentum, vt spem concipiam, me rem quoque omnem posse temporis beneficio restaurare.

Anima è  
pilo pendens.

Ita haud dubiè anima è pilo pendens, felici temporis momento, longum illud æternum in tuto potest collocare; atque idè temporis pretium ipsi debet esse inæstimabile. Quàm verò dispendiosum sit, etiam in rebus temporalibus gerendis, tempus negligere, præter iam dicta, in sequenti quoque schemate expendetur; vbi de spretæ occasionis iactura ex professo differendum.

ORA-



## ORATIO III.

Pro bona pretiosi temporis ratione.

**D**Eus, cuius nutu vitæ nostræ momenta decurrunt, illam procul à mentibus nostris auerte dementiam, qua vel momentum temporis scientes volentesque sine fructu transigamus; sed ita exacti simus, ad salutis augmentum, tanti muneris dispensatores; ut, sicut nec de verbo otioso, ita neque de amisso tempore, ratio sit nobis in tremendo tuo iudicio reddenda; sed fideli transacti temporis usurâ beatam illam eternitatem comparemus. Per Christum Dominum nostrum. Amen.







A. Hanc quoque nunc, Iuvenes, certatim inuadite Laruam;  
Quandoquidem dat sponte sua se OCCASIO sponsam.  
B. Hur socij; noua nascitur hic occasio risus.  
C. Pro monstru horrendu! D. Quid id est? Num femina, vel mas?  
E. Fronte capillitium gerit, ast glabrum occiput illi.  
F. Mos pueris, sponsam Maij exornare calendis,  
Reginaeque ins tar longa deducere pompa,  
Et ramis capiti obtensis, fausta omnia Nymphae  
Acclamare nouae; quid si pro tempore, pro re,  
Haec eadem nobis ludatur fabula? G. Belle.



## Schematis 4. explicatio;

*Quo, stimulante damone, miserè elu-  
ditur OCCASIO.*

## Schemat. 4. Cap. 1.

*De ingratitude OCCASIONEM Dei que dona  
spernentium.*



INGRATITVDINEM (vt apud Stobæum legi-  
mus) potissimum impudentia sequitur, quæ  
ad omnem turpitudinem maxima est dux.  
Quid enim ex occasionis oblatae contentu,  
tantique beneficii ingratitude, aliud exspe-  
ctemus, quàm insignem impudentiam, quæ vitiorum cete-  
rorum agmen inducat? Certè intoleranda est quorundam  
ignauia, omniumque calculis damnanda peruersitas, qui di-  
uinum ad præstantissima quæque opportunitatis obsequium  
indignè proculcant.

Iustissimam propterea mihi visus est proferre sententiam,  
princeps Philosphorum Aristoteles, super tantæ indignita-  
tis iniuria. Si, inquit, tam indignarentur illi quibus non est  
facta iniuria, quàm illi quibus facta est; nullum in ciuitate ad-  
mitteretur scelus. Non essent sanè tot tamque temerarij bonæ  
occasionis contemtores, si non solum illi, quos fortè nego-  
tium concernit vicinius, sed etiam omnes in vniuersum æqui  
bonique amatores, iniuriam illam communitati, per occasio-  
nis oblatae neglectum, illatam, pro suo quisque munere dete-  
staretur, vtque æquum est execraretur.

Non raro siquidem vnus culpa in totius Reipublicæ da-

H 3

mnum



mnium exuberat : sed non indignantur omnes ad indignum facinus ; quia fauor humanus, assentatio, & amicitiae priuatae, efficiunt, vt commune malum non æqua lance ponderetur : magisque horretur hac ratione (merita licet) priuati cuiusquam correptio, quàm illata per eius culpam communitati iniuria.

Verùm præfenti iam operi accingamur, & luctuosum hunc insensatorum iuuenum plausum, quantum feret animus, contemplemur. Stimulâte dæmone, vt habet imaginis argumentum, miserè eluditur O C C A S I O. Sicuti namque prius Tempori illuserunt, ita nunc & Occasionis illusores effecti, pergunt insanire.

Sic ruunt in præceps, qui ingrati Deo, nec pretiosissima quidem eius dona flocci pendunt : vt ob id non immeritò dicat Quintilianus ; Maximum omnium vitiorum signum est ingratitudo. Et, si gratiam homini non referre, simile homicidio est, quantum crimen est, Deo non referre ? inquit Ambrosius. Quocirca, vt Publius Mimus ait : Dixeris maledicta cuncta, si ingratum hominem dixeris. Et quis istos istorumque occasionis prodigos, ingratos, iniurios, & impios esse inficiatur ? At actus ipsorum & intolerandam proteruiam singillatim expendamus.

Sponsæ  
inuersæ  
simulacrū.

Ridendam, in sponsæ inuersæ morem, Occasionem exponit diabolus ; tantisper saltem (vt inquit) donec elabatur : quasi verò nō hic sit primarius eius scopus, vt nempe Occasio elabatur. Atque in tantum nefas audaces facit, pudorem omnem abstergit, & honesti prætextus fuco, scelus execrabile reddit speciosum : quasi ipsa O C C A S I O se ad tantam sibi contumeliam inferendam sponte offerat sua, cum non nisi ad præclara quæque à Deo concedatur.

Instigatoris huius ad malum, non valde alienam à proposito figuram exhibuit impurus ille Vagao eunuchus. Cui postquam dixisset Holofernes ; *Vade & suade Hebraeam illam, vt sponte consentiat habitare mecum. Fædum est enim apud Assyrios, si femina irrideat virum agendo, vt immunis ab eo transseat. Introiuit Vagao ad Iudith, & dixit ; Non vereatur bona puella*



*puella introire ad dominum meum, ut honorificetur ante faciem eius, ut manducet cum eo, & bibat vinum in incunditate.*

Illud sibi ille ab ea nolebat, & interim ipsi meditabatur illudere: specioso ad hoc utens honorificetæ pallio, quo etiam scelus coram Deo capitale talibus fascinis obligata non auerfaretur. Optatissimam suæ libidini sponsam putabat oblatam infestissimus Deo barbarus; sed ignorabat miser Deum ipsi per huius Heroïnæ manum afferre interitum. Ast illusionem occasionis constructam, in hoc Vagaonis stratagemate, animus erat obiter considerare. Nunc singula percurramus.

#### Schemat. 4. Cap. 2.

*Stupenda indignitas eorum, qui Occasionis opportunitatem eludunt.*

**I**Nter quinque hosce protritæ spei iuuenes, prouocat primus socios, ad nouam maioremque Occasionis irrisiōem. Illi accurrentes, monstri eam loco habentes, admirantur, inuestigant, nesciunt quid de illa tandem sibi sit statuendum: quod scilicet in fronte capillitium, in posteriore verò capitis parte caluitium aduertant.

**F** Suggestit tandem vnus è grege, nequior ceteris, consilium, quo iuxta receptum pueris morem, velut sponsam eam deducant, & ramis capiti obtensis, fausta illi omnia læti adclamēt. Ast, quò sit maior in hoc ludo lepiditas, & ne, conspectâ antè comâ, retrorsum ire existimetur, verè eam retrogrado pede faciunt inambulare; laruam affigentes occipiti, vt viuam arbitrentur faciem spectatores. Applaudit nequam spiritus, & se ridiculæ, sed meritò deplorandæ pompæ ductorem, funestique epithalamij facit præcentorem. Exhorret interea diuina supernè maiestas, & tota cælestis curia, rei indignitatem.

In huius insolentiæ detestationem, iure illud Isocratis in parænesi sua grauissimè ad Demonicum, vsurpemus; Neque *Isocr.* in ridiculis, inquit, serias res agas; neque in rebus serijs, nugis gaudeas.



gaudeas. Nam, quidquid non tempestiuè neque in loco fit, ubique molestum est.

Occasionis  
bonæ ne-  
glectus.

Quàm intempestiuum sit, quis sufficienter explicet, quòd optimarum rerum Occasio, quasi cælitus data, friuolis & merè puerilibus oblectamentis postponatur? Quis cladem illius noctis, tamque crassæ ignorantix perniciem æquanimiter ferat? Quando percontemur perpeti fletu deploranda neglectæ occasionis exempla, damna, meritas pœnas? vix tamen dies elabitur, quin simul & optimæ occasiones plurimæ elabantur.

Genes. 3.

Quàm optandam, statim à lapsu, redeundi in gratiam primis nostris parentibus obtulit Deus in paradiso occasionem, quando eos hisce verbis, veluti stimulis, ad agnitionem culpæ prouocauit: *Adam, ubi es?* (quoad locum, & quoad lapsum, vbinam es?) Item, *Quis indicauit tibi, quòd nudus esses; nisi quòd ex ligno, de quo præceperam tibi ne comederes, comedis?* Sed, eheu! non arripuit Adam oblatam tali occasione gratiam; verum, vt ad folia ficus, ita ad peccati tegmina per excusationem confugit.

Mulieri quoque eadem est oblata occasio veniam promerendi, dum per peccati confessionem inuitatur ad pacem & gratiam, hoc pacto compellata: *Quare hoc fecisti?* Verum, & ipsa in serpentem reiecit offensam. Hinc spretæ occasionis vindex, miseranda mortalis vitæ calamitas, mortisque imperium, promanarunt.

Occasionis  
contemptæ  
dispendiū.

Habuit occasionem optimam Cain quoque, ex fratris sui Abelis exemplo, ad gratum Deo sacrificium offerendum, eiusque gratiam demerendam: sed, dum spretâ illâ, potius in inuidiæ occasionem conuertit, omnia illi præposterè deinceps succedere. Stupendos fecerunt gradus, quasi pari passu, eius & miseria & malitia; donec infelici tandem infamique sine mors cuncta concluderet.

Genes. 6.

1. Pet. 3.

Arce Noë  
predicatio.

Quàm malè cessit similiter hominibus illius seculi, quando Noë Dei iussu arcam fabricabatur, vt inquit Petrus, & ipse tam inuisæ machinæ structurâ eis prædicabat vitæ in melius commutationem? quàm malè, inquam, cessit, occasionem  
tam



tam raram, tam euidentem & obuiam sic neglexisse ! Incre-  
duli remanserunt, sapere noluerunt, neque vnicam illam sa-  
lutis anchoram apprehenderunt : sed, vt suprà meminimus,  
comederunt & biberunt, omnem mundi vanitatem sectati  
sunt : *Et non cognouerunt* (inquit Dominus) hoc est, nolue-  
runt attendere neque intelligere vt benè agerent ; *donec ve-* Matth. 24.  
*niret diluuium ; & tulit omnes.* Tanti constitit vitæ & salutis  
occasionem habuisse contentui.

## Schemat. 4. Cap. 3.

*Alijs adhuc exemplis, spretæ Occasionis  
dammum ostenditur.*

**Q**uid causæ, putamus, fuit ; cur Cham maledictus à patre Genes. 9.  
fuerit, & seruus seruorum fratribus suis constitutus, to-  
taque stirps Chanaan deinceps vt infamis habita ; nisi quia Cham ma-  
ledictus.  
occasionem nactus bene merendi de patre iacente in taber-  
naculo, potiùs in occasionem risus & ignominie traxit, etiam  
fratribus suis id ignorantibus reuelando ? Isti verò, occasione  
consulendi honori paterno benè vtentes, à patre fuerunt be-  
nedictione remunerati.

Irriserunt quoque oblatam salutis occasionem, vt audiui- Genes. 19.  
mus, duo generi Lot, quam eis ipse iussu nunciij cælestis in  
manus dabat. *Videbatur eis ludens loqui*, inquit sacra historia,  
sed iocus ille certo ipsis exitio constitit. Nam igne de cælo  
delapso, cum reliquis Sodomitis absumti sunt.

Esau spreuit Occasionem rem suam inconcussè stabilien- Esau.  
di ; *Accepto siquidem pane & lente, comedit & abiit : paruipen-* Genes. 25.  
*dens, quod primogenita vendidisset.* Vbi notanda venit crassa  
illa in tam incomparabilis rei damno oscitantia, quando sin-  
gulare illud Occasionis beneficium tam indignè repellitur.

Opimam quoque conuertendi se ad Deum occasionem  
non arripuit Laban, cum per Iacob ditatus & à Deo fuerit be-  
nedictus, dicente ipsi Iacob ; *Modicum habuisti antequam* Genes. 30.

I

venirem



Iacob &  
Laban.

*venirem ad te, & nunc dives effectus es: benedixitq; tibi Deus ad introitum meum.* Sed tam benignè oblatam est aspernatus occasionem: mansit idololatra; & abeuntem Dei monitu Iacob cum vxoribus suis, eius filiabus, hostiliter est persecutus: illumq; tractasset indignè hominum ingratisissimus; nisi Deus ei antea fuisset interminatus, ne faceret. *Valet, inquit, manus mea reddere tibi malum; sed Deus patris tui, heri dixit mihi, Cave ne loquaris contra Iacob quidquam durius.*

Sic fiunt, ecce, & Deo odibiles, & sibi alijsq; iniurij, quicumque oblatam salutis occasionem vilipendunt. Poterat porro iste (si voluisset) hac occasione, & veri Dei cultor fieri, & rebus omnibus affluere.

Genes. 37.  
Fratres  
Ioseph.

Occasionem similiter à Deo datā habuere fratres Ioseph, & vitæ in melius commutandæ, & diuini fauoris vberius obtinendi: tum, quando ipsis sua somnia, futurorum præsaga recensuit; tum, quando diuinum planè puerum, parenti tam gratum, Deoque carissimum, tanta cum animi alacritate, erga patrem obedientiā, & sincera in ipsos charitate, ad se venire conspicerent, solandi eos gratiā, visendiq; hortatu patris, si cuncta prospera ipsis acciderent. Quid interea illi? suntne tantæ felicitatis *opportunitatē* in tam comodo comite, fratre inquam, amplexati? exosculati sunt amicā in tam amœno vasculo *occasionem*? minimè gentium. Spreuerunt oblatam tanti boni ansam, atque in contrariam cuncta partem retorserunt. *Oderant eum* (inquit historia) *nec poterant ei quidquam pacificè loqui.*

Occasio maioris dilectionis coniunctionisq; animorum, inuidiæ & odij fomitem ministravit, nullo suo merito, sed ipsorum peruerfate eam aspernante; & vniuersa, quæ in bonum erant accipienda, in malum conuertente. *Ecce* (inquiunt) *somniator venit: venite, occidamus eum, & mittamus in cisternam veterem; dicemusque, fera pessima deuorauit eum: & tunc apparebit, quid illi prosint somnia sua.*

Schemat.



## Schemat. 4. Cap. 4.

*Intoleranda erga OCCASIONIS beneficium ingrati-  
tudo, alijs præterea exemplis declaratur.*

**Q**uantam quamque multiplicem maximi boni occasio- Genes. 40.  
nem habuit Pharaon rex Ægypti, & ad Dei veri cognitio- Pharao.  
nem, & solidæ prosperitatis asyllum consequendum, si arri-  
pisset! Hanc ei pariebant, quasi fecundissimo matris cuius-  
dam sinu, Iosephi sapientia, vaticinia, consilia, Dei numen  
in ipso multis quotidie argumentis elucens, somniorum viso-  
rumque explicatio; in septennalis inedia calamitate prudenti  
prouisione superanda, solertia; totius denique terræ Ægy-  
ptiacæ ipsi sua industria subiugatione. Attamen neglexit o-  
mnia, neque eò venit, quò ipsum quasi protensa manu duce-  
bat *Occasio*: quin tandem, in suum suorumque caput, pessimè  
abusus est omnibus; amicam occasionem in acerbissimi  
odij & seuerissimæ hostilitatis causam conuertendo.

Insignem quoque se postmodum præbuit idem ipse Occa-  
sionis bonæ contemptorem; quando, quot plagis à Deo pro  
populi Israelitici dimissione fuit castigatus, totidem fuit no-  
uis occasionibus ad saniolem mentem reuocatus. Neque tan-  
tùm neglexit, verumetiam pertinaci malitia, corde obdurato,  
& tandem armata manu, totoque Regni robore, se tam salu-  
tari occasione obiecit; vt mirum non sit, si cum omnibus suis  
tam miserandam in mari rubro perpeffus sit cladem. Nam  
meritò diuinæ vindictæ flagello perstringitur, qui beneficæ  
manus obsequium auersatur. Quid enim est aliud *Occasio*  
boni, quàm oblatum à Deo opportunitatis beneficium, ad re-  
ctè agendum, salutemque promerendam? neque fas est vel  
minimum magni regis (nedum Dei) donum contemnere.

Quàm indignè tulerit Moyses populi Israelitici ingrati- Exod. 32.  
tudinem, tamquam eximie occasionis vituperium, vel eo solo Ingrati-  
tudo populi  
Israelitici.  
potuit argumento constare, quòd Dei digito conscriptas ta-



bulas, iratus valde proiecerit, easque ad radicem montis confregerit. Videns siquidem populus, quod moram faceret descendendi de monte Moyses, cum per id occasio eis potius daretur, ad sibi de tali duce congratulandum, Deo gratias agendum, ad Moysen ipsum factum iam Deo familiarem, suæque maioris felicitatis effectum patronum, magis honorandum, timendum, amandum; omnia in aduersam partem rapientes, tanti boni occasionem, ut causam suæ infanix peropportunam, sunt amplexati. *Fecerunt sibi vitulum conflatilem, sedit populus manducare & bibere, & surrexerunt ludere.* Ecce, quam grauis noxæ est, prima fronte occasionem malè excipere! Pœnas tantæ dementiæ dederunt, cæsis vna die triginta tribus millibus.

*Num. 11.* Non impunè quoque cessit huic ingrato populo spreta iniuria Occasionis, quando occasione murmurantis promiscui vulgi, quod cum ipsis de Ægypto conscenderat, ipsi pariter murmurare cœperunt, potius quam ut occasione panis angelici, ad gratiarum actionem, Dei laudem, constantiamque animarentur.

*Exod. 16.* Spreta tam splendida tantæ dignationis opportunitate, (cuius primum occasione non potuerant satis admirari, sibique gratulari, exclamantes præ rei nouitate & vbertate, *Man-hu! Quid est hoc?*) quasi suæ ipsimet felicitati inuidentes, planè in oppositum latus animos reflexerunt; irridentes, fastidientes, & calumniantes donum cæleste, dicentesque, *Num. 21.* *Anima nostra arida est: Nihil aliud respiciunt oculi nostri, nisi Man.* Item, *Anima nostra nauseat super cibo isto leuissimo.*

*Sap. 16.* Cumque Sapiens in stupendis Dei beneficijs erga hunc suum populum istud enumerans inquit; *Angelorum esca nutritiisti populum tuum: & paratum panem de calo prestitisti illis, sine labore, omne delectamentum in se habentem, & omnem saporis suauitatem. Substantiam enim tuam & dulcedinem tuam, quam in filios habes, ostendebas: & deseruiens uniuscuiusque voluntati, ad quod quisque volebat, conuertebatur: Cum (inquam) tam honorificè de hoc Dei munere, & maximæ gratitudinis occasione huic populo præstita, sentiat Sapiens,*



Sapiens, ut fermè nesciat, quibus verbis explicet; ipsi hanc occasionem in rem veluti detestandam, & cum nausea respiciendam, peruerentes, murmurarunt, execrati sunt, fleueruntque cum eiulatu; adeò ut audiret videretque Moyses *flentem populum per familias, singulos per ostia tentorii sui*. Neque reticetur ibidem merita Dei indignatio super intoleranda illa tanti boni detestatione. *Iratusq; est Dominus valde: sed & Moysi intoleranda res visa est.*

Ita, prò dolor! nobis frequenter accidit, ut quasi mente capti oblatam ad optima quæq; occasionem, immo ad æternæ salutis assertionem, non solum negligamus, verumetiam ut rem odiosam fastidiamus. Exempli gratia, hortatur Apostolus: *Satagite, ut per bona opera certam vestram vocationem & electionem faciatis. Hæc enim facientes, non peccabitis aliquando.* Ex quo sequitur, vigili attentione omnem benè merendi occasionem esse obseruandam, nihilque interim minus præstamus. Verbi gratia, occurrit pauper, comitaturque eum *Occasio* exercendi charitatem, prætermittitur indonatus. Item fit obuiam aliquis inops consilij, rem suam aperit, petit sibi consuli, se iuuari; excutitur. Nunciatur, ægrotum iacere in plateis, immo ad ianuam cum Lazaro, quò subleuetur ipsius miseria: adstat *Occasio*, inuitat, ingentem pollicetur retributionem: indignatio potiùs contra denunciantem oborietur, quàm officium charitatis. Paupercula, & quidem in vicinia, dicitur esse in puerperio; tantamque illic esse rerum omnium penuriam, ut egestatis ipsius dici possit triclinium: flagitatur auxilium: *Occasio* valde impensè commendat pietatis officium, cum salutis æternæ promissio: surdis canitur, aut etiam grauius excipitur qui tam molestis sermonibus aures obtundit. Refertur, miseram certo loco perire in fordibus animam, seseque optimam offerre occasionem, è cœno vitiorum extrahendi, vel quòd Deus per morbum, egestatem, aliavè ratione admonitionis consilijque capacem fecisse videatur, aptamque reductioni, si quis manum admoueat, *occasionemq;* tam optabilem arripiat: prætexetur aliquid, quò minus temporì opportuno seruiatur, & seruietur affectui, sicque prætermittetur

Charitas  
refrigescit.



mittetur occasio. Scimus tamen Christum certò addixisse, in extremo iudicio coram vniuerso mundo confessurum; *Matth. 25. quod uni ex minimis meis fecistis, mihi fecistis*; itaque remuneraturum, atque si ipsi in propria persona, tali occasione collatum fuisset officium charitatis. Tunc autem ad amissum expendetur indignitas tam præclaræ occasionis promerendi contemptæ, quando sibi negatum fatebitur, quidquid tali occurfu rerum fuerit intermissum.

Schemat. 4. Cap. 5.

*De diuina benignitate OCCASIONEM merendi donante, nostræque in eandem ingratitudine.*

Ingratitudo spernitium salutis opportunitatem.

**V**T autem manifestior reddatur Dei erga nos benignitas in suppeditanda semper noua benè merendi occasione, nostræque vicissim ex aduerso constituta proteruitas, supinusque beneficiorum Dei neglectus magis innotescat; consideremus hîc alternantē crebrò populi Israelis stultescendi resipiscendiq; vicissitudinem, proposito huic nostro seruientem.

In toto ferè Iudicum libro (vt ceteros taceam) & præcipuè sub eiusdem initium, videre potius quàm legere est, inconstantes illos, nunc oblatam misericordiæ diuinæ ansam arripientes, paulò post dimittentes: Deum illos pro insipientia castigantem, illos iterum ad sanio rem mentem redeuntes: statim iterum in priorem ingratitudinem relabentes, Dei que rursum iram efferuescentem; atque ita oblatam occasionem benè agendi, Deum colendi, viuendi pacificè, victoria potiundi, & de hostibus triumphandi, quasi in Fortunæ inconstantis ludum, ridiculamque spectri alicuius fabulam, ludibrio suarum voluptatum accommodam, commutarunt.

Iudicum 2. 3. &c.

Hinc ita de ipsis habetur: *Fecerunt filij Israel malum in conspectu Domini, & serui erunt Baalam. Iratusque Dominus contra Israel, tradidit eos in manus diripientium, & vehementer afflicti sunt. Suscitauitq; Dominus Iudices, qui liberarent eos de vastan-*



vastantium manibus: sed nec eos audire voluerunt. Cito deseruerunt viam, per quam ingressi fuerant patres eorum. Et audientes mandata Domini, omnia fecere contraria. Cumq; Dominus Iudices suscitaret, in diebus eorum fleebatur misericordia; & audiebat afflictorum gemitus, & liberabat eos de cade vastantium. Postquam autem mortuus esset Iudex, reuertebantur, & multo faciebant peiora, quam fecerant patres eorum, sequentes deos alienos. Non dimiserunt adinventiones suas, & viam durissimam, per quam ambulare consueuerat. Iratusq; est furor Domini.

Sic consequenter in reliquis eiusdem libri capitibus spectaculum hoc prorsus lymphaticum perseuerat. Et nisi nos similiter ageremus, in actionum nostrarum totiusque vitæ ratione, iamdudum finem tumultuum horum Belgicorum plusquam lymphaticorum vidissemus: tumultuum, inquam, quos iustus, at iratus, Dominus, per hæreticorum rebelliumq; factiones, quasi per instrumenta malo quo laboramus castigando percommoda, nobis immittit: viueremusque quieti, & spe gaudentes, coleremus Deum in tranquillitate, sicut fecerunt patres nostri.

Sed videmur ludere in hoc orbe terrarum, cum tot tamque splendidis optimè de Deo, de Ecclesia, totaq; Republica Christiana merendi occasionibus. Sentimus, experimur, videmusq; manifestam nonnumquam Dei manum, quasi de cælo protensam; quæ, si velimus, nos de peccatorum nostrorum abyssu, de belli miserijs, deque indefessis istis ærumnis eripiat, & nequaquam arripimus. Vel alijs huius mundi vacamus illecebris, aliòve torpore & nescio quo lethargo correpti non attendimus; vel fortè etiam nobis persuademus, omnia illa quæ se offerunt, & longè præstantiora, à nostro pendere arbitrio & nutu, ut quandocumq; lubuerit, ad manum esse debeant: atq; ita nihil aut parum admodum obesse vel referre, si oblatas eiusmodi opportunitates & occasiones negligamus; vel (si dijs placet) in aliud tempus, nobis magis commodum reijciamus, iubeamusque easdem tunc pro nostra redire sententia.

Non cessat interim animæ nostræ, tamquam arcis munitissimæ, insidias moliri diabolus; neque ex altera parte quidquam

Pœnitentiæ  
veræ defe-  
ctu mane-  
mus miseri

Dei manus  
benignè  
protensa  
apprehen-  
denda.



Salutis in-  
curia.

Diaboli  
stratagema  
nobis insi-  
diantis.

Ex Proco-  
pio.

Porta asinaria in-  
commodis  
multis ob-  
noxia.

quam omittit Angelus noster tutelaris, quod ad murorum nostrorum protectionem pertineat. At nos, quibus primariè salus propria commissæ est, vigilansque animæ cura cordi esse debet, & manifestam Dei ergo nos benignitatem, Angeliq; custodis hortamenta negligimus, & nihil mouent euidentissima diaboli in nos intentata molimina. Fitq; ut quamplurimi, tali socordia prægrauati, videntes volentesq; intereant. Statagema hoc diabolicum, crassumq; istiusmodi in tuenda salute neglectum, in sequenti Romæ interceptæ exemplo dilucidè sumus perspecturi.

Totilas Romam obsidens, per Isauros milites, Romæ præfidiarios, ter vocatus fuit, & inuitatus, ut in urbem per portam asinariam sibi patefaciendam veniret, viâ modoq; ostensis, quâ ipsi horum nuncij ad eum per funes demissi venissent: atque res ista tertio sic ad Totilam relata, totiesq; per fideles milites cum denunciatoribus remissos explorata, rataque inuenta fuit, ut addixerant. Interea verò Romani milites multi exploratum quid hostes agerent missi, non procul ab urbe Gothicis decem occurrunt iter eâ habentibus; quos statim apprehensos ad Bessam Præsidem deducunt, sciscitantiq; Bessæ quidnam Totilas animo ageret Gothi, respondent, eum sperare, Isauros quosdam eius in potestatem Urbem daturus. Iam enim ad barbaros ut certior rumor is emanarat. Porro nunc hîc attendamus inertem oscitantiam, tam opportunam urbis conseruandæ *Occasionem* negligentium. Sic etenim prosequitur auctor historiam: Sed nihilominus Bessas & Conon, Urbis tunc Præsides, his auditis negligenter se (ut cœperant) gerere: nec aliquam *tanta rei* rationem habere. Itaque intromissi tandem, ut à proditoribus Isauris condictum fuerat, quatuor robustissimi Gothi milites effractis interioris portæ repagulis & seris, Regem Totilam, qui noctis silentio Urbi cum toto exercitu appropinquaret, pacificè ac tranquillè intromiserunt. Sicque Roma caput mundi, tam simpliciter perdata, quàm capta simpliciter. Et quidem rectè per portam asinariam; ut asinina stoliditas, in tam speciosæ *Occasionis* contemptu, pro meritis propalaretur.

O R A -



## O R A T I O IIII.

Contra ingratitudinem &amp; oscitantiam.

**D**omine Deus omni potentatui dominans, & fons  
omnis boni iugiter manans, qui omnes homines saluos  
facere cupiens, non desinis, infinitis eos modis & medijs ad  
tui amorem salutisque propriæ curam prouocare: aufer, que-  
sumus, à nobis ignorantie tenebras, nubem ingratitudinis,  
& negligentie torporem; ut nulla benè faciendi Occasione  
prætermiffa, sed ut celestis auxiliij præsidium amplectentes,  
sic per hæc temporalia transeamus, ut nihil quod ad honorem  
tuum nostramque salutem attineat, omittamus; & tandem  
gaudijs perfruamur æternis. Per Christum Dominum  
nostrum. Amen.



K

Sche-





- A. Vos agetum Iuvenes; iam nunc datu[m] est vobis.  
 Vos sapite, atq[ue] alijs spretum ne temnite Nunc.  
 B. Si quis amor nostri, vel si vos cura salutis  
 Vlla tenet; magnam paruo post tempore messem  
 Proferet. C. Et rutili statuet super atria Caeli.  
 D. Hôspes gratus ades. E. Pro quam tua lumina læti  
 Adspicimus! F. Quam tu nostris OCCASIO ocellis  
 Exoptata venis! G. Quam te tardante dolemus!  
 H. Cedo manum, et fidas amplectere fida clientes.  
 A. Gratus hic est animi candor, placet ista voluntas.



## Schematis 5. explicatio;

*In quo prudentiores TEMPVS & OCCASIONEM studiosè observant.*

## Schemat. 5. Cap. 1.

*Hospitalis & gratus erga Tempus & Occasionem  
animus valde commendatur.*



VANDO QUIDEM hoc in schemate gratum Hospitij  
hospitali-  
tatisque  
commen-  
datio.  
optatumque TEMPORIS OCCASIONISQUE ad-  
uentum, sub typo hospitem hilari vultu exce-  
ptorum expressimus, non longè quoque tota  
schematis huius explanatione, ab allusione ad  
hospitalitatem sumus recessuri.

Hic siquidem obtutui spectantis obijcitur, quàm gratan-  
tibus animis, quantaque cum voluptate prudentiores quique  
opportunum tempus, oblatamque occasionem excipiant;  
quamque omnia, quæ ad rem faciant, vigilanter obseruent:  
præ alijs, (quorum quinque priores malefani, specimen nimis  
euidens præbuerunt) qui quasi inuitis Gratijs nati educatiq;  
non modò nihil humanitatis tam præclaris hospitibus exhi- Gratijs in-  
uitis nati.  
buerunt; verumetiam eos post ludibria & iniurias explose-  
runt: nihil minùs curantes, quàm vt vel temporis, vel occa-  
sionis, vel Angelici præsidij, atque adeò diuini Numinis assi-  
stentis, vllam haberent rationem.

Isti modò, planè contrarià ab illis incedentes viâ, omnem Gratitudo  
hospitem.  
deferunt tantis hospitibus humanitatem; gratissimum sibi  
eorum ostendunt aduentum, atque omne promittunt obse-  
quium. Agnoscunt etenim rarum diuinæ bonitatis, in tem-  
poris opportunitate, beneq; merendi occasione, beneficium:

K 2

quod



quod quàm rectè crediderint, quàmque non temerè se erga tam munificum Numen, ita gratos officiososque præstiterint, sequenti post hoc schemate, in munerum largitione reipsa constabit. At modò de gratitudine & ingratitude erga hospites priùs differendum.

In probos prudentesque hosce adolescentes hoc in primis quadrat, quod dicit Apostolus, *Hospitalitatem nolite obliuisci: per hanc enim placuerunt quidam, Angelis hospitio receptis.* Vnde D. Ambrosius: Tanta est apud Deum hospitalitatis gratia, ut ne potus quidem aquæ frigida à præmijs remunerationis immunis sit. Vides, inquit, quia Abraham Deum recepit hospitio, dum hospites quærit. Vides, quia Lot Angelos recepit. Vnde scis, an tu, cum suscipis hominem, suscipias Christum? D. enim Gregorius pauperibus mensæ suæ adhibitis ipse interdum ministrabat; qua humanitate meruit aliquândo conuiuiam habere Christum. Cum enim ministrando se semel auerteret, conuersus deprehendit vnum ex conuiescentibus non apparere. Quam rem vehementer secum admiranti, nocte proxima adfuit in visu Dominus, dicens, eò quòd ceteris diebus membra mea hospitio mensaq; excepisti, dignus fuisti qui hesterno exciperes & caput.

Quocirca non incògruè quasi hospites excipi depinguntur OCCASIO & TEMPVS, cum & Fides, & Religio, & Deus ipse in sua misericordia, protectione, & gratia, ceterisque ei attributis, dum nobis accedunt vel recedunt à nobis, peregrinantium typo describantur. Sic loquitur horum intuitu Propheta ipsi Deo: *Expectatio Israel, saluator eius in tempore tribulationis: quare quasi colonus futurus es in terra, & quasi viator declinans ad manendum? quare futurus es velut vir vagus?* &c.

Quemadmodum itaque apud priores illos adolescentes, Dei dona non intelligentes, malè accepta fuerunt: *Tempus* triuerunt, illuserunt *Occasioni*, *Dei gratiam* in vacuum receperunt, neque angelicum eis acceptum fuit ministerium, & quasi vilissimo indignos tuguriolo hospites exhibilauerunt; ita isti cordatiores, rem seriò, ut par erat, æstimantes, talibus se plurimùm ornari hospitibus arbitrantur.

Atten-

Hebr. 13.

Ambrosius.

D. Gregorius Christus hospitio excepit.

Hospitum typo Dei dona pinguntur.

Jerem. 14.

Imprudenter adolescentes.

Prudentes.



Attendant siquidem, qui, qualesque sint, à quo destinati, quantumque secum adferant suis hospitibus emolumentum. Ideoque planè contrario moti instinctu, studiis prorsus alijs accinguntur, & omnino diuersos se præbent ab illis, inuisis, ingratis, & illiberalibus hominibus, qui propterea digni non sunt, quos tellus ferat. De prudentibus verò istis, & officij boni plenis, dici potest verè, dignos esse ob gratiam hospitalitatis, qui Angelos Deumque ipsum in suis ministris & donis hospitio recipiant.

Atque quemadmodum in exoticos illos barbarosque homines, Tempus Occasionemque auerfantes, illud socij Æneæ torqueri potest.

*Quod genus hoc hominum, quæve hunc tã barbara morem* 1. Æneid.  
*Permittit patria? hospitio prohibemur arena;*  
*Bella cient primaq; vetant consistere terra:*

Ita vicissim de sensatis istis, resque serias seriò cordi habentibus, dignisque tanto honore ab alijs repudiato, illud eiusdem auctoris:

*Inuenies alium, si te hic fastidit Alexis.*

Virg. Ecl. 1.

Sicque olim obseruatù fuit (vt magis serijs rem seriam compareremus) in bonarum literarum è Græcia in hæc Regionem Thom. Bo-  
 commigratione. Quando etenim Leo Armenus Studitarum zius tom. 1.  
 (qui à Studio fundatore nomen acceperant) Constantinopoli lib. 6. cap.  
 commorantium monasterium, vnà cum Studitis, & nobilissi- 8. ex Zonara.  
 ma ipsorum bibliotheca, flammis comburi iussit; factum est, ea OCCASIONE, vt, quo tempore hæretici ex Oriente & Græcia conati sunt bonas artes fugare, eodem ferè Catholici eas inde profugientes sint amplexati. Ita Thomas Bozius ex Zonara.



## Schemat. 5. Cap. 2.

*Oppositio aspernantium & amplectentium  
Occasionem.*

Oppositio  
prudētium  
& impru-  
dentium.

**P**ORRò, vt oppositionem hanc, quorumdam Occasionem fastidientium, aliorum econtrà studiosè amplectentium, clariùs discernamus; solidiora aliqua proferamus, quæ tam diuerso hominum generi ex æquo conueniant; discamusque, reiectis defidibus, diligentiores in opportunitatis à Deo datæ obseruatione imitari.

Primùm, opportunè his applicemus, quod Dominus ipse, occasione talis dissimilitudinis studiorum, efficaciter explanauit. Dicebat Iudæis: *Numquam legistis in Scripturis, Lapidem quem reprobauerunt adificantes (insipientes Scribæ) hic factus est in caput anguli? A Domino factum est istud: & est mirabile in oculis nostris. Ideò dico vobis, quia auferetur à vobis regnum Dei, & dabitur genti facienti fructus eius.* Paulò antè sub figura vineæ, de Euangelio, gratia, vitæque æterna, præmiserat, dicens; *Malos malè perdet, & vineam suam locabit alijs agricolis, qui reddent ei fructum temporibus suis.* Ita & Samaritani quidam tam inhumanos se erga ipsum Dominum exhibuerunt, vt eum nollent portis excipere: adeoque propterea indignarentur Apostoli, præsertim quos præmiserat, vt ipsum talibus compellarent; *Domine, vis dicimus vt ignis descendat de celo, & consumat illos?* Viceuerfa verò alij, etiam Samaritani, sed cordati magis, vsque adeò fuerunt ipsius hospitio & contubernio exhilarati, vt eum rogarint, dignaretur cum ipsis manere: *& mansit ibi duos dies.*

Eo modo scimus eundem cum omnibus suis donis cælestibus ab ingrato Iudæorum populo fuisse fastiditum, vt ad gentiles se conuerterit, qui se dignos ipsius gratia effecerunt, fidem suscepiendo, salutis amplexando remedia, & iugum eius suaue atque leue onus lubentibus humeris admittendo. Id Paulus

Iudæis



Iudæis in faciem exprobrauit: quando enim Antiochiæ vniuersa ciuitas conuenisset vt audirent verbū Dei, *Iudæi videntes* Act. 13. turbas & repleti zelo contradicebant his quæ à Paulo dicebantur, blasphemantes. Tunc constanter Paulus & Barnabas dixerunt: *Vobis oportebat primum loqui Verbum Dei: sed quoniam repel- litis illud, & indignos vos iudicatis æternæ vitæ: ecce, conuer- timur ad Gentes. Sic enim præcepit nobis Dominus.*

Hæc insuper non vno loco proponit Apostolus, vt contra- ria iuxta se collocata, sibi quæ ex aduerso opposita, magis elu- cescant. *Gentes* (inquit) *quæ non sectabantur iustitiam, appre- henderunt iustitiam; Israel verò sectando legem iustitiæ, in le- gem non peruenit.* Rom. 9. Item: *Delictum eorum, diuitiæ sunt mundi; & diminutio eorum, diuitiæ Gentium.* Rom. 11. Dum scilicet istæ am- plectuntur, quod illi stultè & pertinaciter abiecerunt. Item: *Fracti sunt rami; & tu, cum oleaster esses, insertus es illis; & socius radicis & pinguedinis oliuæ factus es.*

Non absimile huic oppositioni est illud, quod D. Petrus in medium adfert, ad ostendendum, alium aliquem esse in lo- cum Iudæ substituendum, qui loco, dignitate, & officio Apo- stolatus ritè fungeretur, quem pessimus ille Domini proditor indignè subiuerat. De hoc non solùm ipse sic est protestatus; *Tu Domine, qui corda nosti omnium, ostende quem elegeris ex his duobus vnum, accipere locum ministerij huius & Aposto- latus, de quo præuaricatus est Iudas, vt abiret in locum suum:* Act. 1. verum etiam Dauidem inducit hanc vicissitudinem vaticina- tum; *Viri fratres* (inquit) *oportet impleri Scripturam, quam prædixit Spiritus sanctus per os Dauid de Iuda. Scriptum est enim in libro Psalmorum: Fiat commoratio eorum deserta, & non sit qui inhabitet in ea: & episcopatum eius accipiat alter.*

Ita Saul & Dauid in occasionis occurſu oppositi sibi fue- runt: Saul ad magna concessam à Deo, spreuit; Dauid verò 1. Reg. 13. est cum maxima animi gratulatione amplexatus. Saul indignè eam repulit, quando primæua illa humilitate reiecta, ma- gnus apud semetipsum apparere potius quàm esse delegit; aded vt & sacerdotis officium non sit veritus sibi assumere. Quamobrem cum increpans Samuel, dixit; *Stultè egisti, nec custo-*



*custodisti mandata Domini Dei tui, quæ præcepit tibi. Quod si non fecisses, iam nunc præparasset Dominus regnum tuum super Israel in sempiternum: sed nequaquam regnum tuum ultra consurget. Quæsiuit Dominus sibi virum iuxta cor suum: & præcepit ei Dominus, ut esset dux super populum suum.*

*Math. 8.* Hanc commutationem, tempore gratiæ, nouissimoque illo die futuram quoque prædixit Dominus hisce verbis: *Dico autem vobis, quod multi ab Oriente & Occidente venient, & recumbent cum Abraham & Isaac & Iacob in regno calorum; filij autem regni eijcientur in tenebras exteriores.* Idem alibi, hoc

*Math. 21.* loquendi modo, etiam explicatiùs asseueravit; *Amen dico vobis, quia publicani & meretrices præcedunt vos in Regnum Dei. Venit enim ad vos Ioannes in via iustitiæ, & non credidistis ei: publicani autem & meretrices crediderunt ei.* Ut verò illos etiam secundariè oblatam salutis occasionem spreuisse demonstret, prædictis addit; *Vos autem videntes* (illorū nempe conuersionem & pœnitentiam) *nec pœnitentiam habuistis postea, ut crederetis ei.*

### Schemat. 5. Cap. 3.

*Ab ingratis ad cordatiores transitio, more hospitum.*

*Exod. 32.* **I**N detestanda illa populi Israelitici præuaricatione, minatus est Dominus, ob tanti beneficij contemptum, omnes ad vnum interimere, vel à se proijcere, aliumque ipsorum loco deligere populum; Moysi ita contestans: *Cerno, quod populus iste dura ceruicis sit. Dimitte me, ut irascatur furor meus contra eos, & deleam eos: faciámque te in gentem magnam.* Utque *Deut. 9.* alibi dicit; *Et constituam te super gentem, quæ hac maior & fortior sit.*

Rectè itaque in schemate præsentis Angelus istos adolescentes, atque alios quoscumque in persona illorū alloquitur, qui plus prioribus illis sapientes, *Tempus, Occasionem, Dei que auxilium,* meliori



meliori sunt loco habituri. Idque satis sicut D. Hieronymus, non sine energia, aduersariam illam Christi compellationem in Apostolis notandam existimauit: Vt quando rogarat, quem *Matth. 26.* dicerent homines esse filium hominis, atque alios alia referre respondissent, eos econtra sit percontatus, *Hieron. lib. 3. in Matthau.* *Vos autem, quem me esse dicitis?* Illis, quia homines sunt, humana opinantibus, Vos, qui estis Dij, quem me esse existimatis? Ita hic: ac si Angelus dicat; Illis, (quia vecordes & insensati sunt) oblata Dei beneficia respicientibus; Vos, quibus meliori natis fidere plus est animi, plus prudentiæ, agendum, gaudete benefortunati. Vt sapitis, ut è cælo vobis adsunt excellentes isti hospites, ita lati alacresque eos excipitote: quosque alij magno suo malo contemserunt, vos omni qua datur humanitate amplexamini, fouete, obsequijs gratuitis illorum vobis gratiam demeremini. Non abibitis ab ipsorum donis immunes, beneficentiam experiemini singularem: honor, opulencia, beatitudo, vos pro tali officio manent.

**B** Studium hoc in verbis ab *Occasione & Tempore* in ipso aggressu prolatis, expresse est animaduertere: quibus omnes (quasi rem ipsam loquentem audiamus) inuitant ad sui amorem, curam, & debitum erga ipsos officium; spe & pacto felicitatis amplissimæ, certa que regni cælestis expectatione.

## Schemat. 5. Cap. 4.

*Quàm indignè agunt, qui hostes animæ, ut hospites gratos, hospitio cordis excipiunt.*

**Q**uis ad huius quasi scenæ conspectum non admiretur, non indignetur, non obstupescat, ad hominū (inquam) illorum insaniam, qui teterrimos hospites, ingratissimos, onerosissimos, & meros hostes admittunt in se, ut domum suam, à quibus nihil nisi pessima quæque, & demum certa perniciēs est expectanda? Vitia intelligo, & ipsum vitiorum omnium

*Hostes animæ hospitio non excipiendi.*

L

inuen-



inuentorem diabolum : & interim, virtutes, dotes animi, Dei beneficia, Angelos, Deumque ipsum, vel non admittunt; vel si admiserint aliquando, admissum explodunt: quod longè intolerabilius est, quàm si numquam admisissent. Nam,

*Quid. lib. 5.  
de Trist.*

*Turpius eijcitur, quàm non admittitur hospes.*

*4. Reg. 20.  
Ezechia  
regis im-  
prudencia.*

Tantæ dementiæ figuram in Ezechia rege notatam habemus: qui ingenti cum animi voluptate Babylonicos hospites excepit, qui omnem eius gazam postea expilarunt. Ob factum istud ipsius tam indignum, (quia Dei hostes erant) cum ipso hisce verbis exposulauit Isaias: *Quid dixerunt viri isti; aut unde venerunt ad te? Cui ait Ezechias: De terra longinqua venerunt ad me, de Babylone. At ille respondit; Quid viderunt in domo tua? Ait Ezechias; Omnia quæcunque sunt in domo mea, viderunt. Nihil est, quod non monstrauerim eis in thesauris meis. Dixit itaque Isaias Ezechia: Audi sermonem Domini. Ecce, dies venient, & auferentur omnia, quæ sunt in domo tua, & quæ condiderunt patres tui, usque in diem hanc, in Babylonem. Non remanebit quidquam, ait Dominus. Sed & de filiis tuis, qui egredientur ex te, quos generabis, tollentur, & erunt eunuchi in palatio regis Babylonis.*

*Diabolus  
in rege  
Babyloni-  
co figura-  
tus.*

Ita, dum per curiositatem, vanitatem, voluptatem, carnis mundi que amorem, diaboli vt regis Babylonicæ extremæque confusionis principis emissarios, cogitationes, passionem, affectus prauos, ceu mortis æternæ ministros, in nos admittimus; tunc fures, latrones, sicarios, & capitales hostes vt hospites amplexamur, eis que omnia cordis nostri secreta pandimus atque committimus.

*Luc. 11.  
Immundus  
spiritus.*

Quodque talibus ita malè cedat, vt docuit tristis hospitij Ezechia euentus, parabola nos illa euangelica facit certiores, in qua sic ipse Dominus: *Cum immundus spiritus exierit ab homine, perambulat per loca inaquosa, quærens requiem. Et non inueniens, dicit; Reuertar in domum meam, unde exiui. (Ecce, suam dicit, quia semel vt hospes fuit intromissus: sed quid amplius?) Et, cum venerit, inuenit eam scopis mundatam & orna-*



*ornatam. (sed vacuam habitatore legitimo) Et tunc vadit, & assumit secum septem alios spiritus nequiores se, & ingressi habitant ibi. Et fiunt nouissima hominis illius peiora prioribus.*

Non erit iam dictis incongruum, si subiunxero mirum quoddam huiusmodi hospitalitatis exemplum, & exitiosum præmium. Fortunatum Tudertinæ ciuitatis Episcopum, infamiae probro laceffuit diabolus; per ipsum namque ab homine expulsus, peregrini formam assumsit, & cum clamore incedens, passim queri cœpit, quod Fortunatus Episcopus (qui ab omnibus hospitalis & pius existimatur) se ab hospitio suo exturbasset. Hunc quidam, malignis rumoribus nimis credulus, ac simul vt se munificentiorem Episcopo ostenderet, domi suæ accepit. Sed dum vnâ cum illo ad ignem sedens (frigus enim erat) Fortunato licentiùs detraxisset, animaduertit confessorem suum nusquam comparere; & filium paruulum, iam ab eo possessum, vertiginoso volutatu inter prunas deiici, vitæque destitui. Vnici tandem orbitate didicit infelix pater, quantum scelus sit, & quale crimen, sanctorum hominum vitam vel cauillari, vel cauillantibus facile credere: talesque hospitio excipere, qui vel lingua sola se produnt quales sint, si attenderetur. Veram charitatem, humilitatem, debitam erga suum prælatum reuerentiam, Dei timorem, ceterasque eiusmodi virtutes, propriamque aded conscientiam miser foras misit; vt detractorem, calumniatorem, mendacem, hostem, hospitio exciperet; cum quo similis ipsi factus, dignum talis hospitalitatis accepit præmium.

Fortunatus  
Hospitali-  
tatis exem-  
plum.



## Schemat. 5. Cap. 5.

*De hospitibus ingratis dispendio, de hospitio animæ in corpore, & præmijs hospitalitatis.*

Hospitibus  
ingratis de  
scriptio.

Cælius  
Rhodigin.  
lib. 7. cap.  
28.

**D**E simili fraude violatiq̃ue hospitij iniuria (sed tamē citra omnem culpam hospitio excipientis) legimus notatu dignum exemplum; quod nos à talium hospitum susceptione deterreat, qui malum pro bono rependant, & nos animi corporisq̃ue ornamentis exspolient: qualis est supremo gradu diabolus, ne quidem ad primum ostij limen, nostra vñquam pace admittendus.

De ingrato hospite sic habet Cælius Rhodiginus. Philippus Macedo, quendam ex ministris aulicis, ad explorandum negotium aliquod amandarat, qui orta tempestate naufragium fecit: seruatus autem est à quodam maris accola, qui scaphâ exceptum in prædium suum transportat, omniaq̃ue humanitatis officia ei exhibet; elapsisq̃ue triginta diebus, viatico instructum dimittit. Miles domum reuersus, narrat singula Regi, de naufragio & suis periculis; verum tacet beneficium hospitis. Rex pro exhaustis laboribus gratum se fore pollicetur. Miles, *accepta Occasione*, se vidisse ait prædium in littore; id se rogare, vt per regiam munificentiam sibi assignetur, in monimentum præstiti officij. Rex facile assentitur: Pausaniæq̃ue præfecto mandat, vt prædium istud militi possidendum attribuat. Colonus ergo, pro hospitalitatis munere, quod militi exhibuerat, è prædio suo exturbatur: ad regem se recipit, narrans quæ in militem beneficia contulerit, & qua vicissim ipse afficiatur ab ingrato milite iniuria. Rex, audita causa, ingenti ira exarsit, statimq̃ue militem iussit prehendi, & inuri fronti eius stigmata his literis, **HOSPES INGRATVS.**

Quomodo ita nobiscum agat adularis mundus, diabolus insidians, & carnis illecebrosa blandities, obuium est vnicuiq̃,  
**trium**



trium horum fraudulentam amicitiae speciem attendenti; ut latè in Veridico Christiano super tribus animae hostibus est ostensum. Veridic.  
cap. 38.

Humanius, benigniusque Cæsar aliquando cum suo egit hospite, qui cum ipsi conditum oleum pro viridi forte fortuna apposuisse, aspernantibus ceteris, dixit se tale appetisse; ne hospes aut negligentiae aut rusticitatis arguendus videretur. Porro, ut diximus, non raro ingratos, morosos, hostilesque hospites admittunt quidam; eos verò, à quibus ditandi honorandique fuerant, amandant. Quocirca non incommode hinc ex D. Bernardo de hospitio animae in corpore subiungemus. In hoc siquidem certum illum loquendi modum, toto hoc ferè schemate usurpatum animaduertemus, ut opportunum rei que convenientem; quo hospitalitatis officium commendatur, reprehenditur autem ingratitude. Sic igitur Corpus, ut hospitem exceptatorem, alloquitur Bernardus: Nobilem hospitem habes, ô Caro, nobilem valde. Et tota salus tua pendet ab eius salute. Da honorem, ô Caro, hospiti tanto. Tu quidem habitas in regione tua, anima verò, peregrina & exul, apud te est hospitata. Quæso te, quis rusticus, si fortè nobilis & præpotens quispiam apud eum voluerit hospitari, non libenter in angulo domus, aut sub gradibus suis, vel in ipsis cineribus accubabit, cedens hospiti suo locum, sicut dignum est, potiorum? Hactenus auctor ille mellifluus. Qui ibidem pulchra valde subiungit, de donis hospitis hospiti concessis. Hoc est, quæ anima corpori elargitur; ut pote oculis visum, auribus auditum, tactum totamque demum vitam toti corpori, debitamque membrorum omnium functionem. Cæsar.  
Hospitium  
animæ cor-  
pus.  
Bernard.  
ser. 6. Ad-  
uent.  
Hospitis  
grati mu-  
nera.

Quid vetet dicere, sic & *Occasionem* à Deo missam suum hospitem donis illis omnibus exornare, quæ ipse tandem per studiosam *Occasionis* obseruantiam acquirit? Sic Rebecca à famulo Abraham ditata ornataque fuit, cui cuiusque camelis tam hilari promptitudine potum dederat, eumque in domo paterna exceperat hospitio. Sic & Abraham hospitij munus accepit infantem, qui matri risum fecit, & toti mundo Genes. 24.  
Ge. 18. 21.



Luc. 2.

Ambros.  
lib. 8. in  
Luc. 19. ca.

Luc. 19.

Luc. 24.

B. Maria  
hospitio  
excepit Dei  
filium.

gaudium attulit, in eo cuius figura erat. Isaac enim risum significans, Christum referebat, in cuius natiuitate, Angeli gaudium magnum euangelizauerunt, quod futurum erat omni populo. Martha quoque Christum excipiens hospitio, fratris sui Lazari resurrectionem impetrauit, totiſque familiae benedictionem. Ita Zachæus excepit illum gaudens in domum suam, quem Dominus (inquit Ambrosius) mansionis suæ claritate nobilitat. Nec mirum, quod se apud hunc non inuitatus inuitarit; sciebat enim vberem hospitij sui esse mercedem. Salus vtique illi domui facta est: atque ita munificentius exornata, quàm si repleta fuisset diuitijs. Ita & duo Discipuli in Emaus hospitalitatis suæ peramplum beneficium acceperunt, cum & oculi eorum aperti fuerint, cor incensum charitate, & fides ad salutem necessaria, diuino colloquio roborata: quin (vt pie aliqui sentiunt) supersubstantiali illo pasti edulio, in alios sunt planè viros immutati.

Verùm, omni est comparatione maius, quod singulare illud mundi pereuntis solatium, sanctissima inquam virgo, atque eadem Dei mater Maria, sicut Saluatorem nostrum, sub mundi vesperam in hanc miseriarum vallem descendentem, purissimo virginalis vteri suscepit hospitio; ita ipsa ab eodem vicissim in summo cæli habitaculo gloriosissimè fuit collocata. Et (vt cum D. Bernardo loquar) quantum gratiæ in terris adepta est præ ceteris, tantum & in cælis obtinet gloriæ singularis.

## Schemat. 5. Cap. 6.

*Fecundum hospitalitatis exemplum.*

**N**ON erit abs re, considerare, quàm soleat olim apud Ethnicas & barbaras quoque nationes, munus hospitalitatis esse in veneratione. Ex eo siquidem vel solo argumento colligi possit, quanta apud antiquos fuerit eius religio, quod in Iouis ipsius (quem tamen illi Deorum optimum maximum faciebant)



bant) tutela ac patrocinio hospites esse existimarint, & ea propter Iouem hospitalem nuncupauerint. Huc versus ille Poëtæ spectabat:

*Iuppiter, hospitibus nam te dare iura, loquuntur :*

Virg. l.  
Æneid.

ut de his occasione hospitalitatis Abrahæ P. Pererius.

Narrat Iacobus de Voragine, appositum valde, licet mirabili occasione ortum, hospitalitatis exemplum de Iuliano hospitatore. Is errore magis quàm furore parentes interemit: cum enim summo mane domum reuersus, in suo vxorisque cubili dormientes illos offendisset, putauit vxorem esse cum adultero: & educto repente gladio, ambos transfixit. Vxor autem antequam ille aduenisset, ad ecclesiam perrexerat: re tandem cognita, vbertim fleuit. Vtque commisi veniam promereri posset, relicta domo, prope fluminis ripam, vbi multi vado transeuntes peribant, xenodochium posuit, & viatores tecto excipere, & nauicula transuectare gratuito cœpit. Postremò (ecce quod vrgemus, opimum talis officij præmium) diuinitus dictum sibi audiuit, quòd culpam eluisset *hospitalitatis merito*. Parentum ergo interfector, susceptor hospitum, factus est cæli habitator. Hæc ita Marulus.

Iulianus  
hospitator.

At nunc istum humanitatis & beneficentiæ tractatulum, eorum occasione susceptum, qui *occasionem*, velut gratum hospitem grateranter admittunt, alio quodam non illepidò exemplo concludamus, quod ipsi D. Gregorio Thaumaturgo accidisse scribitur. In quo non solum ipsius hospitalitatis officium, sed ipsummet occasionis obseruatæ studium, nos nostri propositi tenaciores efficiet; docebitque (quod primariè intendimus) dignam occasionis oblatae rationem habere. Quum D. Gregorius Thaumaturgus Neocæsareæ Episcopus, vrgente procellæ angustia, in Alpibus ad fanum Apollinis diuertisset, à sacerdote licet profano officiosissimè exceptus est. Post cuius discessum, accessit sacerdos ex more poscere consulta, & responsa (ab idolo videlicet) sed nihil inde responsi veniebat. Iterum & iterum sacerdos victimas repetit, & nihilominus semper silentium permanebat. Cumque sacerdos stupore æstuarer,

Hospitali-  
tatis utili-  
tas.

Ex Greg.  
Nyss. in vi-  
ta Gregor.  
Thaum.

in



in somnis dæmonium apparens, se nihil posse faterur. Percontantiq[ue] causam, ait, aduentu Gregorij Episcopi se esse expulsū. Et cū perquireret sacerdos, quid remedij daretur: ait, non aliter licere sibi ingredi locum illum, nisi Gregorius permisisset. Quibus auditis sacerdos secutus est B. Gregorium; & ad eum perueniens, rem ex ordine pandit; humanitatis suæ atque hospitalitatis gratiam commemorat, querelam numinis exponit, ademtam facultatem quæstus sui deplorat, ac reddi sibi omnia in pristinum statum deposcit. Itaque scribit B. Gregorius epistolam in hæc verba; Gregorius Apollini. Permitto tibi redire ad locum tuum, & agere quæ consueuisti. Quam epistolam cū posuisset iuxta simulacrū, adfuit dæmon responsa poscenti. Quod ille admirans, & dicens penes se, quod Gregorius erat maior illo; clausis ianuis fani, adiit Gregorium, & prostrauit se ad pedes eius, rogans vt illi se Deo offerat, cuius virtute Gregorius Dijs gentium imperabat. Qui cū instaret, catechumenus factus est ab eo; postea liberatus, & in tantum vitæ merito ac fidei virtute profecit, vt ipse in Episcopatu Gregorio successor exstiterit. Ecce, dum Gregorium hospitem sacerdos iste profanus excepit, salutis suæ simul *Occasionem* diuinamq[ue] gratiam excepit hospitio. Vnde factum est, vt dignam tantæ hospitalitatis mercedem acciperet; de idololatriæ impietate, ad æterni Dei cultum translatus; & de sacerdote satanæ, Dei veri minister effectus.

*Ælian.  
var. hist.  
lib. 13.*

*Hospitis  
infidelitas.*

Sed quid si ex abundanti, & cum speciali Lectoris venia, hic planè contrarium exemplum adiunxero? Ita narrat illud *Ælian.* Mitylenensis quidam, nomine Macareus, sacrificulus Bacchi, vultu quidem singularem præ se ferebat mansuetudinem & æquitatem; ceterum, omnium hominum erat impiissimus. Accidit quodam tempore, vt hospes ad eum veniret, & in eius fidem aliquantum auri deponeret. Macareus in recessu templi, eruta terra aurum defodit. Interiecto deinde tempore, reuersus hospes aurum reposcebat. Quem cū ille, tamquam restitutus depositum, in templum introduxisset, morte affecit: atque effosso auro, hospitem in eius locum imposuit,



posuit, & recondidit: ac quemadmodum homines, sic etiam Deum clam esse arbitrabatur. Verum euentus longè secus declarauit. Quare, paucis diebus exactis, triennalis Dei sollemnitas aderat. Tum cum ille magna celebritate diuinam rem obiret, atque in cæemonijs festalibus occupatus esset, duo filij eius domi relictī, patris immolationem sacrosanctam imitabantur: accedentesque ad aram paternam, ardentibus adhuc holocaustis, iunior collum præbebat, adultior verò cum inuenisset æruginosum ensē, fratrem, ad similitudinem victimæ, mactauit. Familia conspecto facinore, vociferata est. Mater audito clamore exsilijt: vidensque trucidatum alterum, alterum ensē recenti sanguine conspersum manu tenentem, arrepto ex altari torrefactum filium interfecit. Allatum est cædis domesticæ nuncium ad Macareum, qui relicto sacrificio, quàm potuit furentissimo impetu & iracundia in ædes insilijt, atque tæda, quam habebat, vxorem interemit. Scelus in omnes homines euulgatum est, comprehensusque Macareus, & in tormentis examinatus, confessus est, quæ in templo quondam perpetrarat. In ipsis verò quæstionibus vitam amisit. Horrendum hîc diuino nutu pro violata hospitalitatis fide supplicium, tam deterret ab omni læsionis iniuria; quàm in præcedenti exemplo remuneratum hospitij munus, inuitat ad diligens hospitalitatis officium.

Horribilis  
Dei vindicta.

Non frustra igitur adolescentes isti prudentes in hoc schemate, ex animo Cælestem nuncium, Têpus, & Occasionem, vt hospites gratos excipiunt; cum (vt prudentem quemque in suo officio repræsentant) non ignorent, quanti referat, se erga tales hospites præbuisse humanos.

Angelus,  
Têpus,  
Occasio,  
& Dei donum, ho-  
spitū instar  
excipiuntur.

D Dicit propterea vnus eorum TEMPORI; *Hospes gratus ades.* Sic & consequenter reliqui, magna animorum exultatione profitentes, maximum compendium ex ipsorum tam felici præsentia expectandum.

Et verè ita res habet; nam tempore opportuno aptaque occasione, diuina gratia duce, nihil optabilius; rem aliquam præsertim eximiam meditati. Quantæ verò sit miseræ, illis vel maximè optatis destitui, quis dicat? Hinc isti dextras,

M

pacis,



pacis, fidei, amorisque testes, proferunt; præbentque se ad omne obsequium quàm promptissimos. Angeli è cælo tantum boni profectus & salutis studium miro applausu commendant; & quasi protensis corollis & præmijs, ad occasionem tanti boni capeßendam, animant vniuersos.

Et quis neget, quin omnes (quotquot cum istis iuuenibus studiosi sunt occasionis obseruatores) hoc intùs sentiant, quasi quodam instinctu diuino, quod de Ionatha expressum legimus? *Vidit Ionathas, quia tempus eum iuuat: vt & inuitabat occasio.*

Tunc proculdubidò tempus est, & animum excitandi, & manus ad opus extendendi, cum illa, quæ ad facti opportunitatem pertinent, suo quasi nutu & impulsu inuitare & incitare videntur ad agendum. Cum enim (vt dicitur) tempus postulat & res; vel ignauus, vel stultus, vel malus sit oportet, qui quod factò est opus, neglexerit. Ferrum siquidem dum cædet, cudendum est: vt & emollita igne vitrorum conficiendorum materia, expeditè formanda est, dum se præbet tractabilem.

Sic & nautæ serenitate halcyonis indicio obseruata, se statim ad vela faciendum expediunt, de quatuordecim dierum tranquillitate securi. Halcyon siquidem auis maritima, vt scribit Ambrosius, in arena & maris littore oua ponit, medio ferè hyemis. Et si antè vndosum & tempestuosum fuerit mare, statim positis ouis subsidit tempestas, venti cessant ad septem dies, tamdiu enim oua fouet: & iterum adhuc septem dies mitescit mare, quamdiu enutrit halcyon suos pullos. Hanc opportunitatem studiosè obseruant nautæ, illosque ob id dies; Halcyonidas vocant. Vnde & Plautus: Alcedonia sunt in foro. Ob tranquillitatem scilicet & iustitium, cessante omni strepitu forensi.

Ferrum dū  
candet, cu-  
dendum.

Amb. Hex-  
am. lib. 5.  
cap. 13. De  
Halcyone.

ORA-



## ORATIO V.

Pro vera caelestium donorum agnitione.

**O**mnipotens sempiterne Deus, qui omnia in mensura, numero, & pondere disposuisti, & opportunum unicuique rei tempus ordinasti, mentes nostras tua luce purifica, nostrasque voluntates studio salutis accende; ut & caelestia tua dona cognoscamus, & tempus ad omne opus bonum accommodum alacres acceptemus; quod fructum tantae opportunitatis & gratiae in caelesti patria consequamur. Per Christum Dominum nostrum. Amen,







- A. En tibi, care, mei magnum in te pignus amoris.  
Hoc si sollicitè serues, et noueris uti;  
Magnus eris quondam. B. Grates ago Nympha perennes.  
C. O præstans domum, dono præ tantus omni!  
D. In pretio sint dona tibi: dein utere iuxta  
Numinis instinctum, et Ductorum iussa tuorum.  
E. Scire volo ad quantas OCCASIO ducat honores.  
F. Quilibet ergo suo fungatur munere. G. Faxe.  
H. Ne dubita; mens ista mea est, mens ista meorum.  
I. Angele, sic nostris usque insidiabere lucris?



## Schematis 6. explicatio;

*Quo, quàm alacres OCCASIONIS commoda prudentiores amplectantur, ostenditur.*

## Schemat. 6. Cap. 1.

*Liberalitatis ac remuneratæ hospitalitatis exempla,  
per OCCASIONEM.*



VE M A D M O D V M præcedenti schemate opportunam *Temporis Occasionis*q; obortæ præsentiam, sub gratorum hospitem typo representauimus; ita non inconuenienter hoc schemate beneficium vtilitatemque ipsorum, quando debito studio excipiuntur, præstantibus donis, quibus suos beant ornantque hospites, assimilabimus.

Hospitalitas remunerata.

Proinde, sicut sub hospitij titulo impigram OCCASIONIS obseruantiam ibi commendauimus; ita hic fructum ex studio eidem exhibito prouenientem, sub nomine munerum, quæ suis hospitibus elargitur, exponemus.

Occasionis acceptæ commoda.

In primis illud Aristotelis in medium proferatur, quod toti iuuenum exhilaratorum proscenio seruiet, & ad munerum distributorum explicationem muniet viam. Nulla res, inquit, perinde parit gaudium, vt beneficentia. Verè se rem ita habere, quotidianus vsus demonstrat. Cuiuscumque etenim conditionis vel ætatis sint homines, videas omnes statim miranda gestire lætitia, si munerum distributio liberalitate cuiusquæ oboriatur. Vnde fit, vt in maximis quacumque de causa iucunditatibus, publicisque potissimum gaudijs, ne quid ad tantæ rei desit perfectionem, munera distribuuntur, publica

Liberalitas  
Aristot.  
de disput.  
Philos.  
Munera.

M 3 insti-



instituantur conuiuia, dolia vini integra dapesque in publicum liberæ exponantur, discique argentei atque orbes cum ipsis mappis, quandoque sublimi in vulgus proiciantur, quin & pecuniæ vis non modica ab illis aliquando spargatur, quorum occasione publica illa exultatio celebratur: ut lautia taceam hospitibus legatisque olim præberi solita. Hinc in sacra Scriptura legimus; quod, cum iam Aman Regis Assueri mandato suspensus esset, sumptaque de hostibus Iudæorum condigna vindicta, festos dies egerint Iudæi præ communi lætitia; quos & solenni ritu, vertente semper anno seruari mandarunt; essentque dies epularum atque lætitiæ. & mitterent sibi inuicem ciborum partes, & pauperibus munuscula largirentur.

*Esther 2.* Quin iam antea, cum Esther à Rege loco Vasthi in reginam electa esset, posuissetque diadema regni in capite eius; *instit rex conuiuium preparari permagnificum cunctis principibus & seruis, pro coniunctione & nuptiis Esther. Et dedit requiem vniuersis prouincijs, ac dona largitus est, iuxta magnificentiam principalem.*

Quapropter & Apostolus, quando dicit, unicuique nostrum à Christo datam esse gratiam, secundum mensuram donationis Christi, etiam quomodo liberalitas illa, triumphus ipsius maximi non minima pars fuerit, ostendit; cum ita ex Regij Prophetæ concentu triumphantem prosequitur. *Ascendens in altum, captiuam duxit captiuitatem, dedit dona hominibus.* Septiformem cum primis Spiritus sancti gratiam, cuius est multis singularis est fructus, gaudium: deditque deinde inexhaustum gratiæ multiformis thesaurum, quo dotauit Ecclesiam, matrem filiorum lætantem.

*Vidua Sarephthana.*

Præter exempla præcedenti schemate prolata, vberem hospitalitatis vtilitatem attestantia, alia hic paucula, ut & sequenti capite, licebit annectere, propter duorum horum schematum affinitatem.

Hospitij occasione vidua illa Sarephthana, Eliæ beneficio, longam rigidamque illam annonæ caritatem, famem, mortemque superauit: demortui quoque filij vitam impetrauit. Quocirca & Elias innuens tantum beneficiæ hospiti suæ quodam



quodam iure deberi, sic ait, dum pro filio eius Domino supplex deprecatur: *Domine Deus meus, etiāne viduam, apud 3. Reg. 17. quam ego vtrumque sustentor, afflixisti, ut interficeres filium eius? Reuertatur, obsecro, anima pueri huius in viscera eius. Exaudiuit autem Dominus vocem Eliæ; & reuersa est anima pueri intra eum, & reuixit. Tulitq; Elias puerum, & deposuit eum de canaculo in inferiorem domū, & tradidit eum matri suæ. Magnum verè beneficium, quia denuò ei filium dedit: & insuper ad veri Dei agnitionem est hac occasione adducta: dicens, Nunc in isto cognoui, quòd vir Dei es tu.*

## Schemat. 6. Cap. 2.

*Piæ hospitalitatis vtilitas, alijs adhuc exemplis illustratur.*

**M**eritò huic alterum non multum absimile, & quidem præstantius adiungamus: in quo, & *Occasionem* in hospite hospitio exceptam, & affluentem eius munificentiam quasi in conspectum adducemus. Et quia tam viuide res ista nos doctura est, quàm studiosi Occasionis & Diuinæ gratiæ exceptores esse debeamus, ipsam sacræ Scripturæ historiam ad verbum, non pigebit adiungere; quæ sic habet: *Facta est autem quædam dies, & transibat Eliseus per Sunam (ciuitatem:) erat autem ibi mulier magna, quæ tenuit eum, ut comederet panem. Cumq; frequenter inde transiret, diuertebat ad eam, ut comederet panem. Quæ dixit ad virum suum: Animaduerto quòd vir Dei sanctus est iste, qui transit per nos frequenter. [Ecce occasionis se non rarò offerentis obseruationem; iam studium in illa excipienda considerato.] Faciamus ergo ei canaculum paruum, & ponamus in eo lectulum, & mensam, & sellam, & candelabrum: ut cum venerit ad nos, maneat ibi. Facta est ergo dies quædam, & veniens diuertit in canaculum, & quieuit. [Ecce tibi accuratam diligentiam, ne quid desit aut omitatur, quod ad rem faciat, quando tempus opportunum & occasio*

Munificē-  
tia per Oc-  
casionem.

4. Reg. 4.

Mulier  
magna.



Hospitij  
fructus.

occafio rei cuiuscumque benè gerendæ, se offerunt. Iam verò fructum & vtilitatem *Occasionis* arreptæ, velut hospitis grati beneficium ac munus, in eodem hoc exemplo obseruemus.] *Dixit Eliseus ad Giezi puerum suum: Voca Sunamitidem istam. Qui cum vocasset eam, & illa stetisset coram eo, dixit ad puerum suum, loquere ad eam: Ecce, sedule in omnibus ministrasti nobis, quid vis ut faciam tibi? Numquid habes negotium, & vis ut loquar Regi, siue Principi militiæ? Quæ respondit; In medio populi mei habito. Et ait; Quid ergo vult, ut faciam ei? Dixitque Giezi; Ne quæras; filium enim non habet, & vir eius senex est. Beneficium suggerit, quod propter illius temporis rationem, futurum sciebat longè gratissimum, & quouis pretioso munere pretiosius; sobolem scilicet, & auitum heredem. Præcepit itaque ut vocaret eam: quæ cum vocata fuisset, & stetisset ante ostium, dixit ad eam; In tempore isto, in hac eadem hora, si vita comes fuerit, habebis in utero filium.*

Masculus  
fœtus, vir-  
tus, & vera  
conuersio.

Neque hoc solùm beneficij retulit mulier tam hospitalis, sed & eundem filium iam grandescentem, nimioq; solis ardore extinctum, precibus eiusdem sui hospitis rediuuium accepit. Itaque occasionis benè acceptæ munificentia, & viuida facta, ut masculum fœtum, in lucem producimus, & verè patramus; & quæ fortè casu quodam collapsa fuerint, non minori cum fructu & gaudio, occasionis obseruatæ præsidio, restaurata recuperamus.

Rahab  
meretrix.  
*Ios. 2.*

*Ios. 6.*

Rahab meretrix pro hospitalitate exploratoribus Iosue in Iericho præstita, quasi *Occasione* cælitus missa, prudenter vsa, & sibi suisque omnibus in vrbe expugnatione vitam salutemque promeruit, & (quod caput est) habitauit cum parentibus & amicis in medio Israel; facta iam quasi vna de cœtu populi Dei. Quis occasionem etiam remotissima de causa velut peregrè aduentantem non libenter excipiat, cuius ope, & mortem euadat æternam, & cælestibus ciuibus inferatur?

Ipse quoque Dominus noster, in communi illo, causâ salutis nostræ suscepto hospitandi iure, in hoc mundo, monstrauit apertè, quanti esset meriti venientem excipere. In propria quidem venientem, sui, magno ipsorum malo, non receperunt:



perunt: Quotquot autem receperunt eum, dedit eis potestatem <sup>Ioan. 1.</sup>  
 filios Dei fieri; his qui credunt in nomine eius. Idipsum quoque  
 postmodum de se & Patre suo cælesti promisit: Si quis diligit me, <sup>Ioan. 14.</sup>  
 sermonem meum seruabit; & Pater meus diliget eum: & ad eum  
 veniemus, & MANSIONEM apud eum faciemus: gratiam Spi-  
 ritus sancti multiplicem, tam charo suo hospiti multis affe-  
 rens argumentis.

Æternæ quoque beatitudinis mansione gratiam hospitali-  
 tatis compensandâ ex sacra Scriptura didicimus: iuxta Christi  
 promissum: *Vt recipiant vos in æterna tabernacula.* Vnde <sup>Marul. lib.</sup>  
 Onesiphorus Ephesus, discipulos Christi suscipere solitus, sic <sup>1. cap. 3.</sup>  
 ab Apostolo Paulo benedicitur, ut dubitare non sit, quin ho-  
 spitalitatis officijs æternæ vitæ præmia sibi compararit. *Det, in-* <sup>2. Tim. 1.</sup>  
*quit, misericordiam Dominus Onesiphori domui, qui sape me re-*  
*frigeravit, & catenam meam non erubuit: sed cum Romam ve-*  
*nisset, sollicitè me quæsiuit, & inuenit. Det illi Dominus inue-*  
*nire misericordiam à Deo in illa die. Et quanta Ephesi ministra-*  
*uit mihi. O felix igitur Onesiphorus, qui aliquando auditurus*  
*est optatissimam vocem illam vocantis Domini, ac dicentis:*  
*Veni benedicte Patris mei, posside paratum tibi regnum à consti-*  
*tutione mundi: hospes enim eram, & collegisti me.*

Martyrius vitæ honorabilis monachus (ut D. Gregorius <sup>Martyrius</sup>  
 narrat) leprosum quendam in via repertum ulterius progredi <sup>monachus.</sup>  
 non valentem, pallio inuolutum in humeros sustulit, & ad <sup>D. Gregor.</sup>  
 monasterium quod tendebat benignè deportauit. Cumque <sup>super euag.</sup>  
 monasterio appropinquabat, Pater spiritualis eius loci magnis <sup>Videns le-</sup>  
 clamare vocibus cœpit: Currite, ac ianuas monasterij citò <sup>sus ciuita-</sup>  
 aperite: quia Frater Martyrius venit, *Domini* portans. <sup>tem fleuit</sup>  
 Statim verò ut Martyrius ad monasterij aditum peruenit, is <sup>super illud.</sup>  
 qui leprosus esse putabatur, de collo eius defiliens, & in nota <sup>Luc. 19.</sup>  
 Christi Saluatoris specie apparens, ad cælum vidente Mar-  
 tyrio est reuersus; ei que ascendens dixit; Martyri, tu me non  
 erubuisti super terram; ego te non erubescam super cælos. In-  
 gressum in monasterium rogauit Pater, Frater Martyri, vbi est  
 quem portabas? Cui ille: Ego, si sciuissem quis esset, pedes eius  
 tenuissem. Tunc eidem Martyrius narrauit, quòd cum eum

N

por-



portaret, pondus eius minimè sensisset. Nec mirum, quomodo enim pondus eius sentire poterat, qui portantem portabat? Cælesti itaque mansionē, terrenæ hospitalitatis officium compenſatur.

Schemat. 6. Cap. 3.

*Malè exceptæ OCCASIONIS, & inhospitalitatis punitio.*

Inhospitalitatis indignitas.

**V**erum, ut appositum contrarij tam illustre munus hospitalitatis magis eluceat, & ex neglectæ occasionis damno, fructus admixtæ obseruatæque melius innotescat; oculos, si lubet, in ingratos hospites, saltem obliquè & per transfennam conijciamus; atque ab illis incipiamus, quos præcedenti capite attigimus, qui Christum in propria venientem non receperunt.

*Luc. 2.  
Matth. 2.*

Vt etenim nascituro nō erat locus in diuersorio, & iam natus peregrinam regionem (Ægyptum scilicet) coactus est petere; ita vir factus à suis reiectus, exclusus, & non nisi in mortem quæsitus fuit. *Neque fratres quidem eius* (hoc est, amici & cognati) *in eum credebant.* Et communis Prophetarum exilij particeps, acceptus non fuit in patria sua: & tandem in suis Apostolis, in fide, gratia, in sacrosanctis Sacramentis, omnique salutis occasione, quam verus Samaritanus in hunc mundum intulerat, indignè exceptus, persecutione plusquam hostili coarctatus, explosus est.

Occasionis contemptæ punitio.

Inhospitalitatis merita poena.

Nabal stultus.

Sed qua mercede tantam in immeritum immo optimè meritum excercuerint inhumanitatem, quis ignoret, qui excacatam, extorrem, totique humano generi exosam intereā Iudæorum gentem attenderit? Ita in figura ipsorum stultus ille Nabal, pro sua inhospitalitate, & ingratitude intoleranda, olim malè perierat. Dauid siquidem (non obscure Christi typum præ se ferens) suis militibus annonæ quidpiam ab eo postulaturus, occasionem ad id optimam captauit, ipsique



que Nabalo optabilem benè merendi tali facto præbuit occasionem. At, verba ipsius audiamus, quibus instructos à se decem iuvenes, eam ob causam, ad illum delegauit.

*Ascendite, inquit, in Carmelum, & venietis ad Nabal, & salutabitur eum ex nomine meo pacificè. Et dicetis, Sit fratribus meis & tibi pax, & domui tue pax, & omnibus quæcumq; habes, pax. Ex multis annis saluos faciens tuos, & omnia tua; audiui quòd tonderent pastores tui greges tuos, qui erant nobiscum in deserto. Nūquam eis molesti fuimus, nec aliquando defuit quidquam eis de grege, omni tempore quo fuerunt nobiscum in Carmelo. Interroga pueros tuos, & indicabunt tibi.* [Imaginare, Lector, te hic audire *Occasionem* cuncta opportuna narrantem, quòd faciliorem mollioremq; sibi sternat viam, vt admitatur.] *Nunc ergo inueniant pueri tui gratiam in oculis tuis: in die enim bona venimus* (Ecce temporis opportunitatem.) *Quodcumque inuenerit manus tua, da seruis tuis, & filio tuo David. Quid suauius, quid gratius, quid magis ad manum, quàm se sponte insinuantem amplecti occasionem?*

*Dies bona, opportuna.*

At nunc ex aduerso considera ingrati hospitis austeritatem, rusticitatem, plusquam barbaricam inhumanitatem; talemque se arbitretur, quisquis opportunam vt cælo demissam rectè agendi occasionem, repullam pati coegerit; Gratijs ipsis licet indignatibus. Ita sequitur in sacra historia sacri istius & reprobis Nabal. *Respondens autem Nabal pueris David, ait; Quis est David? & quis est filius Isai? hodie increuerunt serui qui fugiunt dominos suos. Tollam ergo panes meos, & aquas meas, & carnes pecorum quæ occidi tonsoribus meis, & dabo viris quos nescio vnde sint? Ecce stupiditatem hominis merè ingrati; & verè secundum nomen suum, stulti, ex vltimis terræ finibus, & summo cælo petendam occasionem fastidientis. Quam nisi melius instructa, saniori mente, meliori que officio mox resumisset prudens eius vxor Abigail, iam actum erat de ipso Nabal, totaque eius è pilo pendente familia.*

*Ingrati hominis stupiditas.*

At, veluti ipsa communem domus calamitatem prudenter auertit, ita ipse tam ingratus hospes non tulit impunè tam intolerandam indignitatem. Sic sacræ testantur literæ: *Dilu-*



culo cum digessisset vinum Nabal, indicavit ei uxor sua, verba hæc: & emortuum est cor eius intrinsecus, & factus est quasi lapis.

Ita vindex est sui ipsius ipsa mali perpetrati neglectæque occasionis mordax conscientia, iustaque metanœa. Neque tamen hic mali finis. Cumq; pertransissent decem dies, percussit Dominus Nabal, & mortuus est. Quod cum audisset David, mortuum Nabal, ait; Benedictus Dominus, qui iudicavit causam opprobrij mei de manu Nabal, & servum suum custodiuit à malo: & malitiam Nabal reddidit Dominus in caput eius.

Sic inuenias hodie quosdam, tam agrestes præstantissimæ rei & optimæ occasionis contemtores, & econtrà noxiæ aliquius oblatae causæ tam studiosos amicos, ut meritò in illos famosus ille Leoninus versus intorqueatur:

*Vngentem pungit, pungentem rusticus vngit.*

Ruffini  
tristis exi-  
tus.

Zosimus  
lib. 5.  
Claudia-  
nus lib. 6.  
D. Hieron.  
epist. 3.

Ruffinus hîc pro exemplo in medium procedat. Tam ipsi se insinuauit Occasio, ut alienigena, magus, & humili loco natus, in Theodosij imperatoris amicitiam perductus, summos consecutus fuerit Constantinopoli magistratus: tam verò ingratus hospes, ut non nisi malum pro bono rependerit. Tam siquidem fuit improbus, ut auctor fuisse credatur, ut Theodosius imperator præter consuetudinem moremque suum, aduersus Thessalonicenses crudelissimè, nullo habito delectu fontium & innocentium, desæuaret. Eò superbix, eoque prouenit arrogantix, ut generum habere conaretur Imperatorem: eò auaritiæ, ut præ nimia auiditate totum Romanum misceret imperium; atque ad eius inuasionem barbaris quibuscumque ostia patefaceret, immo & inuitaret, vocaret, atque etiam promissione compelleret, iniens cum eorum ducibus clandestina fœdera. Sed quàm condignis præmijs remunerata fuerit barbari ingratiq; hominis indignitas, Fortunæ ipsius auctoribus struentis insidias, & efferatas demulcentis nationes, docebit euentus.

Cum siquidem rebus omnibus (ut credebat) ritè confectis, quo tandem imperator à militibus acclamaretur, repentè ab exercitu circūdatus ita omnium gladijs hastisq; confossus est,



est, ut singulis ferè singula partita Ruffini membra, pro trophæis cum pompa ab exercitu in urbem sint relata. Eminēbat caput impositum pilo. Sed & iucundum afflicto populo Constantinopolitano spectaculum Ruffini dextra præbuit: quæ à milite secta, cum ex ipsa sectione nervi qui movent articulos prominerent, iisdem vel attractis, vel remissis, manus ipsa claudi poterat & aperiri, ludusque militi facta est, conuersaque in ludibrium Ruffini rapacitatis: cum miles eandem pansam tendendo, mendicare Ruffinum obolum dictitabat; oblatoque palmæ obolo, tractis mox nervis, attractis strictisq; digitis, eum à Ruffino auidè acceptum significabat.

Dextra  
Ruffini lu-  
dib. io ha-  
bita.

## Schemat. 6. Cap. 4.

*Alia non impunè spreta Occasionis exempla.*

**I**mprudenter & Hanon egit, qui legatos, honoris consolationisque gratià à Dauide rege missos, probris affecit, & cum ignominia explosit, sed non impunè: quod etiam male tractatæ occasionis specimen refert non obscurum. Sic enim legimus: *Factum est autem post hæc, ut moreretur rex filiorum Ammon, & regnavit Hanon filius eius pro eo. Dixitq; David: Faciam misericordiam cum Hanon filio Naas, sicut fecit pater eius mecum misericordiam. Misit ergo David, consolans eum per seruos suos, super patris interitu.* [Ecce tibi occasionem pacis & amicitiae, omniumq; bonorum, quæ ex coniunctione animorum inter reges & principes oboriri solent, fores pulsantem, & quærentem hospitium.]

Occasionis  
neglectæ  
pæna.

2. Reg. 10.

Hanonis  
ingratitu-  
do.

At, quid accidit? num intrò recepta grataque fuit? Audiemus. Cum autem venissent serui David in terram filiorum Ammon, dixerunt Principes filiorum Ammon ad Hanon dominum suum: Putasne quòd propter honorem patris tui miserit David ad te consolatores, & non ideò, ut inuestigaret & exploraret ciuitatem, & euerteret eam, misit David seruos suos ad te? O ingratitudinem! ô maleuolentiam! notate, obsecro, Occa-



sionis optimæ sinistram interpretationem, defectu iudicij & prudentiæ & exuberante nequitia. *Tulit itaque Hanon seruos David, rasiq; dimidiam partem barbae eorum, & præscidit vestes eorum medias usque ad nates, & dimisit eos.*

Videre hîc est quasi spectaculum in theatro mundi exhibiturum Occasionis opportunissimæ ludibrio habitæ, & vix est qui consideret doleatq;ue eius vices tam miserandas, & tamen in caput vniuersæ multitudinis redundantes. Vt enim ingratus hic hospes Hanon suæ stultitiæ pœnas dedit, his statim post bello victus & subiugatus, ita grauissimæ ferè semper superuenire solent post neglectam eiusmodi occasionem calamitates; sed rarò parumq;ue animaduertitur vnde proueniant, sicq;ue fit in dies maior ac maior rerum optimarum iactura.

*Iudic. 15.  
Samson.*

*Iudic. 16.*

Si quis Thamnatha ciuitatis ciuiumq;ue eius Philistinorum afflictionem commeritam his velit apponere, per me licebit. Illi siquidem Samsoni fecerunt iniuriam, parumq;ue grati ipsi fuerunt hospites: pater enim nouæ nuptæ dedit eam alteri viro, Samsoni secluso. Ita & ciues Gazæ durum ei præbuerunt hospitium: nam circumdantes eum, positos in porta custodibus, tota nocte cum silentio præstolati sunt, vt facto mane excurrentem occiderent. Sed vtrisque cessit ex merito, & condignas violati iuris hospitij luerunt pœnas.

Ita obfuit, occasionem non dignouisse neque obseruasse. Sed notandum, quod in eiusdem historia, dum parentes eius mirarentur, quod vxorem Philisthæam expeteret, additur; *Parentes autem eius nesciebant, quod res à Domino fieret, & quæreret OCCASIONEM contra Philisthæm: eo enim tempore Philisthæm dominabatur Israeli.*

Id ipsi ita merebantur, vt occasionem sibi aduersantem experirentur afflicti, qui tot modis oblatam in bonum, erant contempturi. Poterant siquidem & occasione initi coniugij, & spontanei in Gazam ingressus, non solum cum Israele meliorem inire gratiâ, verumetiam hac Occasione ad notitiam veri Dei peruenire. Sed nunc ad singulorû iuuenum munera perscrutanda accingamur, qua in consideratione, vtilitatum Occasionis benè acceptæ multiplicem distinctionem expendemus.

Schemat.



## Schemat. 6. Cap. 5.

*Munerum titulis, utilitates OCCASIONIS bene  
habita explicantur.*

- A **I**N primis, prout OCCASIO in hoc schemate prudentibus  
istis probisque iuuenibus varia distribuit munera, ita per <sup>Munera ex  
Occasione  
manantia.</sup>  
hunc agendi loquendiq; modum ostenditur, varia lata, utilia,  
magnifica, ac salutaria per occasionem ijs posse obuenire, qui  
eam diligenter obseruant.
- B Exempli gratia, primo illi palmæ ramum in manus præbet: <sup>Palmæ do-  
natio.</sup>  
quo significetur, non ratò alicui præclaræ alicuius victoriæ  
præstare occasionem, si cordi habeat, & manum adhibeat  
operi, priusquam elabatur. Neque id tantum in puerili palæ-  
stra, aut virorum ludicris certaminibus, vel in serijs etiam belli  
grauissimi expeditionibus, à quibus totius Reipublicæ depen-  
deat salus; verumetiam in illo maximi momenti conflictu,  
qui inter hominem iuratisimòsque animæ ipsius hostes quo-  
tidie exercetur.
- Palma datur, dum victoriæ adipiscendæ opportunitas à Deo  
confertur. Extende manum, vtere concessis, ne negliges; Deus  
facientem adiuuabit. Scimus apud Romanos palmam signum  
victoriæ esse solere: vnde & toga palmis intexta triumphato-  
ribus obtingebat.
- C Alteri turgens ære crumena, talentisve euangelicis refer- <sup>Largitio.</sup>  
tum marsupium, & simul rosarium, seu globulorum preca-  
riorum sertum, pro dono cedit: quo innuitur, excellentem  
sæpe magnis æquè & paruis occasionem dari, cuius admini-  
culo ad diuitias, veras præsertim ac spirituales, ad dotes animi  
raras, & ad lauream veræ pietatis ac virtutis emergant, si tam  
diuino munere se dignos effecerint: norintque opportunè se-  
qui, quò ipsa rei oblatæ ansa eos trahit, sibi que ipsi non desint.
- Vnde siquidem aliqui ad tam eximias virtutum, eruditio-  
nis, sublimitatis & gradus excelsi laudes euecti sunt; nisi quia  
concessa



concessa diuinitus temporis occasionisq; seu personarum vt certorum talentorum opportunitate prudenter sunt vsi? Non importunè eapropter in hoc schemate admonet Angelus, vt dona, hoc est Occasionis datæ benignitas & copia, sint ipsis in pretio, beneq; vtantur.

Scientiæ  
munus.

Ecclesi. 39.

Tertiò liber in sortem venit, quo satis manifestè declaratur, quàm secunda frequenter alicui detur occasio, non solum vt ad variarum artium cognitionem accedat, verumetiam vt ipsa sanctorum scientia, rerumq; cælestium notitia repleatur, modò eam non negligat. Adeò vt de ipso dici possit, quod quasi è redundanti promtuariorum proponit Sapiens: *Sapientiam omnium antiquorum exquiret sapiens, & in prophetis vacabit. Narrationem virorum nominatorum conseruabit, & in versutias parabolarum simul introibit. Occulta prouerbiorum exquiret, & in absconditis parabolarum conuersabitur. In medio magnatorum ministrabit, & in conspectu præsidis apparebit. Colaudabunt multi sapientiam eius, & vsque in seculum non delebitur. Non recedet memoria eius, & nomen eius requiratur à generatione in generationem. Sapientiam eius enarrabunt gentes, & laudem eius enuntiabit ecclesia.*

Scientia  
sanctorum.

Quid aliud esse dicas, cur aliqui sanctorum in Ecclesia tam celebres præ doctrina effecti sint, & interim alij in seculo tam ignari, vt pueri paruuli eos interdum superent in rebus salutis ac fidei; nisi quòd illi datam à Deo, seu præceptorum obsequio, seu creaturarum mutarum auxilio, occasionem sedulò sunt amplexati, isti verò vel non captarint, vel obiectam quoque & obtrusam non curarint?

Sapientum  
mundi in-  
sapientia.

Quid item causæ esse existimemus, vt doctissimi quandoq; viri, qui omnes penè totius orbis euoluerint libros, in omni scientiarum genere sint versatissimi; & tamen cum omni suo studio & labore viam vitæ non inueniant; nec in caput illud illumve paragraphum vñquam inter legèdum incidunt, qui eos veram sui Deiq; cognitionem edoceat: cumq; omni sua scientia, morte stultorum & morte peccatorum pessima moriantur: aliqui verò, etiam tenuissimè in libris scientiisq; versati, sed inter arbores & bruta animantia degentes, in cælis mente



mente conuersati, adeò docti ac sapientes euadunt, itaque veram animæ salutem ex omnibus hauriunt, atque si omnes libri, paginae, apices, resque omnes id expressissimè ipsorum auribus insonarent. Vnde, inquam, ista diuersitas; nisi quòd illi, etiamsi in oculos & os eorum incurrat, inter legendum vel audiendum, scientiæ salutaris occasio, non attendunt, os non aperiunt, & sic non attrahunt spiritum: & quia non gustant cælestia, fastidiunt, & tamquam ad se nihil pertinentia transmittunt: isti verò ex omni re & euentu semper eliciunt occasionem proficiendi in melius, & Domino dante benignitatem, terra dat fructum suum. Ecce itaque neglectæ & bene habitæ occasionis oblata diuersitatem.

**F** Hortatur idcirco *TEMPVS* valdè appositè, vt quisque bene suo fungatur munere. Sic enim communiter loqui solemus:

Vtendum concessis.

**G** Tempus monet, tempus exigit, postulat tempus, vocat hora, vt nimirum quod factò opus exsequamur. Diciturque similiter suo loco, tempus vetare, non permittere. Ille porrò, qui in orbem cælestem, quasi præstanti cratere sibi propinatum, toto intendit animi desiderio, & spe magna conijcit oculos, certò confidens se tam opima salutis occasione regnum cælorum consecuturum; omnium nomine fidem facit officij debitè præstandi, in muneribus ab *Occasione* receptis ritè expendendis.

Regni cælestis occasio obuia.

**H** Vltimo Crucis effigies, de qua Saluatoris nostri figura dependet, beneficii loco concessa est: quò testatum redditur, magnam esse beneficentiam à Deo collatam hominibus, quando tam accommodum salutis acquirendæ thesaurum, tempus, & occasionem, adepti sunt. Meritoque ob id *Tempus gratiæ* appellatur: quod à Christi in carne aduentu, in nouissimum vsque diem decurrit. Quàm multæ nonnumquam alicui ad salutem & vitam viæ, si oblatam occasionem non grauaretur admittere!

Crucis studium salutare.

O

Schemat.



## Schemat. 6. Cap. 6.

*Nulla occasio, propriè dicta, cuiquam ad malum datur.*

Damna  
occasionis  
ad malum  
acceptæ.  
Occasio ad  
malum pro-  
priè nulla.  
*Eccles. 15.*

*Eccles. 3.*

Tempus  
ad malum,  
nullum  
datur.

*Eccles. 4.*

**O**Peræpretium me nunc facturum spero, si occasione tam  
vtilium munerum *Occasionis* bonæ, detestandorum quo-  
que munerum sinistræ Occasionis (quæ sibi præter fas & æ-  
quum hoc nomen usurpat) pericula ostendero, & docuero  
fugam. In primis, nulla vmquam legitima ad malum occasio  
esse homini potest. Ita testatur id Sapiens, à tempore omne  
malum excludens: *Nemini mandauit Deus, impiè agere: &  
nemini dedit spatium peccandi.* Ac si dicat: Omnia licita &  
honestæ, quin & indifferentia, modò vsum suum licitum ha-  
beant, simul cum bonis & vtilibus, vtcumque sub præceptum  
cadunt, generaliter sumtum: si qua verò horum præcipi quis  
inficiatur, spatium saltem eis cōcedi, negare non poterit: quia  
mala non sunt. Propterea dicit alibi idem: *Omni negotio est  
tempus, est & opportunitas.* A Deo scilicet concessa ad id ex-  
sequendum. Peccatum verò, vt quod ab omni hominis occu-  
patione & negotio rebusve gerēdis excluditur, etiam ab omni  
tempore & opportunitate sequestratur; quia Deus non man-  
dauit cuiquam impiè agere: hoc est, nihil habet à Deo sibi  
bona pace concessum, quo perpetretur: adeò vt ne quidem  
punctum temporis vel momentum occasionis opportunum,  
ad peccandum censerì possit alicui attributum.

Idcirco Sapiens alio loco monet: *Fili, conserva tempus, &  
deuita à malo.* Nihil temporis ei concedendo, quia nihil ei  
debetur: neque vmquam ad malum occasionem captando,  
quia numquam tibi iusta peccandi præbetur Occasio. Quod  
enim communiter, & indifferenter, etiam in malis rebus, oc-  
casio vocitetur, abusus est: & apud Christianos, species ei  
tantum & exterior quædam Occasionis apparētis delineatio  
est concedenda. Dum autem ita appellatur, hoc sensu fieri  
putan-



putandum est, ut illa temporis vel rerum occurrentium ad malum perpetrandum aptitudo & optata commoditas, dicatur occasio: quia eundem locum supplet in malo, quem in bono iusta sibi tuetur occasio.

Hinc illud Menandri: Ad prauè agendum, parua satis occasio est. Vnde & natum creditur illud adagium: *Occasione dumtaxat opus est prauitati.*

Menand.  
Horat.  
Epodon  
13. Ode.

Proprium prorsus huic proposito exemplum est, quando Semei tam plenus omnis mali fuit, ut minima tantum opus esset occasione, qua totum virus suum in alicuius caput effunderet: itaque Deus ei obtulit Dauidem, qui ex ipsius malitia econuerso maioris meriti occasionem eliceret. Itaque in illum, gurgitem maledictorum velut sentinam copiosissimè euacuauit: adeò ut propterea diceret Dauid: *Dominus praecepit ei ut malediceret Dauid.* hoc est: Quia certò erat malitiam suam in aliquem exerciturus, permisit potius Deus, ut in eum exerceret, qui inde etiam fructum ampliorem colligeret. Occasio iusta non fuit; sed malo ipsi praemeditato, conueniens quaedam rei aptitudo.

Semeiad  
nequitiam  
promittitudo.

2. Reg. 16.

Ita fuit illegitima & sinistrè accepta occasio, quando Aaron & Maria soror eius, Moysen probro iactauerunt, ob uxorem eius (ut inquit Scriptura) Æthiopissam; & idè, quæ tam petulantis audaciæ caput fuerat, in lepram incidit, ut corporis morbo mentis vitium puniretur.

Num. 12.  
Maria soror Moysi.

Dictum illud Domini nostri cum hac quoque quadrat sententia, quando suorum carnalium amicorum ad malum paratam semper promittudinem arguebat: *Neque enim fratres (cognati) eius credebant in eum. Dicit ergo eis Iesus: Tempus meum nondum aduenit: Tempus autem vestrum semper est paratum.* Ita nocendi cupidi, ad minimam occasionis umbram, quam interdum & sibi ipsi fingunt, parati sunt lacerare.

Ioan. 7.  
Fratres  
Christi cognati.

Huc spectat illud Fimbriæ figmentum, iustæ occasionis & causæ pretextu in M. Scauolam excogitatum. Fimbria siquidem Romanus, omnium hominum audacissimus, vulnus quodam tempore Mutio Scauolæ inflixit, volens eum trucidare, à quo tamen conualuit. Quod ut vidit Fimbria, se velle

Val. Max.  
lib. 9.

Fimbriæ  
in Mutium  
calumniæ.



Scæuolam in ius vocare, ait, & accusare. Quumque interrogaretur in quo esset eum accusaturus, (qua de causa scilicet quave occasione id meditaretur) respondit se obiecturum illi, quod nimis parce telum in corpus suum recepisset: qui tandem etiam Scæuolam occidit: quia homo scelestus minima tantum occasionis specie vel temporis aptitudine indigebat, ut facinus intentatum perpetraret.

Lupus ouem  
innocentiam  
culpat.

Ita lupus in ouem occasionis pretextum querens, innocuam ouiculam accusabat quod aquam turbasset ex qua ipse biberet; cum tamen illa in inferiori præterfluentis aquæ parte bibisset, lupus verò in altiori, ad quem ab ouicula lapsus aquæ ne fingi quidem poterat. Sic vulgò dicimus, Facile fustem inuenit, qui canem cedere voluerit. Sed de mala occasione, (licet hoc nomine indigna) eiusque detestandis muneribus, hoc est, de miserando talis occasionis exitu, aliquid amplius proferamus, nouo ad id capite adornato.

### Schemat. 6. Cap. 7.

*Occasiones non captandæ ad malum, sed fugiendæ: amplectentium verò vindicta recensentur.*

Iac. 1.

QVia ferè error ille communis est, qui in munerum distinctione & acceptione committitur, ideò benè est discernendum inter occasiones se offerentes, & munera illas comitantia. Idcirco non frustra monet Apostolus: *Nolite errare, fratres mei dilectissimi: Omne datum optimum, & omne donum perfectum desursum est, descendens à Patre luminum.* Inter hæc verò data & dona, sicuti occasionem quoque benè merendi salutemque operandi, cum fructu inde promanante, meritò collocamus; ita occasionis in malum peruersio, ars est fraudulenta diaboli; ut idem ait Apostolus: *Non est ista sapientia desursum descendens: sed terrena, animalis, diabolica.*

Iac. 3.

Non



Non hîc ago de ijs quæ nonnumquam casu quodam per ignorantiam specie quadam occasionis eueniunt, sed de arreptis studio & voluntate nocendi. Alioqui non sum nescius fieri interdum vt aliquid oboriatur, quod per errorem pro occasione iusta vel verisimili arripitur, & tamen reuera eius quod putabatur subest nihil. Ita Prætoriani milites olim, ludos in theatro spectantes, cum arbitrarentur quendam ex commilitonibus, quem Augustus ab apparitore amoueri iusserat (equitum enim ordinibus, vbi ille confederat, is debebatur locus) Augusti iussu interfectum esse, coorto tumultu, parum abfuit, quin Augustum interimerent: Sed remedio fuit, quod is, quem interemtum putabant, incolumis repentè comparuit. Sic etiam Lartēs Tolumnius, Veientium rex, cum in tesserarum prospero iactu, per iocum collusori dixisset, *Occide*: & fortè Legati Romanorum interuenissent, satellites eius errore vocis impulsī interficiendo Legatos, lusum ad imperium transtulerunt; occasionis specie arrepta, quæ verè nulla suberat. Verum, vt dixi, de similibus erroneis occasionibus hîc non agitur; sed de maleuolè conquisitis captatisque occasionibus ad malum, nobis iam sermo est.

Occasio-  
nes erro-  
neæ.

Fulgos. lib.  
9. cap. 9.  
Prætoriani  
milites.

Fulgos. lib.  
9. cap. 9.  
Ludus tes-  
serrarum.

Occasio-  
nes male-  
uolè acce-  
ptæ.

Eiusmodi sunt in speciem effectæ mali perpetrandi occasiões, quas suprà, Cap. 3. 4. & 5. schematis secundi in medium adduximus, & alia de causa in schemate nono sumus adducturi: huiusmodi sunt, Iudæ captantis opportunitatem loci, temporis, personarum & rerum, ad Christum tradendum, vt pacto condixerat. Item Seniorum Babyloniorum castitati Susannæ struentium insidias. Iudæorum quoque quærentium ansam occidendi Dominum sine strepitu. Quæ, vt diximus, non sunt vero nomine occasiões, nec à Deo concessæ, nec quærendæ, neque acceptandæ dum se offerunt: quia dæmonis instinctu ita istæ opportunitates sæpe adornantur, vt facilius gliscat conceptum scelus, non nisi Deo tamen ita permittente.

Exempli gratiâ, stimulis libidinis quispiam quasi æstro percitus egreditur, visurus num forte fortuna reperturus sit explendæ cupiditatis occasionem: obambulat, quærit,



circumspēctat, indagat, vt venator aut auceps, si fortè alicunde optata se offerat praeda; quidni liceat opinari, diabolum ex altera parte alicunde excire leuiculam, quæ illi opportunè videatur occurrere?

Sic de alio, qui cædem, aut ebrietatem, aut rapinam animo voluit: & sicut leo vel lupus circuit quærens quem deuoret, ita omnem illi mouent lapidem, captantque ex omni parte occasionem, quod mente conceperint perpetrandi. Alioqui, vt sæpe dixi, nec tempus, nec occasio, nec opportunitas ad malum datur. Omnia siquidem (quod suprà meminimus) tempus habent: atque ita cùm peccatum nihil sit, inter illa quæ sunt, locum non habet. Inquantum enim actus est vel cogitatus naturalis, à Deo est; at inquantum peccatum est, à malo est, cui nihil vsquam iuris esse potest, neque in tempore, nec in loco, neque in vlla re alia.

Iniuria fit  
tempori,  
quando  
ad malum  
impēditur.  
D. Thom.  
1. Parte,  
quest. 10.  
art. 6.

Quocirca, cùm pars vel minima temporis vel tempestiuitatis ad malum abripitur, iniuria (vt ita dicam) fit tempori, & per consequens cælestibus corporibus; quorum motu, Dei ordinatione, tempus mensuratur (vt dicit D. Thomas, Tempus est in primo motu cæli, sicut in subiecto, & primo mensurato.) Iniuria fit & ceteris creaturis, cum tempore à communi omnium Conditore productis.

Hinc futurum, vt quando omnium iusta ratio reddenda erit, & creator omnium Christus ad iudicandum venerit, vt de omni momento sicut de omni verbo exigat rationem, pugnabit tum pro eo orbis terrarum contra insensatos: vt qui illo abusi fuerint; & tempore atque creaturis ad salutem ipsorum factis ac datis, vsi fuerint ad suam ipsorum perniciem.

Occasionis  
ad malum  
quæsitæ  
calamitas.

Munera verò & fructus ita sumitæ occasionis, nihil nisi maximam pariunt calamitatem. Iudas à dæmone possessus, proprijsque suspensus manibus, crepuit medius, & effusa sunt omnia interiora eius. Senes illi impuri lapidati sunt, immortalem pro tentato flagitio referentes infamiam. Iudæi malè mulctati nota & plaga indelēbili. Giezi puer Elisæi auaritiæ fatiandæ occasionem obliquè arripiens, pro munere lepram Naamani contraxit. Ita quotquot alicuius peccati occasio-

4. Reg. 4.

nem



nem se nactos existimarunt, se ipsi fefellerunt; & more piscium, escam è nassa petentes capti sunt, & suo malo sapere docti. Sic Filius prodigus, cum sui similibus, luxuriosis ganeo-  
nibus: Epulo diues avarus, cum lurconibus: Ioab truculen-  
tus, cum homicidis: Aman fastuosus, cum superbis: Pharisei  
hypocritæ, cum simulatoribus. Et qualicumque vitio obstri-  
cti, ad quod species aliqua occasionis eos quadam opportu-  
nitate videtur allicere; omnes, nisi filij prodigi exemplo con-  
uersi fuerint, miserandus manet interitus.

## Schemat. 6. Cap. 8.

*Occasionis noxiæ euitatæ exempla, & pœna  
captatæ.*

**V**ERùm enim uerò, quemadmodum bona rei benè geren-  
dæ occasio, vel propter munera ipsa quæ largitur, & fru-  
ctum inde prouenientem, est amplectenda; quis non videat  
ita, vel propter solum dolendum euentum, malam occasio-  
nem aspernandam esse?

Occasio-  
nes ad ma-  
lum fugiē-  
dæ.

Occasionem eiusmodi explendæ libidinis habuit Ioseph, *Genes. 39.*  
ipsamet hera eum quæsita opportunitate captante; sed euita-  
uit, auersatus est, eluctatus est, chlamyde quoque in ipsius ma-  
nibus relicta.

Occasionem trucidandi Saulem, hostem iam factum, ha-  
buit non semel Dauid; sed numquam arripiendam est  
ratus. *1. Reg. 14.*

Occasionem peccandi habuisse Susanna dici potest (qua-  
lem eiusmodi captatores effingunt & optandam existimant)  
quando ostijs pomarij clausis, sola ab illis nefarijs iudicibus ad  
consensum postulabatur. Sed mortem elegit potius, quàm  
assentiri nequitia. *Dan. 13.*

Occasionem tali specie pictam habuerunt & Apostoli  
deferendi Christum, abeundi que retrò cum reliquis, præ-  
sertim



ferim quando rogabantur à Domino; *Numquid & vos vultis abire?* sed neutiquam apprehendendam existimarunt: Petro nomine omnium respondente; *Domine, ad quem ibimus? verba vite æterna habes.*

Eiusmodi, & quidem splendoras, ac velut benè comtas sceleris audendi occasiones, habuerunt omnes illi martyres & virgines, quibus honores, diuitiæ, regales nuptiæ, regna integra quandoque oblata sunt; si modò in illicitum actum inflecti se fuissent, sed mortem contemtis omnibus sibi persuasere præferendam.

Seneca.

Itaque non sunt vlllo modo vanæ, fictitiæ, vmbaticæ, & prætextæ occasiones ad vitij velamen apprehendendæ: sed potius dicendum cum Seneca; Etiam si scirem Deos ignoscituros, & homines ignoraturos; adhuc, propter peccati vilitatem, peccare dedignarer. Sicque sentiendum faciendumque; constanter in omni genere peccati, cuius aliqua nobis offerri videtur occasio. Eoque studio & modo adimplendum est, quod de perfectè laudato homine dicit Sapiens; *Qui potuit transgredi, & non est transgressus: & facere mala, & non fecit.* Dum scilicet non solùm secretò, tutò, impunè, verumetiam cum laude & præmio peccandi occasiones visæ sunt dari, & tamen eas non arripuit; quin omnibus est modis detestatus, solo conscientia dictamine præmunitus; adeò vt nec Gygis annulus in Christiani veri digitis locum vllum inueniat.

Eccles. 31.

Gygis annulus.

Error communis per occasionē peccantiū.

Errant eapropter grauissimè, qui quiduis sibi licitum existimant; vel post facinus quodcumque commissum, se immunes à labe arbitrantur, eò quòd percommoda parandi facinoris occasio se sponte sua videbatur offerre. Putant nempe sibi que persuadent eiusmodi homines, cum Holoferne, (quod supra notatum est) turpe esse, & contra virilis animi existimationem, si nacti vsquam opportunè mulierem, illa ex ipforum manibus immunis abscedat. Tales sunt, qui iuxta S. Scripturæ iudicium, ex omni offerente se fonte vel aqua per viam bibunt: qui ad quamcumque proximi sui uxorem hinniunt; & tam prostitutæ castitatis mulieres, quæ sub omni fronde vel arbore sedcant, omni trans-eunti



eunti occasionem præbent; quales sunt venatrices illæ animarum, quæ quemlibet sibi occurrentem adolescentem aut virum, quasi ex voto, & optata mentis sententia oblatam sibi à Deo existiment victimam. Dicuntque cum Terentio, In *Terent.* tempore veni, quod rerum omnium est primum. Et cum Plauto; Ipsa opportunitas non poterat mihi opportunius aduenire. *Plaut.*

Hinc fit, ut omnes qui per occasionem peccant, per occasionem quoque sese excusent, sed frustra. Nam, ut neque fructuum vetitorum pulchritudo nec serpentis astutia Euam, neque Eux blandities Adamum, neque Dauidem visæ Bethsabeæ lauantis adspectus, neque alabastrum profusi fragrantia proditorem, excusarunt: ita neque vel maximè obuia & quasi è cælo demissa ad malum occasio, prætexi potest malitiæ in commissi delicti excusationem. Nam, ut neque Luciferi ceterorumque Angelorum apostatarum lapsus, ex nobilitate conditionis, & pulchritudinis excellentia, iustam sumsisse potuit occasionem; ita neque prætextu tam adulterinæ occasionis, quisquam à noxæ scelerate vel à pœnæ magnitudine præsumere debet excusationem.

Porro, quia hoc schemate de commodis *Occasionis*, ut *Occasionis in malum arreptæ digna punitione.* amplis hospitalitatis præmijs ac muneribus egimus, & beneficij tanti occasione de sinistra quoque occasione eiusque incommodis quædam adiecimus; si fortè quis munerum tam odibilis occasionis, hospitio apud se imprudenter exceptæ, fructum inuisum vno adhuc exemplo velit degustare, ut magis ab illius consuetudine diuertatur: fabulam illam de Mida à Poëtis confictam tantum opus est intueri. Ut siquidem avarus is erat, per commodam fouendæ explendæque illi ingluuiei occasionem se nactum arbitrabatur, cum Liberum hospitio excepisset. Pro hospitalitatis itaque officio, quodcumque postulasset impetrauit; ut nimirum in aurum verteretur quidquid attingeret. Quis vberiore tali occasione exspectaret hospitij remunerationem? sed quid accidit? Huic felici misero & esca & potus, dum sumendo contingebat, in aurum versa, necem pro vitæ incolumitate, ac pro

P

beati-



Rom. 6.

Horat. l.  
epist. ad  
Lollium.  
Apoc. 18.  
Luc. 16.

beatitudine miserandum exitium erant allatura; nisi Patoli profluuiio ablutus discrimini se eripuisset. Sic *stipendia peccati, mors*, inquit Apostolus. Ita speciosa illa conficta ad malum occasionis amoenitas, postea in maiorem tormenti acerbiteriam, iusto Dei iudicio, commutatur. Impleturque illud Poeta: *Nocet emta dolore voluptas*. Illudque S. Scriptura: *Quantum glorificauit se, & in delicijs fuit: tantum date illi tormentum & luctum*. Ita Diues epulo in illis maxime fuit cruciatus, quæ utcumque ei optatam dederant peccandi occasionem; quales erant diuitiæ, vestes splendidae, epulae, amici, fauor hominum, & otium cum Cornucopiae.

Gregor. 4.  
Moral.

Restat sub finem, ut in frementis frendentisque diaboli I impotentiam oculos conijciamus, prout in schemate depingitur. Ut, quam illum grauata ferre cognoscimus Angeli boni studium, almae *Occasionis* hospitio exceptae munificentiam, & ritè donis utentium incrementum; tam nos auidè ad hæc omnia mentem aduertamus, & fruamur concessis. Neque tamen ob id quidpiam de vigili salutis nostrae cura remittendum: quia (ut inquit D. Gregorius) diabolus quò valentiùs vincitur, eò adhuc ad insidias ardentiùs instigatur. Idemque expulsus, acriores conatur infligere stimulos. Quocirca, gaudendum quidem pro parta victoria, sed seriò de nouo conflictu cogitandum.

ORA-



## O R A T I O V I.

Vt cælestibus donis sincerè utamur, ijsque  
respondeamus.

**D**Eus, à quo bona cuncta procedunt, qui & cunctis  
tibi placere volentibus infinitas de te benè merendi  
occasiones elargiris, uberemque tam salutaris studij progi-  
gnis effectum: Da nobis, quaesumus, in hoc opus gratiam  
singularem, ut tanta beneficentiæ grati aestimatores, omnibus  
tuis datis & donis ad maiorem tui nominis gloriam, & sa-  
lutis nostræ profectum ampliorem, uti valeamus. Per  
Christum Dominum nostrum. Amen.







- A. Nunc opus est alios Terrarum inuisere tractus,  
Et Iuvenes alios. Mōiti vos ergo valete.  
B. Quis subitæ calor iste fugæ? C. Quā si fuga tandem  
Certa tibi est; penas saltem Dea calua fugaces  
Syltat adhuc. D. Cur tot nequidquam verba per auras  
Perditiis? hinc aliò, mora nulla, recedo; valete.  
E. Aufugiat? sparsos potius pro fronte capillos  
Arripite. D. Ai! sine, sponte sequar; vestrig; morabor  
Ædibus, ad us tam donec perduxero metam.  
F. Laudo animos, nam vi cogi DEA gaudet amicā.



## Schematis 7. explicatio;

*In quo, dum TEMPVS labitur, OCCASIONEM fronte capillatam prudentes remorantur.*

## Schemat. 7. Cap. 1.

*Quomodo fieri possit, ut tempore præterlabente, occasione tamen mora iniiciatur.*

**H**oc iam schemate Lectori spectatoriq; ob oculos ponitur, TEMPVS, tametsi diligens eius ratio habeatur, semper tamen præterlabi, itaq; auolare, ut nequeat stabile retineri, neque elapsum reuocari. Occasionem verò, tametsi fugam suo quoque modo minetur (præterit siquidem non remorata) sisti tamen illius fluxum, si per sedulam apprehensionem illi remoram & quasi manus iniiciamus. Sic enim fit, ut per frontem capillatam capiatur, dum illam arripimus quando se primùm offert: quemadmodum præcipuam OCCASIONIS sic depingendę rationem in Præfatione docuimus, & prima fronte res ipsa testatur.

Itaque hoc schemate, de temporis fluxu & occasionis remora, primariè nobis est differendum. Attamen tacitè priùs obiectioni respondendum est; Quare iam primùm schema istud auolantis temporis, retentæque per frontem occasionis inducamus, cum potius primo ipsorum ingressu videatur id debuisse exhiberi? Ingenuè fateor, potuisse ita fieri: at, ut aliqua subfit ratio faciendi sicut iam dicitur, tamen aliæ præstantiores suppetere visæ sunt, quæ suaderent ita potius fa-

Tempus  
retineri nō  
potest.

Occasioni  
se offerenti  
remora in-  
iicitur.



ciendum, sicut iconum & schematum ordo præ se fert.

Quia in officiosa illa tam gratorum hospitem exceptione, schemate quinto adornata, satis apertè illa demonstrantur quæ in primo occasionis aggressu dicuntur obseruanda: ut sunt, attentio, studium, sedulitas, obsequium, apprehensio, & in usum deductio; quæ omnia iuuenes illi probi prudentesque, in schemate quinto & sexto, ex animo & re ipsa profitentur.

Humanitatis itaque plenum officium, promptumque erga tempus & occasionem obsequium illic exhibitum, abundè satis illud re expresse, quod communiter dicitur, *Occasionem* prima fronte apprehendendam: re inquam præstiterunt quod typo consulitur. Cum verò non ita commodè, fugæ quoque periculum, eodem illo schemate potuerit exprimi; quid obest, hîc iam illud (licet quasi postliminio) figurare? Sit igitur hoc schemate præcipuum nobis studium, suis adumbrare coloribus, & temporis fugacitatem, & occasionis retentionem, iuxta typi proscenium.

Alter tamen adhuc nodus primùm soluendus est, Quomodo tempus auolare fingatur & occasio retineri, cum nihil fiat sine tempore: atque ita, cum ad moram præsentemque occasionis usuram tempore sit opus; videaturque necessariò, apprehensa iam occasione ne elabatur, etiam tempus fisti eadem opera, ad illam in actum deducendam, quod sine tempore fieri nequeat; quomodo fingimus *Occasionem* fisti, & fugere tempus. Addo, quòd ipsa *Occasio* nihil aliud sit quàm temporis opportunitas, & tempestiuitas ipsa, vel rei alicuius certa temporis parte opportunus euentus ad aliquid agendum: ut nec occasio sine tempore, nec remora occasionis citra temporis moram, neque usus illius absque temporis usura, (quæ in productione consistit) esse posse videatur.

Difficilior ex ipso proponendi modo prima fronte videtur obiectio, quàm reuera sit, quando vel minimum introspectitur; quemadmodum non dubito, quin iam ipse per te, Lector, assequeris. In primis, certum est, benè recteque fingi, pingi, dicique tempus auolare, neque vllò posse modo retineri; iuxta illud



illud Seneca: Flūunt omnia, & in assidua diminutione sunt <sup>Seneca</sup>  
 corpora nostra; rapiuntur fluminum more. Quidquid vides, <sup>epist. 67.</sup>  
 currit cum tempore homo: fluida est materia, & caduca, &  
 omnibus obnoxia casibus. Cicero verò vicinius nostro pro-  
 posito, sic ait: Horæ cedunt, dies, menses, anni: nec præteri- <sup>Cicero pro</sup>  
 tum tempus vñquam reuertitur, nec quod sequatur sciri po- <sup>Marcel.</sup>  
 test. Utque canit Ouidius:

*Tempora labuntur, taciti s'q. senescimus annis;  
 Et fugiunt freno non remorante dies.*

*Ouid. 6.  
 Fast.*

Item: — *Eunt anni, more fluentis aque.*

*Aque flu-  
 xui tēporis  
 fluxus cō-  
 paratur.*

Item: *Nec quæ præterijt cursu reuocabitur vnda,  
 Nec quæ præterijt hora redire potest.*

Item: *Et fugit interea, fugit irreparabile tempus.*

Auolat itaque irreuocabile tempus; & tamen ad occasionis  
 moram, obseruationem, & vñum, opus est tempore; videtur-  
 que propterea, vt suprà meminimus, occasione retenta, tem-  
 pus quoque retineri.

Distinctione temporum hñc solum est opus, præteriti, præ-  
 sentis, & futuri. Sicut enim occasio, si negligatur, cum illa  
 temporis opportunitate præterlabitur: ita si eam arripueris;  
 retines, in vñum adducis, tecumque saltem in fructu atq; mu-  
 neris vtilitate cogis commorari: tempus verò licet pro parte  
 illa, quæ occasionem inducebat, prætereat, (neque enim præ-  
 sens vñquam teneri neque præteritum reuocari potest) aliqua  
 tamen semper sui parte adest, quantum ad tam opportuna  
 occasionis tam aptè apprehensa vñum opus est.

Tempus enim semper vtenti suppetit: nam etiam si semper <sup>Tempus</sup>  
 præterlabitur, tamen continuo partium successu perseverat. <sup>præsens,  
 præteritū,  
 & futurū.</sup>  
 Atque vt quod modò præsens erat, nunc præteritum est, ita  
 interim quod futurum erat factum est præsens, sicque illæ tres  
 temporis partes incessanter sibi mutuò succedentes efficiunt,  
 vt & tempus semper transeat, & semper tamen sit præsens, di-  
 uersarum scilicet partium respectu. Itaque non est quòd quis  
 metu deficientis temporis occasionem oblatam omittat arri-  
 pere, quare occasione capta, tempus vtendi numquam eum  
 destituet, si ipse non desit suo muneri.

Quem-



Ennius  
Cicer. I.  
offic.

Quemadmodum namque aqua in flumine, quæ præterlapſa eſt, nequit reuocari, ſed interim dum illa, quæ modò præſens erat, præterfluit, ita interim quæ inſtabat, accedit, & fit præſens; vt numquam in profluente deſit aqua volenti haurire, vel alia ratione illa vti. Vnde & vulgatum dictum eſt de rebus eiufmodi communibus: Non prohibendum, aquam haurire profluentem: neque ignem ab igne accipere: aërem ore attrahere, publica via incedere &c. Quod Ennius apud Ciceronem allegauit.

Aristot.

Nam in ſimilibus accidit illud, quod iam nunc de continuo temporis fluxu protulimus. Vt enim temporis parti ſuccedit pars altera, & altera huic (iuxta Ariſtotelem, Inſtans eſt principium futuri & finis præteriti) ita in aqua fluminis, flamma ignis aut candelæ, & in aëre faucibus folliſve hauſto, vel alia ratione impulſo & præteruolante.

### Schemat. 7. Cap. 2.

*Quia tempus ſemper labitur, ſemperque eſt præſens,  
idcirco captanda opportunitas.*

**T**emporis vt aquæ aſſiduum fluxum, aſſiduamque quodam ſenſu præſentiam, eleganter appoſiteque deſcribit Ouidius, hiſce verſibus.

Met. 2. 15.

*Cuncta fluunt, omniſq; vagans formatur imago.  
Ipsa quoque aſſiduo labuntur tempora motu,  
Non ſecus ac flumen. Neque enim conſiſtere flumen,  
Nec levis hora poteſt: ſed vt vnda impellitur vnda,  
Vrgeturq; eadem veniens, vrgetque priorem;  
Tempora ſic fugiunt pariter, pariterq; ſequentur:  
Et noua ſunt ſemper. Nam quod fuit antè, relictum eſt,  
Fitque quod haud fuerat; momentaq; cuncta nouantur.*

Clariffimè hîc ſingula diſſoluuntur quæcumque dubium aliquod initio parere poterant, quomodo & tempus ſemper effugiat, & tamen cum occasione retenta retineri ipſum quodque



que intelligatur: diuersarum scilicet partium consideratione.

Verum, quandoquidem potissimum hinc de temporis voluntate differitur, quatenus secum opportunitatem adducit, quam *Occasionem* vocamus; tam necessario de temporis illius spatio, tantique momenti portione bene obseruanda ne elaboratur, nobis est agendum, quam de ipsa Occasionis statim apprehendenda cura, ne supinos indignata pratereat. Nam, tametsi dixerimus, itaque res habeat, tempus ut labatur, semper nihilominus aliqua sui parte (more fluentis aquae) suppetere; quid tamen illud nobis est profuturum, si illam temporis particulam, qua se occasio offerebat, incurij neglexerimus? Quemadmodum enim tunc occasio neglecta pertransit, neque arripi auersa potest, ut quae in occipite calua sit; ita praeterit simul opportunum illud temporis spatium, non reuocabile: neque quod sequitur, elapsa illa tempestiuitate nos potest iuuare, ad rem illam agendam, quae tali tempore talique occasione erat facienda.

Temporis  
ratio ha-  
benda.

Insuper, sicut omnia certo modo & ordine, à certis hominibus, certisque ut plurimum instrumentis debent confici; alioqui, ut est in prouerbio, inuita Minerua, vel inuito Marte, frustra attentatur; ita & aptum rei illi peragenda tempus æquè est necessarium. Quid mirum igitur, æquè aduigilandum, ne tempus opportunum negligatur, quam sedulo curandum ne quid rerum necessariarum desit operi faciundo? Idque constat, quod & alias attigi, in ædificatione, agricultura, navigatione, emtione, regimine, bello, pace, salutis cura, & omnibus denique rite procurandis.

Opportu-  
nè omnia  
facienda.

Ridiculus sit, qui litus aret, vel in aquis seminet? sit & ridiculus, qui in bono ac fertili solo, sed intempestiue id faciat. Rideas aëra verberantem? ridebis & stringentem gladium, quando nec tempus nec permittit occasio; utpote inter amicos, nulla subsistente causa ferri eximendi. Exhibendus, qui arenâ loco pulueris sulphurei tormentum impleat? explodatur & is, qui nulla suppetente materia bombardam exploserit. Cerebro imminuto censebitur, qui cribro aquam hauserit? non magis sapere existimes, qui temporis opportunitate neglecta,

Q



lecta, velit importunè & intempestè quidpiam aggredi: veluti etiam quisquis omittere occasionem voluerit, quando tempus & opportunitas suaserint arripiendam. Vtrobique enim eadem est culpa; facere aliquid citra temporis proprii commoditatem, vel idipsum negligere, quādo datur occasio.

2. Tim. 4.  
Importu-  
nè quo-  
modo.

1. s. 28.

Quod Apostolus Timotheum monet importunè quoque peccatores subinde arguendos, instandumque; nostro potius proposito consentit quā aduersetur: nam quod importunum videtur admonito, illud monenti rei que ipsi censet Apostolus opportunum: sicque *vexatio dat intellectum*, quæ tamen patienti numquam opportuna iudicatur.

### Schemat. 7. Cap. 3.

*Temporis fugacitati incunctanter inui-  
gilandum.*

Tempori  
inui-  
gilan-  
dum.

**D**E temporis itaque fugacitate, eiusque ob id diligenti ratione, maximè quantum illud occasionem in opportunitate attingit, ei que indiuisè connexum est, nunc paucis agamus; & tum ad *Occasionis* remoram animum manumque applicabimus.

Eccli. 14.

Occurrit in primis Ecclesiastici sententia, quæ scopo nostro suffragatur. *Non defrauderis à die bono, & particula bonæ diei non te prætereat.* Quasi dicat, attende, ne te quidquam impediatur, quo minùs diem bonum benè impendas: quia tali pacto fraudareris illo tempore ad bonum tam accommo-  
Immo tanta animi contentione singula momenta talis diei temporis que obserua, vt ne punctum quidem tibi pereat, sine fructu præterlabendo. Vt ille suo modo dicebat;

Distich.  
Fausti An-  
drelini.

*Nulla dies abeat, nisi linea ducta supersit:*

*Non decet ignaum præterisse diem.*

Quapropter valde patheticè quidā sic torpentem exstimulat:

*Tempus it, I, quid? stas? fors. cras te abdet tumulto mors.*

Hoc est, quod Dominus ipse admonebat, & exemplo mouebat



uebat ad opus. *Operamini dum dies est; venit nox, quando ne-* 10 an. 9.  
*mo potest operari.* Item, *Ambulate dum lucem habetis, ut non* 10 an. 12.  
*vos tenebræ comprehendant.* Sicut enim sator, messor, viator,  
operarius, miles, mercator, & quisquis aliquid operis præ ma-  
nibus habet, diei, luminis, sique res aliud postulet, temporis  
opportuni exactam habere debet rationem; ita se semper ad  
alacritatem, vigilantiam, & promptitudinem debet excitare;  
maximè cauendo ab oscitantia, torpore, incuria, & tarditate  
in agendo; quæ, ut occasione data, ita felici quoque successui  
sunt inimicissima. Vnde illud Lucani; *Nocuit differre paratis.* Lucan. li. 2.  
Periculum est in mora. *Simon dormis? Surgite, eamus. Vsq̃ue-*  
*quo piger dormies? Hora est iam nos de somno surgere. Quid* Mora in  
*status hic tota die otiosi?* Et illud Sunamitidis ad puerum du- omni ex-  
centem asinam, cui ipsa mœrens infidebat: *Mina, prospera.* peditio  
Item, *Vigilate: Viriliter agite. Estote prudentes sicut serpentes.* ne odiosa.  
Et similia infinita; quibus ad agendum quod agimus exsti-  
mulamur.

Hinc frustratæ ingressu cælesti virgines illæ imprudentes,  
quia falsæ fuerunt nimia sua securitate: & quæ paratæ erant,  
intrauerunt cum Christo sponso ad nuptias æternas.

Sic e contra nisi festinasset Abraham, & nisi accelerasset Sa- Genes. 12.  
ra vxoreius, non poterat optatum hospitalitatis officium An-  
gelis præstitisse, quos non nisi maximis precibus tantisper fue-  
rat remoratus.

Ita quoque nisi festinasset Rachel, in tanta fauientis patris Genes. 31.  
acceleratione, nequiuisset tempori occultare idola paterna ar-  
gentea, quæ fugiens meritò & prudenter abstulerat.

Nisi festinasset Dauid, quasi tempore & occasione vrgen- 1. Reg. 17.  
tibus, dum gigas ille terribilis surrexisset, & aduersus eum pro-  
pinquaret; non benè omnes numeros suæ expeditionis adim-  
pleisset: defuisset sibi, rei gerendæ, toti quæ Reipublicæ ab ip-  
sius euentu dependenti.

Si non festinasset Abigail, ut suprà retulimus, tempori non 1. Reg. 25.  
venisset ad placandum Dauid, qui iam tunc interneccionem  
toti familiæ Nabal erat interminatus, accinctusque ad faci-  
nus properabat. Quantumque fuisset in mora periculi, non

Q<sup>2</sup>

celauit



celauit eam Dauid, dicens: *Viuit Dominus Deus Israel; Nisi citò venisses in occursum mihi, non remansisset Nabal vsque ad lucem matutinam, mingens ad parietem.* Hoc est, ne quidem canem vnum viuum referuassem.

Accelera-  
tio, & dila-  
tio, pro re  
nata.

Si in hac heroina, & moræ tempestiuæ prudentiam, & accelerationis accommodatæ opportunitatem, pro occasionis imperio æquè sapienter vsurpatam, exempli gratiâ, lubet animaduvertere; videte, quomodo maritum ob indignam Dauidis repulsam increpitura, occasionem captans, moram nexuit, expectauitque vsque mane, donec crapulam, qua se ille enormiter oppleuerat, edormisset. At interim, vbi opus festinato, vrgente iam occasione, egit quod res præsens postulabat: assumtis inemtis dapibus, accelerato comitata famulatu; præceptis animo efficacibus verbis; ardens voto placandi commotum; hoc vnum tota mente voluebat, quod præsens illa rei temporisque necessitas citra omnem moram agendum conclamabat. Mora vsa, vbi tempus ita postulabat; vbi verò properandum, accelerabat: occasione vtrobique, diuerso licet modo, prudenter obseruata: sicut fræno nunc remisso, nunc adducto, prout expediuit.

*Iudith 14.*

Nisi exactam similiter surgentis auroræ opportuniq; momenti rationem habuissent Bethulienfes, iuxta Iudith instructionem, res tanta tam feliciter eousque deducta, sperato caruisset euentu. Ideoque, mox vt ortus est dies, *suspenderunt super muros caput Holofernî: accepitq; unusquisque vir arma sua, & egressus est cum grandi strepitu.* Vir non est, qui arma non capit, neque facit quod vult *Occasio.*

Festina  
lentè.

Videndum tamen, ne prudentia in festinatione desideretur; serueturque hoc dictum vsitatum vulgo, *Festina lentè*, hoc est, adhibita cura, ne ipsa acceleratio præpropera moram pariat: vt experimur, quando nimis properè aliquid legere volumus fit vt per hæsitationem & repetitionem plus temporis impendamus, quàm si moderatè festinaassemus. Fitque eo pacto non rarò immaturæ occasionis studium causa inopinati successus.

D. Marti-  
nus.

D. Martinus aurigæ cuidam per viam petenti, an ea vespere  
Lute-



Lutetiam peruenire posset, prudenter & propheticè respondit: Si festines, excluderis; sin lento passu incedas, urbem hoc vespere ingredieris. Auriga indignabundus, tamquam à sancto viro irrideretur, currum concitato impetu agere coepit. Rotâ igitur fractâ impeditus, Lutetiâ excluditur; ac verum S. Martini prælagium fuisse re ipsa cognouit.

Verum enimverò, ratio ubique præualere debet & ἐπιτείνει, ut neq; citra illam accelerandum, ita illa urgente nequaquam cunctandum est. Vnde rectè Cicero, in Oratione contra Antonium: His alijsq; inquit, omnibus de causis, consulo vobis ego, ne cunctemini, aut rem extrahatis; sed bellum ei quamprimum inferatis, id cogitantes, plura negotia *opportunitate Occasionum*, quàm viribus esse rectè confecta. *Qua Occasione* vobis vtendum esse vel maximè ex hoc ipso intelligere potestis, quòd numquam ego belli vobis suscipiendi auctor fuisssem, nisi id vobis ex vlu futurum censuisssem. Ita Orator.

Cicero in  
orat. contra  
Antoniu.

### Schemat. 7. Cap. 4.

*Celeritate vtendum, quando vrget opportunitas,  
exemplis elucidatur.*

**Q**uantum in celeritate momenti sit positum, dum ita res ferunt, natura quoque ipsa in piscibus demonstrauit. Vtraque pars in piscibus, (inquit Ambrosius) armata est dentibus, quia in aqua sunt: si namque diutiùs cibum versarent, & non citò transmitterent, aquarum alluione de dentibus eorum esca posset auferri ac dilui. Ideò densos & acutos habent, vt citò incidunt, citò conficiant, cibum faciliè & sine aliqua mora & dilatione transmittant.

Hexam.  
li. 5. cap. 5.  
Acceleracionem  
piscis docent  
& hirundines.

Quare arbitramur etiam hirundines tantæ esse celeritatis, tamq; crebris inflexionibus adeò esse agiles, nisi quia ita cogit docente Natura necessitas, & occasionis nullo modo prætermittendæ lex eis innata. Volucrum (inquit Plinius) soli

Plin. li. 10.  
cap. 24 &  
45.

Q<sub>3</sub>

hirun-



hirundini flexuosi volatus, velox celeritas. At quam ob causam? addit. Hirundo sola auium non nisi in volatu pascitur. Ecce, nisi ita natura prouidente captaret temporis opportunitatem, escam quoque non captaret, quia alioqui lento alarum strepitu pramonitæ muscæ culicisque in aëre volitantes se à rostris hirundinum tempestiuè subducerent.

*Eccli 36.* Hoc ipsum diligentiae & agilitatis studium nobis Scriptura commendat: *Festina tempus, & memento finis.* Ac si dicat; Statim atq; se tempus opportunum & occasio offeret, festina arripere; atque ita initium cœpti aggreditor, vt & finem præ oculis habeas, quem intendis. Vt enim dicunt Philosophi; finis est primum in intentione, sed postremum in opere. Si que ita te gesseris, rem præclaram facturus es: eritque quod enarrent posteri mirabilia tua per te exantlata. Alioqui, tametsi optimè finem rei capeßendæ desideres intendasque; tamen si in principio temporis opportuni rationem non amplectaris, excides spe tua, frustrabisq; vniuersos mira de te expectantes.

*Genes. 14.* Celeritate vsus est Abraham, cum Lothum fratris sui filium, à quinque regulis (qui regem Sodomorum prælio vice- rant, & opimam prædam ceperant) abduci audiuißet: *Numerauit expeditos vernaculos suos trecentos decem & octo, & persecutus est eos. Et diuisis socijs, irruit super eos nocte percussitq; eos: reduxitq; omnem substantiam & Lot fratrem suum.*

*Esther 3.* Nisi ita fuissent vsi celeritate Esther & Mardocheus, in auertendis hostium gladijs à Iudæorum ceruicibus, quibus Amani inuidiâ impendebant; non euasissent speratum excidium. Flagrante siquidem internecionis sententia, *festinabant cursores, qui missi erant, regis imperium explere. Statimq; in Susan pendebat edictum, vt occiderentur delerenturq; omnes Iudæi.* Quis non videat, temporis quantumlibet præteruolantis celerrimam habendam fuisse rationem; neq; vlllo modo vel puncto temporis, tam ardenti periculo indormiendum? Ideoque rebus omnibus ad opus necessarijs ritè comparatis, regisque mutata iam (Esther interueniente) sententia; *egressi sunt veredarij celeres nuncia perferentes: & edictum regis (priori contrarium) pependit in Susan.* Mora nulla, & ita

res



res postulabat: alioqui frustra omnia, etiam ad rem quàm maximè conducentia.

Vix dici queat, quàm egregios conceptus, optatasque magnarum rerum expeditiones, frequenter impediatur inuisa illa cunctatio & mora, quæ quibusdam nimis est in more. Hinc Psalmographus, tam sui quàm nostri occasione, toties ad Dominum clamabat: *Accelera, ut eruas me: Domine, ad adiuvandum me, festina: Domine, ne moreris: Deus meus, ne tardaueris: Cito anticipent nos misericordie tue; quia pauperes* (viribus virtutibusque destituti, & opis tuæ indigentes) *facti sumus nimis.*

Celerem eiusmodi in necessitate & opportunitate expeditionem, temporisquæ sedulam rationem, in Iosue licet observare. Quinque siquidem regibus cingentibus iam iamque expugnantibus Gabaonem, misere statim (ut fit) Gabaonitæ ad Iosue, dicentes; *Ascende cito & libera nos, ferq; presidium: conuenerunt enim aduersum nos omnes reges Amorrhæorum, qui habitant in montanis.* Quid tum Iosue? Quis dubitet? quod præsens exigebat necessitas. *Ascendit Iosue, & omnis exercitus bellatorum cum eo, viri fortissimi. Ixitq; super eos REPENTE; tota nocte ascendens de Galgalis: & de hostibus triumphauit.*

Nisi simili feruore & acceleratione usus fuisset Saul, cum ciuitas Iabes Galaad extremè periclitaretur, (Naas rege Ammonitarum ad celerem æquè ac foedam deditionem vel euastationem urgente) nequiuisset eos liberare. Prima eius erat ab inauguratione expeditio: nuncij accurrentes inuenerunt eum, sequentem boues de agro: qui confestim audiens rei necessitatem, flentemque populum Gabaa pro ingruente communi calamitate: statim conscripsit exercitum trecentorum & triginta millium. At, quo pacto tam citò tantum potuit conflare militem, præsertim cum necdum bellicum vllum actum exercuisset, satisque acerbam ipso regni in limine passus fuisset plurimorum pessimorum hominum auersionem, studentium vniuersum populum ab eius obedientia & obsequio publica rebellione diuertere? Quo itaque usus est artificio, qua methodo ad tantas copias in momento temporis

Ios. 10.

1. Reg. 11.

Admirandæ expeditiones.



poris conscribendas? Occasionem arripuit præsentem; necessitati temporis se totum dedit; quod res ipsa poscebat aggressus est; rationem porro modumque ipsa docebat necessitas. *Assumens utrumque bouem, concidit in frustra, misitque in omnes terminos Israel, per manus nunciorum, dicens: Quicumque non exierit & secutus fuerit Saul & Samuel, sic fiet bobus eius. Inuasit ergo timor Domini populum, & egressi sunt quasi vir unus. Et recensuit eos in Bezece, fueruntque filiorum Israel trecenta millia, virorum autem Iuda triginta millia. Et factum est, cum dies crastinus venisset (ecce opus grande vnius diei, per accelerationem) constituit Saul populum in tres partes; & ingressus media castra, in vigilia matutina, & percussit Ammon dum incalcesceret dies: reliqui autem dispersi sunt, ita ut non relinquerentur in eis duo pariter.*

Valde accommodum huic proposito ex profanis quoque Historiis exemplum vnum atque alterum subiungamus, eodem namque spectant hæc omnia. Accelerationis efficaciam vel vnica Marci Catonis expeditio plus satis edoceat. Is, cum animaduertisset in Hispania potiri se quodam opido posse, si inopinantes inuaderet: quadridui iter biduo per confragosa & deserta emensus, nihil tale metuentes oppressit. Victoribus deinde suis causam tam facilis euentus requirentibus, dixit, tum illos victoriam adeptos, cum quadridui iter biduo arripuissent: quod sine dubio *accelerationi* fuit adscribendum.

*Front. li. 3.  
cap. 2.*

Similiter Lucullus festinato rem agendam existimans, cum aduersus Mithridatem & Tigranem, in Armenia maiore apud Tigranocertam, non amplius quindecim millia armatorum haberet, hostis autem innumerabilem multitudinem sed inhabilem; nondum ordinatam hostium aciem inuasit, atque ita protinus dissipauit, ut ipsi quoque reges, abiectis insignibus, fugerent.

*Plutarch.  
in Marcello.*

Flaminius Imperator Romanus, ne occasionem rei bene gerendæ sineret elabi, videretque sibi accelerandum; Senatus literas, quibus inerat imperium, vetans ne pugnaret, non aperuit nisi postquam iam hostem superauerat. Si legisset literas, hostium spolia non legisset.

Simi-



Similiter E. Fulvius literas Senatus in sinu posuit, cum vellet de Campanis sumi supplicium: eoque facto aperuit; illis serò, sibi tempestiuè. Iuxta enim ipsius ardorem ac iudicium res moram non patiebatur.

Nicias occasionis neglectu, & intertextu moræ suos in discrimen adduxit, apud Syracusas. Sic habet Plutarchus: *Plutarch. de viris illust.* Omnium malorum causam omnes in Niciam referebant, qui periculorum rationibus subducendis occupatus, cum etiam minima quæque caueret, *rerum gerendarum gubernatricem temporis Occasionem* præterfluere sinebat. Nam (alioqui) in ipso rei peragenda cursu, nemo illum iure potuit umquam reprehendere. Ecce, tergiuersatio sola, & opportunissimæ occasionis momenta subuertit, & viri aliàs laudatissimi famam fœdè conspurcavit. *Occasio, rerum gerendarum gubernatrix.*

## Schemat. 7. Cap. 5.

*Aliis adhuc argumentis ostenditur, accelerandum negotium, dum se offert OCCASIO.*

**A**liquot adhuc historiæ sacræ documentis, exemplisquæ dein profanis aliquot, sedulam in opportunitate curam temporis commendamus, quò magis inuisam tarditatem tandem aliquando auersemur: quia, ut rectè Sophocles; *Sophocles.* Urgentibus bellis celeritas optima est. Cui simile est illud Vegetij; *Vegetius de re milit. lib. 4.* alia de causa suprà memoratum. In rebus bellicis, celeritas amplius solet prodesse quàm virtus. Et Euripides *Euripides. Cunctatio odiosa.* his consonans, immo quasi classicum canens; Cunctantem (inquit) maximè Mars odit: & ita in omni negotio opportune peragendo.

Dauid id non ignorans, utpote cuius manus docuerat Deus ad prælium, & digitos eius ad bellum; quando iam sibi à filio suo Absalom impendere videbat periculum, malletque instinctu diuino potius iræ ad tempus cedere, quàm ardua moliendo malum magis exacerbare, seruiendum

R

tem-



tempori atque necessitati præsentis existimauit : sed tamen in acceleratione spem negotij benè conficiendi collocabat.

2. Reg. 15. Dixit itaque suis ; *Surgite , fugiamus : neque enim erit nobis effugium à facie Absalom. Festinate egredi , ne fortè veniens occupet nos , & impleat super nos ruinam , & percutiat ciuitatem in ore gladij.*

2. Reg. 17. Ita quando iam in montibus campisque profugus versabatur , nunciatum ei industriâ Chusai consilium , quò se statim in tuta reciperet , nisi vellet se perditum . Dixerunt quippe nuncij regi : *Surgite & transite citò fluium , quoniam huiusmodi dedit consilium contra vos Achitophel.* Achitophel namque consilium dederat Absalomo , vt expeditis duodecim millibus , Dauid vbicumque esset obrueretur statim : Chusai verò secretò à Dauide subornatus , consilio hoc de industria refutato , efficacibus rationibus suasis , vt copiarum infinitarum conscriberentur , totoque regni robore contra Dauidem procederetur , vt ita interea dum res illa magnæ molis & moræ curaretur , Dauidi spatium fieret temporis , ad loca tutiora capeffenda : quod quàm celerrimè re ipsa est præstitum. *Surrexit enim statim Dauid , & omnis populus qui cum eo erat , & transierunt Iordanem , donec dilucesceret , & ne vnus quidem residuus fuit , qui non transisset fluium.*

2. Reg. 20. Similiter , quando iam rebelli illo filio neci dato , rex in pristinum solium Hierosolymam remearet , Seba seditionem mouente , separatus est omnis Israel à Dauid , secutusque est Sebam : adeò vt domum reuersus Dauid , statim , citra vllam moram , vt par erat , mittendum putarit exercitum contra seditiones. Dixitque ob id Amasæ duci : *Conuoca mihi omnes viros Iuda in diem tertium , & tu adesto præsens. Abijt Amasæ vt conuocaret Iudam , & moratus est extra placitum , quod ei constituerat rex ( ecce neglectum Occasionis , & tergiversationem bonæ expeditioni contrariam. ) Ait autem Dauid ad Abisai : Nunc magis afflicturus est nos Seba quàm Absalom : tolle igitur seruos Domini tui , & persequere eum ; ne fortè inueniat ciuitates munitas vt effugiat nos.*

Recepit se ille Seba , tantillæ moræ spatio , in ciuitatem Abe-



Abelam; sed Ioab festinans circumdedit munitionibus ciuitatem, accelerauit expugnationem, suaque diligenti instantia coegit mulieris sapientis auxilio seniores ciuitatis, seditiosi Sebae caput tradere per muros; & res ita citò composita est sedataque seditio, quæ alioqui vix serò tandem maximis laboribus & impensis potuisset exstingui.

Non secus enim in similibus negotiis tempestiuè est prospiciendum, quàm restinguendum incendium, statim atque suo se fumo vel flamma emicante prodiderit. Ignis etenim qui sui initio vnica aquæ situla facilè sopiri potest, postquam inualuerit, vix flumine exhausto restinguitur. Sic de Arrij primum assurgente & postmodum flagrante secta Hieronymus: Arrius in Alexandria, vna scintilla fuit; sed quia non statim oppressa est, totum orbem eius flamma populata est. Vnde rectè Poeta quidam non inelegans:

*Parsa prius iacuit tectis scintilla fauillis,  
Scintillam mora, flamma moras, incendia flammam  
Ista secuta; dedit tantos scintilla dolores.*

Quis etiam non videat, in ipsa iam incendij grassatione opus esse aquarum copia, & acceleratione? Nam quemadmodum nihil efficitur, si lympa defuerit; ita nec proderit copia, si lentè, sensim, & interpolatis tantùm vicibus, nunc vnâ iniicias situlam, & paulò post aliam, & ita deinceps. Sic namque agendo, quantumcumque aquæ suppetit, absumetur: & ne tantillum quidem de incendij voragine superaueris.

Ita cum regnum aliquod in se diuisum, flagrat armis, & bellum vndique & vndique bellum insonat, & intestinis cuncta tumultibus incenduntur; si nunc manipulum vnum immiseris, postea adhuc vnâ adhibeas turmam; nunc tot millia aureorum, & paulò post totidem impendantur: sensim illud desolabitur; militem omnem, omnemque belli neruum consumseris; & tantum abest vt victoriæ quidpiam consequaris, vt etiam vires hostiles & rebellium copiarum futuræ sint auctiores. Sic enim & incendium modico aquæ aspergine non exstinguitur, sed dum per antiperistasin fit qualitatibus contrariarum repugnantia, maiores acquirit

R 2

vires

Tergiuersationis incommoda.

Ex scintilla incendium.

Hieronymus in cap. 5. Epist. ad Galatas.

Incendium subito opprimendum.



vires pars superior. Sic namque fabri, iniectu laticis in focum suum, dum stridentia tingunt æra lacu, non ignem sopire, sed calentiorem feruentioremque efficere intendunt.

Ignauia  
detrimen-  
ta.

Antiph.

Quintil.

Sera ple-  
rumque  
nulla.

Front. li. 3.  
cap. 1.

Accelera-  
tionis ef-  
fectus.

Cæsar.

Ioan. 9.  
Cæcus vi-  
dens.

Acceleratio itaque, temporisque attenta ratio priusquam elabatur, res eximias producit in effectum, superanturque ea ratione vel maximæ difficultates. Econtrà ignauia & torpor, etiam cælitus oblatas victorias & felices effectus eneruant & pessundant. Hoc est quod Antiphanes inquit: Diligentia subiiciuntur omnia. Aduersum verò est prorsus, quod Quintilianus in protelantibus & prolixis cunctatoribus arguit. Plerumque, inquit, sera pro nullis sunt. Docet id exitus non rarò euidentius quàm possit verbis vllis exprimi. Urget interdum necessitas adhibendi remedij edibus ruinam minantibus, vel nauigio præ vetustate nimiaue allissione ferè fatiscenti: at dum dies ex die trahitur, differturque in menses, quod primo momento opus factu fuerat; inopinatò iactura casusque superuenit, nullo neque pretio neque tempore reparabilis.

Longè aliter, ideoque felicius, T. Quintius Cos. qui victis acie Æquis & Volscis, cum Antium oppidum expugnare statuisset, ad cõcionem vocato exercitu, exposuit quàm id necessarium & facile esset, *si non differretur*: eoque impetu, quem exhortatio concitauerat, aggressus est urbem, eaque potitus est.

Ita cum Pharnacem primo congressu vicisset Cæsar, amicis scripsit: *Veni, vidi, vici*: summam rei gestæ *celeritatem* indicans. Non neglecte quoque accelerationis argumentum fuit in cæco nato à Christo illuminato; quod & ipse pari modo loquendi, quo olim de sua expeditione Cæsar, est contestatus. Dum vicini siquidem aliique omnes, quotquot eum antea viderant præ subitâ illius hominis mutatione vix crederet eundem esse; tandem ab illis interrogatus, quî tam repente, natua illa oculorum orbitate sublata, & oculos & oculorum vsum nactus esset: respondit: *Ille homo qui dicitur Iesus, lutum fecit (ex sputo) & unxit oculos meos, & dixit mihi, Vade ad natatorium Siloe, & laua.* Quid egit hic cæcus? tergiuersatus est? an distulit in crastinum? an moram nexuit, *Multa super Priamo rogans, super Hectore multa?* Nihil horum; immò ipsa quoque



quoque festinatio mora illi visa fuit. Utque scias, illum summa usum acceleratione, quò tantò celebrior esset fama miraculi, verba quibus totum describit negotium considera: sic inquit, ut tunc Cæsar, *Abij, laui, vidi.*

At antequam finem huic Capiti imponamus, specimen & seruata & neglecte celeritatis in vno eodemq; exēplo, sed partium diuersarum hominibus, obseruemus; quò melius necessaria tantæ rei cognitione & recordatione imbuamur. Sic in Historia rerum Indicarum legimus. Stephanus Gamma, Indiarum Prætor Lusitanus, viribus ferox, & paterna gloria stimulante, haud levis momenti rem, cum à Vasco patre olim, tum nuper à Garzia Prætoris cogitata, suscepit; uti subductas ad Suezium Mahometanas triremes ingenti cum Turcicæ rei detrimento combureret. In id classe instructa ornataq; in speciem Densis reuifendæ, vel Adeni mox oppugnandi; ad Arabicum fretum rectà contendit: & successissent vota; si protinus ab Sannis introitu Suezium petiisset. Sed *visendi studio*, applicita ad dextrum litus classe, dum agros vicofq; maritimos, & veteris Arabiæ monumenta perlustrat; interim de ipsius aduentu & malè tecto consilio, ad regionis Præfectum citatis equis nuncij perferuntur. *Reg, ille cunctandum ratus in tali re* (ecce accelerationem aduersæ partis, contra alterius vagabundam tarditatem) validas equitum ac peditum copias ad loci custodiam *extemplo* submisit. Ea re *segnes* Lusitanorum conatus elusi.

Cunctationis dispendium.

Pet. Mass.  
Hist. Ind.  
lib. 11.

Acceleratio efficax.

Appropinquant Suezium Stephano, à præcursoribus nunciatum, Turcica naualia magnis firmisq; militum præfidiis obtineri. Non plus triduo (*tantum in celeritate momenti est*) Suezium Turcæ præoccupauerant. Lusitanus Prætor, magna spe deiectus, & grauiter semetipsum incusans, in Arabem & Sarcenum effudit iras. Ita videas aliquando quosdam magna quidem animo præcipientes, siue quod ad propriæ salutis augmentum, siue quod ad præclarum Reipublicæ ornamentum & bonum conferat: sed, dum nescio quibus priuati vel honoris vel commodi auocamentis præoccupantur, omnia contrà quàm speraras eueniunt.

Sic porro Annibal post Cannensem pugnam, fracto Romanorum

R 3

norum



Plutarch.  
in vita  
Annibalis.

norum exercitu, victorię occasionem non est prosecutus; idēd  
Romam non intercepit. Sic de eo Plutarchus: Annibal victor,  
in reficiendo exercitu *tempus terens*, spatium victis dedit, ad re-  
spirandum. Nam, *si ex templo*, finita pugna, victorem exerci-  
tum Romam duxisset, proculdubio, aut succumbendum o-  
mnino, aut extremum subeundum discrimen Romanis erat.  
Huius postea *tarditatis* sæpè pertæsum Annibalem tradunt,  
palamque conquestum. Vnde cunctanti illud obiectum fuit  
à Maharbale, equitum præfecto: Vincere scis Annibal, sed  
victoria vti nescis.

1. Reg. 17.

Isa. 3.

Quàm sit periculosa tergiuersatio, quamq; accelerandum,  
vbi occasio & adridens victoria strenuum in arduis progref-  
sum efflagitant; docet nos ipse, etiam in animalium pugna,  
naturæ ductus. Si quando namque accidat, vt inter depu-  
gnandum vna ferarum concertantium vel lapsu fortuito vel  
impetus violentiâ in terram prosteratur, mox altera inuolat  
ac iugulum petit. Sic de Dauide legimus, cum giganteam il-  
lam molem fundæ rotatu humi strauisset, *cucurrit & stetit  
super eum*: atque benè auspicatam de tanto hoste victoriam,  
præcisa proprio ferro ceruice, maiori cum laude est prosecu-  
tus. Vt in ipso illud de filio Prophetissæ, hoc est de Mariæ  
virginis vnigenito, vaticinium fuerit præfiguratum, quo dicit  
Dominus Isaïæ: *Voca nomen eius, Accelera spolia detrahere; fe-  
stina pradari.*

### Schemat. 7. Cap. 6.

*Occasionem apprehendentium negligentiumq; diuersitas.*

Occasio  
per capil-  
larâ fron-  
tem reti-  
nenda.

**T**Empore itaque Iuuenibus istis nequidquam renitenti- **A**  
bus valefaciente, *Occasio* quoque minatur abscessum: at **D**  
illi, veriti ne elabatur, per respersum pro fronte capillitium il-  
lam remorantur. Tali se modo nympa stringi sentiens, sta-  
bile pollicetur hospitium obsequiumque, donec ad iustam la-  
borum studiorumque metam, iuxta animi sententiam, eos  
perduxerit. Quorum sano prudentique conatui illud Ho-  
meri



meri quadrare cognoscitur:

*Vos premite, & vinculis magis arctè stringite.*

Homer.  
Odyss.

Hic iam igitur de Occasione opportunè arripienda strigendaq; tractandum est: quod non exigua est artis atque prudentiæ argumentum. Sicut enim Christus Dominus noster, de castitatis angelicæ sublimi consilio decernebat; *Non omnes Math. 19. capiunt verbum hoc:* ideoque, ut ad generosum certamen provocans, animansq; timidiore, inquit, *Qui potest capere, capiat:* ita & de temporis opportunitate siue Occasione solerter observanda sentiendum est. Non in rerum præstantia, sed in modo se ad studium debitum excitandi, pono similitudinem.

Hinc dicit Sapiens: *Est tacens, non habens sensum loquelæ: & Eccli. 20. est tacens, sciens tempus apti temporis.* Tempus quidem semper aliquod est, sed tempus apti temporis, illa sola pars est temporis, quæ ut loquendi ita rei gerendæ est accommoda; quam opportunitatem, tempestiuitatem, & occasionem appellamus. Illud autem tempus apti temporis nosse, discernere, & arripere, hoc opus, hic labor est, & magnarum mentium vigor.

Opportunitatis encomium.

Iam dictis valde conformis est illa quoque Salomonis sententia: *Mala aurea in lectis argenteis, qui loquitur verbum in tempore suo.* Quemadmodum enim mala aurea intexta lecto aliive substrato argenteo operi, vel naturalia quoq; aurea stragulo argenteo imposita, admirabilem (tum propter pretij excellentiam, tum propter colorum concordantiam) pariunt oculis spectantium voluptatem; ita quando prudens eloquium apto & opportuno tempore prolatum fuerit, mirè audientium afficit animos. E contra de eo qui oblatam occasionem vix ad spectu dignatur, sed in sordes proiecti & voluptatibus dediti animi demergit, illud eiusdem dici possit: *Circulus aureus in naribus suis.* Quadrat & istud ingrati tudinis & indignitatis elogium in ignavum illum, illiberalem, & verè servilem servum, qui talentum à domino acceptum defodit in terram; cum tamen illi, ut omnibus aliis, ad negotiandum fructumque faciendum collatum fuisset.

Prov. 11.

Matth. 25.

Ita ecce aliqui *Occasionis* beneficio se indignos sua ignavia faciunt; alij, verò statim ex illa lucrum referunt admiranda.

Occasionem negligentium indignitas.

Abijt



*Abijt qui quinque talenta acceperat, & operatus est in eis, & lucratus est alia quinque. Quocirca, sicut qui oblata benè merendi occasione diligenter sunt vfi, magnis encomiis laudati, & super multa ac magna constituti fuerunt; ita torpidus ille occasionis oblatae contemtor, exceptus pro meritis, hæc audire coactus est: Serue male & piger; & similes malæ notæ nomenclaturas. Tollite ab eo talentum: & inutilem seruum eijcite in tenebras exteriores: illic erit fletus & stridor dentium.*

Eiusmodi sunt, commodi isti temporis occasionisq; traductores & dissipatores, de quibus ita apud Horatium:

Horat.  
1. Epist.

*Nos numerus sumus, & fruges consumere nati.*

D. Leo.

Hinc grauitè, vt omnia, Diuus Leo: Non dormientibus prouenit regnum cælorum; nec otio & desidia torpentibus beatitudo æternitatis ingeritur. Vnde Apostolus omnes illos monens, quibus rerum cura commissæ est: *Sollicitudine*, inquit, *non pigri, spiritu feruentes, Domino seruientes*. Sicut oculi igitur seruorum in manibus dominorum, vt ad nutum obsequantur; ita omnes Deo seruientes, prompti, alacres, & quasi accincti, calceati, immò alati stare debent, ad statim exsequendum, quod nutu diuino perspexerint faciendum. Vtq; vigilantibus iura subueniunt; ita stertentes, rebusq; suis indormientes causâ cadere necessum est. Quæ omnia in sollicitudine capeffendæ occasionis locum habere censentur.

Prov. 9.

Hortatur eapropter Sapiens appositè: *Da sapienti occasionem, & addetur ei sapientia. Doce iustum, & festinabit accipere*. Sapientes, ecce, norunt vt temporis opportunitate, & occasione, vt numquam sine fructu prætereat, quandocumque offertur. Sicut prudens nauarchus celerrimè fortissimèq; ad ventum vela componit, vndecumque illum adspirare conspexerit, cuius propterea est obseruantissimus.

Itaque si viro prudenti ac probò occasio miserendi proueniat, statim mouetur ad misericordiam, & exercet charitatem: si patientiæ exercendæ profertur occasio, vel ad verba vel ad verbera, ad iniuriam & persecutionem, mox arripit tanti meriti materiam. Si verbum salutaris admonitionis præstandum alicui, hoc agit quod monet Sapiens, *Ne reueraris proximum*

Ecclesi. 4.

*et tuum*



*tuum in casu suo: nec retineas verbum in tempore salutis.* Ita Tobias contribules suos communis captiuitatis occasione solabatur: *monita salutis dabat eis*, & charitatis operibus adiuuabat. Sic iusto, si occasio pietatis, castitatis, sobrietatis, humilitatis, mansuetudinis, liberalitatis, diligentiae, & cuiuscumque alterius virtutis exercendae conceditur; non omittet eam exemplo arripere, & iuxta eius dictamen operari. Sic namque & mercator auidus, quamcumque augendarum opum occasionem, & scientiarum studiosus oblatam accumulandae eruditionis opportunitatem, impigre solent amplexari.

Tob. i.

Doceat nos Cæsar stratagemate bellico, quanta sagacitate in cunctis quæ ad propriam publicamve vtilitatem faciunt, sit captanda occasio. Is in Gallia, quia compererat, Ariouisto Germanorum regi institutum, & quasi legem esse non puniendi, decrecente luna, tum potissimum acie commissa, impeditos religione hostes vicit. Simili opportunitate captata Antiochus Machabeos ob Sabbati reuerentiam ab armis abstinentes cecidit; donec meliori accepto consilio etiam sabbatis arma capeffenda pro aris & focis decreuerunt. Sed pluribus exemplis occasionis momenta proximo Capite expendemus.

Stratagemate bellicum.

Front. li. 2. cap. 1.

1. Mach. 2.

## Schemat. 7. Cap. 7.

*Statim arripiendam OCCASIONEM, exemplis ostenditur.*

**E**Xemplis pauculis quod superiori Capite est tractatum elucidemus. Quando vidit Semei, hominum sceleratissimus, Dauidem reducem fieri, iam iamque regali folio restituendum, memor iniuriæ quam regi verbis factisque nefandis intulerat, virum Belial hoc est diabolicum, virumque sanguinum appellans, lapidesque in eum iactando per viam, cum moriens rebellante Absalomo filio exilium peteret, *festinauit* oblatam arripere occasionem, qua sibi regis gratiam possit demereri, meritamque millies mortem euadere. Curauit itaque diligenter, ut primus omnium in Iordanis transitu regi sup-

2. Reg. 19. Occasionis acceptæ exempla.

S

plex



plex occurreret, veniamque precaretur, quam etiam gratia opportunitatis est assecutus. Tanti referebat, prima fronte capillatam se offerentem arripere.

4. Reg. 4.

Mulier illa vidua Prophetæ, quæ ob creditorum importunitatem de totius familiæ euerfione periclitabatur, quum ab Eliseo consilium leuandæ inopiæ accepisset, vt scilicet mutuo sumeret vasa vacua non pauca, & in ea de pauxillo olei quod habebat infunderet, nullo modo negligendam putauit tam obuiam occasionem, sed statim arripuit fecitque quod erat iussa: & in tantam oleicopiam opportuna illa exuberavit instillatio, vt vasa sufficientia per totam longè viciniam reperi nequirent.

Act. 2.

Iudæi, qui Dominum nostrum Dei filium morte turpissima condemnarunt cruciq; affixerunt, maximumque hoc facto scelus admittentes quod vniquam poterat perpetrari; audita Petri exhortatione, velut occasione bona reconciliationis se offerente, statim compuncti corde eam arripientes dixerunt: *Quid faciemus, viri fratres? Petrus verò ad illos: Pœnitentiam agite, & baptizetur unusquisque vestrum.* Ita factum est exemplò: *& appositæ sunt in die illa animæ circiter tria millia.*

Matth. 15.  
Syrophœ-  
nissæ fides  
& indu-  
stria.

Chananæa illa Euangelica, non olei naturalis, vt illa veteris Testamenti vidua, sed spiritalis indiga vñctionis, *Miserere mei, fili David,* inquit: *filia mea malè à demonio vexatur.* Dominus autem non respondit ei verbum. Dumque illa clamando non desisteret, captaretque vndiquaque impetrandi occasionem: ecce tibi opportuna progreditur occasio, etiam vnde minimè speraretur. Quando siquidem Dominus noster, non solum Apostolis nequidquam pro illa intercedentibus, rigidè satis respondisset, *Non sum missus nisi ad oues quæ perierunt domus Israel* (erat enim ista Syrophœnissa) sed & ipsi quoque mulieri, iam eum præuertenti & suppliciter adoranti, dicenti que ex intimis afflicti animi penetralibus, *Domine, adiua me;* parum admodum spei videretur relinquere, dicens: *Non est bonum, sumere panem filiorum, & mittere canibus:* ilicò illa gratam occasionis frontem conspiciens, arripuit,



puir, ipsumque Dominum in verbo cepit, dicens, *Etiam, Domine*; bene dicis; ita est ut ais; sic mihi fieri desidero, ut æquum esse ipsemet profiteris: *nam & catelli edunt de micis, quæ cadunt de mensa dominorum suorum.* Iudæi filij sunt, & domini nostri, quorum nos intuitu, qui gentiles sumus, canum loco reputamur. Ipsi panem habeant, nobis cedant micæ de mensa ipsorum decidentes. Captum se videns capi volens Dominus, & feminæ in salutis occasione arripienda demirans industriam & fidem, non se potuit (ut ita dicam) continere, quin exclamaret: *O mulier! magna est fides tua; fiat tibi sicut vis.* Rectè igitur exemplo eorum qui statim occasionem boni alicuius arripiunt, nos quoque facturi sumus, si circa hoc studium aduigilauerimus.

Catello-  
rum ius.

Nam, si mentem aduertimus, numquam deest occasio vel rectè agendi, vel aliquid magno cum merito tolerandi. Sed, ut diximus, aduigilandum est, ut piscatori ad hamum, aucupi ad decipulam & retia, venatori ad odorem canum vim, prædam gestu, accubitu, latratu prodeuntium; & ut nauclero atque agricolæ ad ventum & auram; & denique cuiuscumque cuiuscumque rei studioso, ad id unde maxima ex parte dependet quod sectatur. Accurrit, occurrit, se offert ingeritque non raro occasio, si attendas.

Occasio  
rectè agen-  
di num-  
quā deest.

Si exempli gratia videre lubeat, quàm inopinatò nonnumquam leui de causa maximæ rei succrescat occasio, victoriam illam raram & admirandam Annibalis contra Romanos expendamus, quam apud Cannas obtinuit; ut obseruemus quàm parua, atque errore quidem data, sed seriò arrepta occasione acciderit. Eo prælio (inquit Fulgosi-  
us) quo Romani infeliciter apud Cannas cum Annibale dimicarunt; vulnerato Pauli Æmilij Consulis equo (qui ob id pedes remanserat) quidam equites, qui ei adstiterant, ab equis descenderunt, ut Consulem in alium equum transferrent. Ceteræ autem equitum turmæ, quas, quòd longè ab eo loco aberant, causa, propter quam equites descenderant, latebat; arbitratæ Consulis iussu atque consilio primos illos equites descendisse, atque idem omnibus agendum esse, eodem mo-

Occasio  
victoriæ ex  
errore ob-  
orta.

Fulgosius  
li. 9. cap. 9.



mento omnes ab equis descenderunt. Qui error magna ex parte, ut eo prælio Romani vincerentur, causa (dicam, OCCASIO) fuit. Itaque Annibal, descendere Romanos equites conspicatus, ad suos conuersus, dixit; Malle se ut Romani equites illud facerent, quod agere conspiciebantur, quam ut victi ad se deducerentur. Errore enim compulsi, sibiipsorum opem, quam necessariam habebant, ademerunt.

*Plutarch.  
in Annibale.*

Accedit quod Plutarchus refert, in eadem pugna. Romani (inquit) effuso cursu in hostem delati, dum virgendo cedentes in medium coeunt, OCCASIONEM dederunt Poenis, ut ex utraque parte concluderentur: duobus scilicet quasi lunæ cornibus Romanos intromissos circumcingendo. Ut ut est, ex his aliisque videmus, si pendeat hamus, nusquam ferè deesse rectè obeundi officij occasionem.

### Schemat. 7. Cap. 8.

#### *Acceptæ neglectæque Occasionis exempla.*

**A** Nimi gratiâ nunc in vno eodemque exemplo arreptæ neglectæque occasionis specimen obseruemus; ut varietas non solum magis oblectet, verum etiam res per contraria iuxta se posita magis elucescat.

*2. Reg. 6.  
Maximæ  
est victo-  
riæ, seip-  
sum vin-  
cere.*

Quum Dauid rex accinctus Ephod lineo, totis viribus ante arcam saltaret, ludens cithara, maximæ victoriæ (teste Diuo Gregorio) per hoc præbens argumentum, seipsum vincendo, seque ad Dei gloriam ita publicè humiliando, in actu, in habitu, & in toto se, quantus quantus esset; tum Michol vxor eius, filia Saul, prospiciens per fenestram vidit regem Dauid subsilientem atque saltantem coram Domino: & despexit eum in corde suo.

*Occasio  
neglecta.*

Ecce occasione bonam laudandi Deum, congaudendi marito, in tam diuino cultu, in tam excellenti triumpho; accipiendique per amplam à Domino benedictionem, si occasionem ad hæc oblatam arripuisset, non fastidiuisset, non habuisset



buiſſet contentui; cū ex oppoſito pro meritis omnia contraria reportarit. Nam, cū *Dauid* reuerteretur, ut benediceret domui ſuæ; egreſſa *Michol* filia *Saul* (ſuperbiæ nempe ſaſtusque paterni hæres) in occurſum *Dauid*, ait; Quam glorioſus fuit hodie rex *Israel*, diſcooperiens ſe ante ancillas ſervorum ſuorum: & nudatus eſt, quaſi ſi nudetur unus de ſcurris! O impudentem *Michol* imprudentiam! Nōne hoc eſt inſultare *Occaſioni* cælitus datæ, oblatamque ſalutis anſam maledictis inceſſere?

At nunc ex altera parte attendite *Dauidem* regem, prudenter OCCASIONEM maioris virtutis ac meriti ex occasione malè habita rapientem. Sequitur etenim: *Dixit Dauid ad Michol*; *Vinit Dominus*, quia ludam ante Dominum, qui elegit me potiùs quàm patrem tuum, & quàm omnem domum eius; & præcepit mihi, ut eſſem dux ſuper populum Domini in *Israel*. Et ludam, & vilior ſiam pluſquam factus ſum. Et ero humilis in oculis meis: & cum ancillis, de quibus locuta es, glorioſior apparebo. Hinc quoque factum eſt, ut iſte ſingularem poſtea à Deo acceperit benedictionem & gloriæ amplioris augmentum; illa verò tulerit maledictionem, ſteriliſque effecta ſit.

Occaſio  
obſervata.

Veræ hu-  
militatis  
energia.

Aliud ex Sacro codice proferamus occurrentis & arreptæ *Iudic. 4.* occaſionis exemplum. Quum iam filij *Israel*, peccatis promerentibus, viginti annorum ſpatio, à rege *Chanaan* ſubiugati premerentur; nihilque affulgeret auxilij, niſi à Domino: accidit ut mirabili occaſione tota illa calamitas in gaudium verteretur. Quando etenim *Debora* prophetiſſa (cuius aliàs alia de cauſa facta eſt mentio) duce *Barac* comitata, *Sifaram* principem hoſtilis exercitus, Domino eum cælitus perterrente, vertiſſet in fugam: *Sifara* de curru deſiliens fu-  
giensq; venit ad tentorium *Iahel*, uxoris *Haber* *Cinai*: (en cum ipſo accurrente ſimul accurrit occaſio) heroicum facinus perpetrandi, in totius Reipublicæ populiſque Dei liberationem, quam *Iahel* illa fortiſſima non neglexit) verum ex ipſa ſacra *Historia* rei totiùs euentum audiamus. Egreſſa igitur *Iahel* in occurſum *Sifara* (occaſioniſq; cum comitantis) dixit ad eum: *Intra ad me domine mi, intra, ne timeas. Qui ingreſſus ta-*

*Iahel* mu-  
lier fortis  
& prudens.

Opportu-  
nitatis ar-  
reptæ ex-  
emplum.



bernaculum eius, & opertus ab ea pallio, dixit ad eam; Da mihi, obsecro, paululum aquæ, quia sitio valde. Quæ aperuit utrem lactis, & dedit ei bibere, & operuit illum. Dixitq; Sifara ad eam, Sta ante ostium tabernaculi, & cum venerit aliquis interrogans te, & dicens, Numquid hic est aliquis? Respondebis, Nullus est. (Hem tibi opportunitatem opportunitate opportuniorem.) Quid accidit? Tulit itaque Iabel clauum tabernaculi, assumens pariter & malleum, & ingressa absconditè & cum silentio, posuit supra tempus capitis eius clauum, percussumque malleo, defixit in cerebrum usque ad terram: qui soporem morti socians defecit, & mortuus est. Humiliauit ergo Deus in die illa Iabin regem Chanaan coram filiis Israel: qui crescebant quotidie, & forti manu opprimebant Iabin regem Chanaan, donec delerent eum.

3. Reg. I.  
Nathan &  
Bethsabee  
industria.

Valde tempestiuè quoque arripuit occasionem ex consilio Nathan Prophetæ Bethsabee, ad filium suum Salomonem regali solio asserendum. Quum siquidem subita factione Adonias se, patre adhuc Dauide viuentis, regem curasset conclamari; arrepta ex hac necessitate occasione, dixit Nathan ad Bethsabee matrem Salomonis; Num audisti quòd regnauerit Adonias, & dominus noster Dauid hoc ignorat? Nunc ergo veni; (En tibi & hinc occasionem per frontem apprehensam, priusquam elabatur.) accipe consilium à me, & salua animam tuam, filiiq; tui Salomonis. Vade, & ingrede re ad regem Dauid (periculum in mora, idè accelerandum) & dic ei; Nõne tu domine mi rex iurasti mihi ancilla tuæ, dicens, Quòd Salomon filius tuus regnabit post me, & ipse se debet in solio meo? quare ergo regnat Adonias? Et adhuc ibi te loquente cum rege, ego veniam post te, & complebo sermones tuos.

Arrepta tam dextrè prudenterq; deducta occasio effecit, ut & cessaret Adoniæ præsumpta prætensio, & Salomon regis imperio legitimè rex crearetur, & in throno patris sui collocaretur. Tanti refert, occasionem oblatam vrgentemq; prima fronte arripere, cœptumq; opportunè per illam opus sedulò prosequi: quemadmodum captam leo prædam non  
minori



minori studio stringere mordicusque tenere satagit, quam prius quærebat optatam.

**F** Laudat idcirco Angelus factum illud Iuuenum in typo præstantium: asseritque, OCCASIONEM gaudere tali violentia tam sibi amica qua constringitur. Et quid mirum, cum & Deus ipse ita à nobis orationibus, votis, factisque gaudeat deuinciri, qui ad hoc occasionem suppeditat.

## O R A T I O V I I.

Vt mediis ad salutem concessis benè  
vtamur.

**C**Um nihil oderis, Domine, eorum quæ fecisti, sed  
vt finem quæque suum consequantur, media omnia  
ad id conuenientia mirabili sunt à te ordine distributa, vt  
præter sacrosancta salutis nostræ remedia, etiam creaturæ  
singule, & momenta temporum vniuersa, & euenta  
cuncta, etiam aduersa, huius tue dispositionis sint admi-  
nistra: Aperi nobis sensum & oculos, & manus nostras  
erudi; vt in omnibus proficiendi occasionem contemplan-  
tes, eam mente manuque amplexemur, quod & hic piè vi-  
uamus, & gloriam postea consequamur æternam. Per  
Christum Dominum nostrum. Amen.

Sche-





- A. Hei mihi! quo TEMPVS, quo se gratissimus hospes  
Proripuit? B. Quò blanda parens Occasio rerum  
Tam locuples abiit? C. O si mihi Iupiter illam  
Nunc statuatur reducem, neglectaq; tempora reddat!  
D. Vt mihi nulla brevis, sine fructu, disfluat hora!  
E. O mihi delapsi fiat si copia vultus!  
A. TEMPVS, ades! Nobis vtiq; te OCCASIO sistas!  
Grati eritis. B. Vos amplectemur. C. Dona placebunt  
D. O volucres Diui, pia Numina, ades te, redite.  
E. Vos reuoco. F. Frustrà: G. Renuunt auersa reuerti.



## Schematis 8. explicatio ;

*Quo exhibetur, ut imprudentes serò sapiunt,  
suamq; deplorant amentiam.*

## Schemat. 8. Cap. 1.

*Extrema mundani gaudij luctus occupat.*

**M**ALE (inquit Democritus) pereas, quia Gratias virgines, meretrices effecisti. Quod ille in eum detorquebat, quem videbat quibuscumque temerè sine discretionem dona largientem; hoc nos illis omnibus meritò dicimus attribuendum, qui OCCASIONE, TEMPORIS OPPORTUNITATE, DIVINAEQ. GRATIAE donis verè virginibus, ut meretricibus abutuntur: nò quidem cum Democrito malè illis imprecantes ut pereant, sed quid mereantur indicantes. Et quidem, quando cum filio prodigo, omnia sua dissiparunt cum meretricibus istis ita à se prostitutis ac violatis, utinam cum eodem quoque ad mentem redeant, & veræ poenitentiae inueniant spatium. In Schemate praesenti, suam saltem deplorantes amentiam animaduertemus.

*Democr.  
Gaudia  
mundi, lu-  
ctu termi-  
nantur.  
Gratiæ vir-  
gines.*

Verè, ut aiebat Lactantius, largitas, liberalitas, & beneficentia, regiae laudes sunt; sed sæpè in indignos cadunt. Vel quòd his laudum titulis falsò ormentur immeriti; vel quòd harum virtutum utilitas indignis non rarò conferatur: qui suam non vident insaniam, nisi quando se regia dona spreuisse considerant: plurisque aestimant, quando illis ipsis carere coguntur, quàm dum possiderent.

*Lactant.  
Vota stul-  
torum præ-  
postera.*

Tangit seram hanc stultorum sapientiam, qui suprà nomi-

T

natus



Democrit.  
Absentia  
quærun-  
tur, quæ  
spere-  
bantur præ-  
sentia.

natus Democritus. Stulti, inquit, desiderant absentia, præsentia verò, etsi meliora præteritis, negligunt. Atque ita assiduus eos manet luctus, pro temporanea illa vanaque lætitia, quam sibi ipsi effinxerunt, in occasionis temporisque illusione, qualem in tertio & quarto Schemate eos exercuisse notauimus.

Prou. 14.

Iac. 4.

Hinc in caput ipsorum iusto Dei iudicio vibretur, quod dixit Sapiens: *Extrema gaudij luctus occupat.* quodque D. Iacobus, in sua inculcat epistola. *Miseri estote, & luge, & plorate: risus vester in luctum conuertatur, & gaudium in merorem.* Et verè, iusta rerum trutina hanc eis stultitiæ mercedem decernit.

Mich. 1.

Nam, quod dicit Propheta de idololatriis condignam peccatis poenam luentibus, de istis quoque, sensu non longè petito, dici potest. *De mercedibus (inquit) meretricis congregata sunt, (bona scilicet, præmia, donaria) & usque ad mercedem meretricis reuertentur. Super hoc plangam & ululabo, vadam spoliatus & nudus: faciam planctum velut draconum, & luctum quasi struthionum.* Ac si dicamus breuibus: Vnde lucrum, inde damnum: Malè parta, malè dilabuntur: Turpe compendium, infame dispendium. Vtque Rhadamanthi sententia, in rerum diuinarum humanarumque irrisorem lata, commemorat, ad Rei sic expostulantis interrogationem:

Andreas  
Erasmus.

*Vt Rhadamantheum stetit ante tribunal Erasmus,*

*Anne ioco scribens serio damnor? ait.*

*Cui index: Libri dant seria damna iocosi.*

SI TIBI CVLPA IOCVS, SIT TIBI POENA IOCVS.

Stultuli isti temerarii; TEMPORIS OCCASIONISQUE; illusores, magnū sibi hoc ludo gaudium plaustumque; excitant, tamquam mercedem meretricum inde corradentes, seq; illarum trophæis exornantes: iam verò, dum sentiunt quantum damni tam stultus ardor attulerit; æquum est, vt & inde supplicium, quod sibi pepererunt, ferant; faciantque iam planctum pro plausu, & pro lusu luctum. Et quidem iuxta iam dicti Vatis exemplum, in se nomine ipsorum transfiguratum.

Hieron.  
Draconis  
struthio-  
nisque la-  
menta.

Dicit D. Hieronymus, quod draco victus ab elephante, mirabiliter sibilat. Struthio autem oua sua in arena dimittit, & à bestiis.



bestiis conculcantur, perditque ea non raro: & tametsi non plangat, luget tamen, quando per crassam negligentiam ita proiecta, non sine mœstitudine calcata deplorat.

Exemplum itaque draconis ponitur propter modum planctus, struthionis verò propter causam; quæ nostris æquè conueniunt. Insensati namque cælestium donorum contemtores, percepto vesanæ detrimento, planctum draconum æmulantur exterius vlulatibus omnia complentes: & postquam cum struthione per tam stupidam oscitantiam, oua, semina, spem sobolis, messem in herba, vitæq; æternæ media perdiderunt, mœrore seu metanœa meritò conficiuntur interiùs, quòd occasionem tantorum bonorum fœtam contemserunt.

His itaque illud conuenit, quod Demades de Atheniensibus dicere solebat: Eos scilicet numquam de pace quærenda decernere, nisi pullis vestibus indutos. Innuens, eos esse bel- Sera sapientia.  
landi cupidiore, quàm sat esset; nec nisi clade suorum admonitos de pace cogitare. Ita isti, post nimis pertinax suæ insipientiæ bellum, nimisq; prolixam vecordiæ consecrationem, serò tandem nimio suo malo edocti, sentiunt meliora fuisse capeßenda consilia. Plutarch. Pullis vestibus pacem petere.

Faciunt itaque isti in hoc Schemate, quod dicit regius propheta: *Multiplicate sunt infirmitates eorum; postea accelerauerunt.* Psal. 119. Ita siquidem lubebat interdum populo Israelitico insanire, & contempto Deo vero circa idola se effundere: sed quando meritas tantæ stultitiæ dederunt pœnas, variis modis à Deo afflicti, tunc accelerabant ad veniam postulandam, postquam icti sapere incipiebant. Quod & alibi idem his verbis exprimit: *Cum occideret eos, quærebant eum; & reuertebantur, & diluculo veniebant ad eum.* Psal. 77. Vexatione scilicet, iuxta Isaïæ dictum, *Isa. 28.* dante intellectum, ad mentem & resipiscentiam venire videbantur, culpamque agnoscere.

Verùm, sicuti quidam ita ad resipiscentiam vexatorum, verè cognoscunt errorem, & saltem ad mentem redeunt, ut prioris vitæ commissæ deplorent; ita non pauci sentiunt quidem incommoda pro meritis inflicta, sed stupiditate quadam animi præpediti, non redduntur adhuc per illa prudentiores.



Achai  
Calliconis  
stultitia.

Similes illos dixerim illi Acheo Calliconi, qui fictile vaspulinaris loco capiti supponebat. Verum, quia duricie illius offende-  
batur, paleis impleuit, ut mollius haberet cubile. Sentiebat quidem incommoditatem tam rigidi cervicalis; sed sensus ille exterior tam parum interiores sensus erudiuit, ut non minus stoliditatis in medela posuerit, quam in priore errore posuerat.

### Schemat. 8. Cap. 2.

*Sera lamenta eorum, qui concionem OCCASIONIS contemserunt.*

*Prov. 8.*  
Sapientia  
concio.

**I**psi sibi nunc lugubrem cantant cantilenam, qui prius angelicam & diuinam temporis occasionisq; adhortationem peropportunam verterunt in fabulam. *Numquid non sapientia clamat, & prudentia dat vocem suam? In summis excelsisq; verticibus supra viam, in mediis semitis stans, iuxta portas ciuitatis, in ipsis foribus loquitur, dicens: O viri, ad vos clamito, & vox mea ad filios hominum. Intelligite paruuli astutiam, & insipientes aduertite. Audite, quoniam de rebus magnis locutura sum.* Haftenus vox Sapientia.

Concio  
occasionis.  
*Demoth.*  
*1. Olynth.*

Quis ignoret, ita quoque clamare quouis tempore & loco, (ut antè diximus) benè agendi OCCASIONEM? Audite Demosthenem istud magno sententia pondere attestantem. Grauiissimæ sunt, inquit, & sapientissimæ OCCASIONVM conciones, eademq; perspicuæ; nec sine pernicië negliguntur. Occasionis vox (inquit) nihil aliud est, quam diligens temporis & ceterarum circumstantiarum consideratio. Sed stulti non audiunt vocem clamantis Sapientia, Occasionemq; concionantem contemnunt, dum coram alloquitur.

Impletur in similibus illud Ezechielis, immò Domini ipsius ad Ezechielem: *Fili hominis, factus es eis quasi citharam, quod suauis dulcisq; sono canitur: audiunt verba tua, & non faciunt ea.* Illud quoq; Ieremiae Prophetæ in eos quadrat: *Filij insipientes sunt, & vecordes: sapientes sunt ut faciant mala, benè au-*



nè autem facere nescierunt. Vnde & luctus quo digni sunt, est inexplicabilis, quia damnum quod patiuntur aestimari nō potest. Merito talibus & illud Sapientis applicetur: *Luctus mortui septem dies: fatui autem & impij, omnes dies vitæ eius.* Eccli. 22.

Expetiit filia Iephthe Iudicis in Israel à patre, vt duobus mensibus virginitatem suam cum suis sodalibus in montibus plangeret, priusquam iuxta impium patris votum victima fieret (vouerat etenim, se, si victor rediret, immolaturum, qui primus è domesticis occurreret, occurrit autem gratulabunda ei filia) obtinuit quod expetebat. *Et exinde mos increuit in Israel, & consuetudo seruata est, vt post anni circulum, conueniant in vnum filie Israel, & plangent filiam Iephthe diebus quatuor.* Iudic. 11. Iephthe filia.

Si perditæ virginitatis & OCCASIONIS amissæ iactura deploranda veniret pro merito, non id quatuor diebus in anno esset faciendum, sed ne quatuor quidem dies toto anni circulo immunes essent à lacrymis. Virginitatis amissæ luctus.

Verùm lamenta istorum parumper expendamus, prout in A typo exprimuntur. Dicit primus: *Hei mihi! quò tempus, quò se gratissimus hospes Proripui?* Ferè eadem ista cum damnatorum querela est, quam sacra nobis Scriptura pronunciat: qua temporis velocitatem incusant, quasi nimis præpeti pena præteruolarit, ipsique sint extra culpam. Sic aiunt: *Tamquam sagitta emissâ in locum destinatum, diuisus aër continuo in se reclusus est, vt ignoretur transitus illius; sic & nos nati, continuo desuimus esse.* Sap. 5.

At, quis hîc excusationi locus? Quis non videat, vndas, rates, naues, & quidquid secum flumina rapiunt, præterlabi? Quis non idem in ætate considerat, si viuît videtq;? Rectè id eod Tullius: *Cursum est certus ætatis, & via vna naturæ, eaq; simplex, sua cuique parti tempestiuitas est data.* Cicer. Philipp. 11.

Ex quibus verbis videmus, non tantùm ætatis humanæ tempus continuo fluxu transire; verùm etiam stasis decursus huius partibus suam esse tempestiuitatem, & ad ætati cuique conuenientia opportunitatem. Prudenter eapropter Poëtæ illius verbis moneantur eiusmodi, meliori tamen scopo: *Vtendum est ætate, cito pede labitur ætas.* Ouid.

Maximè, cùm, vt dicit Augustinus, *Tempora non for-* Augustin. epist. 49.



fortuito, sed Dei prouidentia labuntur. Vnde constat, Dei prouidentiam idonea suis temporibus suppeditare argumenta, fructuosè aliquid producendi: sicut statuta sunt anni tempora agriculturæ, seimentis, messis, vindemiæ, ceterarumq; functionum humanis vîbus necessarium.

Plin. Sec.  
lib. 20.

Itaque omnibus de tempore transacto querimonias fundentibus, cum Plinio respondetur, Præterita non præteriisse, impossibile est.

Plutarch.  
de Tranq.  
animi.

Alter ab illo sic occasionis neglectum deplorat: *Quò blanda parens OCCASIO rerum Tam locuples abiit?* Iam blandam parentem, rerumq; omnium locupletem appellat, quam, cum adesset, laruam, monstrum, sponfam inuersam nuncupabat. Rectè de talibus serò sapientibus, ita Plutarchus: Insipientes bona quoque præsentia transmittunt: vnde adeò ad futurum vergunt intensissimæ semper eorum curæ. Prudentes contra, acri recordatione reducentes in rem præsentem, vel ea quæ iam non sunt, instare etiam atque adesse faciunt.

Luc. 19.

Lubeat, quæso, Lector, hunc prudentium morem mecum in Zachæo quasi coràm intueri. *Quærebat videre Iesum, quis esset.* (Vita æterna est, nosse Iesum: beatitudinem itaque & salutem in Salvatore quærebat; rectè: occasionem omnem captabat; optimè.) *At, nō poterat præ turba,* (multa salutis studiosum circumueniunt incommoda): *quia statura pusillus erat.* (Tyroni & robur & vsus deficit.) *Et præcurrens ascendit in arborem sycomorum, ut videret eum; quia inde erat transiturus.*

Futura  
quasi præ-  
sentia effi-  
cere.

Tam studiosus fuit occasionis indagator, vt & futurum sibi quasi præsens efficeret, præcurrendo, ascendendo, & intenta oculorum acie prospiciendo: obtinuitque quod optabat, & plusquam sperarat. Ea est vbertas occasionis benè obseruatæ, præsertim in rebus publicis, & quod caput est, in salutis æternæ negotio.

Schemat.



## Schemat. 8. Cap. 3.

*Occasionem esse captandam: qui quo præteritam neglexerit,  
neque verisimiliter amplexurum venturam.*

**T**antum abest, ut quis se neglectæ occasionis meritò purgare possit; ut potius querere, captare, ac venatorum more debeat indagare necdum se offerentem. Nam sæpè accidit, ut neque opinanti, ab aliis indicio aliquo demonstretur, vel ipsa se sponte prætendat.

Huius non obicuum in Atheniensibus exemplum facile est obseruare. *Stans enim Paulus in medio Areopagi, ait: Viri Ath. 17. Athenienses, per omnia quasi superstitiosos vos video. Præter-* Areopagum.  
*iens enim & videns simulacra vestra, inueni & aram in qua scriptum erat, IGNOTO DEO. Ecce adstabat ipsis eodem loco* Inopinata  
*OCCASIO* cognoscendi verum Deum, si scrutati fuissent, & sæpè adest  
non videbant. Apostolus verò illam eis reuelat hac occasio- Occasio.  
ne, dicens: *Quod ergo ignorantes colitis, hoc ego annuncio vo-*  
*bis. Deus qui fecit mundum, & omnia quæ in eo sunt, hic celi &*  
*terra cum sit Dominus omnium, fecit ex vno omne genus ho-*  
*minum inhabitare super vniuersam faciem terræ; definiens sta-*  
*tuta tempora, & terminos habitationis eorum; querere Deum si*  
*fortè attraherent eum, aut inueniant; quamuis non longè sit ab*  
*vnoquoque nostrum. In ipso enim viuimus, & mouemur, & su-*  
*mus: sicut & quidam vestrorum Poëtarum dixerunt: Ipsius e-* Aratus.  
*nim & genus sumus. Videte quomodo vndique eos ca-*  
*ptare doceat occasionem, & quasi palpando, eam, ut viam sa-*  
*lutis, inuestigare.*

Frustrà itaque isti in Schemate, cum sui similibus, elapsam Qui præte-  
requirunt, vel se purgant, quasi verò eam, si iterum coram si- ritis icti,  
statur, sint amplexuri: cum circa præterita solum sapientes non atten-  
sint, circa præsentia verò, multoque magis circa futura, æquè dunt ad  
semper futuri imprudentes, quod stultorum est. præsentia,  
rarò ca-  
pellunt fu-  
tura.

Ideo



1. Reg. 26.

Vigilum  
dormita-  
tio.

Idem & Saul de se confessus, ne pilo quidem melior prudentiorve ex ea confessione euasit. Dum siquidem Dauidem innoxium ad necem persequeretur, accideretque ut Dauid dormienti Regi seruisque stertentibus, hastam & scyphum aquæ, qui erat ad caput eius, auferret, eque eminentiori loco custodes regis negligentia accusaret, nominatimque ducem militiæ Abner, dicens: *Nonne respondebis Abner? Et respondente Abner ac dicente, Quis es tu qui clamas & inquietas regem?* ait Dauid ad Abner: *Numquid non vir tu es? & quis alius similis tui in Israël? Quare ergo non custodisti dominum tuum regem? ingressus est unus de turba, ut interficeret regem dominum tuum. Non est bonum hoc quod fecisti. Nunc ergo vide, ubi sit hasta regis, & ubi sit scyphus aquæ, qui erat ad caput eius. Cognouit autem Saul vocem Dauid, & dixit: Numquid vox hæc tua, fili mi Dauid? Et ait Dauid, Vox mea, domine mi rex. Quam ob causam dominus meus persequitur seruum suum? Quid feci? aut quod est malum in manu mea?* & ait Saul: *PECCAUI; reuertere, fili mi Dauid: nequaquam enim ultra tibi male faciam, eo quod pretiosa fuerit anima mea in oculis tuis hodie. Apparet enim quod stultè egerim, & ignorauerim multa nimis.* Dauid occasionem nocendi suo persecutori toties oblatam, numquam arripuit; Saul verò toties econtra oblatam, pacis, amicitia, & resipiscen-tia occasionem visus est quidem apprehendere; verum, quoties oblatam permisit elabi, toties deplorauit absentem.

Inopinata  
occasionis  
exemplū.

Quis meritò vel non datam vel elapsam conqueratur occasionem, cum ferè semper ipsa in vigilantis incurrat oculos? Augustinus de se lepidum refert exemplum oblata inopinata occasionis, cuius ope & efficacia ardentissimas ambitionis curarumque sæcularium febres in se aliisque curaret. Inhabitabam honoribus, lucris, coniugio, & tu, Domine, irridebas. Patiebar in eis cupiditatibus amarissimas difficultates. Sed quid? an ipse suo malo medelam occasionemve remedij conquirebat? Non id lego. Sed Deo acceptum refert, qui mirabile eum iuuat occasione. Quam ergo (inquit) miser eram! & quomodo egisti, ut sentirem miseriam meam? Pergit nar-

Augustin.  
Confess.  
lib. 6. cap. 6.



narrare. Die illo, quo, cum pararem recitare Imperatori laudes; quibus plura mentirer, & mentienti faueretur ab scientibus, easque curas anhelaret cor meum, & cogitationum tabificarum febribus aestuaret; transiens per quemdam vicum Mediolanensem (en tibi à Deo datam occasionem) animaduerti pauperem mendicum (iam credo saturum) iocantem atque lætantem: & ingemui; & locutus sum cum amicis meis qui mecum erant, multos dolores insaniarum nostrarum, &c. securitas, lætitia, liber animus mendici, ipsi occasionem præbuerunt, suam culpandi curandique cupiditatem, animique aestuantis inquietudinem. Si non arripuisset, data quidem æquè fuisset, sed neglecta & inefficax, eius culpâ.

Læta mendicitas,

Non præterit quoque oblatam inopinatò occasionem Alipius, singularis eius amicus, sed insaniis Circensium ludorum spectandorum multum deditus. Quodam namque die, cum sederem (inquit Augustinus) loco solito, & coram me adessent discipuli, venit, salutauit, sedit; atque in ea quæ agebantur animum intendit. Et fortè (en tibi similiter & isti Occasionem præter dantis accipientisque opinionem sponte se ingerentem, sed non negligenter exceptam prehensamque) lectio in manibus erat; quam dum exponerem, & opportunè mihi videretur adhibenda similitudo Circensium, quò illud quod insinuabam & iucundius & planius fieret, cum irrisione mordaciorum quos illa captiuasset insania: tu scis Deus noster, quòd tunc de Alipio ab illa peste sanando non cogita-uerim. At ille in se rapuit (per occasionem) meque illud non nisi propter se dixisse credidit. Ita Augustinus. Vt autem videamus, eandem rem ab aliquibus aliquando in occasionem boni accipi, ab aliis verò interdum rapi in malum: audiamus quod ibidem additur. Et quod alius, inquit, acciperet ad succensendum mihi, accepit honestus adolescens ad succensendum sibi, & ad me ardentius diligendum.

Aliud exemplum.  
Augustin.  
Confess.  
li. 6. cap. 7.

Augustin.  
ibidem.

V

Schemat.



## Schemat. 8. Cap. 4.

*Iusta manet eos METANOEIA, qui oblatam OCCASIONEM contemserint.*

Metanoeia  
seu dolor  
occasionis  
amissæ.

SERUM huius Schematis planctum, insipientiæ comitem, quem Veteres *Metanoeiam* nuncuparunt, in se describit Propheta Ieremias, super vastatione Ierusalem, eò quòd signa Domini & voces Prophetarum ad meliora vocantium, velut optimam salutis OCCASIONEM, contemfissent: quam tamen, puerorum insipientium more, requirere videri voluerunt cum serò esset.

Ierem. 6.

Postquam siquidem Propheta calamitatem & vastationem eis ingruentem depinxisset, iustum meritumque luctum eis prædicit, exhortantis loquendi modo. *Filia, inquit, populi mei, accingere cilicio, & conspergere cinere. Luctum unigeniti fac tibi, planctum amarum.* Et appositè ipsemet in suis

Thren. I.

pro hac vastitate lamentis inquit; *Plorans ploravit in nocte. Quia scilicet diem lucemque sine fructu transegerant. Ideoque iustè fatetur ipsa ciuitas desolata culpam suam, omnium suorum insipientium filiorum nomine, non cognoscentium tempus visitationis suæ neque pacis. Abstulit omnes magnificos meos Dominus in medio mei. Vocauit aduersum me TEM-  
PVS. Temporis enim pars subsequens, præcedentis contemtæ partis vindex efficitur. Iusto Dei iudicio quasi tempus ad hoc prouocante, ac hostibus ad puniendum ignauos spatium & opportunitatem suppeditante.*

Thren. 5.

Quocirca temporis negligenter expensæ memoria tacti Iudæi per afflictionem, quasi remordente conscientia stimulat, orant præteritum redire, dari sibi denuò opportunitatem, vt isti excordes in Schemate iuuenes votis replent æthera. Ita pergunt in lamentis Prophetis Iudæi: *Conuertere nos, Domine, ad te, & conuertemur: innoua dies nostros, sicut à principio.*

Votum



Votum istud illi prorsus est simile, quod in typo videmus expressum.

C — O si mihi Iupiter illam (OCCASIONEM)  
D Nunc statuatur reducem, neglectaq; tempora reddat!  
E Ut mihi nulla brevis, sine fructu diffluat hora!  
O mihi dilapsi fiat si copia vultus!

Iuxta illud Euandri:

O mihi præteritos referat si Iupiter annos!

*Aeneid. 8.*

Miseri quoque Iudei talibus ploratibus præteritorum temporum insipientiam contestati sunt, flebili illo Daudico carmine: *Super flumina Babylonis illic sedimus & fleuimus, dum recordaremur tui, Sion. Si oblitus fuero tui, Hierusalem, oblivioni detur dextera mea. Adhæreat lingua mea faucibus meis, si non meminero tui: si non proposuero Hierusalem in principio latitæ meæ.* *Psal. 136.*

Rectè quidem ita Propheta: at illi, quorum ista contexuit nomine, quando ita sapuerunt ut sic ex animo loquerentur? Quando nimirum in captiuitate, ob præteritas culpas & negligentias temporis opportuni, erant constituti. Illic interrogauerunt nos qui captiuos duxerunt nos: *Hymnum cantate nobis de canticis Sion. Quomodo cantabimus canticum Domini in terra aliena?* Difficile profectò, & peregrinum valdè, sed meritò quia non cantastis in patria. Quando tempus & locus id officij ab illis postulabat, à Prophetis Dei iussu desidia ipsorum reprehendebatur, negligebant: iam verò; iam, inquam, quando locus & tempus omnisque occasio eis adempta est, videntur mira præstituri, si ansa suppeteret. Atque vtinam nostrum Belgium non ita quoque irrita haberet vota illa, quæ non sine specie ac spe resipiscentiæ tempore afflictionis emisisse notissimum est!

Ita videas, plerisque quasi oculos aperiri per lapsum, sicut de se Balaam testabatur, *Vir qui cadens apertos habet oculos.* *Num. 25.* Sed ut nec ipse post tam euidentium errorum apertam manifestationem prudentior effectus est; ita nec eiusmodi homines verè resipiscunt, tametsi reseruant, videanturque stimulo quodam pudoris & doloris adacti errata cognoscere. Sed

V 2

quia



quia sibi sapiebant dum errabant; non facilè ad veram sapientiam, nisi singulari Dei misericordia mouente per resipiscen-  
tiam, adducuntur.

*Augustin.  
Confess.  
li. 6 cap. 3.  
Alipij ten-  
tatio.*

*Curiosita-  
tis illece-  
bra.*

Valdè accommodum habemus exemplum in Alipio (post-  
modum Tagastensi Episcopo) quem superiori Capite mira-  
bili occasione ab infania Circensium ludorum reuocatum  
audiuimus. Is cum paulò post ab amicis & condiscipulis suis  
ad immania illa spectacula iterum valdè instanter inuitare-  
tur, & non obstante reluctance tandem assentiretur, nixus  
quadam assumptæ constantiæ confidentia; dicensque: Si cor-  
pus meum in illum locum trahitis & ibi constituitis, num-  
quid & animum meum & oculos meos in illa spectacula po-  
testis intendere? Adero itaque absens, ac sic, & vos & illa su-  
perabo. Quibus auditis, illi nihilo secius eum adduxerunt  
secum, idipsum fortè explorare cupientes, vtrum posset effi-  
cere. Quò vbi ventum est, & sedibus quibus potuerunt loca-  
ti sunt; feruebant omnia immanissimis voluptatibus. Ille  
clausis foribus oculorum, interdixit animo, ne in tanta mala  
procederet, atque vtinam & aures obturasset! Nam quodam  
pugnæ casu, cum clamor ingens totius populi vehementer  
eum pulsasset, curiositate victus, & quasi paratus quidquid  
illud esset, etiam visum contemnere & vincere; aperuit ocu-  
los, & percussus est grauiore vulnere in anima, quàm ille in  
corpore, quem cernere concupiuit. Et non erat iam is qui ve-  
nerat, sed vnus de turba ad quam venerat, & verus eorum so-  
cius, à quibus adductus erat. Quid plura? spectauit, clamauit,  
exarsit, abstulit inde secum insaniam, qua stimularetur redi-  
re, non tantum cum illis à quibus prius abstractus est, sed  
etiam præ illis, & alios trahens.

Istud ad longum apposui, quia & aliis seruit casibus, qui-  
bus aliquando adolecentes & alij nimis confidenter se expo-  
nunt, & audaces potius quàm fortes animis, potatorum, im-  
purorum hominum ac iuuenularum consortiis se fidentes  
ingerunt, & corruunt. Atque vtinam tandem cum Alipio  
omnes emergant! Dicit Deo D. Augustinus de illo Alipij ca-  
su: Et inde tamen manu validissima & misericordissima  
eruiſti



eruiſti eum tu, & docuiſti, non fui habere ſed tui fiduciam,  
ſed longè poſtea.

## Schemat. 8. Cap. 5.

*Sibi ſapientes, occaſionem ſapè reiciunt: & in propria  
aſtutia capti, ſuo aliorumque malo ſapere diſcunt.*

Completur in illis ſibi nimium fidentibus; illud quod a-  
pud Prophetam Iob legimus: *Qui apprehendit ſapientes in aſtutia eorum, & conſilium prauorum diſſipat.* <sup>Iob 5.</sup> Viden-  
tur ſiquidem ſibi præ ceteris ſapere, etiam dum deſipiunt ma-  
ximè, quicumque præſentem occaſionem faſtidiunt, vel etiam <sup>Fallentes ſeipſos.</sup> negligunt tantum. Nemo enim prudens volensque (de ſtul-  
tis & ſtertentibus hîc taceo) occaſionem ſe offerentem omit-  
tit, niſi prætextu maioris alicuius prudentiæ melioriſve conſi-  
lij. Vel enim melius conſilium præ manibus habere ſe cre-  
dunt, vel Deum ſubmiſſurum meliorem opportunitatem.  
Dumque ſic ſibi ſapiunt, faciuntque; in aſtutia ſua vani ſa-  
pientes capiuntur, & conſilium ipſorum diſſipatur. Et ferè  
non videas, niſi opinione melioris conſilij, errores committi.

Tunc ſequitur in re, quod in verbis prædicti Prophetæ ſub-  
ſequitur: *Per diem incurrent tenebras.* Hoc eſt, in re clara ac <sup>Cæcutien-  
tes in pro-  
pria aſtu-  
tia.</sup> manifesta aliis, tam deliranti aſtutia non præpeditis, ipſi im-  
pingent, quaſi tenebræ cautelam à lapſu prohibeant, cum  
ſint omnes ubique viæ ſole ſplendente conſpicuæ: & *quaſi in  
nocte ſic palpabunt in meridie.* Id eſt, in negotio, quod per ſe  
luce meridiana lucidius eſt, hallucinabuntur & ambigent,  
non ſecus quam cæcus ſecus viam oberrans & ceſpitans; vel  
alius nocte obſcûra circumuallatus.

At, exemplum huius rei proferamus in medium. *Sequitur* <sup>Genef. 27.</sup>  
*Isaac & caligauerunt oculi eius:* at magis cæcutiuit Eſau, tam-  
eſi vegetus & ſucculentus. Nam quando coxerat Iacob pul-  
mentum, veniſſetque ipſe de agro laſſus, ait: *Da mihi de coctio-* <sup>Genef. 25.</sup>  
*ne hac ruſa, quia oppido laſſus ſum. Cui dixit Iacob: Vende mihi*  
*primogenita tua. Ille reſpondit* (attende aſtutiam, hoc eſt ſa-  
pientiam



pientiam propriam, prudensque in speciem consilium, sed merum stultitiæ meræ prætextum) *En morior*, inquit, *quid mihi proderunt primogenita*? Prudenter admodum ut ex obliquo apparet. Nam, si certò iam iam moriendum, casu quo pulmento carendum est; eoque obtento vita redimitur, ut ipse videtur præsupponere; quis non dicat prudenter factum, quòd iacturam rei inutilis patiat, ut eam rem compareret, de qua vitæ incolumitas pendet?

Iniqua de-  
liberatio.

At in præsupposito latebat error; tam quoad rei projectæ adeptæque æstimationem, quàm quoad necessitatis extremæ imaginariam apprehensionem. Ita solent claudicantes ex vna vel altera parte deliberatores rerumque æstimatores concludere. Quando, ubi aliquid vel agendum vel non agendum trutinatur & controuertitur, statim vna sola agendi vel non agendi ratione occurrente decernunt; non attendentes, an plures maiorisve momenti non sint fortè rationes, in contrarium militantes.

Staterado-  
losa iudi-  
cium pro-  
prium.

Vt, si matrimonium alicui ineundum sit vel non ineundum deliberetur: & simulatque aliquid pro vna vel altera parte in mentem venit, feratur sententia. Nempe si deliberans cogitet, pulchra vel diues est, vel simile quid; inferatque exemplo, ergo est ducenda. sed, an mala, morosa, impudica, infamis, intractabilis, hæretica, & mille talibus ornata præconiis, non consideret; nōne claudicat eiusmodi deliberatio? Solùm etenim ob inanis iactantiæ næuum, etiam formam ipsam & diuitias, & id genus alia, in puella Poëta contemnebat, dum sic ait:

Martialis  
lib. 1. Epig.  
32.

*Bella es, nouimus; & puella, verum est:*

*Et diues; quis enim potest negare?*

*At, dum te nimium Fabulla laudas;*

*Nec diues, neque bella, nec puella es.*

Ita, si equum, domum, agrum, vel aliquid aliud emere sit animus; re quapiam notata quæ commendet, statuunt aliqui, rem illam citra omne dubium coëmendam; non consideratis infinitis incommodis, quæ, si attendas, emtionem omnino dissuadeant: certum est tales desipere, egereque iudicio.



dicio. Velut etiam qui econtrà, leui quodam vitio in eadem re notato, decernunt non comparandam; non obstantibus tot tantisque in contrarium argumentis, quæ præponderarent suaderentque omnimodis emendam, si iusta lance librarentur.

Non aliter accidit interdum in maioris momenti deliberatione: vt, si cum hoste confligendum, nec ne? an sit pax ineunda quæ offertur, suadeturve, an non? vtrum de ciuitatis alicuius deditione transigendum, an secus? an oppidum insultu aggrediendum, an contrà dolo bono tentandum, vel potius longa obsidione domandum? an castra metanda, vel mouenda sint? Ita, si de salute bonoque Reipublicæ magni quidpiam statuendum. Denique, quotiescumque de rebus magnæ molis deliberandum erit: quis nesciat, tam euidentem esse hallucinationem erroremque iudicij, si vna tantum ex parte ratio vna attendatur, & non ex opposito alia pro sententia aduersa facientes; atque si quisquam numum aureum, vel quiduis aliud in balance constituat ponderandum; & non respiciendo an in opposita lance iustum sit pondus impositum, sed solum animaduertendo, quod pars illa, vbi numus est, deorsum feratur, statim iudicet, satis abundeque ponderare: cum verè ridiculum suo se facto perhibeat, vt qui iusti id ponderis esse determinet, quod sine opposito pondere, per se solum ponderatur.

Aequa rerum æstimatione quid requirat.

Quid enim mirum, si aureus vel leuissimus vnâ balance partem deorsum premat, si altera æquilibrj lanx relicta sit vacua, vel pluma tantum paruula imposita? Ita, si quis iudicet, tale vel tale facinus, familiare, ciuile, vel bellicum, id eò aggrediendum, quia vna vel altera ratio, in quam primum oculos conicit, quæve primum vel potissimum in mentem venit, id ita suadere videtur; certum est, illum apertum dare suæ imprudentiæ argumentum.

Simile à balance & trutina.

Hoc porrò & ipse loquendi modus nos docet; quando vocabula ipsa quibus vtimur, nos ad libellani, trutinam, bilanci, & calculum reuocant, quoties de re aliqua deliberare, eamque benè ponderare, æstimare, & quasi in æquilibrio



brio ponere dicimur ; vt, quò maius rationum pondus impulerit, eam mox in sententiam pedibus eamus.

Confideratio in deliberatione, quasi rationum constellation.

Vox quoque ipsa considerationis id confirmat, cuius vis & energia non id permittit, vt statim hoc vel illo animi instinctu, huc illucve naus impellatur, aut astrolabia vel horoscopa instrumenta vertantur; sed eò tantum, quò siderum situs, motus, mutuusve respectus & coniunctio, ex certis naturæ rationibus, eiusmodi componenda esse demonstrant: ita, per modum loquendi, de rebus quibuscumque agendis vel non agendis, maturè circumspicteque est considerandum: hoc est, videndum, quæ sit rationum hoc illudve suadentium vel dissuadentium, quasi siderum concursio, velut quædam (vt ita dicam) constellatio & consideratio.

Considerationis exemplum.

Tit. Linius  
Decad. 3.  
lib. 5.  
Martius  
Imp.

Si considerationem hanc, & quasi rationum constellationem, per accuratam disquisitionem, in expeditione bellica (quæ etiam in aliis quibuscumque locum habere potest) lubet in exemplo quodam intueri: audiamus apud Titum Lium, Martium Imperatorem ad milites suos in concionem conuocatos orantem. Tam ambiguus siquidem & profligatus erat tum rerum in exercitu Romano status, vt flere omnes repente, & offensare capita, & alij manus ad cælum tendere, deos inculantes, cœperint: alij strati humi suum quisque nominatim ducem implorare, neque sedari lamentatio poterat; excitantibus centurionibus manipulares, & ipso minitante & increpante Martio, in quem iam nunc sub extrema hac animorum conflictatione, communibus omnium suffragiis, summam Imperij detulerant. Exanimatio quippe militum inde oborta erat, quòd deletus iam exercitus Romanus amissæque Hispaniæ viderentur: timebantque aduentantem Asdrubalem, ad reliquias belli delendas.

Animorum deiectionum creatio.

Martius eos increpauit, quòd in muliebres & inutiles se proiecissent fletus, potius quàm ad tutandos semetipsos & Rempublicam secum acuerent animos, & ne inultos imperatores suos iacere finerent: quibus excitati milites, repente magnam stragem in hostilia castra intulerunt. Sed ad orationem



tionem eius veniamus, qua postea ad serium cum hoste conflictum suos inflammavit; omnibusque bene consideratis, causisque urgentioribus rite trutinatis, determinavit ex æquo, datam OCCASIONEM esse arripiendam. Verum singula in eius verbis attendamus, præsertim iuxta considerandi deliberandi que rationem, cuius gratia istud pro exemplo adducimus. Sic itaque in graui sua oratione Martius ad suos milites: Eo ipso quod difficillimum videtur, facillimum erit. Tertia vigilia noctis, silenti agmine ducam vos: exploratum habeo, non vigiliarum ordinem, non stationes iustas esse, &c. Scio (inquit) audax videri consilium: sed in rebus asperis & tenuibus, fortissima quæque consilia tutissima sunt. QVIA, SI IN OCCASIONIS MOMENTO, CUIVS PRAETERVOLAT OPPORTUNITAS, CUNCTATVS PAVLVLVM FVERIS, NEQVIDQVAM MOX OMISSAM QVERARIS. Vnus exercitus in propinquo est; duo haud procul absunt: nunc aggredientibus *par aliqua opportunitas*; & iam tentastis vestras & illorum vires. Si diem proferimus, & hesternæ eruptionis fama contenti desierimus; periculum est, ne omnes duces omnesque copiarum conueniant: tres deinde duces, tres exercitus sustinebimus hostium; quos Cn. Scipio incolumi exercitu non sustinuit. Hucusque Martius, verè Martius, æquus rationum momentorumque æstimator, trutinator, & considerator, necnon sedulus OCCASIONIS oblatae obseruator: vt Val. Max. li. 1. cap. 6.

Orationis  
Martij  
pars.

## Schemat. 8. Cap. 6.

*Omne negotium vtrique ex parte bene trutinandum.*

QVandoquidem igitur æquè in magnis atque in parvis vulgaribusque rebus consideratio ista atque rationum discretio locum habere debet; quò maturius istud tractabimus, eò plus utilitatis exspectandum erit. In sacro itaque exemplo,

Discretio  
in omni  
delibera-  
tione ne-  
cessaria.

X

emplo,



emplo rationum vtriusque in deliberatione vrgentium exactam videamus trutinam, quemadmodum in bello, precedenti Capite, nos docuit Martius; vt fiat id quasi praxis manibus nostris adeò familiaris, vt in omni re proposita statim ad eam recurramus: sicut numularius mox ad suam trutinam confugit, quando pars ei aurea obtruditur, de qua vel minima suspicio oboritur.

Dan. 13.  
Trutina  
Susannæ  
iustissima.

Susanna prudens, pia, in castitate radicata, tametsi repente circumuenta, trutinam istam tamen recti iudicij & discretionis vacillare non permisit, sed ad iustum æquilibrium, famam, vitam, animamque ipsam comparauit. Quum enim ab iniquis impurisque illis senioribus iisdemque iudicibus ad illicita sollicitaretur, vel mors ei certa, sub falsa criminatione, foret expectanda: ingemuit quidem præ subito animi mærore, & rei inexpectatæ nouitate: aitque, quasi deliberans, & rem vtriusque in balance disponens: *Angustie mihi sunt vndique*. Iam vtramque suspensæ bilancis partem considerantem attende. *Si enim hoc egero* (inquit) *mors mihi est*: mortiferè pecco, & ipso facto rea mortis efficior: *si autem non egero*: si vobis in malum non assentior; *non effugiam manus vestras*; quia, vt minamini, velut adulteram accusabitis, testes ipsi futuri & iudices.

Ecce libratam & vtriusque nutantem bilancem in medio pendentem. Non ex aliqua constantis Heroinæ vacillatione quoad voluntatem, sed tantum pro rationum momentis inter se pondere suo pugnantibus. In vtramque staterem partem oculos discreta conuertit, non in alteram tantum; nec obiter quidem vel obliquè, sed fixè & directè, vt res merebatur: omnibusque benè perpensis, deliberatis, & consideratis vt oportebat, tandem resoluit; certa de bono euentu, vtrumque res ceterum caderet; vt accidit quoque, teste successu ipso. Decernit itaque, & ex præponderante bilancis altera parte indubitata determinat in hanc sententiam: *Melius est mihi absque opere* (malo scilicet) *incidere in manus vestras; quàm peccare in conspectu Domini*.

Et quemadmodum trutina ista, ratioque deliberandi, errare



rare non potest ; ita ab aliis experimentis accipit suæ iustitiæ & æquitatis approbationem , si postea ad maiorem ( vt fit ) securitatem lubeat adhibere. Ita hæc tam æqua Susannæ deliberatio nec falli nec fallere potuit : quia iuxta diuinam amul-  
sim , rationis , legis , & conscientiæ dictamen , fuit instituta. Hinc Deus ipse admirando iudicio eam comprobauit , misso Daniele , qui cælesti indagine latentes nequitiae technas assecutus , iniquos illos iudices tanti mali molitores , publico populi annuente suffragio , morti addixit , innocentemque à ne-  
cis discrimine liberauit.

Sic, inquam , in omni re dubia deliberare oportet , vt non statim vnius aut etiam alterius rationis pondere in hanc vel in illam partem delabamur ; sed omnibus ex vtraque parte benè perpen-  
sis ( & quidem , si opus , ad hoc , iuxta se inuicem ex aduerso descriptis ) secundum præpollentem lancem , rationesque præu-  
alentes faciendum statuamus . Neque pluri-  
bus numero plus tribuendum , sed ponderi causarum , etiam si forent pauciores.

Ita Cicero de Critolao Peripateticæ sectæ Philosopho a-  
gens , qui cum Carneade & Diogene Stoico Romam missus  
fuit Legatus : Quæro , inquit , quam vim habeat libra illa Cri-  
tolai , qui cum in alteram lancem , animi bona imponat , in al-  
teram corporis & externa ; tantum propendere illam boni  
lancem putet , vt terram & maria deprimat.

Cic. Tusc.  
quest. li. 5.  
Libra Cri-  
tolai.

Adeò idem hanc rationum huc illucve impellentium con-  
siderationem iudicabat necessariam , vt etiam in dicendi ge-  
nere eam abesse non permetteret. Hæc , inquit , nostra oratio ,  
multitudinis est auribus accommodanda , ad ea probanda ,  
quæ non aurificis statera , sed quadam populari trutina exami-  
nantur. Vnde & Apuleius , Trutinatam sententiam , vocat ,  
grauem & rectè examinatam. Sic & Persius canit , in discretæ  
bilancis commendationem :

Cic. 2. de  
Orat.

Apuleius.

Pers. Sat. 4.

*Scis etenim iustum geminâ suspendere lance*

*Ancipitis libra. Atque idem alibi:*

*Atque exporrecto trutinantur verba labello.*

Satyra 3.

X 2

Schemat.



## Schemat. 8. Cap. 7.

*Malè indicantium de rebus temeritas , &  
merita pœna.*

*Iob 5.  
Iudicij de-  
fectus in  
delibera-  
tione.*

**V**T autem propositum à quo digressi sumus resumamus, in Esau insipientiam eorum detegamus, qui dum astutè se agere existimant, tunc delipiunt maximè; & vt dicere cœperamus, iusto Dei iudicio, apprehenduntur in astutia sua, & consilia eorum (non benè trutinata) dissipantur.

*Genes. 27.*

Ita Esau suamet sapientia delusus est; quia non erat vera prudentia, sed apparens tantum astutia, alteram solum deliberationis obortique dubij partem considerans. Hinc serò quoque, cum sui similibus, stultitiam tantam deplorauit: quando nimirum malè prouidi sui consilij iacturam expertus est. Quum etenim frater eius, emto iam iure fructus, benedictionem à patre accepisset, & pater id ei referret; *irru- gyt clamore magno, & consternatus est.* Cumque eiulatu magno fleret, tandem specimen aliquod benedictionis accepit, sed primogenita insulsè (licet vt putabat prudenter) diuendita, in æternum non recuperauit.

*Num. 24.*

*Balaami  
peruerfi-  
tas.*

Ita & Balaam ariolus, cum videret Domino placere, vt benediceret Israeli, cui iam tertio, petente Balac rege Moabitarum, maledicere conatus fuerat, benedixit ei, multa præclara de Christo eiusque fidei populo vaticinatus. At, quoniam post tot tamque euidentia diuini nutus argumenta, totidemque resipiscentiæ occasiones, ad Deum reuersus non fuit, immò regi Balac perniciosum suggessit consilium, vt fornicarias Moabitidas in exercitum Israelis immitteret: id ei insinuans cum exprobraret ipsi rex quòd non fecisset vt expetierat; *Pergens* (inquit) *ad populum meum, dabo consilium, quid populus tuus populo huic (Israeli) faciat extremo tempore.* Docebat Balac (inquit D. Ioannes) *mittere scandalum*

*Apoc. 2.*



*lum coram filiis Israel; edere & fornicari.* Quia (inquam) OCCASIONEM salutis toties oblatam non apprehenderat, fatuitatem suam sentiscens, non sine ingenti cordis Metanœa proclamauit: *Heu! quis victurus est, quando ista faciet Deus?* quæ nempe tam speciosè de Salvatore erat vaticinatus. Inter maledictionis intentatæ molimina, & inter coactam diuinitus Israelis benedictionem, exultabundus dixerat quidem; *Mo-* Num. 23.  
*riatur anima mea morte iustorum, & fiant nouissima mea horum similia;* manifesta se pandebat & illic salutis OCCASIO, quam sibi cum filiis Dei optabat communem: sed quia non arripuit, remorsum torquentis conscientiæ percipiens, dixit postea de Domino, quem stellam in Iacob orituram prophetauit: *Videbo eum, sed non modo;* verum, quia primùm in extremo iudicio. *Intuebor illum, sed non propè:* Et hoc verissimum, quia chaos magnum à Deo illum sequestrabit, cum omnibus illis, quibus dicturus est, *Discedite à me maledicti, in ignem æternum.*

Magnis itaque lamentis deploratur amissum, quod habitum cum risu negligebatur. Sic olim tempore Honorij, per Baronius  
tom. 5. anno Domini  
410. crassam incuriam deperdita fuit Roma, Alarico Gothorum rege eam repentino fatiscq; facili ingressu intercepte. Dumque Honorius Imperator inopinato nuncio cognouisset, Romam perditam, nihil eiusmodi vel cogitans, putauit hoc ipsum de gallo gallinaceo (ob insignem pugnacitatem Roma Roma  
gallus gal-  
linaceus. nominato) esse renunciatum. Sed verisimile est amissæ veræ Romæ mœsticiam eum plus affecisse, quàm prius habitæ iustam æstimationem, vt est in hominum more. Ferè namque ita fieri videmus, vt rerum pretiosarum quæ possidentur parua nonnumquam habeatur ratio: at quando sunt perditæ, tum sentitur damnum, veriorque ex mole recuperationis fit de illis æstimatio. Tunc enim accidere solet communiter, vt quàm citò, facili, oscitanterque neglectæ amittuntur; tam serò, difficulter, & non nisi cum maximis impensis recuperentur. Versus tamen ille omnibus notissimus vtramque boni officij partem satis in mentem adducit, omnesque admonet:



Ouid.

*Non minor est virtus, quàm querere, parta tueri.*Seralam-  
menta  
negligen-  
tium.  
Virgil.  
Eclog. 1.

Hinc, sicut ille in Schemate clamat, *dona placebunt*; prius C  
scilicet spreta; si modò offerantur; sic ferè rarò tempori sapi-  
mus, & ferò nihil non parati sumus attentare. Non malè ta-  
libus conuenit, quod Melibœus, de se dolenter insinuat, a-  
liosque similis negligentiae reos insinulat:

*Sapè malum hoc nobis, si mens non laua fuisset,**De calo tactas memini prædicere quercus.**Sapè sinistra causâ prædixit ab ilice cornix.*

Quibus non ineptè subiungas, quod Æneas profitetur, de  
neglecto saniorum consiliorum libramine, pro Troianæ cla-  
dis auersione, per Lacoonta & alios in medium prolatorum,  
dum ad illa quæ infrà ex eodem sub finem Capitis quarti,  
Schematis decimi, afferemus, sic addit:

Æneid. 2.

*Et, si fata deum, si mens non laua fuisset,**Impulerat ferro Argolicas fœdare latebras;**Troiaj, nunc stares, Priamiq, arx alta maneres.*Ex Baron.  
tom. 6. an-  
no 464.  
Daniel  
Stylita.

Anno Domini quadringentesimo sexagesimo quarto, Da-  
niel Stylita in columna habitans, admirandæ sanctitatis vir;  
aliquando Gennadio Patriarche Cōstantinopolitano & Leo-  
ni Imperatori, eum sanctimoniae gratia venerabundè inuisen-  
tibus, prædixit incendium vrbis Constantinopolitanæ: quod  
vt ieiuniis precibusque auerterent, admonuit: sed neglexe-  
runt opere exsequi; atque anno vno pōst, vastata est incendio  
inopinato, & quasi diuinitus immisso, ciuitas. Eratque pericu-  
lum, ne quod vulgò celebratur orbis terræ miraculum, cerne-  
retur pati similia incendio Sodomorum. Vix tandem in tan-  
to malo eis venit in mentem S. Danielis prædictio. Ad ipsum  
itaque confugerunt miseri: quos increpauit negligentiae,  
quod præmoniti malum pœnitentiae operibus non auertif-  
sent: vt qui in patiando solum fuerint Niniuitæ, non autem  
in pœnitendo.

Vt igitur ex iam dictis patet, error in eo consistit, vt presen-  
tia negligantur, & tunc deplorentur quæranturque absentia.  
Cumque omnia suo sint tempore quærenda & acceptanda,  
frustrà eorum aliquid extra tempus suum requiratur.

Dicit



F Dicit eapropter in typo diabolus, FRVSTRA: simulque re- Hierogly-  
 G ti ventum captans, facto suo superuacuum laborem redar- phicum  
 guit: vt ille ibidem desperans dicit: *Nescit fors lapsa reuerti.* inanis stu-  
 Et diabolus alter: *Renuunt auersa reuerti.* dij.  
 Vt vulgò dicimus:  
 Laterem lauare, dealbare Æthiopem, littus arare, in ven-  
 tum niti, frustra laborare. Ita diabolus, qui lætanter antea &  
 cum voluptate ad malum perpetrandum impellit; postea, si  
 potest, inducit ad desperationem, vt sequenti Capite osten-  
 detur.

## Schemat. 8. Cap. 8.

*Diabolus peccatum antequam committatur leue facit; gra-  
 uissimum verò, cum fuerit perpetratum.*

A Dimpletum illud in hoc Schemate videmus, quod ple- Diaboli  
 rique quidem non rarò patiuntur, sed non æquè cogno- fraus.  
 scunt miseri vt euitent: Diabolum scilicet initio, ante pecca-  
 ti perpetrationem, omnia facilia & tenuia facere; malo verò  
 peracto, extremè aggrauare.

Illud siquidem curat hostis noster teterrimus, quod pisca- Nassa dia-  
 tores. Nassam exponunt, in quam pisces escæ pellecti dulce- boli, pec-  
 dine vel auiditate compulsi, os primùm latè patens ingre- catum.  
 diuntur: sed quando nituntur regredi, omnia arcta & angu-  
 sta valde reperiunt, vt foramen, per quod intrarant, nequeant  
 ad remeandum inuenire.

Sic diabolus lata & spatiosa omnia ante peccati comple-  
 tionem solet efficere, quando verò voluptate pelliciente pec-  
 cator illapsus est, ita constringit omnia, vt nullum videatur  
 effugium misero. Nassæ etenim ea est forma, siue viminea Nassa de-  
 sit illa, siue lino contexta; vt lato primùm orificio, arctiori scriptio.  
 semper & arctiori meatu ad præcipuam alui capacitatem pe-  
 netretur; in quam prono viminum florumve ductu illapsi  
 pisces, dum regredi iam benè pasti meditantur, angustum  
 illud foramen in medio ac spatioso ventre libratum, vix vim-  
 quam



quam reperiunt, ampliora semper laxioraque latera rimantes.

Huic piscatorum dæmonumque artificio respondet illud  
*Job 36.* quod in Job legimus : *Saluabit te de ore angusto latissime, & non habente fundamentum subter se.* Dei namque singularis innuitur gratia, qua quis per latissimum peccati orificium in angustum penetrans captus, iterum inde ad amplum illud  
*Ionæ 2.* vestibulum regredi potest & liberari: sicut Ionas de ventre ceti ad os eius remeavit, per quod primum fuerat absorptus: & inde in pedes denuò est restitutus.

Propheta regius ab hac angustia sibi metuens, quam diabolus post laxum ut dixi lapsum molitur, sic orabat: *Non me demergat tempestas aquæ* (ecce latitudinem, iam audi subsequenter angustiam) *neque urgeat super me puteus os suum.* Ieremias Propheta hanc in se machinatos astutiam & nequitiam incusat: *Lapsa est in lacum vita mea, & posuerunt lapidem super me.*

Lapsus in peccatum facilis, at difficilis regressus.

En diaboli artificium. Lapsus primum in peccati lacum, ut cuius os sit per amplum, semper effingit facilem & obuium: quando verò de regressu per pœnitentiam agitur, tantam superponit illi conatui molem, ac si lapidem prægrandem ori lacus imponeret, ex quo quispiam conetur emergere.

Bernardus serm. 3. in Psalm. 90.

In idem quadrat quod D. Bernardus de hac diaboli astutia, ut venatoris cornu, commemorat, dum illud Psalmi quadragesimo octauo explanat: *Ipsè liberabit me de laqueo venantium.* Sed qui sunt (inquit) venatores isti? Venatores utique pessimi & crudelissimi. Venatores, qui cornu non sonant ut audiantur, sed sagittant in occultis immaculatum. Ac si diceret, ut alibi, cornu inflant, non dum adhuc venantur, sed capta præda. Non prius, ne sibi prospiciat, ad tutiora confugiendo: postea verò, ne speret euadere; sed capturâ ipsâ & cornu stridore perculsa despondeat animum; sitque

Venatores diaboli.

2. Aeneid.

*Vna salus victæ, nullam sperare salutem:* quod desperantium est extremum refugium, quo se in sua miseria solantur infelices. FRVSTRA, inquit ille deceptor animarum. O nequam, nequam, ubi nunc illud tuum nequaquam? *Nequaquam moriemini*, inquebas; ita vitæ securitatem



tem in peccati commendationem assererebas. Et cum induxisti in laqueum, horrendis hisce vocibus aures obtundis: Periisti, noster es, damnatus es, ipsa te salus non seruet, gehennæ incendiis deberis æternis. O imposturam! ô amentiam!

Denique quando diabolus ita homines inducit, ut læti hilaresque in peccatum ruant, ut salutis rerumque præstantium occasionem (ut olim Israelitæ terram desiderabilem) pro nihilo habeant, & tamen postea errati conscios extremè sollicitos reddit, & ad pusillanimitatem spiritus tempestatemque adigit perhorrendam; caupones illos imitatur, qui sub initium lætum vultum, promptum obsequium, facilem transigendi rationem, & omnia acceptissima pollicentur, ut nulla prorsus infideat animo sollicitudo: at quando iam venit ad calculum mulctamque marsupij, tunc duri, rigidi, exactoresque implacabiles existunt.

Diabolus  
caupones  
quosdam  
imitatur.

Verisimile est, filium prodigum, ne quid deesset ipsius infelicitati (ut iis euenit quotquot illum hætenus in eo genere imitati sunt) in similes hospites, ganeones, parasitos & ἀσώτους incidisse; qui ad os loquuntur, dum fauet aura; at nubila si fuerint tempora, te omni solatio & auxilio destituunt, decoctis vniuersis.

Ita & Cain ille fratrem suum Abel blandis demulcens verbis in perniciem induxit. *Egrediamur, inquit, foras*: quasi amicitiae symbolo inuitans, ad non solum secure, sed etiam cum voluptate deambulandum. Et statim, cum esset in agro, insurrexit aduersus eum, & interfecit.

Simile à  
lanio.

Sic & Ianius, quando boui lapsum irreparabilem struit, blandè ceruicem demulcet, & interim trabali malleo fatalem illi ictum librat. Sic

*Fistula dulce canit, volucrem cum decipit auceps.*

Cato in  
Distich.

Fraus est ista etiam illius proditoris Iudæ, qui osculo amicissimum Dominum suum, omnium creatorem, in necem tradidit, mandauitque teneri & duci cautè, ne captus effugeret. Et ipsi vicissim infames sanguinis iusti ac innocentis mercatores; qui blandè prius, amicabiliter, & illecebrosè spondentes pecuniam, cum Iuda transegerant, eumque ad infandum

Diabolus  
primum  
laxat, dein  
de arcibus  
extremè.

Y

scelus



scelus reddebant audacem ; quando iam in barathrum desperationis infelix nundinator inciderat , & ipse sibi latissimum illud os abyssi , in quam lapsuserat , diffidentia prælo angustissimum fecerat , planè id ipsum inextricabile illi reddiderunt , dicentes : *Tu videris*. Ac si dicant : Morere , iugulum vel laqueum pete , damnare , peri ; *Nihil ad nos*. Tibi , quod scias , consultum noluimus , cum pecuniam polliciti sumus , sed Christi illius quæsiuimus interitum ; quo obtento , quid ad nos quæ te fata maneant ? *Tu videris* : quod è re tua fore credis , hoc age : si nequis , i te perditum . Prorsus perinde ac si homini iam labenti vim adhibentes , ingeminent ; Tute quod intristi , tibi exedundum est ; coloquæ quod aptasti , tibi pernendum : quod facis , fac citius .

Hæc est illa catastrophæ blandæ illius illusionis diaboli , quando & animam , Dei gratiam , & salutis occasionem perdere , dilapidare , & pessumdare , in ludo ponit ; posteaquæ , spem omnem veniæ secludit , & diris modis insultat capto .

Abfalone  
pendens,  
voluptatis  
mundanæ  
typus.  
2. Reg. 18.

Figura huius elusionis non aliena à proposito , in Abfalone notanda proponitur . Quando namque ab arbore implicitis ramo crinibus suspensus hæret , non obscure significat , id in quo maximè mundani homines delectantur , ipsis tandem in laqueum verti , quo strangulentur . Erat siquidem Abfaloni maxima pulcri capillitij voluptas . Quod autem mulus , cui infederat , sub ipso pertransiit , ipse verò suspensus mansit ; non incongruè figuratur , præterire illa omnia , in quibus omnis spes , fiducia , & felicitas ponebatur , & in quibus mens vanæ lætitiæ fœcibus ebria quietè molliterque velut equitabat : miferos verò manere Nemefin & Metanœam .

Adblandientem hanc prima fronte perniciem in Semiramide licet animaduertere : quæ , libidine ardens & sanguinem sitiens , quos concubitu oblectauerat , occidere consueuisse narratur : adeò vt proprii filij concubitum expetens , ab eodem fuerit interfecta .

ORA-



## ORATIO VIII.

Pro vera pœnitentia, vitæque emendatione.

**D**Eus, qui culpa offenderis & pœnitentia placaris, gratiæ tuæ lumen mentibus nostris infunde, atque occæcatum cor nostrum ad te conuerte; vt prioris vitæ negligentias valeamus agnoscere, & per veræ pœnitentiæ studium emendare: quatenus te solum Deum, omnis boni fontem, in donis tuis agnoscentes, cura maiori illis vti studeamus, & numquam de tua misericordia desperemus. Per Christum Dominum nostrum. Amen.







- A. Hem socij, quantum video, non omnis adempta  
Spes nobis: noua præteritorum alludit imago.  
B. Siste gradum, TEMPVS. Quo tam pernicious alis  
Præcipitas? A. Lentesce precor, nosq; adspice præsens.  
B. Ah! fugit. C. Heu! velle Occasio præterit, ora  
Detorquens aliò. D. Miseris quid deniq; restat?  
C. Quid vetat iniectis manibus retinere fugacem?  
D. Ferte manus. C. En cluctata est, veste relicta.  
Prende capillitium, et proprio remorare capistro.  
E. Heu! sero sapimus: F. POST EST OCCASIO CALVA.



## Schematis 9. explicatio;

*Quo elapsam TEMPVS, neglectamq; OCCASIONEM nequidquam insequuntur imprudentes.*

## Schemat. 9. Cap. 1.

*Hallucinatio circa vmbra[m] palpitantium, qui rem neglexerint.*

**H**oc Schemate errorem illum præcipuè detectum animaduertimus, quo, qui verâ opportunitatēq; OCCASIONEM neglexerunt, sibi nihilominus persuadent adhuc postea, elapsam utcumque posse recuperari, tempusque perditum refarciri; cum imaginaria sit tantum cum plurimis species, quæ oculis ipsorum oberrare videtur: & ita meram tantum phantasiæ illusionem, veram atque efficacem occasionem quasi reducem sibi fingunt & pollicentur: dumque se miseri palpant, ventoque inani pascunt; turpius se postea frustratos intelligunt.

Vmbra[m]  
pro re captantium  
in scitia.

**A** *Hem socij* (inquit primus, reliquis, ut ipsi videtur, ad rem attentior) *quantum video, non omnis adempta Spes nobis: noua præteritorum alludit imago.* Verè dicit, *imago*, quia res transiit, *vmbra* sequitur. Et, *alludit*; quia fictitia quadam specie se præterita videntur exhibere: non autem se re ipsa offerunt, ut antea, TEMPVS & OCCASIO.

Rectè Propheta regius dixit: *Intellectus bonus omnibus facientibus eum.* Quia, sicut Deus habenti, hoc est, benè videnti,

*psal. 110.*

Y 3

dat



dat ampliùs; facitque rem acu attingere, utque par est intelligere, propter usum rei in praxim deductum; ita non habenti, id est, non videnti, quod habet aufert, & iusta illum hallucinatione castigat, qui rei veritatem ac certitudinem, per debitam operam & obseruantiam nec meruit nec dignatus est inuestigare & assequi.

Hinc dum operans & occasionem oblatam apprehendens illuminatur, & soliditatem salutis amplectitur; negligens, otians, & oscitans obtenebratur, & circa inania vanæ ipsi phantasmata vagari, palpare, & vacillare permittitur. Ut impleatur illud eiusdem Prophetæ: *In imagine pertransit homo: in vanis imaginationibus vitam transigit. Sed & frustra conturbatur*; ut scilicet apprehendat: quia ut nec aura nec umbra capiuntur, sic nec imaginaria tantum possunt apprehendi, vel præterita reuocari.

*Dan. 5.  
Balsasar si-  
bi placens  
in inscitia.*

Quando Balsasar optimè sibi suo functus munere videbatur, quod grande fecisset conuiuium optimatibus suis mille; ubi vnusquisque secundum suam bibebat ætatem; iamque temulentus præciperet, ut afferrentur vasa aurea & argentea, quæ asportauerat Nabuchodonosor pater eius de templo, quod fuit in Ierusalem, ut biberent in eis rex & optimates eius, vxoresque eius & concubinæ; iamque bibentes laudarent deos suos aureos & argenteos, æreos, ferreos, ligneosque & lapideos; & in eadem hora digiti quasi manus hominis scribentis contra candelabrum in superficie parietis aulae regiae, scribentes MANE, THECEL, PHARES, apparerent: *facies eius commutata est, & cogitationes eius conturbabant eum, & compages renum eius soluebantur, & genua eius ad se inuicem collidebantur; exclamauitque fortiter: præ rei stupendæ nouitate, & latentis secreti formidine, atque euentus ambiguitate. Ecce tibi in hoc homine, (typo iam antè signatam) Metanoëam bonam Occasionem negligentium: nunc etiam huius Schematis specimen in eodem obseruemus.*

*Occasionis  
amissæ  
idea.*

Quando à Daniele mysterij sensum veramque obscuri enigmaticis interpretationem, non nisi tamen in suimet capitis perniciem vergentem acceperat; audiretque, se, decreto cælestis



stis trutinæ, regno priuandum; visus est quasi sub specie aliqua solidæ apprehensionis occasionem amplecti, dum iussu ipsius Daniel indutus est purpura, & circumdata torques aurea collo eius, & prædicatum est de eo, quod haberet potestatem tertius in regno.

Quasi verò in interpretis sui condecoratione, rectè suo functus sit officio, occasionem tantæ cladis auertendæ amplectendo, cum ne umbram quidem necessarij consilij ad tantum malum præcauendum, attingeret. Ideoque non sine causa tam simpliciter res tanti momenti describitur, cum statim adiicitur: *Eadem nocte interfectus est Balthasar rex Chaldeus, & Darius Medus successit in regnum.*

Ita quandoque in rebus maximis optimam occasionem rei præclare gerendæ deserimus, captata inconsultè aliqua alterius se offerentis imagine. Sic cum Totilas Gothorum rex urbem Romam obsideret, & Belisarius per amnem ferre obsessis opem vellet, interim dum feliciter munimenta oppugnat, quæ Gothi in medio Tiberi constituerant, perlato ad eum nuncio, Isacium à Gothis captum esse, quem ipse in Portu vrbe ad mare præsidio vxori reliquerat; credidit Isacium capi non potuisse, nisi vrbs quoque Portus esset amissa. Itaque nunciij atrocitate attonitus, nulla re vltra petita, ut quomodo gestum illud esset quod nunciabatur, certior fieret, OMISSA VICTORIA QUAM PENE MANU TENEBAT (en neglectam veram occasionem ob aliam imaginariam tantum) retrò ad Portum urbem se conuertit, eo animo, ut vel illic occumberet, vel amissa recuperaret. Quò posteaquam peruénit, incolumi reperta vrbe, intelligit Isacium idcirco captum fuisse, quod contra ipsius imperium, ut cum hoste congrederetur, eruperat. Agnouit igitur ingentem errorem Belisarius, in quem delapsus erat, dum malè intelligendo, feliciter cœptum certamen omisit: tantumque ex eo dolorem concepit, ut penè ob id vitam amitteret.

Ita agnoscunt quamplurimi suo malo docti, quàm rectè sciteque Euagrius: *Est OCCASIO præceptum*; & cum pedetentim ingreditur, apprehendi forsân potest: ubi autem manus effu-

*Fulgosius  
li. 9. cap. 9.*

*Victoria  
ferè parata,  
neglecta.*

*Euagrius  
lib. 4. Eccl.  
Hist. cap.  
26.*



Epist. ad  
Anastas.  
Bibliothecarium.

effugerit, in sublime auolat, & insequentes se ridet; nec patitur amplius, ut ab illis capiat. Quod & Photius argute depingit in quadam epistola. Occasionem elapsam video: nec ineleganter mihi prouerbum imitans hanc fronte capillatam, post ad cutem usque caluam depinxisse videtur. Cum enim aliquis tempus è manibus elabi finit, etiam si mille artibus insequatur, comprehendere nequaquam potest.

Schemat. 9. Cap. 2.

*Qui veram occasionem prætermiserunt, inanes postea phantasias captant.*

Vmbraticæ  
occasionis  
exempla.

Psal. 37.  
Cicatrices  
peccatorum.

**N**ON inconuenienter simili de causa visus est Psalmista testari insipientiæ suæ omniumque peccatorum calamitatem: qua fit, ut post peccati voluptatem primum excantem, aliquem soliditatis patiantur defectum, circa veram rectitudinis substantiam laborantes. Sic inquit ipse: *Putruerunt & corruptæ sunt cicatrices meæ, à facie insipientiæ meæ.* Ac si dicat: Insipienter egi, mandata tua, Domine, transgrediendo, salutis ansam toties à te mihi benignè præsentiam non arripiendo: hinc putruerunt cicatrices meæ. Vestigia vulnerum præcedentium, tametsi solidæ carnis exhibeant speciem, tamen intus putruerunt, & non nisi fallacem dant oculis intuentium apparentiam.

Ita OCCASIONIS elapsæ & neglectæ aliquando postliminio obuersatur aliqua veri deludens imago; cuius apparens foris species facit, ut apprehendere velis nitariisque, at latens intus inanitas conatum captantis eludit, redditque bis miserum; ut qui veram neglexeris, frustra captes vmbraticam.

Ventum  
pugno  
stringere.

Occasione huius phantasticæ illusionis, qua se isti **T E M P U S** & **O C C A S I O N E M** complecti (etiam feriò) arbitrantur, cum ventum pugno stringant potius, verè notatu dignum, diuinam ita prouidentiam iusto quodam iudicio irridere ridiculosque facere eos, qui seria eius monita risui aliquando



quando habuerunt. Ita istud ipse prædicat per Sapiensem:  
*Quia vocavi & renuistis, extendi manum meam, & non fuit* Prov. 1.  
*qui adspiceret; despectistis omne consilium meum, & increpationes*  
*meas neglexistis. Ego quoque in interitu vestro ridebo, &*  
*subsannabo, cum vobis id quod timebatis aduenerit. Cum ir-*  
*ruerit repentina calamitas, & interitus quasi tempestas ingru-*  
*erit: quando venerit super vos tribulatio & angustia: Tunc in-*  
*uocabunt me, & non exaudiam: manè consurgent, & non in-*  
*uenient me, eò quòd exosam habuerint disciplinam.*

Merces itaque condigna contemptæ OCCASIONIS bo-  
 næ est iusta METANOEA, & spes confundens, quæ lactet sed  
 non pascit; quia inanis & in aëre fundata. Deceptionis hu-  
 ius specimen referunt poma illa iuxta mare mortuum in de-  
 serto Sodomæ solo nascentia: quæ speciosissima foris appa-  
 rere dicuntur, intus verò plena esse fumo & fauilla, insipien-  
 tium olim amentiam per incendij reliquias attestantia. Ita  
 cespitant, ita titubant, & in vanum currunt omnes (vt dicit  
 idem Sapiens) *infantium insensatorum more viuentes.* Addit- Sap. 12.  
 que: *Propter hoc, tamquam pueris insensatis, iudicium in deri-*  
*sum dedisti. Qui autem ludibriis & increpationibus non sunt*  
*correpti, dignum Dei iudicium experti sunt.*

Vento se itaque pascunt isti serò sapientes, & seipsos spe  
 vana lactantes, neque mirum ob id, si in eis impleatur quod  
 dicit Osee Propheta: *Comedent, & non saturabuntur.* Item Osee 4.  
 illud Isaia: *Sicut somniat esuriens & comedit, cum autem fue-* Isa. 29.  
*rit expergesfactus, vacua est anima eius; sic erit multitudo om-*  
*nium gentium, quæ dimicauerunt contra montem Sion.*

Porro, cum Sion speculam significet, vt verè mons ille Do- Mons  
Sion.  
 mini erat; quotquot solidæ rerum speculationi resistunt, me-  
 ritò somniantium & hallucinantium pœna plectuntur: vt  
 quæ videnda sunt, non videant, neque ob id ad ea quæ agen-  
 da sunt, conualescant. Sicque videntes non vident, & au-  
 dientes non intelligunt, & demum semper captantes nihil  
 accipiunt, quia imaginarias tantum phantasias sectantur, neg-  
 lecta rei ipsius soliditate. Hoc genus hominum Acconis vetu- Acconis  
vetulæ stul-  
titia.  
 læ illius contubernio alboque meritissimè inscribatur, quæ so-  
 Z lita



lita fuit ad speculum cum imagine sua, perinde ac cum alia aliqua muliere, confabulari. Ita secum videas interdum phantasticum mussitantem.

*Phocylid.*

Neque importunè propterea huc illud Phocylidis reuocemus, tametsi antea positum semel; OCCASIONI obtempera, & Noli spirare in ventos. In utrumque isti impingunt: prius occasione non obtemperantes, & postea temerè vanoq; solatio ac conatu in ventos spirantes.

*Sabellicus  
li. 4. cap. 9.  
In ventum  
arma ge-  
rentes.*

Psylos non immeritò dixerimus istos imitari, qui in Africa circa maiores Syrtes sedes habuerunt. Hi, si vera sunt quæ à Græcis scriptoribus produntur, quia Austrum ventum plus nimio haberent inuisum, ut sibi & suæ terræ noxium, summis armis hostiliter in eum profecti sunt, ceu vnum aliquem hominem, & non rem incorpoream peterent: & illi tam stultè bellum ventorum vni intulerunt, magno humanæ mentis ludibrio; sed fortunæ adhuc maiori, victi sunt: turbatis enim Austrino flatu arenis, ad vnum omnes perierunt.

*Bæotij.*

De his autem eorumque similibus dici possit illud Horatij de Bæotiis, quos stolidos fuisse fama est:

*Horat.  
Epist. ad  
Oct. Aug.*

*Bæotum in crasso iurares aëre natum.*

Ita sapiunt tandem, qui à sapientum omnium sententia recedentes, occasionis opportunitatem floccipendunt; & dum iuxta suum euentilatæ mentis iudicium rem aliquam magnam aggrediuntur, ridiculos se etiam pueris faciunt, quando stolidum cœptum fine simili propalàm innotescit.

### Schemat. 9. Cap. 3.

*Exemplis elucidatur phantasticæ occasionis vana captatio.*

*Occasio-  
nis imagi-  
nariæ si-  
mulacrū.*

**Q**uod si non illepidum vanæ huius captationis exemplum ex sacra Scriptura depromptum lubet inspicere, proferemus; ut quantò penitiùs fatuitatem figmenta sectantium eruerimus, tantò studiosiùs, dum tempus suppetit, & offertur occasio, confestim ad opus mentem manumque conuertamus.

*Quando*



Quando Dauidem ad certam necem quærebat Saul, iam-  
que satellites submisisset, qui domum ipsius noctu vallarent,  
maneque interficerent; Michol intellecto sui mariti periculo,  
*deposuit eum per fenestram. Porro ille abiit & aufugit, atque* 1. Reg. 19.  
*saluatus est.* En itaque elapsæ occasionis formam, dum illi in-  
terim stertentes ad umbras & noctis tenebras excubarent.

Dauid fu-  
ga per fe-  
nestram e-  
lapsus.

Iam frustrati Saulis elusionem condignam videamus, cum  
Schematis huius imagine faceret (seriò tamen) congruentem.  
*Tulit autem Michol statuam, & posuit eam super lectum, &  
pellem pilosam caprarum posuit ad caput eius, & operuit eam  
vestimentis. Misit autem Saul apparitores, qui raperent Da-  
uid: & responsum est, quòd agrotaret. Rursumq; misit Saul  
nuncios, ut viderent Dauid, dicens: Afferte eum ad me in le-  
cto, ut occidatur. Cumq; venissent nuncij, inuentum est simu-  
lacrum super lectum, & pelles caprarum ad caput eius. Ita lar-  
uam vel statuam captant & deprehendunt, qui veram occa-  
sionem neglexerunt.*

Sic Eliphaz ille, vnus ex onerosis illis consolatoribus Iob, Iob 4.  
conceptum sermonem tenere non potens, mirabilem se hor-  
rorem visionis nocturnæ passum assererat, quando solet so-  
por occupare homines. Dicebatque, cum spiritus ipso præ-  
sente transiret, inhorruisse pilos carnis suæ. *Stetit quidam (in-  
quit) cuius non agnoscebam vultum, imago coram oculis meis, &  
vocem quasi auræ lenis audiui.* Fieri quidem id ita potuit, sed  
nihilominus somniantium istorum spectra non obscure ad-  
umbrat, qui pro vera benè agendi occasione, quam stolidè  
ignauèq; neglexerunt, umbraticam sibi quasi in visione (verè  
nocturna, propter tenebrosam elusionem) confingunt oc-  
casionalis imaginem, & aridam statuam, de qua quid statuant  
ignorant.

Occasio-  
nis phan-  
tasticæ spe-  
cies.

Ita de Hulrico Zuinglio refertur, quòd, cum Andreæ Ca-  
rolstadij eius præceptoris insulsa interpretatio non placeret,  
quam super illis Domini verbis dabat: *Hoc est corpus meum;*  
quod scilicet hîc assidet mensæ; ipse nouam de Eucharistia  
sectans sententiam, (quam sese in Bataui cuiusdam epistola  
reperisse fatebatur) interpretabatur, *Hoc est, id est, hoc signi-*

Titelman-  
nus Heshu-  
sius contra  
Caluinum  
& Beza.



ficat. Quod prodigiosum commentum exemplis è Scriptura petitis, cum nec sibi nec auditoribus persuadere possit; narrat, sibi in somno visum adesse monitorem (ater fuerit an albus, inquit in subsidio de Eucharistia, nihil memini) qui diceret; *Quin, ignaue, respondes quod scribitur Exodi duodecimo: Est enim Phase, hoc est transitus.* Sic spiritui nocturno erroris cum digna sui elusione inhærent, qui spiritui claræ veritatis & veræ fidei nuncium remiserunt. Sic etiam circa imaginariam Occasionis speciem & larvam errabundi versantur, qui veram iustamque cum daretur non sunt amplexi.

*Val. Max. lib. 4. cap. 3. Continencia Xenocratis.* Cur non liceat supradictis annectere, præsertim illi, de statua pro viua persona lecto imposita, cum sit satis affine, quod de Xenocrate Philosopho Maximus Valerius recenset? Quando namque certi iuuenes, cum Phryne nobili Athenarum scorto, pignore posito, contendissent, quod Xenocratem ad malum nequiret pellicere; eaque erga ipsum omnem perdidisset operam; pactum victoriæ pretium flagitantibus iuuenibus, eamque deridentibus, perquam facete meretricula respondit: De homine, inquit, vobiscum, non de statua vel trunco pignus posui. Significans, virum sapientia imbutum, instar insensibilis statuæ nihil voluptatum illecebris potuisse permoueri. Statuam itaque & ipsa pro viuo homine deprehendit.

*Seneca epist. 1.*

Solum ita occasionis simulacrum omnes eos amplecti certum est, quotquot suo tempore oblatam veram respuerunt. Rectè propterea Seneca: Quædam tempora nobis eripiuntur, quædam subducuntur, quædam effluunt. Turpissima autem iactura, quæ per negligentiam fit. Quanta (inquit) stultitia est mortalium, ut usque minima, vilissima, & irreparabilia sibi imputari patiantur: nemo verò iudicat, se quidquam debere, qui tempus acceperit. Verè admirabile, quomodo tam pretiosarum rerum, quæ suo tempore totius mundi thesauris si fieri posset redimerentur, tam exigua est nobis cura atque æstimatio dum abundè suppetunt: qualia sunt tempus opportunum & occasio. Perdimus interdum prodigè, quorum postea indigi, frustra summis quoque votis eadem exoptamus.

Vmbram



Umbram ita rei per se suamque nequitiam sublatae & proculcatae sectatus Eutropius, serò sensit, quid sit desipere & insanire, ubi maximè esset sapiendum. Sic habet Ecclesiastica Cardin. Baron. tom. 5. anno 398. Historia, rem ipsam enarrans: Eutropius eunuchus, Arcadij & Honorij temporibus, dum rerum potiretur, intemeratum Ecclesiae asylum violauit; dum non solum ad eam confugientes violenter abstraxit, sed & malus auctor exstitit Arcadio sanctionis sacrilegae conscribendae; qua iuberentur confugientes ad Ecclesiam extrahi: Constantinopoli reclamante grauiter S. Ioanne Chrysostomo. Porro qui huius fanciendae legis auctor fuit Eutropius, magna diuinæ prouidentiae lance pensata iustitia factum est, ut idem anno sequenti ad Ecclesiam confugere necessitate coactus, in se primum fauientem experiri legem diuina indignatione compulsus sit. De illo ita Ioannes Chrysostomus, Homilia in Eutropium: Præclufit huius loci Chrysost. refugium legibus scriptis, quibus hoc irritum facere conatus est. At nunc re ipsa didicit, quale sit quod fecit; & suomet facto legem suam primus abrogauit, *factus orbis totius spectaculum*. Et fileat licet, omnes tamen admonet: Nolite hæc facere; ne, qualia ego, patiamini. Sua calamitate alios docet. Et altare, hoc ipso illustrem ex se splendorem emittit, ac venerationem sibi comparat; Quod leonem vinctum tenet, &c. Sic conculcant insipientes occasionem, quam postea libenter venerabundi exosculentur.

## Schemat. 9. Cap. 4.

*Occasionem atque opportunitatem spernentium stultitia;  
atque intolerandus eorum stupor, qui quoduis tempus ad  
quæuis opportunum existimant, dummodo velint.*

**I**N hoc consistit imprudentium hominum error (iuxta iuuenum in typo depictorum amentiam, velo tempestiuæ spei contextam) quod existiment, tempore opportuno elapso, suppetere adhuc opportunitatem agendi, quod antea actum

Z 3

oportue-



Distin-  
guendum  
necessario  
inter tem-  
pus oppor-  
tunum &  
impor-  
tunum.

oportuerat. Illi autem in eo falluntur, quod tempus quidem semper suppetit, estque ad manum; quia, ut dixi, more fluentis aquae pars una sine interruptione aliam continuo fluxu subsequitur. Sed sicut, si nauigium vel aliud quid, in flumine praeteruectum est, quod apprehendisse debueras, dum ante te erat, aqua quidem semper ante te est, sed pars illa aquae, quae res illa aduehebatur, cum re ipsa praeteriit: ita quando tempus cum occasione opportuna praeteriit, licet alia pars temporis immediate succedat, non illa tamen est amplius, quae talem opportunitatem coniunctam habebat, & secum ferebat.

Quando verò quis prudens & vigilans temporis rationem habet, occasionemque se opportunè inferentem arripit, tamen si tempus illud tum praeterlabitur, ansum tamen seu occasionem illam tenet, tempusque continuò subsequens ei seruit, ad rectè occasione illa utendum, faciendumque, quod factum est opus: sicut retento nauigio, aqua quidem praeterfluit, quae nauem aduexerat, sed alia continuè subsequitur, quae vsui sistendae vacuandaeque nauis deferuiat.

Impru-  
dentium  
error.

Imprudentes autem non distinguunt inter tempus opportunum, & quoduis aliud tempus; inter occasionem veram tempore conuenienti datam, & inter imaginariam, iuxta cerebri phantasmata conquistam. Apertus in eo error animaduertitur, quod opinari tales homines videantur, omne tempus (modò ipsi sic velint) ad omnia aequè aptum fore; occasionemque dandam ad nutum, quandocumque lubuerit.

Nō quod-  
uis tem-  
pus rei  
cuius op-  
portunū.

Eadem prudentiā ac ratione, seminare illi praesumant quouis anni tempore; metere quoque, non quando ad messem inalbescerent segetes, sed quandocumque mens ferret, & animus nutu solo cunctis imperitans; vel etiam quando exhausta tritico granaria, & pane priuata promtuaria, necessitate compellerent aceruare frumenta. Ita & piscari, venari, aucupari, castrametari, configere, arces atque oppida expugnare, hostem fundere, edificare palatia, mundum nouum fabricari, eadem lege poterunt, vbicumque, quandocumque, & quomodo-  
cumque tam maleferiato ipsorum ingenio collubitum fue-  
rit. Certoque certius est, ad nutum ipsis cuncta successura, nisi  
certum



certum tempus occasionisq̃ue opportunitas sit in omnibus obseruanda. Hóccine sapere est?

Inuenias non rarò eiusmodi hominum genus (vt in maiorem tanti stuporis detestationem iterum repetam) qui quandoque voluerint, terram, mare, & cælum sibi obtemperare debere arbitrantur; neque vel ad vela faciendum, ducendumve exercitum, vel ad moliendum insultum, aut ad quiduis aliud aggrediendum, magis esse opus temporis occasionisq̃ue opportunitate existimant, quàm si dii sint: cum tamen Deus ipse, cunctorum conditor & gubernator, omnia suis temporibus seruato ordine disponat, det, sinatq̃ue prouenire: stante nihilominus supremæ potestatis plenitudine, qua suis creaturis, & ordini temporum per se constituto, non est alligatus.

Præsum-  
tuosorum  
temeritas.

Si illiusmodi temerarij, præsumtuosi, atque fastuosi rerum ordinarum temporisq̃ue opportuni contemtores, se quidpiam supra ordinem à Deo datum statumq̃ue valere persuasum nobis volunt; fientis Oceani compescant motus, atrociorum ventorum prælia componant, irruentes imbrium nutu solo suspendant procellas; grandini, frigori, solisq̃ue flammantis ardoribus ponant modum. Si nihil horum possunt, etiam cum velint maximè; nolint igitur præsumere, quod in hominis potestate non est constitutum; velintq̃ue quod vult Deus, quodq̃ue temporis ratio, occasionisq̃ue opportunitas, non nisi Deo largiente ita proueniens, ad manum fuggerit.

Annibal postquam Romæ expugnandæ datam (præsertim statim à pugna Cannensi) occasionem neglexisset; finxissetq̃ue sibi fortè aliam id peragendi opportunitatem (eorum more qui umbraticam pro reali captant) bis pluuia densissima oborta, coactus fuit à cœpto desistere. Falsusq̃ue tunc est errorem, quem istiusmodi imprudentes occasionis æstimatores committunt. Animaduertēs (inquit Plutarchus) Annibal imbrem procellosum vno & altero iterum die prohibere conflictum cum Romanis, conuersus ad suos exclamasse dicitur, Modò sibi mentem potiundæ vr̃bis Romæ, modò facultatem

Plutarch.  
in Annibale.



tem non dari. Ac si dicat, Cùm potui, nolui; cùm volui, non potui. Quia nempe oblatam occasionem neglexerat, frustrà imaginariam captare conatus est.

*Bernard.*

Hinc S. Bernardus prudenter hoc vlcus tangit. Adoremus, inquit, semper, & procidamus, & ploremus coram te, qui fecisti nos: & qui in hoc ipsum peccato nostro manifestò, iudicio tuo occulto, formasti nos; vt forsitan, quia non multum hoc volumus, non possumus: vel, quia non volumus cùm potuimus, cùm volumus non possumus.

*Isocrat. in  
Panegyric.*

Prudens eapropter Isocratis adhortatio, qua præsentem opportunitatem apprehendendam ostendit. Primùm (inquit) mihi nimis multa videntur, quæ nos hortantur ad bellum inferendum: in primis autem, *præsens OCCASIO*, quæ tam euident & præclara cùm sit, amittenda non est: *turpe enim fuerit, ea præsentem non vii, desiderare præteritam.*

### Schemat. 9. Cap. 5.

*Punita temeritatis exemplum, contra Occasionem  
nitentium.*

*Num. 14.  
De terra  
promissionis  
discep-  
tatio.*

**Q**Via tam tardè sapere consuevit illud hominum genus, qui inuita quoque OCCASIONE quæcumque præsumferint audent attentare, exemplo memorando dictis nostris plus momenti adhibeamus. Quum grauissima esset oborta populi Israelitici in deserto dissensio, occasione terræ promissionis, cui gregaria populi multitudo, adeoque turba tota turbata detrahebat, vt pessima quæque de illa confingerent; Iosue verò & Caleb, qui eam fuerant contemplati, contrà optimè pro terræ fecunditate & excellentia protestarentur, vsque adeò vt se pro zelo veritatis, diuiniq; promissi stabilitate, periculo mortis exponerent; eousque succreuit populi obmurmurantis infania, vt Moysem & Aaron lapidaturi viderentur: & Dominus ipse tanta cum maiestate sui nominis gloriam tuebatur, vt omnes, excepto Iosue & Caleb,



Caleb, morti in deserto obeundæ adiudicaret. Sedata tandem paulisper populi tumultuantis insolentia, auditaque contra se diuinæ iustitiæ censura, luxerunt vehementer. Et ecce, manè primo surgentes, accesserunt ad Moysen & dixerunt: *Parati sumus ascendere ad locum, de quo Dominus locutus est, quia peccauimus.* Antea siquidem in hoc omnis pendebat contentio, quod nollent progredi, neque in promissam terram concedere.

Ecce, cum vellet Deus, & dux ipsorum Moyses, volebant ipsi; cumque iam aliud consilium iniisset Dominus, ipsi tum elapsam occasionem voluerunt suo Marte resumere, & cum hoste, nolente etiam occasione, committere, quod prius, cum esset opportunum, omnimodis detrectabant. Moyses obstitit, dixitque eis apertè, esse contra Dei nutum. *Cur, inquit, transgredimini verbum Domini? hoc est voluntatem & imperium. Non cedit vobis in prosperum. Nolite ascendere: non enim est Dominus vobiscum; ne corruatis coram inimicis vestris. Amalecites & Chananeus ante vos sunt, quorum gladio corruetis, eò quod nolueritis acquiescere Domino.* Quod nempe tunc progredi nolueritis, quando ipsi placebat; quod est occasionem legitimam à Deo datam contemnere. Nec erit Dominus vobiscum: in ficticia ista scilicet opportunitate & prosperitate successus, quam vobis pro vestro ipsi arbitrato pollicemini.

Nunc verò animaduertamus, obsecro, quam toties iam memoramus umbraticam hallucinantemque verisimilitudinis speciem oculistalium hominum obuersantem: sequitur in sacra historia: *At illi CONTENEBRATI ascenderunt in verticem montis. Arca autem testamenti Domini & Moyses non recesserunt de castris.* Quia nimirum stulto ac temerario hominum illorum consilio Deus non intererat, & diuini homines refragabantur. *Descenditque Amalecites & Chananeus qui habitabat in monte, & percutiens eos atque concidens, persecutus est eos usque Horma.* Quod vocabulum cum ciuitatem significet, idem quoque quod anathema seu destructionem sonat. Neque abs re, cum ad suam ipsorum perniciem

Punitate-  
meritas.



ciem soleant occasionis contemtores propria sequi iudicia, & consilia sua vana præfractè promouere. Itaque cessit eis, vt proterua ipsorum temeritas merebatur.

Cræsus in  
Cyrum.

Herodot.  
lib. 1.

Perfici pu-  
gnacisque  
militis de-  
scriptio.

Serò sape-  
re.

Porro vt more nostro ex profanis etiam historiis aliquid vltra libemus, quò melior occæcationi huic ex variis confecta medela adhibeatur, Cræsum in exemplum punitæ temeritatis, qua despecto meliori consilio suum inuita occasione secutus est, producamus. Sic in Herodoto legimus: Cræso Lydorum rege in expeditione contra Cyrum Persarum regem occupato, Lydus quidam, nomine Sandanis (etiam antehac pro sapiente habitus, & ob hanc quam dixit sententiam plus nominis apud Lydios consecutus) hunc in modum consuluit: Aduersus tales viros expeditionem paras, rex, qui coriacea subligacula, quiq; e corio reliquam vestem ferunt: qui non quibus volunt cibis vescuntur, sed quos habent, vtpote regionem asperam incolentes. Ad hæc, potu non vini vtuntur, sed aquæ; non ficus ad comedendum nec aliud quidquam boni habentes. Quibus cum nihil sit quod eripias si viceris; sin victus fueris, animaduerte quot bona amittes. Vbi enim gustauerint illi nostra bona, circumfistent nos, nec abigi poterunt. Equidem diis habeo gratiam, qui non induxerunt in animum Persis, vt Lydos inuaderent. Hæc locutus, non tamen Cræso persuasit. Cræsus itaque, sic agentibus eum fatis, à Cyro captus regnoq; exutus est. Itaque & serò sapuit, tam euidentem aspernatus OCCASIONIS admonitionem, didicitq; eodem euentu, quàm verè ei aliquando à Solone fuerat prædictum, Neminem mortalium ante mortem beatum dici debere: nimiamq; sui fiduciam suum fallere auctorem.

Schemat.



## Schemat. 9. Cap. 6.

*Quiduis quouis tempore attentantium Vanitas, spretaque  
OCCASIONIS punitio.*

**P**Ulerum contemptæ & frustra seriùs arreptæ occasionis ex-<sup>1. Reg. 15.</sup>  
emplum in Saul rege aliàs monstratum est. Postquam e-  
nim illi iterùm optabilis occasio à Samuele erat oblata recu-  
perandi honoris & gratiæ, quam apud Deum Prophetam-  
que perdiderat, si modò Amalec fideliter iuxta Dei man-  
datum expugnasset; contempsit, nec est obsecutus Dei præce-  
pto, ipsi per Samuelem exposito. Redarguit eum vir Dei,  
dicens: *Melior est obedientia, quàm victima:* cumque Sa-<sup>Obedien-</sup>  
muel indignatus abscederet, arripuit summitatem pallij eius <sup>ria melior</sup>  
Saul, & scissa est; dixitque Samuel: *Scidit Dominus regnum* <sup>victimâ.</sup>  
*Israel à te hodie, & tradidit illud proximo tuo meliori te.* <sup>Scissio pal-</sup>  
Occasionem oblatam suo tempore non arripuit, arripuit au- <sup>lij scissio</sup>  
tem fictitiam, quando ipsi opportunum videbatur, & elusus <sup>regni.</sup>  
est, speque sua frustratus; & iustas tandem insipientiæ pœ-  
nas dedit.

Profuerit, si alio sed simili ferè exemplo hoc ipsum illu-  
stremus. Quum tempore Machabæorum Iosephus & A-<sup>1. Mach. 5.</sup>  
zarias sacerdotes audirent viderentque res benè gestas & præ-  
lia, quæ per Iudam Machabæum fratresque eius fiebant; vo-  
lentes sibi quoque gloriam nominis comparare, dixerunt,  
*Faciamus & ipsi nobis nomen, & eamus pugnare aduersus gen-* <sup>Præsumtæ</sup>  
*tes, quæ in circuitu nostro sunt.* Siue occasio tempusque op- <sup>gloriæ me-</sup>  
portunum inuitaret, siue non: solùm quia ita ipsorum ferebat <sup>rita puni-</sup>  
animus: quasiq; omnia nutui eorum statim obtemperatura <sup>tio.</sup>  
essent, quando scilicet eis placeret. Inuito itaque, vt dicitur,  
Marte, nihil captata vel exspectata bellicæ expeditionis op-  
portunitate, in arma proruentes, cæsi, fusi, fugatique sunt,  
vsque in fines Iudææ; & ceciderunt illo die de populo Israel ad  
duo millia viri, & facta est plaga magna in populo.

2 2

Iam



Stultum est  
dicere, Pu-  
tabam.

Iam verò rationem audiamus, spreteque Occasionis argumentum. *Non audierunt* (inquit sacra Historia) *Iudam & fratres eius*: scientes scilicet tempora & momenta opportunitati bellicæ optimè seruiencia, & saniore ob id semper consilio cuncta administrantes. At nunc fucum videamus, quem insipientes illi in speciem bonæ occasionis sibi suoque cœpto induxerunt. Ita sequitur: *Existimantes, se fortiter facturos*. Quis nesciat, non esse sapientum, (in bello præsertim) dicere, Putabam? Hoc tamen quàm plurimos fallit, dum spreta genuina occasione, & apto rei agendæ tempore neglecto, fingunt sibi aliam, ut putant, priori æquiualentem vel etiam meliorem opportunitatem? dumque euentu sperato frustrantur, quid aliud prætexant, quàm id quo sibi ipsi palpum obtruserunt? nimirum, existimabam, putabam, arbitrabar. Neque indignum notatu, omnem ferè errorem ex amputando illo putandi furculo semper pullulare.

At, quemadmodum non ex omni ligno fit Mercurius, neque ex quouis viro dux militiæ; ut neque cuiusvis est adire Corinthum, neque omnia possumus omnes; ita nec cuiusvis est temporis vel loci quidvis attentare. Idè rectè sequitur in sacra Scripturæ contextu: *Ipsi autem non erant de semine virorum illorum, per quos salus facta est in Israel. In die illa ceciderunt sacerdotes in bello, dum voluerunt fortiter facere: dum sine consilio exeunt in prælium.*

S. Maca-  
rius & Tri-  
bunus.

Quis non videat, accedentem, fauentem, arridentemque OCCASIONEM rei benè gerendæ statim esse complectendam, quam frustra sibi quis fingat reducem ad suum arbitrium? Id se satis intellexisse tribunus ille reipsa testatus est, qui occasione Macarij Alexandrini conuersus mundo valedixit. Cum enim Macarius hic cum altero Macario Nilum transmissurus nauim conscendisset, vterque pannis obsitus, habituque despicato; eademque naui duo quoque Tribuni veherentur, cum maxima pompa equorum, famulorum, aurearum vestium: alter ex his Dei famulos conspicatus sedentes in angulo; Beati vos, inquit, qui mundum illuditis. Cui Macarius: Nos quidem mundum, vos autem mundus illu-



illudit. Quo ille tam breui dicto (*occasione inuitante*) ita compunctus, & quasi illuminatus est, vt domum reuersus, statim omnibus quæ habebat distractis, monasticam vitam sequutus sit.

Simile est quod de leuiculæ cuiusdam meretriculæ conuersione apud Gregorium Nazianzenum legimus: qui sic habet in Iambico Carmine de Virtute:

Polemo nec ipse dignus est silentio:  
Sermone celebre est omnium namque hoc quoque.  
Erat impudicus moribus primùm admodum,  
Libidinumque seruus: at postquam est boni  
Amore captus (nescio an suo ipsius  
Suasu sit vsus, an Sophi cuiuspiam)  
Statim suarum sic faces libidinum  
Extinxit omnes, istud ex miraculis  
Vt eius vnum prosequi haud verbis grauer.  
Scortum vocarat quispiam iuuenis salax.  
Vt ergo meretrix atrium tetigit domus,  
Polemona pictum prominentem conspicans,  
(Ore venerando namque erat, perquam & graui)  
Superata solo rettulit visu pedem:  
Pictum perinde verita, luce vt præditum.

*Greg. Naz.,  
in Carmine  
quod inci-  
pit, Pleri-  
que nar-  
rant. &c.  
Polemonis  
conuersio.*

*Peccatricis  
conuersio.*

Hoc est veram boni occasionem, dum se offert, arripere.

Denique illud his annumerem, quod in Historia rerum Indicarum legimus; quomodo Amanguccij quidam conuersus sit, sola occasione sputi per vnum è patribus Societatis nostræ patienter accepti. Cum iste etenim in plateis scammo insistens populo illi barbaro Christi fidem annunciret, vanitatemque idololatriæ ostenderet, impius quidam ex adstantibus ceteris petulantior protractum ex imo pectore phlegma in faciem eius exspuit: quo facto sacerdos ille, P. Francisci Xauerij socius, nihilo plus motus, quàm vt modestè accepto sudario detergeret, pergeretque in cœpto sermone, ita quemdam alium ex primariis tali occasione permouit, vt ex sola illa animi constantia iudicaret præstantissimam esse philosophiam, quæ à talibus viris coleretur, quæque

*Pet. Mass.  
Hist. Indic.  
lib. 1. 4.  
Sputi oc-  
casione  
conuersio  
populi.*



tales efficeret; & statim Christianus factus est. Ipse occasionem arripuit; & eius occasione ciuitatis totius facta est conuersio.

Schemat. 9. Cap. 7.

*Perpes ob neglectam OCCASIONEM METANOEAE  
societas, & dolor irreparabilis.*

Metanoæ  
fructus.

**F**RUCTUS propositæ METANOEAE dolorisque illius qui neglectam Occasionem sequitur, est, vt qui id in aliis animaduenerit, ipse prudentior factus in se suisque rebus euitet, studeatque occasionem dum offeretur inuigilare, & non spe aliqua vana aliam sibi velle pro nutu occasionem fingere.

4. Reg. 13.

Sagittarū  
ictus boni  
ominis.

Specimen nec ingratum nec alienum à proposito in Ioas rege Israel animaduertamus. Cum is Eliseum Prophetam agrotantem inuississet, videretque Propheta illum tristitorem, quod Assyrij populum Dei premerent; iussit eum arcum sagittamque afferre, tenso arcui telum apponere, perque fenestram patentem iaculari, Prophetam simul manus suas manibus regis applicante. Emissa itaque iaculo, dixit Eliseus: *Sagitta salutis Domini, & sagitta salutis contra Syriam: percutiesque Syriam, donec consumas eam.* Iterumque ait Eliseus: *Tolle sagittas.* Qui cum tulisset, rursus dixit ei: *Percute iaculo terram. Et cum percussisset tribus vicibus, & stetisset; iratus est vir Dei contra eum, & ait: Si percussisses quinquies, aut sexies, siue septies; percussisses Syriam usque ad consumptionem: nunc autem tribus vicibus percuties eam.* Fecit haud dubie rex Ioas hac in re, iuxta mentem suam, sed non ex Prophetæ sententia, qui optasset, illum crebrius terram telo quatere. Optasset quidem Rex & ipse quoque postea, multoties posse ferire tellurem iaculo; sed tempus illaque Occasio iam præterierant: tunc siquidem factum id oportuisset, quando iuxta diuini instinctus directionem, id fieri Prophetæ peroptabat. Regem hanc Prophetæ mentem ignorasse, non



non est dubium, neque peccasse dicimus; nihilominus tamen specimen præteritæ occasionis ostendit error ille, alioqui in rege culpa vacans. Poterat tamen sic satis cogitare, ut ex prioris teli per fenestram iactu, ita eiusmodi quoque in terram eiaculatione, sibi victoriam præfagiri: & quemadmodum vnus iactus victoriam vnâ præsignabat, ita duos duas, & pro telorum numero victorias multiplicandas: atque ea propter, quemadmodum tertio sponte sua terram sagitta ferierat, nullo à Propheta præscripto numero, potuisset habita tam luculenta bonæ spei ac victoriæ OCCASIONE, æquæ septies & sapius, quàm ter tantum, terram percutere.

Sed hic, animi gratia, ex Petri Maffæi Historia Indica captatæ prius & tum neglectæ OCCASIONIS exemplum proferamus. Præfectus Goanus, quem Soarius Prætor in locum suum absens substituerat, dum mortem amici sui Ioannis Gometij ab Ancostane interfecti cupit vlcisci; septuaginta pedites Lusitanos & octoginta equites, & paulò plures Indos ad Ancostanem interficiendum & Pondam diripiendam delendamque mittit: qui cum à Pondanis interfecti essent, Idalcam non tam eo successu quàm violata ab Lusitanis pace letari, OBLATAQUE SIBI OCCASIONE, quam dudum expectauisset, Goæ bello recuperandæ: quippe tum prælio custodibus imminutis, tum etiam ineunte per eos dies hyeme, quæ in aliquot menses clausum externæ opî mare esset habitura. Ecce peropportune captatam rei bene gerendæ Occasionem, tot se argumentis & præfidiis offerentem, tametsi non ex voto successerit; Deo aliter disponente, in populi sui fidelis patrociniû. Barbarus tamen, ut constat, Occasionis momenta bene expendebat.

At nunc neglectæ & serò numquam satis deploratæ OCCASIONIS exemplum ex eodem auctore producamus; dolendum quidem toti Reipublicæ Christianæ, sed tamen quod nos contra plures eiusmodi errores erudiat, faciantque aliena piacula cautos. Prolixa narratio, sed tanti momenti, ut, ne quidem pro minima sui parte per me visa fuerit mutilanda, vel succingenda: rei raritas & pondus, tamque manifesta propositi

Petrus  
Maff. Hist.  
Ind. li. 7.

Occasionis  
momenta.

Occasio-  
nis negle-  
ctæ deplo-  
randum  
exemplum.



positi nostri elucidatio, breuitate non debuit obscurari. Dolendum durumque igitur Christiano nomini OCCASIONIS NEGLECTAE exemplum, in Historia Indica memoriae proditum, ipsius auctoris verbis, quam breuissime poterò, recensebo.

*Pet. Maff.  
Hist. Ind.  
lib. 7.*

Emmanuel Lusitaniae rex, de Sultani comparatione rursus ab Rhodiis certior factus, ad Praetorem Lupum Soarium de rebus iis MATVRE perscripserat, mandaueratque, ut contra eum apparatus summa ope instrueret sese, ac quanta maxima posset classe vltro ad Arabiam tenderet; neu Aegyptios cum Indis coniungi (nam id erat initio constitutum) vlla ratione pateretur. Soarius statim ad eam expeditionem omnes curas & cogitationes intenderat: adhibitaque diligentia, naues, quot antea numquam, septem & triginta cunctis rebus ornat. Cum iis profectus Goa, praeter Cambaiam Armuziamque, repente ad *Adenum* applicuit. Percussus inopinato aduentu & classis magnitudine Amirianus, qui magnam muri partem è recente Aegyptiorum oppugnatione stratum adhuc ruinis haberet; excidium metuens, TEMPORI PARVIT: & CLAVES VRBIS confestim ad Lusitanum suppliciter misit (interfero ego his, OCCASIO ei claves non Adeni tantum, sed Turcici quoque imperij obtulit) & cur sibi minus cum Albuquerque conuenisset, causatus praefractum & asperum ingenium viri: *sese ad urbem dedendam, accipiendum intro praesidium, & imperata facienda, paratum ostendit.*

Omnino praecleara erat OCCASIO tam OPPORTVNAE potiundae urbis; & maximo rei Lusitanae compendio, Saracenis & Aegyptiis Indicum mare IN OMNE TEMPVS intercludendi. (Iam neglectae OCCASIONIS TAM OPIMAE flendum videte spectaculum.) Verum Soarius, antiqui moris homo, qui nimirum alienam è sua aestimaret fide, ne quid copiarum in ea custodia relinquere cogeretur, atque ut quam integerrimas ad hostem afferret vires; prauo, quin potius nullo consilio, REM IN POSTERVM DISTVLIT: in praesentia, com meatu multiplici in classem exacto, ad Camaranum processit. (En quod toties inculco, Occasionem veram, praetextu imaginariae



tiæ alicuius ut videtur in speciem opportunioris prætermitti. At Amirianus & Adeni incolæ ingenti leuati metu, NULLA <sup>Accelera-  
tio.</sup> MORA INTERPOSITA, reficere muros, alimenta conuehere, custodias augere, nitiq̃ue certatim, ut tam eximiæ tamq̃ue INSUPERATAE Superum in sese indulgentiæ, pro sua quifque parte respondeant. (Ecce tibi studiosè captatam ab hostibus occasionem, ex occasione à nostris tam crassè neglecta. Quid accidit?) Cùm iam Prætor, re infecta, & classe satis lacera rediret: inter clades & ærumnas hybernis transactis, & aperiente se iam vere, ne nihil omnino egisse videretur; ex Arabico sinu ad Africum littus traiecit; ibiq̃ue Zeilam oppidum (quod Solimanno *Adenum* petenti enixè fauerat, omniaq̃ue necessaria benignè suppeditarat) nullis vallatum mœnibus aut propugnaculis, oppugnauit & expugnauit, adeoque iniectis ignibus vastauit, ut ne alimenta quidem, quibus vel maximè egebant, Lusitani perceperint: nimirum *Adenica* freti copia, quò Prætor *tamquam ad certam possessionem* tota spe & cupiditate ferebatur.

Sed cum IMPROVIDA longè fefellit OPINIO. Si quidem ab Zeilana clade transfuectus *Adenum*, cùm ab Amiriano fidem promissi repeteret: (En pro Occasione METANOEA adest) *magno suo dolore denique sensit, quàm fugacia sint Occasionum momenta: & quàm irreuocabilis rerum benè gerendarum præteruolet opportunitas.* Amirianus quippe, dum rubro mari Lusitani VAGANTVR, non modò nouis operibus militibusq̃ue firmarat urbem; sed etiam per EXPLORATORES, de naufragiis interituq̃ue nostrorum, ac turpi ab Gippa recessu, didicerat. Itaque rediens quassata classe, & imminutis copiis Prætor, adeò non mouit oppidanos, ut iis etiam LVDIBRIO ET CONTEMPTUI fuerit. In summa rerum inopia, portù exclusus, plenus DAMNI ac MOERORIS, Indiam irrita expeditione repetiit.

Adeno habito, poterat nullo negotio intercipi quoque Mecha, Bustum Mahometis in nostram potestatem redigi, <sup>Occasio-  
nis negle-  
ctæ iactu-  
ra incom-  
parabilis.</sup> atque iniici Turcis magnum frænum. Atque his omnibus strauerat ipse nobis Sultanus viam, qui paulò antè ita Ade-  
b num



num quassauerat, vt ruinarum recentium occasione nobis omnia fuerint sponte oblata, si arripuissemus. Ex quibus constat, quid sit quantique referat OCCASIONE vti posse, & e contra, eandem negligere.

Hoc est quod in Schemate praesenti vana sua spe frustrati deplorant:

— *Heu! velox Occasio praeterit, ora*

C

*Detorquens aliò:*

quando scilicet post elapsam opportunitatem, nescio quam aliam sibi pro nutu fingunt; frustratiq[ue] sibi ipsis indignantur. Sed quia tempus eam praeteruexit, ideò pro vera occasione, pallium tantum ac velamen accipiunt, cuius ope nihil queant efficere: diciturq[ue] propterea vulgò illa euasio, *excusatio calua*. Ita digni sunt à seipsis falli, qui sibi plus æquosapiunt. Vnde Sapiens: *Via stulti recta in oculis eius: qui autem sapiens est, audit consilia*. Audit, & obaudit, sequiturq[ue] consulta. Alioqui, vt idem ait; *Vacua est spes illorum, & labores sine fructu*: vt in hisce imprudentibus est animaduertere: quibus æquè congruit quod ibidem sequitur: *& inutilia opera eorum*. Quia dum elapsam seriùs occasionem confectantur, oleum & operam perdunt: & iuxta illud Maronis;

Æneid. II.

— *Nihil omnibus actum*

*Tantorum impensis operum: nil dona nec aurum,  
Nec magna valucres preces.*

### Schemat. 9. Cap. 8.

*Quae praesentia contemnimus, dolemus amissa:  
sed volat irrevocabile TEMPVS.*

Præsentia  
contemta,  
dolentur  
amissa.

Aues cap-  
tare vo-  
lantes.

**P**RIUSquam huius Schematis explicationi finem imponimus, Emblema illud tribus verbis enucleandum est, quod ille inter alios prætendit, cui litera E adscripta est. CAPSULAM is manu tenet, cui auicula inclusa fuerat; sed quando curiosius imprudentiusq[ue] eam aperit, euolat, frustratumq[ue]



tumque spe sua eludit. Dicit ipse verbis, quod tali significatur euentu: — *Volat irrenuocabile tempus.*

Et quemadmodum ille nequidquam mentis oculorumque acie manuque auolantem prosequitur, ut receperet; ita tempus elapsum, elapsamque OCCASIONEM frustra summis etiam votis reuocemus. Sicuti namque fieri non potest, ut tempus præteritum non sit præteritum; ita fieri nequit, ut prætermissa Occasio reuertatur. Si postmodum alia, vel etiam melior offeratur, fieri id quidem potest, sed eadem esse non potest. Tuncque apprehendenda erit, cum se offeret; sicut prior illa iam elapsa erat apprehendenda. Interim, ut incertum, an alia umquam dabitur; ita certum planè, præteritam numquam reuersuram. Si id speret aliquis, desipit, stultumque eius iudicium & conatum deridet ille diabolus, qui in imagine auolantem auiculam, quasi per iocum & ludibrium captare se velle simulat. Ridet & alter tam seram & vanam præteritorum implorationem, dicendo: *Pòst est occasio calua:* quæ & illius vox est, qui littera D insignitus, eam per capillitium à tergo conatur arripere.

Adagium illud omnibus vsitatum hisce conuenit; *Serò sapiunt Phryges:* quod in eos dici consuevit, quos stultè factorum serò pœnitet, sapientiæque uti consilio velle videntur, postquam præteruolauit occasio. Ita nostrate idiomate vulgatum est, *Merso vitulo opplere foueam:* &

— *Amisso claudere septa boue.*

Hoc est, tum velle mederi malo, cum facta iactura est; atque euitare periculum, postquam incidimus: vel, Mortuo pharmacum.

Similis, & in Atheniensibus quidem, seræ cuiusdam refiscentiæ species notata fuit. Cum siquidem Socrates Philosophiæ pater, ac sapientiæ fons admirabilis, publicè à iudicibus accusatus & veneno è medio sublatus iam esset, tum demum supplicij (nimis tamen sera) pœnitentia secuta est. Verùm ut interim Athenienses viderentur eius morte moueri, supplicium ab accusatoribus sumtum, & statua Socrati publicè decreta est.

*Serò sapiunt Phryges.*

*Sabellie. li. 1. cap. 5. Socrati post supplicium decreta statua.*

b 2

Si



Dolium  
felicitatis.

Si hîc ad calcem tractatus huius, occasione elapsæ auicularæ, adiici placet, quod de dolio bonis donis pleno cuidam à Ioue donato referunt fabulæ, documentum hinc desumemus non fabulosum, eius quod toto hoc ferè Schemate fuit exhibitum. Is namque tam opimo ditatus munere, quod omnem felicitatem humanam, & quidquid homini optabile videri posset, complecteretur; præ lætitia in imprudentiam lapsus est. Cumque singula dona suo tantum tempore, dataque occasione depromere, eisque ad rem uti debuisset; vice quadam, nulla postulante necessitate vel OCCASIONE, sed sola quadam curiositate, impotentique mentis ardore pellente, fatis importunè dolium ipsum patefecit: statimque uniuersa illa data, ut cælitus data fuerant, ita sursum in cælum auolarunt. Porro ille tanto suo malo doctus, seroque sapiens, oclufit repentè dolium, elapsisque iam aliis, SPES SOLA inter caput & labrum & operculum hæsit.

Spes in  
labro.

Dolendum  
mortis  
momentum.

Ita igitur spes refarciendi damni OCCASIONIS amisse, per aliam si quando offertur, necumque miseros seroque sapientes consolatur. Hoc solatij saltem, quamdiu in viuis sunt, ipse est reliquum; quod præteritam amentiam & negligentiam iusta METANOEIA possint quantum valent eluere. Sed, quos in neglecta salutis OCCASIONE diem extremum contigerit claudere, nulla eis nec res nec spes reliqua est, quæ ad tantæ iacturæ reparationem sufficiat. Sed Metancea illos tantum talis manet, quæ in æternum magis magisque excruciet: qualis in diuite epulone, in Iuda proditore, in quinque fatuis virginibus, similibusque deploratæ salutis hominibus esse dignoscitur.

O R A-



## O R A T I O I X.

Vt contentis terrenis, amemus caelestia.

**D**omine Iesu Christe, aeterna Patris sapientia, qui ineffabilibus mundum renouas Sacramentis; postquam à te recessimus, in terra descripti sumus, ut vix vquam benè caelestia sapiamus; mens hebetata, repleti vanitatibus oculi, aures sordibus aggrauatae, & mutile ad bonum factae sunt manus: Inclinare, pie Iesu, per misericordiam, & scribe in terra hac digito tuo, immò in eam exspue, ac lutum cum sputo diuinæ sapientiae ex ea conficito: neque solùm oculos, sed totos nos tua gratia perunge, ut nihil salutaris remedij omittentes, cum prudentibus virginibus, seruisque fidelibus, in regnum tuum caeleste intromittamur. Qui viuus, &c. Amen.







- A. Non, vt vos fertis, post est Occasio calua:  
Ecce, capillatam obtendo, gaudete, tenete.  
B. Ad baratrum, ad baratrum, sic sic raptentur inertes.  
C. O stultum puerile genus! D. Proh vana Iuuentæ  
Consilia! E. O sero semper meliora sequentes!  
F. Eheu me miserum, cui ver geniale iuuentæ  
Frugis inops abiit, Metanoëaque sola remansit!  
G. Parce Deus: tam vesani nos poenitet orsi.  
Oes. Quam dolet, insano sic indulsisse furori!  
A. Iam sero sapitis: non est spes vlla salutis.



## Schematis 10. explicatio;

*Quo ostenditur, quanti damni periculiq; sit  
OCCASIONEM neglexisse.*

## Schemat. 10. Cap. 1.

*Diabolus transformat se in angelum lucis, in Occasione  
fucata subministranda.*

**Q**VANTI referat, OCCASIONEM tempusque Neglecti  
opportunitatem non observasse, ex periculo illo opportuni  
cognosci potest, in quod se Thomas coniecerat, temporis  
quando Apostolis Christi visione in fide resur- incommoda.  
rectionis roboratis, ipse quia absens fuerat, tam Thomas  
pertinax in sua incredulitate permansit, ut diceret, *Nisi vide- Didymus.  
ro in manibus eius fixuram clavorum, & mittam digitum meum Ioan. 20.  
in locum clavorum, & mittam manum meam in latus eius, non  
credam. Et tamen, qui non crediderit condemnabitur. Immen- Mar. 16.  
sa fuit diuinæ benignitatis, quod post octiduanum eiusmodi  
infidelitatis anfractum, singulari modo ex hoc barathro ere-  
ptus fuerit; Domino iterum se visibilem exhibente, & expeti-  
ta palpatione permissa, cordis ipsius vulnera sanante. Alioqui  
Occasionis non captata neglectus, eum in hoc æternæ dam-  
nationis discrimen adduxerat.*

Occurrit aliud exemplum, quo Thomas quidam, alte- Thomas  
rius quoque Thomæ occasione, ad mentem fuit à S. Bernar- alius.  
do reuocatus. Commemorat istud iam nominatus sanctus in Bernard.  
epistola quadam ad Thomam Audomarensem, qui ob lite- epist. 108.  
rarum studia Religionis ingressum differebat; ad quem deter-  
rendum, alterius in simili causa supplicium proponit: Heu,  
heu!



Thomas  
item alius.

heu ! inquit : Videris mihi vno spiritu ambulare, sicut & vno censeris nomine, cum altero illo Thoma, olim scilicet Præposito de Beuerle : qui, cum se similiter nostro ordini & nostræ domui toto desiderio deuouisset, cœpit induciari, & ita paulatim refrigerescere, donec subita & horrenda morte præreptus, factus est de medio sæcularis & præuaricator, & duplò filius gehennæ; quod ab eo, si fieri potest, auertat misericors & miserator Dominus. Ita Bernardus. Et rectè; quia Deus non irridetur, neque ad tantæ dignitatis fastigium vocatio impunè contemnitur.

Ad Schematis huius intelligendam cum fructu spirituali figuram, meminisse oportet, adolescentulos istos, præcedenti Schemate, conatos quidem fuisse elapsam OCCASIONEM per capillitium apprehendere, prout illis tunc quidem, sed seriùs in mentem venit; verùm spe sua fuisse frustratos: atque ideò suasor incentorq̃ue malorum diabolus, occasione veræ A OCCASIONIS deperditæ, fucatam eis fallacemq̃ue subtrudit occasionis imaginem; taliq̃ue inescatos illecebra, alter diabolus catena circumdatos, ad inferni fauces, quasi verriculo conclusos, magnis, vt capta præda, clamoribus, trahit.

Tria præsertim hoc spectaculo significari consideremus.  
1. Primùm, satanam se transformare in angelum lucis, qui quasi occasionem opportunam suppeditare conetur optantibus, atque optima quæque promouere desideret; faniora, vt fingit, ad hoc dando consilia.

2. Deinde, homines socordes, parùm illustratos excitatosq̃ue, parumq̃ue sibi præsentis, facillè quiduis, etiam à maligno subministratum, arripere, dummodo speciem aliquam referat veritatis aut commodi.

3. Postremò, prodere se tandem diaboli vafriiciem, quando in apertum, per tales præstigias, inducit exitium, vel in extremum saltem periculum coniicit. Vt verè clamat procax ille nequam spiritus, incautos catena damnationis circumueniēs,

*Ad barathrum, ad barathrum, sic sic raptentur inertes.*

Venatores  
capti præ-  
dâ.

Ita solent ferè præ lætitiâ voces attollere victores præda victoria, captaq̃ue præda venatores; & quicumque quod magna



gna industria, ingenti labore, longoque tempore fuerant prosequuti, tandem aliquando consequuntur. Hanc ita exultationem hostium super se Propheta Regius deprecatur: *Deus Psal. 24. meus non erubescam: neque irrideant me inimici mei. Non su- Psal. 34. pergaudeant mihi, qui aduersantur mihi iniquè. Et dum com- 37. mouentur pedes mei, super me magna locuti sunt.* Et Ieremias, in populo ab insultantibus hostibus propter peccata in captiuitatem abducto, peccatoris cuiusque calamitatem atque aduersarij nostri designans proteruiam, ita lamentatur: *Vena- Thren. 3. tione ceperunt me, quasi auem inimici mei: aperuerunt super me os suum.* Vociferatione percellentes, & horribili faucium hiatu extrema comminantes.

Primò itaque in Schematis huius imagine animaduertere I est, Diabolum se pallio OCCASIONIS obtectum repræsentare, quò bonam optatamque occasionem illi esse credant, qui se talem neglexisse lacrymabantur. Sic diaboli ministros attendens Apostolus, sub prædicationis velamine ventris studio seruientes, ait: *Ipse enim satanas transfiguratur se in angelum lucis.* Quid ergo mirum, si ministri eius transformantur, velut ministri iustitiæ? Id dicti huius Apostolici occasione, in fraudulentis diaboli aggressibus obseruamus.

Leuiathan, inquit D. Gregorius, bonis latenter insidians, sub specie sanctitatis illudit. Istis siquidem, velut extraneis, cuiusdam quasi honestatis prætextu, se palliat: ut mala, quæ eis publicè non valet, tecta bonæ actionis velamine subintromittat. Quia ergo Leuiathan iste (diabolus) in eo, quòd iniquitatis opus molitur, specie sepe sanctitatis induitur, & quia nisi per diuinam gratiam simulationis eius detegi indumenta non possunt, bene dicitur: *Quis reuelabit faciem indumenti eius?* Nisi ego (Deus scilicet) qui seruorum meorum mentibus gratiam subtilissimè discretionis inspiro, ut reuelata malitia, faciem eius nudam videant, quam coopertam ille sub habitu sanctitatis occultat. Et quia aliquando fidelium mentes corrumpere ostensione sua, aliquando suggestionem, conatur (agit enim modò opere, modò persuasionem) rectè subiungitur: *Et in medium oris eius quis intrabit?* subaudis, Nisi ego, qui per

Diabolus se transfiguratur in angelum lucis.

2. Cor. 11.

Gregor. in 41. ca. Iob. Moral. lib. 33. cap. 22.

Facies diaboli velata.

Oris diaboli medium.

c

discretas



discretas electorum mentes, suggestionum eius verba discutio, & non ita hæc esse, vt sonuerunt, manifesto. Bonum namque videntur promittere, sed ad perditum finem trahunt. In medium igitur oris eius intrare, est calliditatis eius verba penetrare, vt nequaquam pensetur, quid resonent, sed quò intendant. Ita docet Diuus Gregorius. cuius verba sum ita prosecutus, quia tam erant proposito nostro accommoda, atque si propria.

Quinimò, quia tam opportunè & appositè rem quam intendimus, eximius hic Ecclesiæ doctor & Pontifex enucleat, non possum non alia adhuc eius verba aliunde producta inferere, quibus discamus, quàm callidè diabolus virtutum specie in vitiis supponendis abutatur; &, quod propius ad scopum nostrum accedit, quàm bellè occasionis bonæ neglectum, fictæ fraudulentæque occasionis amictu conetur adumbrare.

Iob 40.  
Gregor.  
Moral.  
lib. 32.  
cap. 17.  
Cartilago  
diaboli  
simulatio.

Sic istam technam cartilaginis Behemoth explicatione declarat. *Cartilago eius quasi lamina ferrea*. Quid enim (inquit) per cartilaginem nisi simulatio eius accipitur? Cartilago namque ossis ostendit speciem, sed ossis non habet firmitatem. Et sunt nonnulla vitia, quæ ostendunt in se rectitudinis speciem, sed ex prauitatis prodeunt infirmitate. Hostis enim nostri malitia, tanta se arte palliat, vt plerumque ante deceptæ mentis oculos, culpas virtutes fingat: vt inde quisque quasi expectet præmia, vnde dignus est æterna inuenire tormenta. Sic itaque D. Gregorius: qui postquam per varia vitia virtutis speciem æmulantia hoc ipsum edocuit, subiicit tandem & istud, nostro huic instituto præ ceteris opportunitum. Sæpè, inquit, accelerandi boni *tarditas*, *consilium* putatur: & cum expectatur, vt ex retractatione proficiat, hoc *insidians mora* supplantat. At satis, ex magni istius stratiagem sententiis, quibus mille artificis diaboli fallacias dilucidè detegit, & conuellit neruosè.

Vitia virtutum faciem induunt.

Putat quoque Epiphanius, Nathan Prophetam tali dæmonis artificio, quale iam iam descripsit hic doctor, (præteritu scilicet officij charitatis in mortuo sepeliendo) retardatum.



tum fuisse, quò seriùs ad Dauidem à peccato adulterij, quod præ foribus erat, reuocandum, accederet.

Transfigurationem eiusmodi, qua satan vt angelus incautos fallit, Iosue timuisse visus est; quando virum in agro Ierichuntino ex aduerso stantem videns, cuius esset partis inquisiuit, dicens; *Noster es, an aduersariorum?* Vt videlicet, si aduersæ virtutis foret, eo ipso quo se sic compellatus suspectum agnosceret, ab illusione resili-<sup>Ios. 5.</sup> ret. Vt enim latere quàm maximè suas insidias & occulta consilia proditores impostoresque desiderant; ita nihil sic metuunt ac detegi & deprehendi: *Quomodo confunditur fur quando deprehenditur*, inquit <sup>Ierem. 2.</sup> Propheta Ieremias. Nihil propterea consultius in secretis tentationibus fieri potest, quàm vt latentes inimici præstigiæ ac tentamenta prodantur, & prudenti confessario vel etiam superiori detegantur: detexisse enim machinamenta diaboli (vt hostis ciuitati insidiantis) euertisse est & superasse. Sic enim Paulus Apostolus quadraginta Iudæorum insidias, qui deuouerant se nihil gustaturos donec eum interfecissent, euasit; molitionem hanc latentem, per filium sororis suæ adolescentem Tribuno militum detegendo: vt in Actis Apostolorum memoriæ est prodictum.

Insidias  
diaboli de-  
texisse, su-  
perasse est.  
Act. 23.

### Schemat. 10. Cap. 2.

*Impostura diaboli post veræ OCCASIONIS  
contemptum, supponentis vmbraticam.*

**N**ON absimile est huic nostræ intentioni, quod alio ad-<sup>Gregor. Moral. li. 2. ca. 19.</sup> huc loco D. Gregorius de amicis Iob agens differit. Quædam, inquit, se nobis vitia sub specie virtutum tegunt, & quasi blanda ad nos facie veniunt. Vnde & amici beati Iob, quasi pro consolatione conueniunt, sed in contumelias erumpunt: quia insidiantia vitia, virtutum faciem sumunt; sed hostili inuectione nos feriunt. Ita sanctus hic do-<sup>Iob 2.</sup>

c 2

tor.



Juliana  
virgo.

ctor. Quid aptius dici possit, isti que Schemati convenientius?

Sic Juliana virgo coronam martyrij in carcere exspectans, Satanæ fraudem se in lucis angelum transfigurantis, Deo iuvante detexit, excepitque verberibus insidiatorem. Ita sanctus Martinus Turonensis Episcopus veteratorem, se Christum simulantem, purpura vestitum, agnovit, & merita increpatione correptum fugavit.

Thomas  
Cantiprat.  
lib. 2. cap.  
57. §. 34.

Ita refert Thomas Cantipratanus Albertum magnum sibi narrasse, dæmonem Parisiis aliquando in forma fratris cuiusdam sui Ordinis (Prædicatorum videlicet) sibi apparuisse; qui illum prætextu charitatis & discretionis, à studiis auocaret; sed mox, perceptâ fallaciâ, signo crucis fuisse efugatum.

Matth. 4.  
Tentator.

Sed quo exemplo manifestius hostilem hunc astum detegamus, quàm dum sub specie (ut putatur) religiosi sanctique viri, bonique consultoris, Christi incolumitatem & existimationem, ut filio Dei debitam, sartam testam cupere, videri volebat; & interim ad gulam inanemque gloriam tectè sollicitabat?

Fucus &  
impostura  
diaboli.

Fuco tali decepti fuere Iudæi, quando solida veræ fidei occasione neglecta, quam ex cæci nati illuminatione, & ægroti ad piscinam, aridam item manum habentis, hydropici, aliorumque quamplurimorum sanatione certò debebant apprehendere; prætextum melioris occasionis, faciendi quod sui esset officij, à diabolo obtrusum arripiebant, zelum scilicet sabbati inuiolatè custodiendi. Hinc, tamquam si nihilipfis, per tot tantasque antea commissas negligentias, detrimenti accessisset, & quasi salva ipsis essent integraque adhuc omnia, solo arrepto illo virtutis velamine, qua se Deo sacrificium exhibere sibi persuadebant, quod pro illibata sabbati custodia adeò generosè decertarent, etiamsi quidvis sub illo prætextu contemnerent; neque eius parabolas satis palpabiles, neque correptionum inflictarum stimulos, neque stupenda eius facta curarent. Diaboli dolus erat & impostura, speciosum occasionis bonæ & virtutis amictum obtendentis; & interim in apertum exitium pertrahentis insensatos.

Neque



Neque tamen eos hanc celabat amentiam Dominus noster, quando vlcus eis tangens, vt velicti faperent, vel victi confunderentur, sic eos compellabat: *Interrogo vos, si licet* Luc. 6. *sabbatis benè facere, an malè? Animam saluam facere, an perdere?*

Similiter, cum iam omnem salutis viam sibi præclusisse viderentur, & inuidiâ, gentili quoque Præsidi perspectissimâ, ipsam salutem, vt ita dixerim, in Salvatore ad necem persequerentur; tam opimæ spei occasioisq; vberimæ manifestum contemptum, palliato religionis obtentu contexerunt, nolentes introire in prætorium, *vt non contaminarentur; sed* Ioan. 18. *vt manducarent pascha:* & interim veloces erant pedes eorum ad effundendum sanguinem, iustum, innocentem, impollutum, quem innocentissimi Iesu vt agni immaculati ardentissime sitiebant: magnisq; ita passibus in damnationis abyssum properabant.

Ita monachus ille, qui propriæ libertatis, commoditatis, vtilitatisq; amantior, paternam sancti Hilarionis molestius ferens obseruantiam, quinto ferè milliario segregatus S. Hieron. in vita S. Hilarionis. ab illo, degebat, sibi viuens & imperans; postquam tam amœnam vitæ monasticæ & verè in terris angelicæ occasionem instinctu dæmonis abieciisset, simulatam captauit infelix benè de sancto merendi salutemq; curandi opportunitatem. Frequenter veniebat ad fratres gratiæ apud sanctum ineundæ studio, fascemq; ciceris aliquando è suo hortulo collectum attulit, vt vitium virtutis obtentu palliaret: at, tantum foetorem fructus ille proprii studij & amoris per mensam diffudit, vt vir sanctus Hilarion Hesichio diceret: Non sentis putorem teterrimum, & in cicere foetere auaritiâ? Mitte bubus, mitte brutis animalibus, & vide an comedant. Boues ad huius aspectum exterriti mugienteq; ruptis vinculis in diuersa fugerunt.

Hæc ita de primo illo puncto dicta sint, è tribus primo huius Schematis Capite memoratis: quod nimirum diabolus se transfigurat in angelum lucis; postquam credulos accommoda boni operis salutisq; occasione priuauit, simu-



latam occasionem obtrudendo : cuius decepti illectique specie, in perniciem animæ adducantur. Nunc ad alterum punctum accingamur, in hac fraude notatu dignissimum.

Schemat. 10. Cap. 3.

*Homines sibi parùm præsentēs, fictam faciliè pro vera occasione arripiunt.*

2  
Vmbra  
pro re ca-  
ptantium  
vanitas.

**A**lterum erat in Schemate præsentī notandum, homines socordes sibi quæ parùm præsentēs, faciliè in hunc errorem induci, ut veri similitudine falsum fictitium quæ amplexentur. Tam enim supina est ad bonum, corrupta nostræ mortalitatis natura; tam est prona vicissim ad omne id quod honoris, commodi, veri, salutis quæ aliquam præ se fert speciem; ut istiusmodi escæ velut avidissimi pisces inhiemus, nihil de latenti hamo solliciti.

Mundus  
vult falli.

Vnde fit, ut falsis olim ferè Prophetis facilius aures præbuerint quàm veris : ita pseudoapostolis citius quàm ipsis Apostolis : & nunc mendacibus hominibus, nescio quid inanis spei, prosperitatis, & boni fucati prætendentibus, inhæreant studiosius, quàm iis qui veram, solidam, probatam quæ salutis rationem, recte quæ agendi viam demonstrant; ut verè dici possit illud quibusdam vtitatum, *Mundus vult falli.*

Stultorum  
conditio  
ridicula.

Fatuorum amentium quæ; hic mos est, ut interdum qui compedibus manicis quæ ferreis constringi nequeunt, stramineo ligamine compescantur. Sic videas in stulta quandoque plebecula illam grassari phantasiā, omni regula, quouis iure & lege quacumque tenaciorem, ut certissima medicorum placita & consulta repudient; vetulæ contrā cuiusquam obsoletæ præscripta præferant Hippocrati, Galeno, vel ipsi quoque Æsculapio.

Quid mirum igitur, si versipelli diabolo, tametsi præpostera consulenti, aures præbeant, mentem quæ aduertant, modo illa propensione naturæ, commodo temporali, & rei expetitæ



petitæ sint utcumque affinia : & præsertim, ut dicimus, quando in angelum lucis se transformando, ita procedit, atque si salutaria, cælestia, & diuina sint, quæ profert in medium.

Exemplo sit nobis Simon ille Magus, eiusque vesana deliratio. Factus enim fidelis adhæsit Philippo, baptismo ab eo recepto. Tam opportunam verò certæ salutis occasionem contemnens, eamque infami modo suis foribus exturbans, fictitiam à cacodæmone obtensam arripuit, qua ad æternæ damnationis interitum est pertractus. Occasionem à Deo donatam audiuius, quæ illum fecit participem sortis sanctorum in lumine, & regni cælestis heredem, coheredem autem Christi. Nunc subornatam à satana videamus, quam miser excæcatus arripuit, seque iuit perditum. Sic legimus in Actis Apostolorum : *Quum vidisset autem Simon, quia per impositionem manus Apostolorum daretur Spiritus sanctus, obtulit eis pecuniam, dicens : Date & mihi hanc potestatem, ut cuiuscumque imposuero manus, accipiat Spiritum sanctum.* Miser, quid agis ? Factus es Christi membrum, cuius sanctorum, & domesticus Dei : *Tene quod habes, ut nemo accipiat coronam tuam.* Interim sorte tua contentus esto ; nam & fors tua cecidit tibi in præclaris ; inter sanctos fors tua est. At nemo in Ecclesia Dei assumit sibi honorem, sed qui vocatur à Deo, tamquam Aaron. Occasionem nactus es optimam & opimam valdè, quæ inter angelorum choros te quandoque constituat, asseratque contubernio cælestis Ierusalem. Spartam quam nactus es, vide ne ullis deceptus illecebris paruipendas ; sed magis adornare contende. Ah infelix ! non cauisti tibi à laqueis iniquis diaboli, sed sponte illos induisti : atque prætextu nescio cuius figmenti, meliorem te reperisse viam arbitratus es.

Hanc porrò imposturam à D. Petro proditam & repressam audiamus. *Petrus autem dixit ad eum : Pecunia tua tecum sit in perditionem ; quoniam donum Dei existimasti pecunia possideri : non est tibi pars neque sors in sermone isto. Cor enim tuum non est rectum coram Deo. In felle enim amaritudinis, & obligatione iniquitatis video te esse.*

Ecce,



Ecce, quàm friuolè ac temerè veram salutis Occasionem viamque deseruerat, tam fortiter ac sedulò se imaginariæ huic occasione, rem suam (vt illusus à dæmone putabat) prudentius agendi, implicuerat, & obligarat. Vnde semper in deterius proficiens, tandem magicis suis artibus, quas iam fuerat aspernatus, resumptis, in sublime sublatus, precibus beati Apostoli detractus, tam fœdam fecit ruinam, quàm fuerat elatio illa fastuosa. Species decepit eum: & fucatam quam sibi præfinxerat plus adamauit, quàm sinceram, veræ beatitudinis occasionem.

*Marulus.*  
De mona-  
cho Meso-  
potameno.

Diabolus  
instar pi-  
scatorum  
ineſcit.

Sed aliud adhuc exemplum adiciamus, eiusdem fallaciæ technas ob oculos statuens. Id referam, quemadmodum illud describit ex Cassiano M. Marulus. Narrat Cassianus, Monachum quemdam Mesopotamenum, qui annos multos clausus vixerat, continentiae ceterarumque virtutum fama supra omnes insignis, eodem fraudis genere (hoc est sub angeli forma) à diabolo deceptum; ita vt ad Iudaismum declinarit, & circumcisionem acceperit. Etenim, multis illius non falsis reuelationibus, & coram se coruscantis luce delinitus, firmissimè credidit, ipsum esse cæli non tenebrarum spiritum. Vbi hoc persuasum est, illo tandem monstrante, videre sibi videbatur Apostolos, martyresque, & omnem prorsus Christianum cœtum, tristes, abiectosque, in locis miseriæ atque perditionis esse: econtrariò Iudaicum populum, cum Patriarchis & Prophetis, ingenti lumine fulgere, & altè fidereis in sedibus latos ac gestientes versari. His itaque diabolicæ malignitatis præstigiis illectus, corruit in errorem, nihil ab eo falsum ostendi posse ratus, à quo toties ea, quæ vera esset, didicisset. Ignarus, hanc esse piscatorum malitiam, vt hamum escis tegant, non pascendi sed prehendi causa. At, quid aliud diaboli blandimenta nisi odiorum insidiæ sunt? Hactenus ex Cassiano Marulus. Occasionem miser solidæ sanctimonix æternæque salutis abiiciens, abominandam melioris Occasionis prætextu corripuit ansam arrogantix, proprii iudicij, diabolicæ superbix, quæ eum pertraxit, quò primum olim sui inuentorem.

Ad



Ad tertium punctum, è tribus primo Capite Schematis huius propositis, procederem, nisi vitatæ huius imposturæ exemplum priùs iudicarem adnectendum, quod apud eundem auctorem habemus. Postquam pluribus ostendit, diabolum se transfigurare in angelum lucis, ita subiungit: Quod <sup>Marulus.</sup> quidem benè intelligens Elphegus Cantuariensis Archiepi- <sup>De Elphe-</sup>scopus, (homines scilicet facile irretiri, nisi valdè attende- <sup>go.</sup> rint) cum ab infidelibus in carcere teneretur, & à diabolo in angelum transformato eductus, multum iam itineris vnà cum illo emensus esset, ambigere cœpit, reprobine an boni angeli operâ martyrium fugeret: dumque id sibi ostendi, Deum orasset, diabolus euauit: ille ad carcerem reuersus, coronam recepit martyrij. Occasionis iustæ contemptum, per fraudulentam supposititiæ obtrusionem, (quod nostri propositi est) non suppressit auctor, dum sic addit: Inuidia inimici seruare homini vitam hanc voluit, vt æternam differret. Sed ipse bonum, à quo auertebatur, considerans, iustam dubitandi causam habuit, & dolos euasit.

## Schemat. 10. Cap. 4.

*Diaboli machinatio, quantumuis tecta, sub finem  
se prodere solet funesto exitu.*

Tertio loco in hoc Schemate notandum dicebamus, pro- <sup>3</sup> dere se tandem diaboli vafriem, quando in apertum <sup>Diaboli</sup> erumpit intentata nequitia, & se deceptus inferni faucibus <sup>fraus tan-</sup> appropinquare desiderat. Eapropter, quantâ valet industriâ, <sup>dem se</sup> finem hunc pessimum tegit, sicut omnes dolosi, insidiato- <sup>prodit.</sup> res, falsarij, impostores, lycophantæ, malum quod moluntur obuoluunt, vt, si fieri potest, nihil minùs metuatur, quàm quod ipsi verè ac primariè intendunt; sed potiùs contrarium credatur, speretur, & certò expectetur.

Huius figuram admodum luculentam apud Machabæos  
d habe-



1. Mach. 7.  
Fraudis  
detectio  
neglecta.

habemus in impio Alcimo, qui constitutus sacerdos, venit cum exercitu magno in terram Iuda, & miserunt nuncios, & locuti sunt ad Iudam, & ad fratres eius, verbis pacificis in dolo. Cumque non intenderent prudentiores ad sermones eorum, eò quòd cum tanto exercitu venerant, fraudem subodorati; alij minùs circumspecti, verborum tantum blandimenta aestimantes, dixerunt: *Homo sacerdos de semine Aaron venit, non decipiet nos. Et locutus est cum eis verba pacifica, & iuravit illis, dicens, Non inferemus vobis malum, neque amicis vestris. Et crediderunt ei.* Verum, ut se simulata illa nequitia tandem prodatur, audiamus. *Comprehendit ex eis sexaginta viros, & occidit eos in una die. Et incubuit timor & tremor in omnem populum: quia dixerunt; Non est veritas & iudicium in eis: transgressi sunt enim constitutum & iurandum, quod iurauerunt.* Quomodo posset impostura diaboli, blandientis primùm atque omnimodam amicitiam simulantis; & tum postea hostili crudelitate grassantis, manifestius exprimi?

1. Machab.  
12.

Alio tamen exemplo, non minùs efficaci, latentes diaboli insidias sub specie amicitiae detegamus. Sic in eodem Machabæorum volumine legimus: *Cum cogitasset Tryphon regnare Asia, & assumere diadema, & extendere manum in Antiochum regem; timens ne forte non permetteret eum Ionathas, sed pugnaret aduersus eum, quarebat comprehendere eum & occidere. Et exsurgens abiit in Bethsan. Et exiit Ionathas obuiam illi, cum quadraginta millibus virorum electorum in prælium, & venit Bethsan. Et vidit Tryphon, quia venit Ionathas cum exercitu multo, ut extenderet in eum manus. Et timuit, & excepit eum cum honore; & commendauit eum omnibus amicis suis, & dedit ei munera: & praecepit exercitibus suis, ut obedirent ei sicut sibi. Et dixit Ionathas; Ut quid vexasti vniuersum populum, cum bellum nobis non sit? Et nunc remitte eos in domos suas: elige autem tibi viros paucos, qui tecum sint, & veni mecum Ptolemaidam, & tradam eam tibi, & reliqua praesidia, & exercitum, & vniuersos Praepositos negotij, & conuersus abibo; propterea enim veni. Et credidit*



*didit ei, & fecit sicut dixit, & dimisit exercitum, & abierunt in terram Iuda: retinuit autem secum tria millia virorum; ex quibus remisit in Galileam duo millia, mille autem venerant cum eo. Ut autem intrauit Ptolemaidam Ionathas, clausuravit portas ciuitatis Ptolemenses, & comprehenderunt eum: & omnes, qui cum eo intrauerant, gladio interfecerunt. Et misit Tryphon exercitum & equites in Galileam, & in campum magnum, ut perderet omnes socios Ionathæ, &c. Prolixa narratio, sed siquid in toto contextu sit, quod ad rem propositam non ad amussim pertineat, per me licet, ut illud frustra adscripsisse redarguar. Verum, tam est accommoda fictioni diabolicæ historia, ut de verbo ad verbum illam videatur adumbrare, suisque coloribus ad viuum depingere.*

Diaboli  
dolus Try-  
phonis ia-  
fidiis com-  
paratur.

In primis in Tryphonis arrogantia diadema & regnum ambientis, superbam illam diaboli arrogantiam est animaduertere, qua veluti rex, non solum super omnes superbiam filios, sed toti mundo dominari desiderat. Deinde, ut timuit Ionathæ vires sibi aduersantes, ita maximè à Spiritus sancti gratia ac virtute (per Ionatham ut columbam figurata) suæ machinationi formidat. Magnum Ionathæ robur exercitus (sacrato cum primis quadragenarij numero insignitus) magna quoque vis spiritus Dei vehementis in nauibus Tharsis mundi potentiam conterentis. Sed columbæ simplicitas, citra serpentinam prudentiam, facile circumuenitur, ut in Ionatha accidisse, dolentes audiuiimus. Iuuat tamen in singulis Tryphonis verbis & promissis, dæmonis astutiam & ficta blandimenta animaduertere, in apertam se tandem proidentis perniciem, quando satis fidei se nactum considerat. Ita serpens Euam blandè elusit; ita lanio libratum vibrat ictum, postquam abundè satis bouis ceruicem demulsit. Id osculum Iudæ (quod ideo pluries dixi) in Christi necem, & fraterna Ioabi salutatio in Amasæ caput, portendebat. Sed omnis diaboli impostura dissoluitur proteriturque, quando detegitur, tristisque exitus propalatur. Ita patuit tentatoris astutia, quando post speciosas ad gloriæ augmentum prouocationes, in apertam tandem idololatriam erupit, dicente

Detegenda  
tentatio.

d 2

illo.



illo: *Si cadens adoraueris me*. De his & similibus plura in Veridico Christiano, Cap. 38.

Fraudis  
detectæ  
neglectus.

Quia verò fraudem hanc diaboli, leuitatemque credentium cum dolendo postmodum exitu, quibusdam Maronis versibus egregiè descriptam habemus; quemadmodum superius sub finem Capitis septimi in Schemate octauo attigimus; ita nec me illos hîc apponere, neque Lectorem spero percurrere pigebit. Postquam siquidem plurimi molem prodigiosi illius equi obstupuisent, iamque nutarent animis, vt intra mœnia quoque duci permitterent; addit Poëta melius fraudem subolentis sententiam:

*Aeneid. 2.*

*At Capys, & quorum melior sententia menti,  
Aut pelago Danaum insidias suspectaq; dona  
Precipitare iubent, subiectisq; vrere flammis;  
Aut terebrare cauas vteri & tentare latebras.  
Scinditur interea studia in contraria vulgus.  
Primus ibi ante omnes, magna comitante caterua,  
Laocoön ardens summa decurrit ab arce;  
Et procul, ô miseri, quæ tanta insania, ciues?  
Creditis auctos hostes? aut vlla putatis  
Dona carere dolis Danaum? sic notus Vlysses?  
Aut hoc inclusi ligno occultantur Achini,  
Aut hæc in nostros fabricata est machina muros.  
Inspectura domos, venturaq; de super vrbi,  
Aut aliquis latet error. Equo ne credite Teucri.  
Quidquid id est; timeo Danaos & dona ferentes.*

Si tam nos verè & efficaciter diaboli pollicitationes, blanditias, & quod Græci, ἐν δῶπλῳ ἀδωπα δῶπα, inimicorum non dona dona, simulatasque occasiones, suspectas haberemus, conaremurque detegere, quàm ille viuaci penicillodolum sub prætextu muneris ac Religionis latentem depinxit; non tam sæpè eius laqueis caperemur, tamen si mellitissimis.

Si ad finem infamem, vt caudam fœdiora velantem, mentes aduerteremus, blandus accedentis vultus non tantum afficeret. Non malè propterea monebat Aristoteles, voluptates.



res abeuntes, non autem accedentes, esse contemplandas. Facies siquidem accedentium, hoc est principium, ad blanditur; sed extrema, doloris sunt plenissima.

## Schemat. 10. Cap. 5.

*De septem diabolicis caudis.*

**Q**Vandoquidem tum in sacra Scriptura, tum apud sanctos Patres intentum diaboli scopum, malarumque suggestionum finem, caudæ nomine legimus appellatum, de septem eiusmodi caudis aliquid deinceps fumus in medium allaturi: ut varia ac multiformis eius vafrities detegatur, constetque vniuersis, quàm artificiosè ut plurimum fœdum miserandumque speciosarum molitionum exitum, veluti cauda, obuelare consueuerit.

Septem  
caudæ dia-  
bolicæ.

Vna quidem principalisque cauda diaboli est, seu finis, quem intendit, quoad homines, æterna damnatio; verum, sicuti vltimi finis multi sunt fines medij, ita sex potissimum in diuinæ Scripturæ decursu inuenimus conditiones, quibus veteratorius serpens vititur tamquam caudis, ad vltimum finem, ceu longissimam æternum duraturæ combustionis caudam pertinentes.

Prima igitur est, de qua legimus, cauda titionis fumigantis: iuxta Domini dictum, per Prophetam Isaiam: *Noliti mere à duabus caudis titionum fumigantium istorum*: hoc est regum istorum duorum potentiam ne metuas: qui instar titionum in sui extremitate fumantium, breui consumendi sunt. Quia titio cui in extremitate adhuc intacta fumus erumpit, consumptioni proximus est; nam fumus inde erumpens indicat combustionem esse valdè propinquam, & magis magisque accedere.

Cauda r.  
diaboli.  
Isa. 7.

Ita diaboli machinatio, inualida quidem exercitatis, eiusque impotentiam callentibus; sed ignaris fumo quodam obscuræ ambiguitatis oculos perstringit, ut cæcutiant. Illudque

Mentis  
obnubilatio.



est opus primæ caudæ diaboli, obnubilatio intellectus, & fasciatio quædam oculorum interiorum, ut neque dolum latentem obseruent, neque videant periculum quod imminet. Huius caudæ præstigium in Abimelech fuit figuratum, qui fumo ramorum mille viros necavit oppidi Thebes, ut in libro Iudicum refertur. Quo malo circumuentos in Galatis ita increpat Apostolus: *O insensati Galatæ! quis vos fascinauit non obedire veritati?*

Iudic. 9.

Gal. 3.

2. Cauda.

Isa. 9.

Mentis  
malum in-  
flexio.

Secunda cauda diaboli est, incuruans; de qua idem Prophetam duobus locis meminit, vocatque incuruantem. Sicuti canes cum adblandiuntur, caudam incuruant, indicio rem ipsis ex voto succedere; ita diabolus incuruat suis præstigiis mentes hominum, alioqui ad cælum Deumque ipsum erectas; quod ipsamet corporis conditio demonstrat, iuxta Poëtam sic canentem:

Ovid. 1.  
Metam.

*Pronaq; cum spectent animantia cetera terram,  
Os homini sublime dedit, cælumq; tueri  
Iussit, & erectos ad sidera tollere vultus.*

Isa. 51.

Illud studet hac cauda diabolus in hominibus efficere, quod cunctis ad prauitatem, iniquitatem, & curuitatem pronis inclamat apud Prophetam Isaiam: *Incuruare, incuruare; ut transeamus.* Per rectos, æquos, & stantes, sibi suisque machinamentis non inuenit transitum; ideoque ad inclinationem & curuitatem hanc, atque à recto inflexionem, semper inuitat.

Puerorum  
ludus.

Similitudo à pueris in platea ludentibus desumpta videtur: ad quos ordine certo æqualibus spatiis stantes, is qui per singulos certo saltu diuarcatis tibiis est transiturus, clamat; *Incuruare, incuruare*, quando aliquem nimis se erigentem animaduertit, ut se iuxta ludi leges inclinet, quod scilicet possit transfilire, quod alioqui per erectos efficere nequeat. Ideoque apud eundem Prophetam sequitur, de iis qui huic incantationi se accommodantes, à recto decedunt, & ius fasque deferentes, ad praua se inclinant, diabolo per se transitum concedentes: *Posuisti ut terram corpus tuum, & quasi viam transeuntibus.*

Hæc



Hæc est maledictio, quam Dauid in figura Christi impiis suis persecutoribus omnibusque Christiani nominis aduersariis prædicit euenturam: *Obscurentur oculi eorum; & dorsum eorum semper incurua.* Vnâ eademque sententiâ, vt videmus, & caudam primam, fumigantem, cor obscurantem: & secundam, ad malum à recto incuruantem, denunciat.

Si quis plura, de debita hac Christiani hominis rectitudine, atque odiosa per astum diaboli vt caudam incuruantem inflexione, desideret; videat D. Bernardum rectitudinem stiptis lilij tractantem, & egregiè, vt omnia, applicantem.

## Schemat. 10. Cap. 6.

*De tertia & quarta diaboli cauda.*

**T**ertium caudæ diabolicæ genus est, cauda refrænans; vt in Isaia Propheta reperimus. Refrænantem verò caudam vocat, fraudem illam diaboli malitiosam, qua blandiendo primùm corda incuruata, in malo ad quod inflexit quasi fræno iniecto retinet, ne resiliant, resipiscant, & à via illa mala conuertantur. Similitudo defumta videtur à venatoribus, qui prædam in laqueum vel foueam insidiis inductam, vinculis tum repagulisque iniectis constringunt, ne se tricis manibusve ipsorum eripiat. Sicut scimus Christum blando pacis osculo prius proditum, postea iniectas eidem violenter manus, vinctumque fuisse perductum ad Annam; ibique adhuc, ad maiorem cœpti facinoris captæque prædæ securitatem, strictioribus catenis & vinculis innodatum. Itaque blandities allicientis à recto incuruat, & sæuitia captum vt fræno coërcet.

Frænum autem huiusmodi iniicit, quando vel peccatorum grauitatem, vel Dei iustitiam, vel ardens in malo persistendi desiderium obiciendo, impedimentum ponit, quò minus miser peccator ad mentem redeat. Ita videas araneum dia-

3. Cauda  
diaboli.  
Isaia 9.  
Mentis  
infræratio.



Araneus  
captas mu-  
scas inuol-  
uit.

diabolica æmulatione muscas dolo primùm irretitas, sic im-  
plicare & telâ suâ circumquaque inuoluere, vt se nequeat ex-  
tricare. Qui caudam dæmonis incuruantem non euitarit, vix  
euasurus est refrænantem.

4. Cauda  
diaboli  
scorpiaca.

Sequitur quarta diabolicæ caudæ nequitia, quam scilicet  
in Apocalypsi describit Apostolus. Et habebant (inquit) lo-  
custæ caudas similes scorpionum; & aculei erant in caudis ea-  
rum. Aculeus ille, præterquam quod venenum ictis instil-  
lat, etiam recuruo suo vnco ita infigitur, vt non nisi cum  
parte aliqua corporis affecti vel maiori vulnere extrahatur;  
sicut tela quædam aduncis vtrimque armata cuspidibus; ita  
cauda scorpionis, licet vna tantùm ex parte recuruum habeat  
hamum, sine nouo tamen damno non euellitur.

Assensus  
in malum.

Significatur assensus in malum, qui non permittit, vt quis  
ab illa diaboli cauda se expediat; accedente præsertim secu-  
ritate & mala conscientiæ tranquillitate. Fit enim vt hausto  
quasi veneno sopita ipsorum conscientia eos non remordeat,  
vel saltem remordentem cauteriati non sentiant, securi in  
peccatis viuant, lætentur cùm malè fecerint, gaudeantque in  
rebus pessimis.

Hier. in E-  
zech. ca. 2.

De scelerato scorpionum ictu ita D. Hieronymus: Scor-  
piones arcuato vulnere & aculeo fistulato percutiunt: ea-  
demque plaga aperit cutem, venena diffundit, & inhamat.  
Vnde idem doctor contra Vigilantium, de opere Tertullia-  
ni, quod SCORPIACON vocat; rectissimo, inquit, no-  
mine; quia illa hæresis arcuato vulnere in Ecclesiæ corpus ve-  
nena diffundit, quæ olim appellatur Caina hæresis.

Idem cōtra  
Vigilant.

Gregor.  
Homil. 9.  
super Eze-  
chiel.

Diuus Gregorius, Scorpiones, inquit, sunt, qui blandi &  
innoxij in facie videntur, sed post dorsum portant, vnde ve-  
nenum fundant. Eos, quibus præualent, à bonis moribus sub-  
uertunt: & quos inflectere non valent, occultis machinatio-  
nibus feriunt. Hæc Gregorius.

Medius,  
calumni-  
torū prin-  
ceps.

Caudæ scorpionis linguam similem habent, cum sui gene-  
ris principe Medio, calumniatores: quod his addendum cen-  
sui occasione prædictæ tam immedicabilis læsionis, etiam in  
ipsa aculei euulsione metuendæ. Medius siquidem hic, ex  
Alexan-



Alexandri parasitis vnus, solebat alios adhortari, ne metuerent quoduis crimen in quemuis intendere. Adiecit sceleroso præcepto causam appositam. Vt maximè (inquit) sanet vulnus, qui delatus est; manet tamen cicatrix.

Non arbitror, inquit quidam, esse diabolum tam impium, qui rem magis nefariam possit suggerere. Et quò foedius est crimen, hoc tenaciùs hæret apud multos criminis suspicio, vel in innocentissimum. Audiui ducem quemdam Calumniæ perniciës. his verbis adhortantem suos milites nauticos, ad quiduis prædandi temeritatem; Rapite, inquit, quidquid potestis, siue merces sint amicorum, siue hostium: nam, vt qui spoliati sunt, sic agant apud Principem, vt compellamur restituere, semper tamen aliqua prædæ portio remanet apud nos. Hæc occasione arcuati vulneris caudæ scorpionis; quod etiam in aculei exemptione maiori cum damno laceratur.

## Schemat. 10. Cap. 7.

*De quinta, sexta, & septima cauda diaboli.*

**Q**uinta cauda diabolica est, quæ apud Iob à Deo describitur; *Stringit caudam suam* (Behemoth hoc est diabolus) *quasi cedrum*. Cedrus arbor procerissima, aliquando in sacra Scriptura iustorum excellentiam significat, aliquando verò superbam prauorum potentiam. Quando igitur Simulata sanctitas. cauda diaboli per cedrum exprimitur, docemur, diabolum aliquando finem suum quem prætendit homini, esse sanctorum iustitiæ in specie æmulantem; quasi ad sanctorum excellentiam adducat, si sequaris; idque simulatè transfigitur: aliquando verò aperte, ita fastuose malum & superbe se iactantem, vt pessimi cuiusque iactantiam & tyrannidem superet. Aperta malitia.

Cauda hæc, vel fallax valde & fortis in blanditiis, vel terribilis est in minis. Et ecce, quàm accommodè in malum! quando nimirum in malo quempiam refrænauit, ne

c

refi-



refiliat, tali tum modo percellit & stringit, ut vix se mouere audeat. Vnde Diuus Gregorius super his verbis: Bene, inquit, stringere caudam dicitur Behemoth; dente enim vulnerat, & cauda ligat: quia suggestionem primam percutit, sed percussam mentem ne euadere valeat inualecente fine tentationis adstringit. Et sciendum (inquit) quod plerumque eis quos ceperit, tunc grauius culpas ingerit, cum praesentis vitae termino illos propinquare cognoscit. Behemoth igitur caudam quasi cedrum stringit, quia quos per praua initia ceperit, ad finem deteriore trahit. Ita D. Gregorius: qui & alibi illa verba eiusdem Prophetæ explanans; *Irruit in me quasi gigas*; Si, inquit, hostis suasionibus anima subesse consueuerit; quanto se ei crebrius subiicit, tanto eum sibi intolerabiliorem facit, ut ei reluctari non valeat. Quia nimirum malignus aduersarius contra hanc, ex praua consuetudine deuictam, quasi more gigantis pugnat.

*Moral. lib.  
13. cap. 10.*

*Augustin.  
Confess.  
li. 8. ca. 11.*

Hoc in se D. Augustinus sensisse videtur, quando se iam diaboli laqueis extricare volens, ad meliorem vitae rationem animum aduertere conabatur. Qualiter hanc gigantis praedominantem oppressionem expertus sit, ex hisce eius verbis licet coniecere: Iam (inquit) attingebam & tenebam; nec tamen attingebam, nec tenebam, hæsitans mori morti, & vitae viuere. Plusque in me valebat deterius inolitum, quam melius insolitum. Ita ille sanctus, suam confitens infirmitatem, & Dei potentiam.

*Consuetu-  
do mala,  
res pessi-  
ma.*

*Val. Max.  
lib. 7.  
cap. 2.*

Ratio ita adstringentis huius caudæ diabolicæ per malam consuetudinem, per se clara satis est: quia postquam quis in profundum venerit peccatorum, contemnit; & instar apidis surdæ, caudâ spei vitae longius protrahendæ aures obturans, non audit verba incantantium sapienter: hoc est, monita salutis proponentium, hortantiumque quam optime ad conuersionem. Ex quo factum credo, quod de Cretenfibus narrat Valerius, ut quando acerbissima execratione aduersus eos quos vehementer oderant uti vellent; ut mala consuetudine delectentur, optabant: modestoque voti



voti genere efficacissimum ultionis euentum reperiebant. Inutile enim (inquit) aliquid concupiscere, & in eo perseveranter morari: exitio ea dulcedo vicina est.

Caudæ sextæ species est, quæ per caudas vulpium con-  
nexas tempore Samsonis figurabatur. Et hæc est malorum so-  
cietas; quando quis præcedentibus diaboli caudis captus, ir-  
retitus, & sublimatus, etiam sui similibus caterua stipatus, fit  
totus in sua malitia obfirmatus; vt spes nulla superesse videatur, ad meliora vniquam reuertendi.

6. Cauda  
diaboli.  
Iudic. 15.  
Confor-  
tium ma-  
lum.

Hæc siquidem malorum hominum colluie circumualla-  
to, nec consultores, nec incentores, nec propugnatores, nec  
duces facile deesse possunt, quorum prædiis in malo sti-  
patus perseveret: cum in magna pessimorum consortium  
frequentia, omnis sint generis ingenia, acres animi, men-  
tes maleuolæ, obstinata pectora, spiritus vehementes, velo-  
ces pedes, manus ad malum exercitæ. Nam, vt inquit Isi-  
dorus; Sicut multa bona habet communis vita sanctorum,  
sic plurima mala adfert societas malorum.

Isidor. li. 2.  
Soliloq.

Vnde de suo furto puerili Augustinus fatetur ingenuè,  
Deumque ipsum secretorum omnium conscium testem ac-  
cerit veritatis. Et tamen (inquit) solus id non fecissem; sic  
recordor animum tunc meum; solus omni modo id non fe-  
cissem. Sed quoniam in illis pomis voluptas mihi non erat,  
ea erat in ipso facinore, quam faciebat CONSORTIVM si-  
mul peccantium. O nimis inimica amicitia, seductio men-  
tis inuestigabilis! Cum dicitur, Eamus, faciamus; & pudet  
non esse impudentem. Quis exaperit istam tortuosissimam  
& implicatissimam nodositatem? Fœda est, nolo in eam  
intendere, nolo eam videre. Ita ipse. Vtinam ita multi, im-  
mò omnes, cum D. Augustino ad mentem redeant sanio-  
rem! Alioqui, quò nisi ad extremam perniciem ruant, ita  
in malo confarcinati, & quasi in fasciculos colligati ad com-  
burendum? Ideoque speciatim hæreticorum factiones vul-  
pibus illis Samsonis meritò solent assimilari; qui præter-  
quam quòd vulpina calliditate & nequitia Christi vineam  
Ecclesiam demoliri conentur, capitibus quoque distincti tot

Confess.  
lib. 2. cap.  
8. 9. 10.  
Fortum  
D. Augu-  
stini.

Hæretici,  
vulpes  
Samsonis.



sententias tuentur, quot habent capita; neque vllæ sectæ in sensu & mente doctrinæ conueniunt: in caudis verò conueniunt, eundem prorsus portendunt exitum; tam quoad Ecclesiæ vastationem, quàm quoad propriarum animarum interitum.

7. Cauda  
diaboli.  
Apoc. 12.

Septima & vltima cauda est, Cauda draconis, de qua D. Ioannes in sua Apocalypsi sic inquit: *Draco magnus & rufus, habens capita septem & cornua decem: & cauda eius trahabat tertiam partem stellarum celi, & misit eas in terram.*

Mors æ-  
terna.

Sicut vltima hæc est cauda numero, ita vltimam mortem æternamque illa meritò significet damnationem; quod omnes aliæ, suo quæque modo, deducebant. Nam de caudis vulpium suprâ memoratis, ita D. Augustinus: Caudæ vulpium quid sunt, nisi posteriora hæreticorum, qui prima habent magna & deceptorum opera, posteriora ligata, id est, damnata, & in ignem in fine trahentia; vt eorum fructus & acta consumant, qui suis seductionibus acquiescunt?

Augustin.  
serm. 1.  
Dom. Pass.

Idem in  
Psalm. 57.

Psalm. 36.

Atque idem in Psalmum quinquagesimum septimum, vbi de aspide differit. Quid sibi vult hoc, inquit? In cauda, posteriora utique intelliguntur: iuxta illud Palmistæ: *Vidi impium superexaltatum, & eleuatum sicut cedros Libani: & transiui, & ecce, non erat; quæsiui eum, & non est inuentus locus eius.*

Impij namque, & salutis OCCASIONE contempta se diaboli fraudibus implicantes, quod magis se cauda eius fumigante obscurari permittunt, ab incuruante inflecti, innodari à refrænante, ab scorpiaca adhamari, à quinta vt cedrum exaltari & stringi, atque tandem à vulpinis colligari, eò certior clariorque eorum damnatio: qua veluti cauda draconis nouissima, in profundum inferni detrahentur.

Rom. 6.

Phil. 3.

Infamis valdè est ista cauda; quia quod dicit Apostolus, eis tunc dici quoque poterit: *Quem fructum habetis in illis, (& ex illis) in quibus nunc erubescitis? Nam finis illorum mors est;* vt ibidem subiungitur. Et alibi idem Apostolus in eandem sententiam: *Quorum finis interitus, & gloria in confusione ipsorum qui terrena sapiunt.*

Lon-



Longissima omnium hæc est cauda, quia infinita; reliquæ finitæ ac terminatæ, quia per veram poenitentiam abrumpi poterant & ad nihilum redigi: ista verò illius est temporis & fori, in quod nulla cadit relapsio, & gratia nulla. Idcirco vermi immortalis rodenti quæ in æternum comparatur: *Vermis eorum non morietur, & ignis eorum non exstinguetur; & erunt usque ad satietatem visionis omni carni.* Isa. 66.  
Mar. 9.

Virgæ quoque ferreæ ignitæ & longæ, combustionis æternæ, Virga ferrea & longa, æterna damnatio. potest assimilari hæc cauda. Nam virgæ aliæ, quibus hîc suos percutit Dominus, limitatæ sunt, misericordiam & veniam castigatis adducunt: at qui illas non admiserint, intolerabilem illam extremam & interminabilem iustissimo Dei iudicio promerentur.

## Schemat. 10. Cap. 8.

*Caudarum diabolicarum cum catena peccatorum collatio, præsensque remedium eis opponendum.*

CAtena illa, quæ in Schematis imagine circumuentos illos imprudentiores animaduertimus, non ineptè catenam illam peccatorum repræsentare videtur, quam describit nobis D. Augustinus. Catena, inquit, hæc longa & horrenda. Ex suggestionem cogitatio, ex cogitatione affectio, ex affectione delectatio, ex delectatione consensus, ex consensu operatio, ex operatione consuetudo, ex consuetudine desperatio, ex desperatione peccati defensio, ex peccati defensione gloriatio, ex gloriatione damnatio. Hi sunt funes atque compedes (& catenæ) quibus adstrictum hominem satanas nunc in omne genus malorum, ac tandem in tartaream abyssum præcipitat infelicissimè. Hactenus D. Augustinus.

Quis non videat caudarum præfatarum molitiones, signi-



ficatasque diaboli artes, inter se connexas id efficere, quod feralis illa catena tandem exsequitur? ut sicut nimirum in catena ansa ansam & annulus annulum trahit, deceptosque includit, raptandos in barathrum, nisi per veram poenitentiam se tandem eripiant; ita caudæ vnius dolosa peruerfitas, alterius adhamatur astutiæ, ut tandem catenæ instar implexos illaqueent, & quasi spe salutis destitutos abripiant.

Aug. Confess. lib. 2. cap. 2.

Catena mortalitatis.

Hoc de se D. Augustinus, ut qui multum tentatus fuerit, eoque plura sciuerit, confessus & conquestus est in piis illis ad Deum sui accusationibus, cum priorem illum vitæ suæ statum miserandum mente reuolueret. Obsurdueram (inquit) stridore catenæ mortalitatis meæ, poena superbiæ animæ meæ: & ibam longius à te, & sinebas, & iactabar, & effundebar, & diffuebam, & ebuliebam per fornicationes meas, & tacebas. O tardum gaudium meum! Tacebas tunc, & ego ibam porrò longè à te in plurima & plura sterilia femina dolorum, superba deiectione, & inquieta lassitudine. Merfabar gurgite flagitiorum. Ita ipse, naufragium aliquando passus; quod & D. Hieronymus vsurpabat, periculorum maris magni prudens factus admonitor.

Remedium contra diaboli machinationes.

Exod. 4.

Apprehensio caudæ diaboli, seu doli detectio.

At, quia catenæ & caudæ ex multis contextæ eandem diximus esse machinationem & perniciem, operæpretium fuerit, hic optimum præsentissimumque sub finem huius Schematis adhibere remedium, quod earum præstigias euitemus. Id autem in consilio illo consistere certum est, quod Dominus Moyse dabat. Postquam enim ipso iubente virgam quam manu gestabat in terram proiecisset, illaque in colubrum esset versa, metu correptus Moyses coepit fugere. Dixitque ei Dominus: *Extende manum tuam, & apprehende caudam eius. Extendit, & tenuit, versaque est in virgam.* Itaque apprehendenda est cauda serpentis istius versipellis ac veteratorij, quamcumque produxerit. Non quidem eo modo, quo isti vecordes adolescentes in Schemate, per assensum in id ad quod eam obtruserat, (ut scilicet loco capillatæ & opportune occasionis arriperent tenerentque) sed apprehendenda cauda est per fraudis detectionem, quæ non in capite



capite, labrisque blandientibus, sed in fraudulento blanditiarum sine quaerenda est.

Tunc autem draco vel serpens in virgam conuertitur, non quæ noceat, sed qua te adiuues, ad magis cautum fidumque deinceps progressum faciendum, quando non quid dicat, promittat, obtendat diabolus initio contemplaris, sed quò hæc omnia vergant, quid intendat, quis finis & cauda cunctorum futura sit. Tunc prima facies non fallit, si caudam caueris.

Draco  
quomodo  
in virgam  
conuertitur.

Neque aliud est in rei significatione, tamen in modo diuersitas appareat, quando videlicet inuadente Tobiam immani belua, ei suggerit Angelus vt apprehendat branchiam eius: quia sicut in cauda diaboli, vis tota molitionis ipsius fraudulentæ consistit, ita ab ipsius branchiis (dum pisci comparatur) totius actionis, motus, & vitæ summa dependet. quibus apprehensis strictisque, dum continua illarum agitatio prohibetur, vita ipsa quoque & vis omnis adimitur: quod & attractio, palpitatio, & exenteratio consignant. Nam branchias piscis apprehendere, tantum est, quantum si in respirantibus iugulum petas, & constricto gutture prohibita respiratione præfoces.

Tob. 6.

Branchiâ  
piscis arri-  
pere, est  
diaboli vi-  
res elide-  
re.

Concidit itaque omnis diabolicarum caudarum catenarumque molitio, quando quasi arrepta caudæ extremitate, gehennæ incendia cogitantur, ad quæ nos certò diaboli blandimenta pelliciunt, doloque blando circumuentos abripiunt.

Huc facit & vulpeculæ imitanda prudentia, quæ à leone ægritudinem in spelæo suo simulante inuitata; immò graui expostulatione, quòd, aliis animantibus suo functis officio, ipsa sola suo deesset muneri, increpita, respondit lepidè & admodum acutè:

Vulpecula  
leonis infi-  
dias elusit.

— *Quia me vestigia terrent,  
Omnia te aduersum spectantia, nulla retrorsum.*

Horat. 1.  
epist.

Eò ingressorum animalium vestigia solo impressa cernebat, sed nulla inde regressorum. Ergo exitio ipsis fuit leonem inuississe. Ita considerato tristi exitu, à blandis illecebris facilius cauetur.

Monet



1. Pet. 5.

Monet autem nos non solum Apostolus Petrus clarissimis verbis, quod aduersarius noster diabolus, tamquam leo rugiens, (qui terribili suo rugitu se prodens facilius possit euitari) circumbeat, quærens quem deuoret: verum etiam leonum vrsorumque domitor Propheta regius, prolato iam tropo accommodatiùs: *Insidiatur* (inquit) *in abscondito, quasi leo in spelunca sua. Insidiatur ut rapiat pauperem; rapere pauperem, dum attrahit eum.* Ac si dicat: Hoc diaboli studium, hæc leonis huius industria, & labor; ut primum infidiosè malitiam occulat; & propterea, quasi nihil minus quàm nocere intendens, in spelunca quietus iacet; immò blanditiis & innocentiae pretenso specie ad se quasi inuitat: sed scopus est, ut rapiat ac dissipet pauperem, virtutibus, prudentia, & in primis cautela hac destitutum.

Psal. 9.

Hinc non sine causa, omnes isti in Schemate, barathri faucibus imminentes, miserandis modis diuinam implorant clementiam, quando se iam certò deceptos percipiunt, tamque inopes fuisse præmaturi consilij, ut nihil minus, quàm talem exitum ex talibus principiis expectarint. clamant itaque:

— *O serò semper meliora sequentes!*

*Parce Deus, tam vesani nos pœnitent orsi.*

Atque ita ceteri, aliis atque aliis lamentis suam agnoscentes deplorantesque temeritatem & imprudentiam.

Argumento itaque sunt isti omnibus diabolica deceptis astutia, proximos quidem illos esse infernali voragini, spem tamen superesse veniæ, si resipiscant. Et, tamen si OCCASIONEM præclare merendi, & maiora consequendi neglexerint; METANOËAM saltem arripiant salutarem; quâ, (ut fieri potest) priorem quoque iacturam non solum resarciant, verum etiam cum fœnore abundè compensent.

E  
G

O R A-



## ORATIO X.

Ad vitandas diaboli insidias.

**D**A nobis, Domine, diabolicas vitare præstigias,  
& te solum Deum tota mente sectari: Ut inter  
tot tantasque maligni spiritus insidias, diuine tue volun-  
tati inherentes, & corpore tibi & mente placeamus; at-  
que inoffenso pede ad vitam proficiamus æternam. Per  
Dominum nostrum Iesum Christum. Amen.







- A. Hinc, hinc, foeda lues Erebi, fera pessima, ad Orcum:  
Non hac tam furuis debetur faucibus esca.
- B. Angele, fide comes, nos træque salutis amator,  
Quæso, tuere tuos dæmnceps hac lege clientes;  
Ut, licet ad magnos posthac OCCASIO honores  
Et TEMPVS miseris perijt; tamen illa supersit  
Ansa, patrociniæ vestro, quæ rite piandis  
Commissis satis esse queat: ne morte luamus  
Æterna, et nunquam liceat sperare salutem.
- A. Fædo, modo faciant præmissa pericula cautos.



## Schematis II. explicatio;

*Quo exhibetur, quomodo Angeli tutelaris obsequio, praeda diabolo eripitur, ad commissæ negligentia pœnitentiam.*

## Schemat. II. Cap. I.

METANOËAE, seu doloris neglectæ OCCASIONIS efficacia.



ANGELI custodis interuentu, miselli isti è periculis æternæ damnationis eripiuntur, vt saltem per pœnitentiam saluti suæ consulant, dum omnem præclare agendi merendique OCCASIONEM neglexerunt.

Quocirca, notandum in primis, in huius Schematis explicatione, METANOËAM illam, tametsi initio diximus esse OCCASIONIS comitem ( vt cum ista præterire permissa fuerit, illa tum ad negligentie pœnam remaneat ) non esse tamen superuacaneam: sed vim eam habere, vt saltem postliminio ad solatij alicuius portum, velut perfugium quoddam, possit adducere: quod hoc tractatu, in desperationis antidotum, sumus ostensuri.

Id, quod cum primis verum certumque est, diffiteri non licet: manet semper post neglectam bonæ rei OCCASIONEM quædam pœnitentia: hoc est, dolor commissi erroris, imprudentiæ, & elapsæ ( præsertim si culpâ nostrâ ) opportunitatis. Vti dico, accidit; nisi quis ita emotæ sit mentis, vt tantæ rei iacturam ne tanti quidem faciat; sed, vtcumque cadat alea, susque deque ferat: cum infans hoc hominum ge-



nus collocandum est; neque cum illis ratione agendum, ubi rationi non est locus.

Pœnitentia  
fructus.

Certum est insuper, virtute istius METANOËAE, seu pœnitentiæ, elapsam OCCASIONEM tempusve præteritum non posse ullo umquam modo recuperari; ut fusiùs in nono Schemate differuimus: sed æquè certum est etiam, vel posse per hunc commissi dolorem, si à vera pœnititudine ut virtute proficiscatur, æquiualem vel adeò etiam meliorem impetrari occasionem; si non ad res æquè benè gerendas, certè ad damnum in æternæ gloriæ acquisitione compensandum.

Sap. 4.

Nam si magnus dolor neglecti temporis & salutis, iuuentutis malè consumptæ, perditæque opportunitatis, magnum excitet in pœnitente caritatis ardorem, qui tam sit efficax, ut per ipsum fiat quod dicit Sapiens; *Consummatus in breui, expleuit tempora multa*; haud dubiè rem suam præclare gesserit.

Luc. 23.  
Latronis  
iusti san-  
ctique pro-  
conium.

Sit instar omnium, exempli loco, iustus ille, sanctus, & pius latro, qui post tot tamque prægnantes boni occasiones neglectas, tot hæcenus apprehensas in malum, in extremo iam vitæ puncto constitutus, immò pro malis perpetratis in trabem suffixus, per veram pœnitentiam, præsentem in Salvatore salutis OCCASIONEM arripuit, qualem antea fuerat expertus numquam: atque per ardentem amoris affectum dolorisque vehementiam, ita fides, spes, charitas, deuotio, patientia, constantia, zelus gloriæ Dei, animæque proximi naufragium patientis, in ipso repente simul exarserunt, ut ex latrone non solum iustus, præco verbi diuini, fidei professor & confessor, verumetiam (ut nonnulli veterum locuti sunt) martyr effectus sit.

Mortem siquidem, cui propter scelera fuerat adiudicatus, & eousque traditus, pro Christi nomine & amore libenter sustinens, faciensque in tribunali conscientia suæ de necessitate virtutem, ex culpa meritum, & præmium ex reatu, iustum debitumque sceleribus supplicium in martyrij palmam, salutare consilio commutauit.

Lib. 1. de  
anima &  
eius orig.

D. Augustinus siquidem de admiranda latronis istius conuersione sic meminit: Tanto pondere appensum est, tantumque valuit



valuit apud eum qui hæc nouit appendere, quod confessus est Dominum crucifixum; quantum si fuisset pro Domino crucifixus. Et post pauca eodem spectantia: Inuenta est (inquit) in eo mensura martyris, qui tunc in Christum credidit, quando defecerunt, qui futuri erant martyres. Hucusque D. Aurelius; & quidem ex sententia S. Cypriani, qui sic habet: Latrocinium damnationem meruerat & supplicium: sed cor contritum poenam mutauit in martyrium, & sanguinem in baptismum. D. verò Hieronymus paucis cuncta completens, sic inquit: Latro crucem mutat paradiso; & facit homicidij poenam martyrium.

*Cyp. Serm.  
de Cena  
Dom.*

*Hieron. Epist.  
ad Paulinum  
de Instit.  
Monach.  
Conuer-  
sionis veræ  
feruor.*

Prudenter itaque ac laudabiliter omnes vtriusque sexus Athletæ fecerunt, qui ad finem fermè vitæ, diaboli fraudibus illecti, mille salutis & veræ gloriæ neglectis irritisq; occasionibus, per deuia & abrupta vitiorum errauerant, & tandem vero cordis dolore tacti intrinsecus, ad tantam emolliti sunt compunctionem, ut quò longior restaret via ad vitam & breuius spatium temporis, eò celerius maioriq; contentione animi, per poenitentis virtutumq; semitam, properarent.

Vnde non rarò quoque accidit (quod & in iter facientibus animaduertimus) ut qui seriùs inceperat, citiùs perueniret; feriusq; intraret qui ceteris prior iter fuerat ingressus: implereturq; illud Domini dictum: *Erunt primi nouissimi, & nouissimi primi*. Sic in illa perutili fabellæ commonitione videre est, limacem continuo suo progressu & perseverantia superasse leporem in sua velocitate nimium confidentem, ac propterea de itinere faciendo nihil sollicitum. Sed viatoris seriùs incipientis, & præ acceleratione citiùs peruenientis exemplum proposito nostro est accommodatius.

*Matth. 20.  
Primi nouissimi.*



## Schemat. 11. Cap. 2.

*Remedia contra tentationes diaboli ad desperationem incitantis.*

Despera-  
tio fugien-  
da.

**C**VM METANOEAЕ vsus in aliquod saltem occasionis amisse solatium per doloris amaritudinem cedere deberet, diabolus potius conatur efficere, vt miseris sit offendiculo ad lapsum desperationis, quàm vt eius mœroris compunctione ad dignos poenitentiae fructus, & spem veniae, excitentur.

Diaboli  
incitatio  
ad despe-  
rationem.

Quæ cum ita se habeant, opere pretium me facturum confido, si hic contra eiusmodi desperationis insidias, contraq; demonis insultus, debiliorem hanc arcis humanæ partem impetentis, pauca subiiciam. Hoc siquidem tentatori malorum curæ esse consuevit, vt postquam in OCCASIONIS & officij debiti neglectum, aut in quemcumque alium errorem, minus attentum impulerit, tunc vel astu callido dementet, vel ausu valido in desperationem inducat impellatve si potest.

Astu quidem, curando præsertim, vt aliâ fraudulentâ occasione subtrusâ soletur afflictum, & oborituram alioqui ex amissa Occasione mœsticiam, per aliud quiduis impediat: ne, si lapsus bonum dolere incipiat amissum, viam sibi per poenitentiam quærat ad reditum. Vt, si quis puero malum aureum è manibus fallacia quadam abiicere suadeat, aut deponere, & loco eius, ne id flendo requirat, vilius quoddam obtrudat, quo se interim elusus oblectet.

Ausu verò vehementiori validoque impulsu non raro ad spem salutis abiiciendam assurgit, quando ita seductum ex omni parte terroribus obruit; ita muros mentis vndique concutit; vt instar Cain toto corpore & animo tremebundus, nihil prius habeat, quàm fugere à facie Dei, vagari per horrores inferni, quasi eum & mors & ipsa gehenna persequantur: nec vel tantillum quietis permittant, quo semel secum recogitet, quid



quid egerit, quidve sibi agendum supersit; quo loco sint res ipsius, quidque iam sit factum opus: sed hoc vnum oculis animoque obuerfetur, quod taliter constitutis, loco solatij præsentissimi, in utramque insufurrat aurem malignus incensor;

*Vna salus victis nullam sperare salutem.*

Illaque ratiunculae umbræ ita fascinat dementatos, ut quotiescumque sperare volunt nitunturque, toties se affligi percipiunt oppositi formidine: dum verò spem omnem abiiciunt, animumque despondent, illa tum conflictatione liberantur; videturque ipsis id solaminis alicuius loco haberi posse, si ad arduam illam spei rupem non conentur assurgere. Sed interim aurichalcum eis pro auro supponitur, & pro cælo cœnum.

Quocirca, in errorem aliquem prolapsi, quacumque tandem neglecta benè merendi occasione, dum ita se res habet, numquam debent animum despondere, sed seriò animadvertere, quid restet faciendum. Si frangitur funis vel filum, nodo forti reparetur: si cadit equus vel homo, assurgat statim: si penna, penicillum, vel scalpellum errarit, corrigatur exemplò: si perditum aliquid, quærat: sic, si peccasti, lapsus es, resurge per poenitentiam.

Non enim frustra à Christo propositum est villici illius exemplum in Euangelio, qui bona domini sui dissipauerat, iam iamque ad reddendam rationem & officij priuationem citatus, non obstante rerum omnium inopia, præsentisq; periculi instantia, animum tamen nequaquam sibi despondendum putavit; sed secum omnia maturè perpendens, tandem intulit, *Scio quid faciam*. Scimusne & nos quid fecerit? quis nescit? Fecit sibi amicos ex bonis domini sui, futuraque necessitati prospexit. Laudatus fuit ab ipsomet hero propter solertiam: faciamus & nos quoque similiter in bonum: nam ideò in exemplar nobis à clementissimo Domino adductus est, ut ad spem, animi erectionem, atque imitationem eius prouocaret.

Eumdem in finem oculos in illam de oue perditam parabolam coniiciamus. An pastor amissam neglexit? an abiectus erat si illa sponte rediisset? Haudquaquam: tantum abest, ut etiam relictis nonagintanovem in deserto, eam iuerit quasi-

*Virg. 2.*

*Æneid.*

Astus diaboli in desperatione quietem quandam effingens.

Remedia contra desperationem.

*Luc. 16.*

Villicus iniquitatis.

Ovis perditus.



quæsiturus; inuentamque non pugnis percussit, non vellicauit manibus, non calcibus feriit, non asperiori voce increpauit, neque diris deuouit; sed sublatam in humeros gaudens exultansque reportauit. Ita etiam multoque magis Christus, qui suam in peccatores benignitatem hoc penicillo solum leuiter adumbravit.

Luc. 15.  
Drachma  
amissa.

Et quid per mulierem illam Euangelicam, perditam drachmam requirentem, nisi diuinam misericordiam, maternumque Ecclesiæ in suos affectum, intelligamus; quod certò constet, numquam de reditu in gratiam dubitandum, nedum desperandum, ad quam ipsemet perditum quærit, cuius est gratiam elargiri, & in sinum misericordiæ redeuntem recipere?

Ibidem.  
Filius per-  
ditus.

Sed quomodo non efficacissimum illud in filio prodigo bonitatis diuinæ argumentum pectus peccatoris emolliat, ut in veniæ ambitum inflectatur, cum reliqua præcedentium parabolarum exempla, viuiddæ huius resipiscentiæ & reditus in gratiam præuiam exhibuerint delineationem? Quis non, à paternis ædibus profugus, redeat? quis non, ab animo suo abductus peregrè, reuertatur? quis lapsus non assurgat in pedes? quis desperabundus non se statim in spem erigat? quis denique vel vita functus, non in momento ex monumento resurgat, qui filium hunc profugum, prodigum, perditum, mortuum, in domum, in gratiam, ad vitam videat reducem, remque omnem ut meretur inspiciat?

Genes. 37.  
Ioseph  
venditus.

Quis dubitet quin gauisus supra modum fuisset Iacob Patriarcha, si veste Iosephi sanguinolentâ illatâ, ac illâ desuper ab illo prolatâ sententiâ; *Tunica filij mei est: fera pessima comedit eum, bestia deuorauit Ioseph*; si quis, inquam, paulò post verè viuentem valentemque eius filium induxisset; haud dubiè, ut perditum ac mortuum sibi denuò restitutum fuisset arbitrat. At infinitis modis maius in cælo coram angelis atque ipso Deo patre nostro est gaudium, in peccatoris ad eius gremium redeuntis conuersione.

Schemat.



## Schemat. II. Cap. 3.

*De spe veniæ peccatorum, & immensa Dei misericordia.*

**E**xemplum illud filij prodigi, (de quo superiori Capite) Consolatio pusillanimum,  
 tantæ mihi efficaciz, maximè si mentem propinantis in-  
 tendimus, esse videtur; vt nemo peccator tali fultus Atlante,  
 de spe veniæ vlllo modo possit dubitare; nisi fascino diabolico  
 sibi oculos obducere permiserit. Et quis id velit, qui sapiat, qui  
 spem, gratiam, & vitam velit? Quapropter, numquam spes  
 abiicienda est, quæ, vt suprà meminimus, perditis omnibus Schem. 9. cap. 8.  
 reliquis, sola superstes semper debet vt fida comes adherere.  
 Re sine, nullus eris, dicit ille. Ego autem dico; S P E sine, nul-  
 lus eris.

Id cum olim Alexander non ignoraret, quando, in Asiam Alexander spem sibi seruabat solam.  
 transmissurus, rem familiarem & reditus regio maxima ex  
 parte inter amicos diuideret; à Perdicca (qui oblata recusabat)  
 rogatus; Tibi verò, Alexander, quid facis reliquum? Spem, in-  
 quit. Quo responso declarauit, amissis omnibus, spem super-  
 esse, quæ animum abundè consoletur. Idque iuxta Ciceronis Cicero in Catilinā,  
 sententiam: Sola spes hominem in miseriis consolari solet.  
 Ex quibus omnibus, ipsa natura dictante, perspicimus, nullo  
 vmquam casu spem esse amandandam.

Non sine causa redarguit Propheta regius, de se ita interro- Psal. 40.  
 gantes: *Numquid qui dormit, non adiiciet vt resurgat?* Re-  
 prehendit inimicos suos, sic de ipso malè habente inter se mul-  
 sitantes; quasi qui in morbum aut peccatum incidisset, non  
 possit conualescere, iterumque se à lapsu in pedes erigere. *Ver-*  
*bum* (inquit) *iniquum constituerunt aduersum me*, dum hæc in-  
 ter se susurrabant, & *aduersum me cogitabant mala mihi.*

Errare illos qui lapsis illudunt, ex omni sacræ Scripturæ  
 parte testatum & in cōfesso est. Dicant itaque, & ad rauim vs-  
 que vociferentur, licet: *Non est salus ipsi in Deo eius: Euge, euge;* Psal. 3.  
*deuorabimus eum;* irruantque in hominem, *tamquam parietem;* Psal. 6.



*inclinato & maceria depulsa; semper est tamen quod speret in*

*Psal. 34. Domino, & cum Dauide dicat: Conclude aduersus eos qui tribulant me: Dic anima mea, Salus tua ego sum. Et cum D. Augustino: Dic mihi per miserationes tuas, Domine Deus meus, quid sis mihi: Dic anima mea, Salus tua ego sum. sic dic ut audiam. Ecce, aures cordis mei ante te: Domine aperi eas; & dic anima mea, Salus tua ego sum. Curram post vocem hanc, & apprehendam te. Ita D. Augustinus.*

*August.  
Confess.  
lib. 1. ca. 5.*

*Misericordia Domini plena est terra.*

Cumque misericordia Domini plena sit terra, mirum non est plena esse eadem eloquii diuini volumina, meritoque propterea bene sperat peccator, quem commissi poenitet: quia, quot habet super misericordia Dominici oris testimonia, tot habet super spe sua veritatis sigilla. Et quia infinita sunt huiusmodi, paucula tantum instar omnium proferemus.

*Psal. 90.*

Quid clarius quidve efficacius ad collapsam spem omnem erigendam, quam vox illa Domini accommodatissima rei ipsi quam hic tractamus? *Quoniam in me sperauit, liberabo eum.* Si dixisset, *Quoniam in me sperabit,* fortasse potuisset pusillanimis quispiam cogitare, licere quidem sperare, promissamque sperantibus gratiam, sed non nisi latenti quodam praesupposito, & quasi sub aliquo pacto cum spe illa requisito, cuius vi & intuitu exauditionis & venia promitteretur. Nunc autem, ipsammet spem causam exauditionis & liberationis ponit. *Quoniam, inquit, in me sperauit: hoc est, quandoquidem spem suam in me collocauit, liberabo eum: protegam eum, quoniam cognouit nomen meum. Clamabit ad me, & ego exaudiam eum: cum ipso sum in tribulatione: eripiam eum, & glorificabo eum. Longitudine dierum replebo eum, & ostendam illi salutare meum.* Ecce quot quantaque bona ex spei radice bene iacta succrescant.

*Spei meritum.*

*Miranda Dei industria, ut peccatorem in spem erigat.*

Negari quoque non potest, quin ex hoc modo loquendi constet, Dominum ex abundantia cordis misericordis hęc locutum fuisse; dum tam largo mellitorum verborum flumine visus sit planè afflictum hominem velle circumquaque concludere, ut nec velit nec possit elabi, quin per tam copiose misericordiae fluentia, in sinum gratiae se prono secundoque fluxu recipiat: nihil ipsi ante conspectum reliqui faciendo, quod possit



possit anxiū, pusillanīm, vel de diuina iustitia nimis metuentem efficere: sed tot tantisque diuinæ pietatis, bonitatis, munificentiae & miserationis argumentis circumuallando, ut non possit non ex animo confidere, & certò sibi iam persuadere, Deum plus desiderare ei ignoscere, quàm quisquam sibi ipse ignosci desideret. Neque solum paratum iam, in gratiam recipere poenitentem, sed magna cum animi cupiditate & siti peroptare, ut reducem peccatorem recipiat, liberet, foueat, soletur, attollat in gloriam, vita aeterna ac salute condecoret.

Sic enim quando rei caræ perditæ mœror excruciat, nihil non attentamus, paratiq̃ue sumus quiduis adhibere, ut illam recuperemus: eaq̃ue inuenta, gestimus miris lætitiæ signis: testibus, pastore reperta ouicula, ac muliere cū drachmam suam inuenisset. Ita D. Bernardus ad Robertum nepotem scribens, qui de suo monasterio ad aliud, quorundam seductione, recesserat; totum cor suum effundit, ut ei persuadeat reditum. Non causas, inquit, discessionis, sed moras causor regressionis. Veni tantum, & pax erit: reuertere, & satis factum est. Redi, inquam, redi; & lætus cantabo: *Mortuus fuerat, & reuixit, perierat & inuentus est.* Tantiq̃ue fuit zeli hæc epistola ob fraternæ caritatis ardorem quo scripta fuit, ut dum sub dio eam dictaret, pluuia oborta papyrum non madefecerit, diciq̃ue potuit, *Aqua non potuerunt exstinguere charitatem, neque flumina obruent eam.* Eiusq̃ue miraculi intuitu, prima illa in ordine epistolarum S. Bernardi meritò est collocata.

Bern. epist.  
1. ad Robertum nepotem seductum.

Cant. 2.

### Schemat. II. Cap. 4.

*Ad spem veniæ, tamquam ad sacram anchoram,  
peccatori confugiendum.*

**H**uiusce spei fulcro nixus Propheta psalmographus, quo fit ut cadens homo possit à lapsu resurgere, assererat audacter; *Apud Dominum gressus hominis dirigetur, & viam eius volet. Cum ceciderit, non collidetur, quia Dominus supponit*

Spes sacra  
anchora.

Psal. 36.



Psal. 143.

manum suam. Spe namque nitens, tam facilè ab humo confurgit peccator, atque si manu diuina munitus ne collidatur, eadem quoque opitulante eripatur & tollatur. Hocque erat quod alibi ipse pro se lapsus orabat: *Emitte manum tuam de alto, eripe me, & libera me de aquis multis, de manu filiorum alienorum.* Et ibidem: *Deus meus misericordia mea, & refugium meum; susceptor meus, & liberator meus; protector meus, & in ipso speravi.*

Isa. 42.  
Calamus  
quassatus.

Ad peccatoris pœnitentis erectionem spectat & illa Isaia sententia: *Calamum quassatum non conteret, & linum fumigans non exstinguet.* Hinc quoque indignabundus, cum illis Dominus exprobat, qui curam ouium sustinentes, curam interim nullam gerunt, quia non habent: nihilque præstant, quod ægris, errantibus, lapsis, læsisve ouibus vsui esse possit aut solatio. Sic inquit: *Quod infirmum fuit, non consolidastis; & quod egrotum, non sanastis; quod confractum est, non alligastis; & quod abiectum est, non reduxistis; & quod perierat, non quaesistis: sed cum austeritate imperabatis eis, & cum potentia. Ecce ego requiram oues meas, & visitabo eas. Quod perierat, requiram; & quod abiectum erat, reducam; & quod confractum fuerat, alligabo; & quod infirmum fuerat, consolidabo, &c.*

Heb. 6.

Quòdnam euidentius argumentum ineffabilis Dei benignitatis & misericordiæ erga oues palantes, hoc est, peccatores? vt omnibus deploratis, SPES sit vnica salutis anchora: hinc quoque per anchoræ symbolum virtus ista designatur. *Quam, inquit Apostolus, sicut anchoram habemus animæ tutam ac firmam, & incedentem vsque ad interiora velaminis, ubi præcursor pro nobis introijt Iesus.*

Isa. 49.

Denique, quia omnibus gratiæ dotibus dilapidatis, saltem naturæ genuina propensio in homine viuente adhuc reliqua est; hinc Deus, naturæ auctor, ne quid omittat quod peccatoris possit seruire solatio, quò animum eius ad sperandum permoueat; naturæ ipsius penetralia consulit, eoque nos prouocat, vt prorsus ab eius bonitate conuicti, in ipsius quoque sententiam descendamus, ei que acquiescamus.

Sic igitur inquit: *Numquid obliuisci potest mulier infantem suum,*



*sum, ut non misereatur filio uteri sui?* Ac si dicat, Non. Verumtamen, ne fortè producta aliqua matre crudeli, luxetur similitudo, argumentumq; corruat; addit: *Etsi illa oblita fuerit, ego tamen non obliuiscar tui.* Ecce, in manibus meis descripsit. Verè descripsit nos in manibus suis, non per modum loquendi tantum, sed per modum fodiendi & transfodiendi, characteribus procul legibilibus, indelebilibus, & penetrabilibus: ut minimo oculi ictu simus conspicui, numquam eradi possimus, atque ita nec tradi obliuioni, quamdiu voluerimus. Et quia hæc stigmata nostri amore suscepit, dū illa intuetur, nostri miseretur, quia immensè in nos caritatis recordatur.

Maternus affectus.

Manibus Dei inscripti sumus.

Rectè ideo dicit ipse apud Ezechielem: *Nolo mortem peccatoris, sed ut magis conuertatur & uiuat.* Quid est igitur, quod diaboli suggestionem trepidemus, quasi mortem nostram & perniciem desideret Dominus, cum ex aduerso voluntatis eius sit, ut nemo pereat?

Ezech. 18. & 33.

Quandoquidem verò nihil nobis nocere vel ad salutem obesse possit nisi sola peccata, ad horum expiationem & veniam, ianuam aperit Deus ipsemet amplissimam, dum sic, quasi pro suæ magnæ misericordiæ integritate zelans, protestatur: *Venite & arguite me.* Si quidquam in me inuenire potestis quod non omnimodam spondeat facilitatem & gratiam, re ipsa comprobate & conuincite: sed nihil eiusmodi reperietis. Quinimodò; *Si fuerint peccata vestra ut coccinum, quasi nix dealbabuntur: & si fuerint rubra quasi vermiculus, velut lana alba erunt.*

Isa. 1.

Hunc in finem, de lauacro efficacissimo pariter & accessu facillimo, toti prouidit Ecclesiæ, ut nulla foret dubitatio, mora, vel diffidentia, ablutionis acquirendæ. *In die illa* (tempore gratiæ, quod nunc est) *erit fons patens domui Dauid, & habitantibus Ierusalem* (in Ecclesia Christi de familia Dauid) *in ablutionem peccatoris & menstruata.* Hoc est, in remissionem qualiumcumque peccatorum, & contaminationum animæ. Primum quidem in sacri fontis baptismo, deinde quoties opus est in Pœnitentiæ Sacramento, aliisque modis infinitis, quibus diuinæ gratiæ participes reddimur.

Zach. 13. Fons patens.



## Schemat. II. Cap. 5.

*Christus singularem semper habuit peccatorum rationem.*

Animarū  
amator  
Christus.

Matth. 9.  
10. & 11.  
Luc. 15.

Mar. 2.  
Luc. 5. 7.  
15. 18.

Magnetis  
& succini  
vis attra-  
ctiva.

**V**T autem in maiorem diabolicæ machinationis detestationem, qua miseros ad pusillanimitatem & desperationem conatur adducere, pluris adhuc rem æstimemus: videamus quanti illud ponderis apud nos meritò esse debeat, quòd Dominus noster, animarum nostrarum singularis amator, vt conditor & redemptor, cùm propter vniuersum genus humanum, illum de cælis ad terras venisse certum sit; toties tamen solum peccatorum faciat mentionem, atque si reliquos interea sanctos, amicos suos, nihili faceret præ peccatoribus.

Hinc dixit: *Non veni vocare iustos, sed peccatores. Non sum missus, nisi ad oues quæ perierunt.* Item: *Maius est gaudium coram angelis Dei super vno peccatore pœnitentiam agente, quàm super nonaginta nouem iustis, qui non indigent pœnitentia.* Hinc etiam publicani & peccatores ad ipsum confluabant; quia videbant & sentiebant, illum ipsorum quoque præsentia delectari. Ad hæc, adeò ipsi cum illis familiariter conueniebat, vt publico veròque testimonio (licet animo calumniandi prolato) amicus peccatorum & publicanorum vocaretur. Si quando ab aliquo peccatorum, Zachæo, Matthæo, vel alio quouis simili ad conuiuium vocabatur, eò eiusdem farinæ homines cateruatim confluebant. Summa: succini & magnetis instar, electique electi ad modum, miseros desolatosque peccatores, vt & leopardus odore suo ceteras feras, ad se vi quadam latenti, exteriori affabilitate, & gratia vultus, attrahebat benignus & verè misericors Dominus.

Eat nunc versutus ille salutis nostræ osor euerforque diabolus, & cuiquam hæc cogitanti persuadeat, non esse sibi spem in Christo collocandam. Nihil prius, nihil ita ad manum, nihilque æquè obuium esse debet homini in peccatum prolapsò, quàm per pœnitentiam ad fidum spei solatium, vt ad sa-  
cram



cram anchoram confugere, & gratiam postulare: ad fontem misericordiae perenni scaturigine fluentem accurrere, & verae poenitentiae latice languentem animam refocillare. Nihil econtra tam absurdum, tam alienum, tam absonum, tamque ab omni ratione remotum esse debet homini, quantumlibet peccatori, quam diffidentia, pusillanimitas, & veniae salutisve desperatio. Nam non solum *magnificata est usque ad caelos* Psal. 56. *miser cordia eius*: non solum *miser cordia Domini plena est* 32. Eccl. *terra*; verumetiam, *miser cordia eius super omnia opera eius*, & ipse Deus misericordia nostra.

Siq; exemplo aliquo, sanè efficaci, quæ dicta sunt, cupimus consignata, mentem ad illam mulierem in adulterio deprehensam aduertamus. Adduxerant siquidem illam Christi hostes & æmuli, tamquam certissimo argumento exploraturi, utram in partem magis propenderet, iustitiæne an verò clementiæ. Postquam autem illi conscientiae propriae stimulis acti, pungente intus Christo, terga vertissent, seseque extemplo subduxissent, Domino in terra scribente; stabat misera illa ibi sola, non tamen desolata, praesente afflictorum consolatore, sed tamquam anchora aliquâ soliditati misericordiae Christi alligata. Cui Christus; *Mulier, ubi sunt, qui te accusabant?* Ac si diceret ipsi, omniq; pusillanimi, egentiq; solatio; Viden' ut se insurgentium, persequentium, & insultantium ceterua subducit, solo speratae salutis indicio, quasi stuppa, ignis odore percepto? Quid igitur futurum existimes, si in spem firmam assurgas? si te ex animo ad veniae & gratiae fontem conuerteris? si te in eius sinum, amplexum, vulnera, proieceris?

Ioan. 8.  
Mulier in  
adulterio  
deprehen-  
sa.

Itaque audiamus apertam absolutamque misericordiae diuinæ sententiam. *Nemo te condemnauit mulier? Nemo Domine.* Quis enim est qui condemnet, si Christus Iesus pacem concedat & veniam? Quis condemnet eum, cuius Filius Dei, futurus iudex viuorum & mortuorum, patrocinium suscipit? Quis condemnet, quem salus seruat? *Nec ego te condemnabo; vade in pace.* Psal. 24.  
16. 20.

O Iesu, verè Iesu! *Tu es Deus saluator meus, qui saluos facis sperantes in te: Super salutare tuum igitur exultabo vehementer;*



*menter*; neque vñquam recedam à te, quia tibi adhærere bonum est, & in misericordia tua supersperabo.

### Schemat. II. Cap. 6.

*Carpi exemplo admiranda Christi in peccatores  
benignitas declaratur.*

**N**Vnc Carpi episcopi exemplo, totum hunc de vitanda desperatione, Christi quæ immensa misericordia spe complectenda tractatum, veluti sigillo obfirmemus, quia Christi quoque sanguine signatus atque vulneribus actus ille munitus fuit.

*Dionys. de  
Carpo.*

Carpus itaque Pauli Apostoli discipulus (sicuti de illo Dionysius ad Themophilum scribens testatus est) cum fidelem quemdam ab infideli subuersum cerneret, præ dolore languere cœpit. Cum quæ ut conuerteretur orare debuisset, ut ambo à vita discederent optauit; veritus, ne alterius suafu & alterius exemplo alij corrumperentur. Vidit autem in quiete illos in fornacem ardentem à spiritibus immundis trahi violenterque impelli. Et cum eo spectaculo delectari cœpisset, adspexit Christum cum angelis à cælo delabi in terram, ipsosque ab ignis periculo erepturum accedere: à quo & audiuit, Iterum paratum se, PRO PECCATORIBVS PATI. Hac visione admonitus, pro vtriusque conuersione Domino supplicauit: & quos antea mori concupierat, demum in fide viuificatos accepit.

Sitne aliquid in rerum natura, quod nos fortius ab omni desperationis angustia reuocet, fortiusque Christi misericordiæ per spem & caritatem adglutinet, quàm quod tam euidenti stupendoque miraculo misericors Dominus dixerit, actumque demonstrarit, se paratum potius pro peccatore denuò mori, quàm ut pereat, animumve despondeat? Licet igitur vniuersos dolos ac tentamenta diabolus admoueat, numquam me à spe misericordiæ dimouebit.

Non sine causa quoque arcum sine telo posuit in nubibus Dominus, ut notat Ambrosius exponens ea Dei verba, *Ponam arcum*



*arcum meum in nubibus cali.* Ideò dicit, Arcum meum ponam in nube, non sagittam: Arcus enim instrumentum iaculandæ sagittæ est. Itaque non ipse arcus vulnerat, sed sagitta. Et ideò Dominus in nubibus arcum magis quàm sagittam ponit, id est, non illud quod vulneret, sed quod habeat terroris indicium, vulneris effectum habere non soleat. Ita proinde Divus Ambrosius.

*Ambros.  
lib. de Noe  
& arca,  
cap. 72.*

Et verè, ex eo constat, minari illum magis ut à malo deterreat, quàm intendere ut feriat. Hic etenim tempus est miserendi, & omnibus modis peccatores ad veniam permouendi & alliciendi, potius quàm percellendi ad supplicium. Fugiendum itaque hic peccatori à facie iræ ad faciem gratiæ; à iustitia ad misericordiam, ab abyssu peccatorum ad abyssum miserationum; à Deo irato ad Deum placatum. Et quamdiu spiratur, sperandum sine vlla ambiguitate, cum vera peccatorum detestatione; neque dubium vllum est de venia accipienda, si nihil dubitetur pro expetenda; neque alius est terminus impertiendæ misericordiæ, quàm quem nos ipsi ponimus requirendæ.

*Arcus Domini sine telo, misericordiæ indicio.*

In iudicij verò die, districtus ipse iudex sagitta super arcum istum erit, qualis nobis in nubibus venturus describitur: sagitta, inquam, erit, quæ ut sagitta Ionathæ retrorsum non redibit: sed quò tardiùs lento inflexu attracta fuerit per misericordiam minitantem, eò acriùs destinato iactu in commeritum deferetur.

*2. Reg. 1.*

Istud solidè, ut omnia, D<sup>i</sup> Augustinus: Propterea (inquit) se iudex venturum minatur, ut non inueniat quos puniat cum venerit. Propterea illud cantant Prophetæ, ut corrigamur. Si damnare vellet, taceret: nemo enim volens ferire, dicit, Obserua. Totum, fratres, quod audimus per Scripturas, vox est Dei dicentis; Obserua. Et totum quod patimur tribulationis in hac vita, flagellum Dei est, corrigere volentis, ne damnet in fine.

*Augustin.  
Serm. 109.  
de temp.*

Non malè his congruit quod in Pisidis Cosmurgia legimus, ubi Deum malo sagittario comparat, qui aliam in partem collineat, & in aliam iaculum emittit. Quia Deus arcum

*Cosmurgia Pisid.  
lib. 1. c. 24.  
Deus nunc malo sagittario comparatur.*

h

quidem



quidem indignationis suæ quandoque tendit, & peccatorem telo ferire minatur; nequaquam tamen verè ut feriat lædâtve; sed dumtaxat, ut timore affectum ad melioris vitæ rationem extimulet, & à rigido ratoque illius teli iactu præmuniat, quod in quemcumque in die illa vibrabitur, irrefragabiliter feriet, & morti æternæ tradet. Misericordia itaque Domini præueniat nos.

*Serm. 122.  
de temp.  
Chrysof.  
Serm.*

Porro ex decursis hætenus totius huius Schematis Capitibus, constat certissimò, illud esse concludendum, quod patris clarisque verbis dicit Augustinus; Misericordiam Domini desperationi esse opponendam. Nam iuxta Chrysostomum: Misericordia apud Deum, pelagus est.

### Schemat. II. Cap. 7.

*Angelo duce magna est resipiscentiæ utilitas.*

*Angeli  
boni tute-  
la ad extre-  
mum vs-  
que discrimen.*

**A**D spem in lapso magis magisque suscitandam veramque prioris errati pœnitundinem amplexandam, singulare studium adhibet Angelus, unicuique custos à Deo consignatus. Non frustra idcirco in præsentī Schemate, sic ille spiritum malignum absterrendo, eiusque machinationes dissipando, alloquitur:

*Hinc hinc, fœda lues Erebi, fera pessima, ad Orcum:  
Non hæc tam furuis debetur faucibus esca.*

**A**

Quare, non satis pro officij sui dignitate censendi sunt facere, qui Angeli sui tutelaris exiguum admodum habent rationem. Nam non facile quis sibi persuadeat, quoties protectorum istorum operâ & patrocínio, tum à malis liberemur, tum adiuuemur in bonis. Dolendum, tam parui rem tantam fieri apud plerosque: ea fortè sola de causa, quod spiritus isti corporeis non obseruantur aspectibus, non innotescunt alloquio, neque vllò familiaritatis indicio percipiuntur. Quasi verò mens ipsa non habeat suos oculos, quibus illa quæ fidei sunt, certius quàm externa corporeis contempletur.

*O mi-*



*O miseras hominum mentes ! ô pectora cæca!*

De multiplici angelorum bonorum officio, nostraque vicissim in eos obseruantia, prolixè egimus in Veridico Christiano. *Lucret. lib. 2. Cap. 40.*

**B** Adolescentes è catena diaboli præsentique gehennæ periculo liberati, gratias agunt tutori cælesti, suaque comprecatione dilucidè ostendunt, quod ab initio huius Schematis monuimus: Ad quid nimirum, post neglectam OCCASIONEM temporisque opportunitatem, METANOEIA veraque errati pœnitentia possit debeatque conducere. vt scilicet eius operâ, quantum fieri potest, commissum damnum sarcitur. Sic enim & arbor, quæ diu sterilis & infrugifera fuerit, circumfoditur, fimo impinguatur, talibusque studiis, quantum in hominis est facultate, fructus insperatus elicitur. Ad hoc igitur METANOEIA, vt sit neglectæ OCCASIONIS opportunæ pœnitentia & dolor, noua promerendi occasio per resipiscen-  
tiam. Exemplo vno atque altero huc allato, finem huic Schemati imponemus.

Duo iuuenes Ioannem Apostolum secuti, cum deinde angustissimo animo cœpissent, quod facultates suas in pauperum usus erogassent, nec iam Apostolo meliora certioraque sperare iubenti acquiescerent: (ecce occasionis saluberrimæ, vmbra eludente, contemptum) virginis in aurum mutatis & lapillis in gemmas, plus etiam recipiunt, quàm reliquerant. Mox cuiusdam, cui Staçteo nomen erat, à morte suscitati verbis credentes, quibus ille se vidisse affirmabat, quàm ingentem gloriam in cælo sibi paratam ipsi amisissent, & ad quantam infelicitatem deuoluendi essent, quod retrocesserint. (Iam resipiscen-  
tiam per METANOEIAM videamus.) Rursum ad Apostolum reuersi, restituto quidquid ab eo acceperant, paupertatem in vita coluere, vt potius post obitum diuites fierent. Reuocauerat eos diabolus ad pristinae conuersationis vomitum: sed Apostoli precibus, & Dei in primis misericordi dispensatione tactum est, vt deprehensis inimici fraudibus ac dolis, quod imprudentius repetierant, constantius refutarent; quamque salutis OCCASIONEM malefani contemserant, consultò saltem postliminio, vt poterant, refarcirent. Sicque in

*Marulus lib. 6. c. 14. Ex Abdia. Ioannes Euang. & duo iuuenes.*

h 2

tem-



tempore resipiscentes, gloriam illam, quam sibi in cælo fuisse paratam audierant, iam amissam recuperarunt.

Gregor.  
Dialog.  
li. 2. ca. 25.  
Monachus  
abiens mi-  
rabiliter  
reuerfus.

Alterum priori conueniens ex D. Gregorio subiiciemus. Quidam monachus S. Benedicti, mobilitati mentis deditus erat, & permanere in monasterio nolebat. Cumque eum vir Dei assidue corripere, & frequenter admonere, ipse verò nullo modo consentiret in congregatione persistere, atque importunis precibus, ut relaxaretur innueret; quadam die idem venerabilis pater nimietatis eius tædio affectus, iratus, iussit ut discederet. (Ecce spretam fugatamque salutis O C C A S I O N E M; audiamus ex M E T A N O E A resipiscentiam.) Qui mox ut monasterium exiit, contra se assistere apertore draconem in itinere inuenit. Cumque eum idem draco qui apparuerat deuorare vellet, cœpit ipse tremens & palpitans magnis vocibus clamare, dicens; Succurrite, succurrite, quia draco iste me deuorare vult. Currentes autem fratres draconem minimè viderunt, sed timentem atque palpitantem monachum ad monasterium reduxerunt. Qui statim promisit, numquam se esse à monasterio recessurum: atque ex hora eadem in sua promissione permansit.

Conuersio  
fratrum  
S. Bernar-  
di.  
In vita  
S. Bernar.  
cap. 3.  
1<sup>a</sup> 28.

Tertium non malè cum duobus prioribus cum resipiscentiæ per Metanœam proposito quadrabit. Cùm Bernardus fratres suos & quoscumque poterat relicturus seculum secum diuino impulsus spiritu traheret, Gerardus frater eius ceteris ut sibi videbatur prudentior non acquiescebat. Tum Bernardus: Scio (inquit) scio: *Sola vexatio intellectum dabit auditui*: digitumque lateri eius apponens, Veniet, inquit, dies, & citò veniet, cùm lancea lateri huic infixæ, peruium iter ad cor tuum faciet consilio salutis tuæ quod aspernaris. Sic dictum sicque factum est. Paulò post in bello, eò loci lancea vulneratus, captus est; mortemque quasi præsentem metuens, clamabat: Monachus sum, monachus sum Cisterciensis. Sciebam, inquit Bernardus, quòd durum ei esset contra stimulum calcitrare. Itaque O C C A S I O N E prius foedè reiecta, M E T A N O E A ei resipiscentiam salutarem adduxit, & monachus factus est.

Postre-



Postremo Schematis versu, ad bona resipiscientium iuuenum vota ac preces, quibus eius patrociniū deprecantur, subiungit Angelus gratam catastrophē, dicens:

A Faxo; modo faciant præmissa pericula cautos.

## ORATIO XI.

Ad spem veniæ concipiendam, obtinendamque  
Dei misericordiam.

**D**Eus, qui omnipotentiam tuam parcendo maximè & miserando manifestas, adauge nostram in tua bonitate fiduciam, & omnem pusillanimitatis à nobis expelle formidinem; ut vera peccatorum pœnitudine ducti, ad veniam & gratiam misericordissimæ tuæ pietatis accedamus; ac spe salutis æternæ gaudentes, tibi quod vitæ est reliquum puris mentibus impendamus. Per Christum Dominum nostrum. Amen.







- A. O pietas suprema, et inenarrabile donum  
Latitiae! Deus alme, tuo quot fonte redundant  
Gaudia! FELICES, QVIBVS EST OCCASIO CORDI!
- B. Tempus igit; dum vixi OCCASIO spreta recessit:  
Do nunc stultitiae poenas miseranda perennes.
- C. Hei quanti constas OCCASIO perdit; quanti!
- D. Vana canis: duplicant semper lamenta dolores.
- E. Me miseram, quantas parit haec amentia clades!  
Propterea horribiles infelix incolo flammis.
- F. Sero Phryges sapunt: POST EST OCCASIO CALVA.



## Schematis 12. explicatio;

*Quo captata neglectaq; OCCASIONIS  
dispar exitus contrario prorsus  
spectaculo exprimuntur.*

## Schemat. 12. Cap. 1.

*De gloria eorum qui OCCASIONEM suo tempore  
sunt amplexi.*

**Q**UEMADMODVM hoc toto Typi decursu, per vndecim iam exhibita Schemata, in decem adolescentibus contrariam planè agendi rationem animaduertimus; adeò, vt quàm indignis modis TEMPVS, OCCASIONEM; DIVINIQUE NVMINIS OPEM, priores quinque exceperunt, tam gratantibus animis alij hæc omnia sunt complexi; ita postremo hoc Schemate dispar exitus captatæ neglectæque OCCASIONIS spectandi exhibentur.

Sententiam illam Sapientis, commeritum vtrisque præmii attribuentem, hic cernimus adimpletam: *Deludet* Prou. 3.  
*Dominus illufores, & mansuetis dabit gratiam.* Præsentiatantum intuentes stulti, & ductum vecordiæ sequentes, in risum & ludum rapiunt optima ac pretiosissima quæque: nec recogitant quod dicit Dominus: (vt suprà meminimus) *Despexi-* Prou. 1.  
*stis omne consilium meum: ego quoque in interitu vestro ridebo: & subsannabo, cum vobis id quod timebatis euenerit. Comedent igitur fructus viae suæ, suisq; consiliis saturabuntur. Mansuetis dabit gratiam: & quidquid per gratiæ præsidium potest obtineri. Iuxta mensuram gratiæ hic humiliter & studiosè adim-*



adimpleta, erit & in cælis mensura gloriæ, quæ hominem supremo quoque angelorum choro queat inferere. Hanc gloriam consequuntur, qui OCCASIONEM gratiæ prius fuerint studiosè complexi.

*Prou. 3.*

Sequitur autem in suprâ memorata euentus vtriusque sententia, quam modò distinctâ vtriusque portione promerita reddit clariorem. *Gloriam* (inquit) *sapientes possidebunt: stultorum exultatio, ignominia.* Vt prudentiores siquidem quinque, sapienter & providè quid suo quoque tempore facto opus obseruantes, id nulla ratione putarunt negligendum; ita gloriam, quantum apud homines laudabile est, sunt consecuti, & quod caput est, gloriam stabili possessione in cælis obtinuerunt sempiternam. Imprudentes verò, vano suo sensui feruientes, seria & solida cuncta risui habentes, atque ad deprauati animi voluptatem omnibus abutentes, nunc pro tam insana in rebus malis exultatione, ignominiam ferunt immortalem.

Gloriæ cælestis magnitudo.

*1. Cor. 2.*

Sed his in commune dictis, nunc de supernorum felicitate primùm, tunc de miserando casu perditorum, speciatim aliquid attexamus. Meritò illud D. Pauli elogium primo loco recensebimus: *Nec oculus vidit, nec auris audiuit, nec in cor hominis ascendit, quæ præparauit Deus his qui diligunt eum.* Etiam si omnia quæ ad visum maximè oblectandum pertinent, & quæcumque aures demulcere solent, quæque cor humanum in omni genere pulchri, vtilis, grati, pretiosi & boni, sibi possit effingere, in vnum essent conflata; nihil tamen vniuersa conficerent, ad opes, splendorem, felicitatem, & gloriam beatorum adumbrandam. Augent autem lætitiâ hanc & felicitatem securitas illa & æternitas, qua certi sunt, nulla vmquam ratione beatitudinem illam sibi adimendam, vel in minima sui parte imminuendam; iuxta illud Sapientis: *Datio Dei permanet iustis: & profectus illius, successus habebit in æternum.*

*Eccli. 11.*

*3. Reg. 10.*  
Regina  
Saba.

Nullò propterea modo dubitandum, quin ita futurum sit cum illis, qui in eam sunt beatitudinis abundantiam admittendi, sicut Regiæ Saba legimus accidisse. *Audita siquidem fama*



fama Salomonis in nomine Domini, OCCASIONEM tam magnificam & se honestè oblectandi in tanti regis admirandis, & proficiendi in sapientia, ac præclarè de magnifico monarcha merendi, non existimauit negligendam; eam igitur arripuit, atque ad illum venit. *Videns autem omnem sapientiam Salomonis, & domum quam edificauerat, & cibos mensæ eius, & habitacula seruorum, & ordines ministrantium, vestesq; eorum, & pincernas, & holocausta quæ offerebat in domo Domini; non habebat ultra spiritum: dixitq; ad regem; Verus est sermo quem audiui in terra mea, super sermonibus tuis, & super sapientia tua: & non credebam narrantibus mihi, donec ipsa veni, & vidi oculis meis, & probaui quòd media pars mihi nunciata non fuerit: maior est sapientia & opera tua, quàm rumor quem audiui. Beati viri tui, & beati serui tui hi, qui stant coram te semper, & audiunt sapientiam tuam.*

Ecce ut singula in hac Regina videmus expressa, quæ toto tractatu commendata cupiuimus! Occasionis scilicet oblatae comprehensionem, studium ardens prosequendi, sumtus, laborem, perseverantiamque ad intentum finem necessariam. Post quæ sequitur gratulatio ex fructu occasionis obseruatæ promanans. Ut, tametsi illa Ierosolymam venisset multo cum comitatu & diuitiis, cum camelis portantibus aromata & aurum infinitum nimis, & gemmas pretiosas; tamen nihil fecit omnia quæ attulit & sustinuit, quæque fama nunciante inaudierat, præ his quæ re ipsa deprehendit, quando in conspectum Salomonis admissa est. Ita certum quoque, non solum quod suprà ex Paulo didicimus, *Nec oculus vidit, &c.* sed etiam quod idem alibi asseuerat: *Non sunt condignæ passionibus huius temporis, ad futuram gloriam, quæ reuelabitur in nobis.* Et, *Omnia detrimentum feci, & arbitror ut stercora, ut Christum lucrifaciam.* Rom. 8. Phil. 3.



## Schemat. 12. Cap. 2.

*Qui salutis OCCASIONEM obseruauerit, vt qui legitime certauerit, coronam gloriae est accepturus.*

Corona  
gloriae ce-  
dit certan-  
tibus legi-  
time.

2. Tim. 4.

**V**T autem alio adhuc Scripturae loco demonstremus, caelestis gloriae coronam eos tantum manere, qui temporis, gratiae, & occasionis à Deo concessae, magnam habuerint rationem: audiamus ipsummet Apostolum id de se testantem: *Ego*, inquit, *iam delibor, & tempus resolutionis meae instat.* Mortem itaque meditatur instantem: audiamus qui se gesserit in vita, quidque pro ratione anteaكتورum exspectet. *Bonum certamen certavi:* (ergo tempus aptum, locum accommodum, & omnimodam rei probe gerendae OCCASIONEM, quod rei militaris peritorum est, exacte seruasti.) *Cursum consummaui:* (igitur, quod & in hoc certamine fuit obseruatu necessarium, non neglexisti.) *Fidem seruaui:* (per singula igitur momenta temporis, perque omnes actuum tuorum gradus, fidei datae & acceptae memorem te esse oportuit, ne vlllo tempore vel in vlla re tibi quidquam à fide discederet.) Exactissimus fuisti (nouimus) OCCASIONIS ad omne bonum obseruator. Hinc sedulo curasti, ne in vacuum curreres, ne aërem verberares, ne in vlllo deficeres, plus omnibus laborare satigisti, vt omnibus omnia factus, in nullo tibi tuoque in alios officio deesses, vbicumque daretur OCCASIO.

At, quis laborum istorum, tantaeque sedulitatis & fidei tam constantis exitus? Audio. *In reliquo, reposita est mihi corona iustitiae; quam reddet mihi Dominus in illa die* (retributionis scilicet) *iustus index.* Sed, an tibi tantum? *Non solum autem mihi, sed & iis qui diligunt aduentum eius.*

Dilectio igitur aduentus eius, causa erit gloriae adipiscendae omnibus qui non neglexerint: qui aduentum Christi in carnem pro magno beneficio miseris mortalibus concessio tenuerint, qui illum per fidem toto corde venientem suscep-  
rint,



rint, eiſque vt gratiſſimo animæ ſuæ hoſpiti magna ſeruiuerint caritate ; quiſque venturo ad iudicium diligenti bonæ vitæ præparatione occurrerint ; nihil non fecerint eorum quæ ex mente eius eſſe præſciuerunt.

Atque ob id, (iuxta eiſdem Apoſtoli monita, ad ſui imitationem aliis data, nobiſque ſcripto in eundem finem communicata) qui non defecerint benefacientes, bonam militiam militauerint, fidem bonam bonamque conſcientiam habuerint, ſeipſos caſtos cuſtodierint, iuſtitiam, pietatem, fidem, caritatem, patientiam, & manſuetudinem ſectati fuerint, qui bonum fidei certamen certauerint, & ſicut boni milites Chriſti laborauerint ; præmium omnes æternæ gloriæ, vt boni OCCASIONIS obſeruatores, & vt temporis opportuni circa multiplicem Domini aduentum curatores, in cælis conſequentur.

Bonum  
certamen.

Data autem idem Gentium doctor vnâ omnium rationem. Nam, inquit, *qui certat in agone, non coronabitur niſi legitime certauerit.* Lex verò cuiuſque certaminis eſt, vt ſtatutum tempus, locus decretus, genus armorum præſcriptum, perſonæ conditio, & certus denique in omnibus modus, ac legitima ratio ſeruetur : alioqui fruſtrâ ad coronam anhelabit, fruſtrâ amicorum fauore, blanditiis, aliôve modo eam ſibi quis polliceatur.

2. Tim. 2.

Lex præſcripta certamini.

Id fatiſ euidenter ſuis Apoſtoliſ innuit Dominus, quum, quod cognati eſſent, quod mater pro ipſiſ intercederet, conſeſſus illiſ honorifici gloriâ ambirent: eiſque reſpondit, *Neſciſ quid petatiſ* : neque qua via ad id quod petitiſ oporteat peruenire. Viam verò modumque ſubindicat : *Poteſtiſ bibere calicem, quem ego bibiturus ſum?* Ac ſi dicat ; Corona gloriæ pro præmio eſt propoſita, non eam petentibuſ, non aliquo flexu ambientibuſ, ſed decertaturis, qui calicem paſſionis meæ mecum ſunt bibituri. Alioqui, *non eſt meum* (neque alteriſ) *dare vobiſ*, vel cuiuſ aliſ, quocumque modo, ſed merenti. Oportet enim primùm pati, & ita intrare in gloriâ.

Matth. 20.

Hoc ipſum eſt quod Ioannes Apoſtoluſ in Apocalypſi expreſſè commemorat : *Qui habet aurem audiat, quid ſpirituſ dicat*

Apo. 2.



Apoc. 3.

dicat Ecclesiis. Præconis voce promulgatur edictum, & lex certaminis obeundi. *Vincenti dabo edere de ligno vite, quod est in medio paradisi Dei mei.* Item: *Esto vigilans, & confirma cetera, quæ moritura erant. Qui vicerit, sic vestietur vestimentis albis, & non delebo nomen eius de libro vite; & confitebor nomen eius coram patre meo, & coram angelis eius. Ecce, venio cito: tene quod habes, ut nemo accipiat coronam tuam. Qui vicerit, faciam illum columnam in templo Dei mei: & foras non egredietur amplius; & scribebam super eum nomen Dei mei, & nomen ciuitatis Dei mei nouæ Ierusalem, quæ descendit de calo à Deo meo, & nomen meum nouum. Ecce, sto ad ostium & pulso. Si quis audierit vocem meam, & aperuerit ianuam, intrabo ad illum, & cœnabo cum illo, & ipse mecum. Qui vicerit, dabo ei sedere mecum in throno meo; sicut & ego vici, & sedi cum patre meo in throno eius. Qui vicerit, possidebit hæc; & ero illi Deus; & ille erit mihi filius.*

Apoc. 21.

Si ad præcedentia mentem aduerterimus, videbimus, in singulis ferè dictionibus, vel OCCASIONIS salutaris arripiendæ studium, certantium more commendari, vel præmium obferuatæ proponi. Et quare putamus toties illud inculcari: *Qui habet aurem audiat, quid spiritus dicat Ecclesiis;* (quod ad singula illa in Apocalypsi repetitur) nisi, quia seriò est ad certaminis legem attendendum omnibus iis, qui ad promissa victoribus præmia adspirant?

Leges cuiusque certaminis proponuntur.

Petrus Rauennas.

Quandocumque enim eiusmodi certamina proponuntur, præmia quoque & leges certaminis euulgantur: immò magna cum amplitudine inspiciendiq; facultate oculis omnium conspicienda exhibentur. Et quid, quæso, hoc aliud est, quàm rerum omnium benè ac legitimè gerendarum, debitam OCCASIONEM & opportunitatem sedulò obseruare? Alioqui (ut cum Petro Rauennate loquar) rudis miles ad aciem concurrat, qui causam belli nescit, & ius bellatoris ignorat.

Schemat.



## Schemat. 12. Cap. 3.

*Splendor gloriæ eorum, qui OCCASIONEM coluerint,  
exemplis collustratur.*

**E**X prædictis verum esse cognoscimus quod dicit Gregorius: *Gregor. Moral. lib. 16.* Querenda est gloria Dei per vias eius. Nam quomodo alioqui eò perueniatur, si via quæ eò ducit non teneatur? Ita quod & S. Bernardus: *Bern. in Doct.* Ad æternitatis gloriam acquirendam, nullus labor durus, nullum tempus longum videri debet. Vnde sequitur, nullam neque temporis neque loci neque rerum occurrentium OCCASIONEM, quæ ad rem faciat, esse omittendam. At nunc aliquot exempla felicitis exitus OCCASIONIS benè habitæ subnectamus; malorum post-eà occasiones, earumque miserandum exitum, vt & occasionem bonam negligentium pœnas explicaturi.

Mirum, quàm lucida benè habitæ Occasionis meritæque per id gloriæ testimonia in D. Gregorio, vita adhuc comite, præluxerint; tum quando in spelunca latens, igneæ columnæ de cælo pendentis indicio proditus, summus Pontifex fuit consecratus; tum quando Christum ipsum, pauperis habitu, dignus fuit excipere hospitio: cùm & angeli sacris operanti responderunt; & Spiritus sanctus in capite scribentis, sub columbæ specie, visus est non rarò quiescere. *Exempla reuelatæ beatitudinis.*

Quid de S. Benedicto dicemus? qui post omnimodam salutis perfectionisque captatam opportunitatem, è vita discedens, ab angelis per viam lucidissimam mirè ornatam in cælos deductus est, cum hoc elogio: Hæc est via, per quam dilectus Deo Benedictus in cælum ascendit. Scholasticam eius sororem meritò adiungamus, cuius ipse animam, in forma columbæ, ad cælestia regna vidit prouolantem. S. Agnes, virginum choro comitata, parentibus in vestitu deaurato per vium apparens, dixit: Congaudete mecum, & congratulamini; quia cum his omnibus lucidas sedes accepi. Sed à D. Hieronymo



ronymo incipiamus studiosam Occasionis obseruationem in sanctis animaduertere.

Quomodo  
S. Hiero-  
nymus oc-  
casionem  
obseruarit.

Præter communem enim omnibus sanctis occasionem, qua gratiam Dei non in vacuum accepit, peculiare aliquot occasionis bonæ obseruationes in ipso eluxerunt. In primis, quod à pueris semper virorum sanctorum & eruditorum consuetudinem sit sectatus; quod in Galliam, Græciam, aliasque nomine sapientiæ celebres regiones peragrarit; quod loca sancta religionis ergò lustrauerit; quod ad meliorem S. Scripturæ intelligentiam, eruditissimos Hebræorum in illa Palestina peregrinatione sibi adhibuerit; quod solitudinem, ut cælestis beatitudinis contemplationi magis fauentem, sæculi pompæ prætulerit; & quasi assiduus OCCASIONIS benè merendi cultos, totus salutis suæ suique proximi vacarit.

S. Paulus  
eremita  
quantus  
Occasionis  
sectator.

Quàm admiranda prima OCCASIO benè ominati secessus in eremum sancti Pauli primi eremitæ! Cum enim quindecim esset annorum, orbatus parentibus, declinandæ causæ persecutionis Decij & Valeriani, Deoque liberius seruiendi desiderio, in eremi speluncam se recepit; ubi loci tandem OCCASIONE inuitatus sedem figere statuit, quod & fecit. Adeò ut palma ei victum vestitumque præbente, ibidem ad centesimum & decimum tertium annum perduravit. Quo tempore ab Antonio nonagenario Dei admonitu inuisitur. Post mutuos complexus, epulum diuinum, cælestesque collaudationes, amandato pro pallio Athanasij Antonio, inter orandum emisit Paulus debitum cælo spiritum. Antonius in regressu vidit beatam illam animam inter choros angelorum, inter prophetarum & Apostolorum cœtus, in cælum ascendere.

OCCASIONIS verò tam singulari Dei munere primum oblata tam sedulam habuit rationem, ut numquam toto vitæ decursu putauerit dimittendam; quin potius, quidquid successu temporis accederet, quod eam ex parte aliqua foueret, augeret, aut confirmaret; id ita totum in lucro posuit, ut summas diuitias existimarit, cum talento semel accepto, maiori semper cum fœnore negotiari; dum veniret, qui ut illi idipsum contulerat, ita copiosam redderet pro labore mercedem: quod



quod haud dubiis micantium luminum, testium oculatorum, miraculorumque argumentis, in aeterna gloria est consecutus.

Quis irradiantem sancti Francisci splendorem sanctitatis in terris, & gloriae in caelis, satis admiretur? ut quem in mortali adhuc corpusculo praefulgida vulnerum Christi stigmata collustrarint, & ex morientis ore, stellae micantis instar, spiritus gloriosus visus sit emigrare, magnaque cum luce in caelos ascendere.

*S. Franciscus qualiter effulserit.*

At, quae, obsecro, tantae sanctimoniae, tam rarae illustrationis OCCASIO? quomodo oborta? quo pacto excepta habitaque? Mendicum quemdam in Christi nomine stipem petentem, cum aliquando vacuum remisisset, repente eo facto commotus, largè ei misericordiam impertivit: & ex eo die Deo promisit, se nemini umquam poscenti eleemosynam negaturum.

*Quomodo occasione amplexus sit.*

An hic finis? Nihilne aliud augendae tam benè inchoatae Occasioni accidit OPPORTUNE? Pater indignatus, eum sistit Episcopo, ut bonis cedat paternis. Quid ille hac noua occasione oblata? Abiectis etiam vestibus, patri concessit omnia; illud subiungens, sibi in posterum maiorem facultatem fore dicendi; *Pater noster, qui es in caelis.*

Sed nec hiedum stetit OCCASIONIS proficiendi in melius observatio. Cum namque illud quodam die in templo ex Euangelio audisset: *Nolite possidere aurum, neque argentum, neque pecuniam in zone vestris, neque peram in via, neque duas tunicas, neque calceamenta, &c.* eam sibi regulam seruandam proposuit: quam per OCCASIONEM sibi à Deo dari cognoscebat. Quid mirum itaque, illum inter sidera stellae eminentioris fulgore splendescere, qui tam rarus inter mortales omnis bonae OCCASIONIS considerator exstitit & observator?

Schemat.



## Schemat. 12. Cap. 4.

*In D. Augustino, ac Maria Magdalena, docetur, quomodo & ipsi OCCASIONEM obseruarint; ideoque gloria sint coronati: & quomodo eos imitemur.*

S. Augustinus qui se erga Occasionem habuerit.

**Q**uidni & præclarum illud Ecclesiæ fidus, D. Augustinum, inquam, prædictis annumeremus, nullum tamen in narrandi serie præiudicium ponentes? Is siquidem, tamen si initio vitæ suæ, antequam serio de puluere seculi vitiorumque cœno excuteretur, oblatam non semel OCCASIONEM neglexit: tamen quando eam serio est contemplatus, ita in eius amorem exarsit, apprehendit, strinxit, fouit, assiduoque studio obseruauit, ut nihil quod ad eruditionem sanam, ad solidam vitæ sanctitatem, custodiam castitatis, disciplinæ monasticæ obseruantiam, caritatem in Deum ac proximum, patientiam in aduersis, feruens patriæ cælestis desiderium, pertineret, vilo vñquam tempore, vel vlla aduersa occasione insurgente neglexerit. Hinc & variis, per visum, in cælestis gloriæ splendore apparuit, & multoties manifesta suæ beatitudinis argumenta dedit.

Sed ecquando finem faciamus, si hîc D. Gregorij, Ambrosij, Athanasij, Nicolai, Martini, Cornelij & Cypriani, ceterorumque sanctorum & sanctarum Dei, admirandas tum conuersionis, tum vitæ sanctioris, vel magni in Ecclesia splendoris, OCCASIONES exquiramus? Vbinam suppetat spatium temporis & chartæ, si contestata quamplurimis miraculis & visionibus certæ ipsorum beatitudinis experimenta incipiamus enarrare?

Sit satis itaque in paucis viam strauisse, & quasi indice monstrasse quâ incedendum, ut in singulis Dei sanctis & studium salutaris OCCASIONIS obseruemus, & quantam hac ratione gloriam ac splendorem in cælesti patria sint consecuti, ut tanto studiosius faciliusque eos imitemur. Quod si quis tam  
men



men hic modi iam dicti aliud exemplum præter supradicta, experiendi gratiâ, apponi desideret, in quo OCCASIONE notata, in ceteris ita discamus occasionem ubicumque occurrerit, obseruare; Mariam Magdalenam in medium proferamus.

Notum est, hanc adeo peccatis immersam tamque ab omni sanctitate & salute alienam fuisse, ut peccatrici infame nomen publicè obtineret. Arduum haud dubiè atque perdifficile, tam profundè in cœnum illapsam carrucam, infixumque in luto profundum iumentum, extrahere; quocirca OCCASIONIS bonæ diligenti obseruatione est opus, si qua datur. Data est, arripuit, emerfit, emicuit, tota pulchra facta est, Christo amabilis, ardentior ceteris, & præ ceteris Domini rediuiui dignata conspectu; viua adhuc in mortali carne, cælestium spirituum choris illata quotidie, melodiis satiata, tandemque vinculis soluta corporeis, in cælum ab angelis cum ingenti iubilo & lumine deportata.

Maria Magdalenam  
quomodo  
Occasionem  
coluerit.

At, quid agimus? quò delati sumus? dum OCCASIONEM ipsi ad tam præclara oblatam intentis oculis consectamur, eandem innominatam & vix notatam præteriuimus. Fateor, dum in reali festinantiq; eius amplexu narrando, bonisq; inde subsecutis recensendis abripimur, illam ipsam suo loco non indicauimus, ubi se prima fronte offerebat. Quæ igitur horum omnium ita in melius conuersorum OCCASIO? quomodo data, arrepta, habita, conseruata? Dicat ipse D. Lucas nobis, qui cuncta eò spectantia describit, testis locupletissimus. *Ingressus Iesus domum Pharisei, discubuit. Et ecce* (ecce Luc. 7. inquam, OCCASIO amabilis, optata, data diuinitus) *mulier quæ erat in ciuitate peccatrix, ut cognouit quòd Iesus accubuit in domo Pharisei, attulit alabastrum vnguenti: & stans retrò secus pedes eius, lacrymis caput rigare pedes eius, & capillis capitis sui tergebat, & osculabatur pedes eius, & vnguento ungebat.* OCCASIONEM ad Christi pedes querebat, & inueniebat.

At, in quo consistit illa tanta huius OCCASIONIS oportunitas? Audiamus D. Gregorium & D. Augustinum, id luculentissimè nobis edifferentes. Et quidem Gregorius in hunc modum: Considerauit quod fecit, & noluit moderari

Gregor.  
Homil. 33.

k

quid



quid faceret. Super conuiuantes ingressa est: non iussa venit, inter epulas lacrymas obtulit (importuna itaque visa est OCCASIONIS venatrix? nequaquam.) Turpitudinis suæ maculas adspexit, lauanda ad fontem misericordiæ cucurrit, conuiuantes non erubuit: nam quia semetipsam grauiter erubescibat intus, nihil esse credidit, quod verecundaretur foris.

D. Augustinus verò sic OCCASIONIS opportunitatem insinuat. Vidistis mulierem in ciuitate famosam, malæ utique famæ, eò quòd erat peccatrix, non inuitatam irruisse conuiuio, vbi suus medicus recumbebat, & quæsisse pia impudentia sanitatem. Irruens quasi importuna conuiuio, opportuna beneficio. Nouerat enim quanto morbo laboraret, & illum ad sanandum idoneum esse, ad quem venerat, sciebat.

Obscura  
quando-  
que Occa-  
sionis fa-  
cies, &  
tergenda.

Ecce, vt à splendida OCCASIONIS facie obscuram importunitatis & impudentiæ fuliginem, qua obnubilari videbatur, abstergit! Et quidem collustratæ hîc OCCASIONIS occasione libet animaduertere, quàm frequenter inter mortales, etiam in rebus maximi momenti, seu sæcularibus seu spiritualibus, occasionis optimæ opportunitas reiiciatur, eò quòd aliquid importunitatis videatur admixtum. Certè, defectus criseos discretionisq; est, ita procedere, quia semper ferè aliquid similis obstaculi concurrat, in omni præclari facinoris materia. Sed illud est à primaria OCCASIONIS opportunitate fecernendum, vt in Magdalenæ factò animaduertimus. Alioqui nec ipsa captare occasionem illam debebat, quia scilicet importunum videbatur, nec soror eius excipere Christum hospitio, nec Baptista incestum Herodem redarguere, nec Christus vendentes & ementes è templo eiicere, quia in omnibus aliquid obstaculi reperiri posse videbatur.

Luc. 7.

Hospes Christi talis erat sententiæ cum insipientibus istis æstimatoribus in factò Magdalenæ iudicando. Valdè importunè ipsi agere illa videbatur; nec quidem Christum ipsum culpa vacare, qui mulieris impudentiam atque importunitatem admitteret. Vnde in corde suo, Luca testante, dicebat; *Hic si esset propheta, sciret utique, quæ & qualis esset mulier, quæ tangit eum, quia peccatrix est.*

Ast,



Ast, quia in tam stupida Pharisei censura à Domino reprehensa, hominum quoque illorum stolidum iudicium refutatur, qui ob futilem circumstantiam, prorsus contemnendam, ipsam quoque rei benè gerendæ OCCASIONEM contemnunt; hic verba D. Augustini adiiciam, quibus increpationem illam à Christo factam, vt meretur, explanat. O Pharisee, inquit, inuitator & irrisor Domini; Dominum pascis, & à quo sis pascendus, non intelligis. Vnde scis, Dominum nescisse quæ fuerit illa mulier? (ac si nostros insensatos censores compellet rogetque, Quod fundamentum tui iudicij, tuæ censuræ, seu potius phantasie tuæ tam insulsæ?) Nisi quia, illo patiente, osculata est pedes eius? nisi quia tersit? nisi quia vnxit? Hæc enim (quasi verò) non debuit permitti facere mulier immunda. Ad illius ergo Pharisei pedes si talis mulier accessisset, dicturus erat quod Isaias de talibus dicit; Recede à me, *Isa. 65.* noli me tangere, quoniam mundus sum.

Sic nonnulli quandoque, sibi soli sapientes, de prudentissimo consilio, de cæpto consultissimo, de magnæ alicuius molitionis OCCASIONE se offerente, inuitante, cogente, dicunt pro sua prudentia; Ego sic non facerem: non puto hoc, nunc, ita, cum talibus, aggrediendum. nolim ego hoc attentare, non iudico expedire vt fiat. Quare? quæ ratio? quod fundamentum tam profundi iudicij, tam solidam bonæ OCCASIONIS opportunitatem euertentis? Ratio est; quia vna musca est in via; quia vnus pilus est impedimento; debeo hodie tonderi, balneare, epulari, ne dicam conuenire Thaidem.

Sibi sapientium inanitas.

En, quæ trabes in oculo, ne videamus solem in meridie! En tibi quàm benè materiata rationes ad impediendum optima consilia ex OCCASIONE se offerente desumpta, ad inuertenda attentata heroica, & conceptus omni exceptione maiores amoliendos! Interea, moriatur ægrotus, si diutius nequeat viuere; pereat ciuitas, regnum corruat, intereat mundus; ne hilo æstimanda vniuersa hæc videntur, præsententiæ talis dignitate.

Digni qui nouo ostracismo damnentur eiusmodi censores, consultores, rerumque gestores. Si ipsi inde (vt verisimile



est) non redirent sapientiores, saltem aliis se prudentioribus non essent obstaculo. Ingemisceret haud dubiè mundus vniuersus, si sensu damna perciperet, quæ ei quotidie per hoc hominum genus vbique terrarum inferuntur. Et interim ipsi non solum sibi videntur Catones Platonesque sapientiâ superare, sed etiam ab aliis tales haberi volunt. tam est efficax philautiæ & cenodoxiæ titillatio.

Nunc autem, priusquam ad infelicem illorum conditionem explicandam accedamus, qui OCCASIONIS neglectæ pœnas luunt, aures ad verba beatorum illorum, exultationis & gaudij plena, conuertamus. Non poterunt in æternum sufficienter laudes Deo canere, lætitiâque suam attestari, quòd, diuina donante gratia, in tempore opportuno ac diebus salutis, hoc obseruauerint, quod præsens OCCASIO postulabat. Vnde inter angelorum choros lætabundi decantant immensam Dei bonitatem, concinuntque his verbis suum epinicion:

*O pietas suprema, & inenarrabile donum  
Lætitiæ! Deus alme, tuo quot fonte redundant  
Gaudia! Felices, quibus est OCCASIO cordi!*

A

Sed priusquam neglectæ Occasionis pœnas recenseamus, Occasionis in malum acceptæ sententias aliquot S. Scripturæ præmittam, ne quid eorum animis inhæreat dubij, qui earum fortè sunt memores, eisque in huius tractatus quasi periodo remoræ loco esse possint.

### Schemat. 12. Cap. 5.

*S. Scripturæ loca explicantur, quibus OCCASIONIS vocabulum in malum accipitur.*

**Q**uia sunt aliquot S. Scripturæ sententiæ, quibus OCCASIONIS vocabulum in deteriorem partem accipitur, illas hîc consultò paucis recensendas explicandasque putauimus; vt detecto talium occasionum sic acceptarum periculo, ad eos qui vel in malum occasionem captarunt, vel boni operis salutisque



tiſque OCCASIONEM neglexerunt, tranſeamus; videamusque  
quas tali pro noxa pœnas luant: quod huic quoque opusculo  
finem imponet.

In primis dicit Apostolus septimo ad Romanos Capite;  
OCCASIONE accepta, peccatum per mandatum operatum est in *Rom. 7.*  
*me omnem concupiscentiam.* Item: *Peccatum occasione accepta*  
*per mandatum, seduxit me, & per illud occidit.* Non dicit, le-  
gem dedisse occasionem peccato; sed malam hominis ad pec-  
catum proclivitatem accepisse occasionem illegitimè ex man-  
dato: ut, quod videret in mandato prohiberi, hoc ipsa, quasi  
per mandatum memor peccati facta, perpetraret. Et quod for-  
tasse homo ante legem ignorabat peccatum, in quantum im-  
portat offensam diuinam (tamen ex lege naturæ, sciret esse  
contra rationem honesti) hoc per occasionem legis, mentio-  
nem eius facientis, inceperit cognoscere, quantum ad reatum  
pœnæ, & offensam Dei.

Occasio ad  
malum  
non arri-  
pienda.

Sed alioqui, lex bona, sancta, & immaculata est; atque ita  
occasionem iustam mali vel peccati dare non potest. Sicut  
Christus nemini dedit ullam offensionem, scandalum, mali-  
ve alicuius occasionem: sed impij in ipso occasionem quæſie-  
runt & acceperunt non datam: sicut Iudas in vnguente effu-  
sione, Iudæi in Christi doctrina, vita, miraculis, & morte ipsa.

Itaque, ut supra aliis locis diximus, vera OCCASIO nulla est  
ad malum; sed mali captant accommodam suæ nequitiae per-  
petrandæ opportunitatem, quæ Occasionis speciem habet,  
& communi modo loquendi vocatur Occasio. Atque ita, sic-  
ut naturæ deprauatæ propensio in homine furace, speciem  
quamdam occasionis furandi sibi offerri per pecuniæ præsen-  
tiam persuadet; ita & in alia peccata prolabendi, quando per  
legem ei in mentem reuocantur, tamen prohibendo. Iuxta  
illud: *Nitimur in vetitum semper, cupimusque, negata.* *Ouid.*

Ita improprie quoque sumitur Occasionis appellatio in il-  
la aliàs citata Sapientis sententia: *In filia non auertente se,* *Eccli. 26.*  
*firma custodiam: ne inuenta occasione abutatur se.* Occasio  
siquidem ibi vocatur, opportunitas illa ad malum, quæ ex con-  
sorte, loco, & tempore, ad peccandum accommodis, oboriri



videtur ei, quæ ex pronitate ad malum, talem opportunitatem quærit, vel tali verisimiliter habita occasione lapsura est: neque enim se auertit à lubrico loco, impudico adspectu, alloquio illecebroso, & fortè neque à causis magis propinquis. Dicitque Sapiens, talem filiam (seu etiam adolescentem) duplici indigere custodia: vnâ quâ omnes etiam castæ & sui curam habentes, ad securitatem tamen custodiuntur: alterâ qua insuper egent, quia tantum abest vt semetipsæ custodiant, vt etiâ labendi occasiones suapte lubricitate captare videantur.

Occasionis  
ad malum  
fuga.

Occasio tali significatione vsurpata ad malum, subesse cernebatur ad adulterium committendum, quando Ioseph castissimus ab impudica propria hera sollicitabatur; sed effugit atque auersatus est. Istoque sensu dicitur illud tritum apud omnes, *Occasio facit furem*; quando aliquis rerum alienarum appetentior, vt paulò antè dixi, videt furandi opportunitatem, vel pecuniæ iacentis in mensa, vel cistæ patentis, alteriusve rei occurrentis occasione. Ità & occasio fornicandi, se inebriandi, vlciscendi, & pessima quæque designandi. Non est illa propriè occasio, sed aptitudo rerum vel temporis ad malum arrepta.

Occasionē  
auaritiæ  
amputabat  
Apostolus.

Occasionem quæstus & auaritiæ ex verbi diuini prædicatione in pseudoapostolis impedire conabatur Apostolus suo exemplo. Ipsi namque, vt in honore haberentur & pretio apud Corinthios, & bona temporalia & gloriam ab ipsis acciperent, nitebantur exteriùs sequi vestigia Pauli; vel etiam, si potuissent, ipsum excellere. Apostolus verò, prædicans, laborans, discurrensque præ illis, nihil tamen à Corinthiis volebat accipere: non quòd eos non diligeret (Deus scit, inquit) neque quasi non posset bona conscientia de altari viuere, qui altari seruiebat; sed ob hoc tantum, vt dum pseudoapostoli gloriarentur, se imitari Paulum, in eo etiam imitarentur, vt nihil acciperent: sciens illud Ambrosij (tamen si ante Ambrosium) quòd si non acciperent, non prædicarent. Et hoc est quod dicit Apostolus: *Quod autem facio, & faciam; vt amputem occasionem eorum, qui volunt occasionem: vt in quo gloriantur, inueniantur sicut & nos: nihil scilicet accipientes.*  
Aua-

2. Cor. II.



Auauitiae itaque & turpis lucri OCCASIONEM amputabat Apostolus tali stratagemate.

Ita cum ad Galatas scribit : *Vos in libertatem vocati estis*, Gal. 5.  
*fratres ; tantum ne libertatem in OCCASIONEM detis carnis*. Occasio libertatis  
 malae vitanda.  
 Monet & hortatur Galatas, qui iam per fidem Christi assumptam, liberi erant à lege ; ne existimarent sibi iam propterea licere peccata committere, quæ lex prohibebat. Liberi estis ; sed ne abutamini vestra libertate, impunè vobis peccandum esse arbitantes. Non est libertas hæc data in occasionem carnis, hoc est, ad viuendum secundum carnem ; quod lex prohibebat. Ac si dicat : Libertas non dat occasionem ; videre, ne vos inde occasionem accipiat ad impunè peccandum. Sicuti liberato à vinculis & carcere, non datur occasio alios diuerberandi, furandi, & in peius prolabendi. Si arripit, occasio iusta non est, sed illicitè usurpata. Sic de se testatur Apostolus, vitasse se OCCASIONEM scandali. *Neque enim* (inquit) 1. Thess. 2.  
*aliquando fuimus in sermone adulationis, sicut scitis, neque in occasione auaritiæ, Deus testis est.* Vt etiam monet, nullam occasionem dandam aduersario maledicti gratiâ.

Hinc D. Augustinus rogatus, quare cum sorore habitare refugisset ? Quia, inquit, quæ cum sorore mea sunt, vel ad eam ventitant, non sunt meæ sorores. Et hanc eiusdem esse sententiam perhibent : Malum est mulierem videre, peius alloqui, pessimum tangere. Ad occasionem igitur mali vel scandali vitandam, ad Apostoli Sanctorumque exemplum, etiam tuta timenda sunt.

Quid de Arsenij studiosa OCCASIONIS mali fuga dicturi Arsenius.  
 sumus ? Is, cum quædam non obscuri generis matrona illum videre cupiens, de improviso ante hospitium eius ipsi occurrisset, repentinè auertit sese, & muliebrem audaciam gestu pariter & verbis inculcavit. Rogo, inquit illa, ne indignè feras aduentum meum, quæ sincera mente & pio affectu huc veni. Aut si eo quidquam offensus es, veniam da, ac pro me Deum, cui soli seruis, deprecare. Precabor Deum, respondit, & quidem multum, ne tui umquam meminerim. Mulieris non adspexit tantum, sed & recordationem auersabatur,



batur, propter comitem mali alicuius occasionem.

Ephrem.  
Simeon  
Metaphr.

Ephrem similiter studiosus occasionis mali scandalive euitator, cum cibi aliquid sibi pararet, mulier quædam meretrix ex vicinia per fenestram spectans, eum sic est allocuta; Benedic Abba. Ille verò cum eo qui ipsum decebat habitu, gestu, & sermone, Dominus (inquit) tibi benedicat. Illa autem rursus vehementi & indecoro cum risu, Sed quid (inquit) tuo cibo deest? Ille verò, Tres, inquit, lapides & parum luti, ut hæc obstruatur fenestra. Occasionem mali illa suggerebat, obtrudebat, perurgebat: ille verò æquè constanter est auersatus. Cumque illa impudentius adhuc ad infanda prouocaret, atque ipse ea lege annueret, ut in medio foro eam conueniret: illa ruborem ex spectaturo circum populo prætendente, captauit vir Dei occasionem in bonum, eamque ad reuerendum timendumque Dei conspectum, & ad conscientie ipsius irrefragabile testimonium perduxit; ut peccatis vera confessione detectis, & deterfis, in vitæ nouitate Christo deinceps famularetur. Ita mala occasio vitata, in bonam conuersa est.

### Schemat. 12. Cap. 6.

*Debita OCCASIONIS ad salutem datæ & neglectæ  
punitio, Damnatio æterna.*

Quinque  
prudentes,  
& quinque  
imprudentes: omnis  
homo.

Metancea  
ad salutem.

**T**Otius typi OCCASIONIS decursu in decem adolescentibus, ut initio diximus, omnium ordinum homines complexi sumus: quorum quidam prudentiores, momenta OCCASIONIS perpendentes, eam debite vtuntur; alij verò vecordes eam negligunt, siue in rebus gerendis, siue præsertim in salute animæ promerenda. At, notandum, quinque quidem adolescentes imprudentiores Occasione fuisse abusos; sed Angelo patrocinate ad mentem rediisse, & METANOËAM, elapsa OCCASIONE, ad iustam resipiscentiam arripuisse: atque ita in illis poenitudine ductis repræsentari omnes illos, quos ante



ante mortem errati pœnitent. Ultimo igitur hoc Schemate, A quinque quidem numero beati cœlestium choris inserti conspiciuntur, æternum gaudentes, quod OCCASIONIS curam ut oportuit gesserint. sed tres illi qui inferni cruciatibus C mancipati pœnas luunt, non ex illis quinque imprudentibus, E postea tamen resipiscentibus, esse censendi sunt: sed alij, qui suo tempore, neque occasionem ipsam salutis sunt amplexi, neque eâ præterlapsa METANOEAM quidem in iusti doloris ac pœnæ satisfactionem assumerunt; sed in sua insipientia sine ullâ resipiscentiâ, miseræ huic vitæ mortali, longè miserabiliorem finem imposuerunt, immortalis tormento principium statuentes, & iam serò suam descentes cæcitatem.

Metanoea  
ad tormen-  
tum.

Itaque res illa exhiberi censenda est, atque si maligni spiritus, prædâ illâ suâ quinque imprudentium iuuenum ab Angelo ereptorum frustrati, in recognoscenda trium aliorum pœna, quos aliquando ad OCCASIONIS contemptum seduxissent, suam exsaturarent rabiem, quandoquidem tam optatus bolus in illis quinque speratus, ipsis è faucibus sit diuina potentia ereptus. Hæc dixerim, ne tribus tantum in inferni tormento conspectis, dubium Lectori Spectatori quæ oboriatur, eò quod hætenus quinario numero & benè & malè OCCASIONE videntes constiterint.

Diaboli  
pœnis da-  
mnatorum  
delectan-  
tur.

Quicumque igitur mali occasionem non fugerint, vel à Deo datam ad benè merendum neglexerint, neque Metanœæ quidem comitis opportunitate ad pœnitentiam salutarem vsi fuerint, quid tandem sint præmij accepturi, ut ex Schemate patet intuentium oculis, ita adhibitis aliquot S. Scripturæ sententiis atque exemplis clariùs apparebit.

Vnam ex Apocalypsi, quasi præambulam, præmittemus. *Qui vicerit* (hoc est, ut suprà meminimus, qui bonum certamen certauerit, idq; legitimè seruatis seruandis: quod faciunt qui omnem benè agendi OCCASIONEM observant) *possidebit hæc: vitam, requiem, coronam & gloriam sempiternam. Tumidis autem, & incredulis, & execratis, & homicidis, fornicatoribus, & veneficis, & idololâtris, & omnibus mēdacibus, pars illorum erit in stagno ardenti igni & sulphure, quod est mors secunda.*

Apoc. 21.



Sap. 5.

Certum est, quotquot hîc recensentur, & quicumque aliij in hoc stagnum deueniunt, malè salutis OCCASIONEM & tempus gratiæ obseruasse. Inducit diuinum eloquium illos idipsum profitentes, dum sic damnabilem eorum statum causamque describit. *Videntes* (beatorum gloriam scilicet, & omnia aliter quàm sperarant cadentia) *turbabuntur timore horribili & mirabuntur in subitatione insperata salutis: dicentes intra se, pœnitentiam agentes, & præ angustia spiritus gementes: Hi sunt, quos aliquando habuimus in derisum, & in similitudinem improperij. Nos insensati vitam illorum aestimabamus insaniam, & finem illorum sine honore. Ecce, quomodo computati sunt inter filios Dei, & inter sanctos fors illorum est. Ergo, errauimus à via veritatis, & iustitie lumen non luxit nobis, & sol intelligentia non est ortus nobis.*

Ecce, obstupefcunt præ inexplicabili gloria eorum, qui in vita OCCASIONEM tempusque opportunum bene merendi, non putarunt negligendum; licet ob id stulti, amatoribus mundi, infani, & inglorij post vitæ decursum futuri olim viderentur. Horribili insuper turbatione mali concutientur, dum se tam præter omnem spem metumque omnem, citra omnem ipforum expectationem, videbunt frustratos sua opinione & prætensione: tamque diuersa esse iudicia Dei à suis ipforum iudiciis, ac tam horrendè castigari neglectæ OCCASIONIS iniuriam. Incuriam ferè tantum dixissem, sed iniuriæ meritò vocabulum obtinet hæc tam salutaris opportunitatis incuria. Nam diuinæ benignitati iniurius esse censendus est, quisquis tantum beneficium tamque efficax amoris argumentum ingratus proculcaret.

## Schemat. 12. Cap. 7.

*Exemplo diuitis Epulonis ostenditur, quas daturi sint pœnas, diuinæ gratiæ, temporis, occasionisq; contemptores.*

**S**I exempla aliquis dolendi neglectæ OCCASIONIS exitus requirat, certè vnicum loco omnium (meo quidem iudicio)



cio) meritissimò volenti sufficiat. Nónne abundè monentur officij sui omnes negligentes OCCASIONIS obseruatores, à qua præsertim salutis æternæ momenta dependent, quando in serò deploratum diuitis epulonis exitium, oculos reflectūt? Divesepu-  
lo.

Abstracto igitur parumper ab aliarum rerum cogitatibus animo, fingant se inter tormenta gehennæ videre, audireque clamantem, dicentemque; *Pater Abraham, miserere mei; & mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma.* Luc. 16.

Quid hîc audimus? quid animaduertimus? Ecce OCCASIONE Lazari, quem ex inferni tormentis, in sinu Abrahæ quiescentem videbat, sibi iam cupiebat consultum; qui dum esset in viuis, nullam melioris vitæ vel misericordiæ exercendæ arripuit OCCASIONEM, ex eiusdem Lazari præsentia ac miseria, mensæ micas expetentis, ei que eadem operâ OCCASIONEM tanti meriti submittentis.

Canes verò, data illa tam opportuna occasione, in misero ad ianuam diuitis decumbente, veniebant & lingeabant vlcera eius. Meritò itaque tam suæ salutis negligentem mansit METANOEIA; non quæ solatij spem daret, sed quæ æternum affligeret.

Hinc ipsi ab Abrahamo responsum est; *Fili, recordare, quia recepisti bona in vita tua, & Lazarus similiter mala; nunc autem hic consolatur, tu verò cruciaris.* Tu bonis omnibus abundans, mille habuisti occasiones, cælum promerendi, cælum coëmendi, regnum cælorum vi capiendi; sed abus es omnibus. Lazarus verò multa perpeßus est; sed aduersa omnia in OCCASIONEM virtutis maioris que meriti conuertit. Ideoque ipse pro meritis æterna gloria potietur; tu verò, ut par est, flammam pascas sempiternam.



## Epilogus.

Mutij Ab-  
batis ino-  
pinia con-  
uersio.

**Q**Uæ cum ita sint, OCCASIONISQUE benè acceptæ tanta efficacia, & è contrà tam tristis neglectæ sit exitus; utinam quicumque hunc nostrum de OCCASIONE tractatum inspexerit, & ego in primis, qui sincero animi candore illum posteritati consecraui, occasione OCCASIONIS sic adornatæ, certiolem firmioremque semper salutis consequendæ normam sectemur. Detque sua infinita benignitate Omnipotens, ut etiam si quis, quam dextrâ damus, sinistrâ OCCASIONEM acceperit, per OCCASIONEM vel sic arreptam, exemplo Mutij Abbatis, etiam aliud agens euadat melior. Is siquidem, cum gentilis adhuc esset & latro, atque ad virginum quarundam cœnobium spoliandû in tectum ascendisset, in ipso tecto consopitus, regem quemdam vidit, à quo monebatur, ut tandem à sceleribus desisteret: quo ille permotus, baptismum illicò, deinde etiam monasticam vitam suscepit: in qua tantam adeptus est sanctitatem, ut præter alia miracula, solem quoque, tamquam alter Iosue, stare iusserit. Ita, quacumque tandem OCCASIONEM salutis amplexus quisquam fuerit, eum certò sanctorum sedibus insertura est; ut quisquis eam neglexerit, æternas indubiè est pœnas daturus; quemadmodum Schema hoc nouissimum ob oculos ponit.

Quia verò dicta vocesque damnatorum in versibus Schemati subscriptis hæc & eiusmodi satis expendunt, si modò & ipsi benè expendantur; hîc finem faciam, vno ex omnibus adiecto versu:

*Heu! quanti constas OCCASIO perdita! quanti!*

C

O R A-



## O R A T I O XII.

Vt euitata gehenna caelestibus asseramur.

**O**Mnipotens sempiterne Deus, qui iusto tuo iudicio, & bonis virtutum præmia, & malis æternum pro culpa statuisti supplicium; dignare tuorum corda fidelium sancti Spiritus illustratione docere, vt à noxiis cunctis vitæ suæ vestigia retrahentes, viam mandatorum tuorum incessanter decurrant; quò tandem à gehennæ incendiis liberati, choris caelestibus asserantur. Per Christum Dominum nostrum. Amen.

F I N I S.





## A P P R O B A T I O.

**C**Vm Tractatus iste de Occasione nihil  
 contineat, quod non præbeat occasionem  
 ædificationis tam in fide Catholica Romana,  
 quàm in rectis moribus illi conuenientibus, exi-  
 stimo eundem magno cum fructu imprimen-  
 dum & legendum. Quod attestor hac VII. Id.  
 Octob. 1604.

*Martinus Baccius Tiletanus, S.Th. Licent.  
 & Archipresbyter Cathedralis Ecclesiæ  
 Yprensis, ac à R<sup>mo</sup> ad eiusmodi examen  
 commissus.*

**V**isa superscripta R. Domini Archipresby-  
 teri de hoc tractatu censura, meritò illum  
 typis committendum iudico. Datum Bruxel-  
 læ die 15. Sept. anno 1604.

*Petrus Vinck Archipresbyter Bruxell.  
 Censor ordinarius.*



# OCCASIO.

DRAMA,

P. IOANNIS DAVID,  
Societatis Iesu Sacerdotis.



ANTVERPIÆ,  
EX OFFICINA PLANTINIANA,  
Apud Ioannem Moretum.

M. D C. V.




COCCASIO

D. A. M. A.

P. I. A. N. N. I. S. D. A. V. I. D.

JOHANNES I. SACERDOTE



A. N. T. I. Q. U. I. T. A.

EX OFFICINA PLANTINIANA

A. L. I. N. D. E. M. A. G. I. N. I. S.

M. D. C. N.



273

AD CANDIDVM LECTOREM.

**C**VM inaudissem, amice Lector, non vno loco à quibusdam in gratiam studiosæ Iuuentutis, Dialogos & Dramata (occasione TYPi OCCASIONIS ante biennium in lucem editi) fuisse data, versibus forsan, quos iconibus OCCASIONIS subieci eum in finem trāsscriptis; tametsi non dubito quin id illi meliùs elegantiusque, cùm nec Poëtam nec Choragum profitear; quia tamē Drama illud in promptu erat, quod olim ad tenerę etatis exercitium, simplici Camœna luseram; vndeq; versículos ipsis iconum lamellis incisos excerpseram: Visum fuit quibusdam (quorum dignitati & auctoritati plura debeo) facturū me studiosę Iuuentuti rem non ingratam, si Drama ipsum, quod toti de OCCASIONE tractatui principium dedit, eiusdem ad calcem adnecterē. Feci non grauatè: præsertim cùm vt nihil admodum vtilitatis adferret, nihil quoq; sit obfuturum. Hoc interim te monitum velim, Dialogum hunc non iam in SCENAS vt antè, sed in SCHEMATA digestum; vt iconibus ipsis singulisque libri partibus examussim respondet, sicq; ab inuicem lucem accipiant. Itaque & hoc nostrum qualequale studium, Lector, boni consulito.

m

AD



## AD EVMDEM.

*S*I tantum es niueus, benigne LECTOR,  
 Quantum candidulus meus libellus;  
 Nequaquam harmoniā utriusque uestrum  
 Concinnare operosius laborem.  
 Namque hunc uel titulo tenuis pererra;  
 Ni mox, fronte legens benè explicatâ,  
 Tibi senseris esse concolorem;  
 (Albi seu pariter natant olores)  
 Dic, nontam niueum meum libellum,  
 Quàm tu candidulus, benigne LECTOR.

AD LI-



AD LITERATOS  
CALVINO-SAPERDAS

Dentifricium.

**S**AECVLA! quàm simplex tam candidus iste libellus  
Quod bonus & pueris peruius esse velit;  
Sentiet obliquos Caluini de grege dentes,  
Nafos, quæis benè olet præter olea nihil.  
Planos verficulos carpent: hui! talia nobis  
Procudunt vestræ docta LYCAEA scholæ?  
Cur? RVSSAM nec scurra cano, nec mordeo MOMVS.  
Putidulè id faciam; Maeste! Poëta vocer.  
Versibus AVREOLIS sic nempe PARISSIMA scripsit,  
Qui putridè IESVM proscidit & SOCIOS.  
Aurea si vobis tam plumbea; fat scio, vestrum  
Nil hîc ad nafum, nil facit ad stomachum.  
Ergo aliò DENTES: nam, rodere siqua lubido est;  
Quod longum rodant, AMPHITHEATRA dabunt.  
Si canibus liuent, si broncis sesquipede exstant;  
Nitro ibi defricos, lima dolabit eos.  
At cauefis, atrox hæc limatura venenum est:  
Quale nec inferno Cerberus ore vomit.



## DRAMATIS INTERLOCVTORES.

Angelus } *splendide ornatus.*  
 Tempus } *Iuuenis alatus, cum falce & clepsidra.*  
 OCCASIO } *Nympha, fronte capillata.*

Golphus }  
 Britto } *Quinque iuuenes imprudentes.*  
 Pontanus }  
 Morinus }  
 Oleander }

Druillus }  
 Tornus } *Quinque prudentes.*  
 Stora }  
 Mirandulus }  
 Darotistus }

1. Anima. }  
 2. Anima. } *Tres anima damnata.*  
 3. Anima. }

1. Diabolus; magnus. }  
 2. Diabolus; paruus. }

Beatorum chorus : *In celo.*

PERIO-



## PERIOCHA.

**Q**VAE priscis memorata Sophis, viduata capillis  
 Occiput, at frontem crinita OCCASIO (nempe  
 Obuia prensari facilis, fugitiua regressum  
 Nec prece, nec pretio, lacrymisq; datura priorē)  
 Hanc dare Palladiā Juuenes meditantur arenā.

Ecce tibi in Scenam prodibit amabile TEMPVS,  
 Quo duce se cuius Pandora OCCASIO promptam  
 Ingeret: atque suas deproment ordine vires.  
 Praesto aderit Praestes, stellata in veste, Tonantis  
 Aliger; exacuens nutantia corda ludentae,  
 TEMPORIS & molles ne spernant VIRGINIS horas:  
 Ast ansam arripiant auidi, quae Numine Diuum  
 Obtigit, & capiant quas fert OCCASIO dotes.

At verò, insidiis & tetri fraude satanae,  
 Vertitur in risum TEMPVS: similiq; cachinno  
 Excipitur tantis OCCASIO facta tropaeis.  
 Illicet illud abit: volucris simul ocyor Euro  
 Haec fugit, opportuna aliis, qui fronte comatam  
 Iniectaue manu sistunt, donisque fruuntur.

Elapsam implorant serò lugentque priores.  
 Ne tamen aeternas subeant pro crimine flammæ:  
 Angelus addit opem, vitæ veniaque sequester.  
 Amisâ prædâ Daemon furit: utque dolorem  
 Leniat, in quondam captos exasperat iram.

m 3

SCHE-



## SCHEMA I.

Angelus, Tempus, & Occasio, sua  
explicant munia.

Angelus, i. Diabolus, Tempus, Occasio.

Ang. **Q**VIS Patris æterni genus in mortale fauores  
Explicet: Haud satis ille ratus, duxisse sub auras  
Æthereas mediasque plagas, laquearibus orbes  
Auricomos statuisse poli titaniaque astra;  
Aligeros nisi stellanti demitteret axe,  
Præficiens curis hominum rebusque gerendis.  
Ecquid commemorem, quoties bella horrida bella  
Contra Acherontæas dextra hac præeunte phalanges  
Bellarint facili euentu, exuiasque superbas  
Spectandas solum tulerim ad sublime Tonantis?  
Nec fuit hæc cura & votorum summa meorum:  
Ulterius progressus amor: cervicibus enses  
Auerti, strauique vias, luctantia ventis  
Æquora pacam, nocituri demonis iras  
Compreßi meliore manu; vitamque per omnem  
Iustitiæ docui rectos insistere calles.  
At, celi me iussa vocant, letusque faceßso.  
Prò! quid conspiciunt oculi? Monstroße satana!  
i. Diab. Quid tibi tu? Ang. Tuus iste locus? Quid sedibus  
errans  
Alterius sectare. Diab. Animas: Stygi pabula grata:

Cetera



*Cetera tolle tibi.* Ang. *Procul hinc.* Diab. *Tu quò lubet istinc.*  
*Hec mihi magna lucris spes.* Ang. *Lucris? haud fecero tanti*  
*Te mercesque tuas.* Nulla hic te praeda moratur.

1. Diab. *Fallere.* Ang. *Quid? fallor?* Diab. *Semper mihi*  
*pendet ab hamo*

*Esca.* Ang. *Quibus?* Diab. *Quibus? hanc quibus est gustare*  
*voluptas.*

*Hosce viden?* Ang. *Video.* Diab. *O quanta hac mihi messis*  
*in herba!*

Ang. *Effuge.* Diab. *Non faciam.* *Siqua est tibi cura tuorum;*  
*Et mihi cura mea est, mea vis, mea copia sandi.*

*Magnane promittis? magnis ego sum quoque diues*  
*Pollicitis.* *Si dona feras argentea, mi sunt*

*Aurea.* *Non minor est huic denique gloria mundo*  
*Plutonis quam Calicolum.* *Inviolata tuebor*  
*(Quidquid agas) mea iura: Orcum sic testor opacum.*

Ang. *O Stygis in miseros mortales vsque minacis*  
*Immortale odium! Sed magna potentia celo;*  
*Quae vires fraudesque Erebi & molimina frangat.*

*Rumpo moras, ne quemquam astu dulcique veneno*  
*Hostis agat retrò.* *Juvenes, prodite: timoris*  
*Nil habet, horrissonis timidos percellere flabris*  
*Qui solet; imbelli sed abactus terga pauore*  
*Vertit, si leuibus contra conatibus itur.*

TEMPVS, ades; teque his OCCASIO amabilis offer:  
*Præsidio ut freti vestro, Celoque fauente;*  
*Dent operam studiis alacres, & rebus honestis.*  
*Consilium auxiliumque feram: mihi fidite tantum.*

Temp. *Vt, qui sim, norint homines, hæc pauca profabor.*  
TEMPVS ego: *sine quo nihil est quodcumque creatum est.*

*Me*



*Me sine nec cælum, neque cælo sidera, nec sol  
Aureus irradiant: sine me, nec terra, nec æquor,  
Nec quidquid vastâ mundi compage tenetur,  
Existat. Sed enim per me velut omnia constant;  
Omnia sic rursus per me reuoluta labascent.*

*Et, quia Musarum cultoribus omnia præsens  
Suppedito, quibus ad Sophiæ conscendere possint  
Virtutisque iugum: visum, me sistere coram;  
Et facere, ad magnos nihil his ut desit honores.*

*At, germana soror, OCCASIO, quæ mihi semper  
Fida latus cinxti, comes i. Quia dura nouerca  
Dum te incauta rapit, primâ sub origine, cassam  
Reddidit his oculis: ideoque obtutibus ægris  
(Ut tegat indecorem vultum) à ceruice reducti  
Mæsta capillitij oppandit velamen: & inde  
FRONTE CAPILLATA ES; SED POST, OCCASIO,  
CALVA.*

*Ne tamen intereâ proprij studiosa pudoris  
Usque domi latites, frustratis scœnore tanto  
Terrigenis; meritò genitrix Natura monebat,  
Lux tibi duxque forem. Quare, vestigia fratris  
Ponè legas, quocumque manu vel arundine lentâ  
Duxero. Tu intereâ tua commoda fida recense,  
Cognita quò fias mortalibus, hisque fruatur  
Quisquis auct, cuique vllus amor studiūve salutis  
Est propria: nihil ut valeat prætexere culpæ,  
Si te contemptâ meritum damnetur ad Orcum.  
Occas. Illa ego, quæ Angelicis olim cum mentibus auras  
Ducta sub ethereas, rerum primordia noui.  
Has inter, quæ me dignatæ amplexibus, omnes*

*Sedibus*



*Sedibus asserui superis : meaqué ora perosis  
Dra dedi horridi fundare palatia Ditis;  
Et luere aternas mixtâ caligine flammâs.*

*Illa ego, sub primis vix nomine cognita mundi  
Principiis: quam cum paradisi (heu fata!) colonus,  
Versuti implicitus spiris serpentis, abegit;  
Nudus & infelix mortem, miserandaque pendit  
Supplicia, in totam fundens contagia stirpem.*

*Illa ego, quæ optato rursus data tempore, gentem  
Fractam restitui: dum terris nascitur infans  
Patre Deo; qui mirando cum morte duello  
Congrediens, propria arma suum contorsit in hostem.*

*Illa ego, primorum quondam quæ provida fratrum  
Consilio intereram. Quam cum malesanus abhorret  
Voce minax senior, cælestia numina læsit:*

*Primus & innocuam fraterno sanguine terram  
Imbuit; hinc miseram extorris pro crimine vitam  
Traxit. At, expansis dum me complectitur vlnis  
Et pius & prudens alter; cælestia structis  
Incensisque sibi promissa fideliter aris  
Promeruit, iustique viri per sæcula nomen.*

*Illa ego, quæ quondam Jfacidum genitrice Rebecca  
Partu vno effusis geminis oblata, modestè  
Adrisi, cupiens utrique placere. Repulsam  
Sed quando à maiore tuli, bona cuncta repulsam  
Passa fuere simul; mox succedente malorum  
Iliade, ob stultum facinus. Sed me minor omni  
Dum colit officio; gaudet: cælique solique  
Munere sæcundo cumulatur, crescit in horas;  
Ac fratrum, inuersâ genitura lege, suorum*

n

Accipit



Accipit imperium, famâ super æthera clarus.

*Illa* ego, quæ Phariis quondam versabar in oris,  
Me spretâ dum fusca phalanx Pharaonis, ab undis  
Ebria Erythraeis, perijt. Sed cara fideli  
Abramidum populo, atque hilari suscepta favore,  
Diuisa incolumem victo hoste per æquora duxi.

*Illa* ego, quæ Sauli primum Regalia gentis  
Israële satæ moderanti sceptrâ, benignum  
Promisi obsequium, & prosperrima regna sponendi.  
Quam dum fastidit, caelestes protinus iras  
Sensit, & indignus solio vitæque, decorem  
Imperij posuit,merso in sua viscera ferro:  
Tanti me spreuisse fuit. Jesseia proles  
Dum mihi conspectæ miro gratatur amore,  
Amplexæque genis figit mille oscula; felix  
Conscendit regale decus: fit gloria gentis  
Ipse suæ, patriæ columen, cæli inclytus heres.

*Illa* ego, quam Iudæ plebes dum negligit excors,  
Frustrata eloquiis vitæ,ieiuna relicta est.

Porro Barbaricæ gentes hoc munere gaudent,  
Cælestisque tenent Regni deposta fidemque;  
Quando Palestinæ sceleratis finibus actam  
Suscipiunt, atque hospitij dignantur honore.

*Illa* ego, quam vastum dum contempsere per orbem  
Tot turritæ vrbes, tot regna arcesque; ruinam  
Extremam perpeffa iacent. Obscura vicissim  
Dum loca multa meum non adspernantur amorem;  
Florida splendescunt, ac laude in sidera surgunt.

Cetera quid memorem? Quicumque ab origine mundi  
Hactenus oblatam non fastidiuit, amico

*Sed*



*Sed fouit captiuam animo, mandata capeffens;  
 Ille sibi, compos voti, decora ampla parauit.  
 Ast primâ quæis fronte minûs fortasse placebam,  
 Atque adeò vel spreta fui, vel iussa proteruè  
 Ire foras, quocumque pedes, vel quò via mæstam  
 Duceret, (ò facinus!) cladem miserandaque fata  
 Passi, stultitiæ pœnam cum morte dederunt.*

*Vos, ò præclari iuuenes! quibus ardua virtus  
 Et studium cordi, sine me indulgete labori  
 Si lubet; ast operam atque oleum perdetis, & omnis  
 Incaßum conatus erit. Sin me duce leti  
 Attentatis opus, faciles mea dicta per aures  
 Demissa in pectus seruatis, & aurea dona  
 Accipitis; quondam vos gloria tollet Olympo.*

*At dedignati tantum siquando fauorem  
 Negligitis; me mox aliò pede præpete TEMPVS  
 Abripiet: sors interea vos dura manebit.  
 Discite quod rectum est moniti, dum tempus & ansam  
 Dant Superi: quæ serò Phryges elapsa requirant.*

## SCHEMA II.

*Ad frugem vocat Angelus: auocat  
 diabolus.*

*Occasio, Tempus, Angelus: omnes Iuuenes; & diaboli.*

*Occas. Hæm frater! Temp. Nusquam desum. Occas.*

*Accingamur, vt æquum est,  
 Huic tam fido operi. Temp. Faxo. Occas. Dux præuius esto.*

n 2

Palla-



*Palladiis, agedum, properè sistamur alumnis.*

*Temp. Adsumus. En placidâ cuncti nos fronte morantur.*

*Ang. Maçte nouâ grex dote, frui cui munere Diuum  
Conspetuque datur. Equidem feliciter actum*

*Vobiscum ô pueri! Celeri licet aëra pennâ*

*Sulcet, & assiduo præteruolet hora volatu;*

*Eccetamen coram vobis, OCCASIO, TEMPVS,*

*Quodque fero CAELO auxilium, quàm molliter adstant!*

*Drusill. O nos felices & amicâ sorte beatos,*

*Gratia queis celo ceu roscidus adpluit imber!*

*Torn. O ter felices, quos entheus ales ab alto*

*Allapsus compellat ouans! Stora. Res magna profectò:*

*Obstupeo totus. Mirand. Meque admiranda rapit vis*

*Eloquij & vultus. Darotist. En, vox mihi faucibus hæret.*

*Golph. Quid facimus? Britto. Fugimus? Pont. Turpis  
fuga. Morin. State sodales.*

*Drusill. Maçti animis socij, nec enim nisi fausta precatur*

*Angelus. Exhilarent potiùs tanta omina pectus:*

*Et capti seriem videamus ab ordine lati.*

*Torn. Ritè mones, moniti que tui me magna fouet spes.*

*Ang. Ergo manus proferte alacres; quamque obtulit vltro*

*Prensandam sacra Nympha comam costringite palmis;*

*Et fortunatam prudentes carpите sortem.*

*1. Diab. Non sic, ô Iuuenes! Deliria vana faceffant.*

*2. Diab. Lata decent letos, tristes Dea calua Catones.*

*1. Diab. Hem prædam! hem prædam! Date retia & ocyùs  
hamos.*

*Drusill. O caput inuisum! frustra mihi retia tendas.*

*Tornus. Præda nec ipse tibi. Stora. Neque me tuus ha-  
mus adhamet.*

Mirand.



Mirand. *ſ, truculente, tuos alius expandito caſſes.*

Darotift. *Prædo ſceleſte, nihil tua retia blanda moramur.*

Drufill. *I, gruibus pedicas; i, technas ponito truncis.*

*Nos fugimus; dum Numina nos optata reuiſant.*

## S C H E M A   I I I .

Fatui, inſtinctu Satanæ, turpiter tempus  
terunt.

Diaboli, Golphus, Britto, Pontanus, Morinus,  
Oleander, Angelus.

1. Diab. **E**ffluat in riſum T E M P V S. *Quid rectius  
iſtam*

*Ætatem deceat, quàm ludere, quàmque iocari?*

2. Diab. *Dum ver molle ſinit, rapiat ſua quemque voluptas.*

Golph. *Heus ſocij; quanti nobis OCCASIO riſus*

*Obtigit! Britto. Egregium iuuenem! Pont. Quàm diſ-  
color alas*

*Pluma ſuo cultu pingit! Morin. Liceat precor vnam*

*Uellere de tantis, illamque aptare galero.*

Oleand. *Fas etiam mihi ſit, tergo vnam demere pennam.*

Golph. *Quantulum id eſt damni, tantillam inſumere partem*

*T E M P O R I S, ad votum? iocus eſt, non praua voluntas.*

Britto. *Sors ſua cuique cadat: non hac præſtantior vlla.*

Golph. *Hui, quæ ſphæra! Polo ſubdam caput. En, nouus  
Atlas.*

Morin. *Deſine flere; tibi reddetur amice tiara.*

n 3

Golph.



Golph. *Quantus honos ori atque oculis! Britt. Quæ gratia fronti!*

*Unde precor nouus hospes adest? quæ patria tales  
Producit iuuenes, alatos, fronte micantes?*

Pont. *Cernite, præpetibus talaria fulgida pennis.*

Morin. *Si plantisq; humerisq; mihi Deus adderet alas;  
Semper ego ante omnes vellem contingere metam.*

*Quando fatigarer cursu, per aperta volarem.*

Britt. *Incipe, care, seca volucris liquidum aëra plantâ;  
Et supra capita alta vola: mox inde reuerte.*

*Nos quoque consutis tentabimus ardua flabris.*

Morin. *Me potius subuectum humeris in sidera tolle.*

Olcand. *Ast ego subsiliens equitabo in arundine longa.*

Golph. *Rostrum habet aratum; ne mordeat ergo caueto.*

Britto. *Redde puer falcem: non est ea lusibus apta.*

Pont. *Vitrea quid sibi vult geminata cucurbita? Papæ!*

*Cedo precor: tremulâ hinc bullas educere lymphâ,*

*Et calamo diffilare leues sublime per auras,*

*Jucundum pueris. Golph. Si me donaueris istis;*

*Fulua domi latitat matre ignorante columba;*

*Hanc (quamuis magno steterit mihi) munus habebis.*

Britto. *Nec donat, neque dona negat: vi tollere, iniquum.*

*Attamen ingeniosa mihi se pandit ad ista*

*Dona via: in nostros venient hæc obuia casses.*

Golph. *Quæ via, quæ ratio? Brit. Dicam, vos ora tenete.*

*Sunt ludi nobis varij: latrunculus, orbes,*

*Alea, cum chartis, discus, pila, quadra, trochusq;e,*

*Sunt choreæ, & saltus, cursus, & lucta palestra.*

*His ego certamen ponam, iuuenemq;e lacessam*

*Mille modis; nil vt timeat deponere mecum*

Hæc



*Hæc quæcumque gerit. liceat sic fallere TEMPVS.*

*Oleand. O benè consultum! Sic TEMPVS abibit inane.*

1. Diab. *Sic decet, & fas est: sic præsens exigit ætas.*

2. Diab. *Seria sint semibus, pueris ioca & otia curæ.*

*Omni enim teneris ludit natura sub annis.*

1. Diab. *Sic fruticant frutices, vituli vitulantur in herbis:*

*Subsultant agni, luctantur cornibus hædi.*

*Sic catuli, & parui miscent iocularia catti.*

*Æquum est & pueros æuo meliore fruiſci.*

*Ang. O stultas iuuenum mentes, ô ludicra semper*

*Ingenia in magnis, neglecto TEMPORE, rebus!*

*Siccine ludibrio decuit triuisse proteruo,*

*Quod vobis nimium larga indulgentia celi*

*Ad Sophiam & veros donauit TEMPVS honores?*

### SCHEMA IIII.

Stimulante demone, miserè eluditur  
OCCASIO.

Angelus, Diaboli, Britto, Golphus, Pontanus,  
Morinus, Oleander.

Ang. **S***At ludo probrisque datum est. OCCASIO vobis  
Non simili irritanda modo. Veneramini honore*

*Quo decet; & gratis admittite munera dextris.*

*Eia agite; ô tandem resipiscite. Spes super ista est.*

1. Diab. *Mirari satis & risum compescere buccis*

*Non valeo, dum tam noua mundo surgere monstra*

*Conspi-*



*Conspicor. 2. Diab. En, quàm bellè inuersam dixero sponsam!*

*1. Diab. Digna profectò mihi thalamo quam Pluto iugali  
Copulet, & festos agat infera turba Hymenæos.*

*Hanc quoque nunc, iuuenes, certatim inuadite laruam.*

*2. Diab. Arripite inuisam, & saltē sit fabula vobis  
Tantisper, ludique iocique OCCASIO, donec*

*Elabatur. 1. Diab. Vbi noua fecero gaudia nuptæ,  
Vos paranymphi eritis: Stygiâ regnabitis aulâ.*

*Britto. Golphe, quid hic video? reliquos accerse sodales.*

*Golph. Huc socij, noua nascitur hic OCCASIO risus.*

*Pont. Prô, monstrum horrendum! Morin. Quid id est?*

*Olean. Num femina? num mas?*

*Golph. Fronte capillitium gerit: aſt glabrum occiput olli.*

*Morin. Quid tu autem Pontane putes? Pont. Empusa,  
vel vna*

*Eumenidum. Golph. Huc patulas (quiddam mens sugge-  
rit) aures.*

*Res equidem multò mihi iucundissima visis*

*Incidit. Britt. Illa placent, sed agas. Pont. Quid, Golphe,  
moraris?*

*Golph. Mos pueris sponsam Maijs ornare calendis,  
Reginæque instar longâ deducere pompâ:*

*Et ramis capiti obtensis, fausta omina Nymphæ*

*Acclamare nouæ. Quid si pro tempore, pro re,  
Hæc eadem nobis ludatur fabula? 2. Diab. Bellè.*

*1. Diab. Quandoquidem dat sponte sua se OCCASIO  
sponsam.*

*Morin. Consulis egregiè: ô lepidum caput! Golph. Ergo  
capeſſat*

*Ramum quisque suum, & leti Pæana canamus.*

*Morin.*



Morin. Britto, praei modulos: nos bini ponè sequemur.  
 Britt. Tu potiùs Morine. Morin. Mibi laus magna praeire.  
 Britt. At, quĩnam incedet? si antrorsum promouet, ecquis  
 Passis antè comis, non censeat ire retrorsum?  
 Golph. Ergo age, retrogrado potiùs pede inambulet: utque  
 Credatur recto ire gradu, hanc inducite laruam,  
 Pro facie, occipiti. Pont. Tali res consule salua est.

Oleand. SPECTATVM ADMISSI RISVM TENEATIS  
 AMICI.

1. Diab. Quis vel in ardenti non rideat ista camino?  
 2. Diab. O factũ benè! macti animis: SIC ITVR AD ATRA.  
 Ang. O stulti in proprium exitium! sic TEMPORIS aurèi  
 Sorde scat pretium? tantarum OCCASIO rerum  
 (O cecas hominum mentes!) satini apta videtur,  
 Seruiat ut vestris, ceu fabula, lusibus? Eheu!  
 Credite, vos olim facti meminisse pigebit.

TEMPVS, abi: atque aliò, duce te, se OCCASIO vortat.  
 Inuenies alios his fastidite sodales.

## S C H E M A V.

Tempus & Occasionem Prudentes  
 studiosè obseruant.

Angelus, Diaboli, Tempus, OCCASIO, Drusillus,  
 Darotistus, Stora, Mirandulus, Tornus.

Ang. **E**Cce, ut se vestris latè conspèctibus alter  
 Grex offert iuuenum! maior spes fulget in istis.  
 O Iuuenes! vobis iam nunc datur esse beatis.

O

Vos



*Vos sapite, atque aliis spretum ne temnite Numen.*

*Eia igitur, dum TEMPVS adest, OCCASIO dum se*

*Oggerit, immensos componite laudis aceruos*

*Virtute & studiis: aderit fauor aetheris alti.*

*1. Diab. Non opis est vestrae tantis onerare cerebrum*

*SOLICITVDINIBVS. 2. Diab. Iuuenilia voluite cœpta.*

*Ang. J. procul, impostor coluber sua forque malorum:*

*Non sunt hi præda apta tuis fera belua technis.*

*Temp. O clari ingeniis iuuenes! En, nobile pignus*

*TEMPVS ego, soror & germana OCCASIO, vestris*

*Seruitiis leti offerimus nos nostraque. Occas. Vobis*

*Si quis amor nostri, vel si vos cura salutis*

*Vlla tenet; magnam paruo post tempore messem*

*Proferet, & rutili statuet super atria cæli.*

*Drusill. Hospes gratus ades. Darot. Prô, quàm tua lumi-  
na leti*

*Adspicimus! Stora. Quàm tu nostris OCCASIO ocellis*

*Exoptata venis! Mirand. Quàm te tardante dolemus!*

*Torn. Obscuro, pace tuâ, liceat mihi dulciter istos*

*TEMPVS in amplexus ruere. Temp. O mihi cara Iuuetus!*

*Drusill. Cedo manum, & fidos amplectere fida clientes.*

*Occas. VIVITE. Darot. Siqua mones, stamus parere parati.*

*Ang. Gratus hic est animi candor: placet ista voluntas.*

*Temp. Quàm nec in immemores fauor hic se impenderit;  
olim,*

*Quando frui nostrâ dabitur mercede, scietis.*

*Stor. Nos vestra exhilarat præsentia, sermo, venustas.*

*Mirand. Nec labor est ullus. Torn. Nihil est quod iure  
molestet,*

*Quod vestro obsequio vel cedere possit honori.*

SCHE-



## SCHEMA VI.

Alacres Occasionis commoda  
amplectuntur.

Occasio, Angelus, Drusillus, Tornus, Stora,  
Mirandulus, Daroristus, Diaboli.

Occas. **E**N tibi, care, mei magnum in te pignus amoris.  
Hoc si sollicitè serues, & noueris vti;

Magnus eris quondam. Drus. Grates ago Nympha perennes.

O præstans donum, superis quod venit ab oris!

Sed, quâ lege fruar? tum, quæ vis muneris huius?

Obsecro (sit venia oranti) mihi suggere; quantus

Qualisque efficiar, siquando accesserit etas?

Ang. In pretio sint dona tibi: dein, vtere iuxta

Numinis instinctum, & Ductorum iussa tuorum.

Quantus eris qualisque olim; non temporis huius

Fert ratio effari: sed viuida facta probabunt.

Drusill. Efficiam, nequa ergo mihi subrepat imago

Desidiæ, aut tantis inimica proteruia rebus.

Occas. Tuque hilari cape dona manu: ne despicere, tanta

Laus tibi proueniet, quantam tua cura meretur.

Torn. Non ingratus ero, neque muneris immemor huius.

Stor. Et me Diua bea. Occas. Meritò; fas namque petenti

Expandisse sinum, quem nec præcludo neganti.

Hucdum belle puer; nostræ cape præmia dextræ:

Disce, viam ad quantas OCCASIO muniat artes.

O 2

Tuque



*Tuque meis ornare bonis: quæ fronte benignâ*

*Si capias, immensa manet te gloria cælo.*

*Mirand. Non sum muneribus dignus, Regina, profusis.*

*Darot. Abs te igitur solus, virgo, indonatus abibo?*

*Hei mihi, quod minimus semper post terga relinquer!*

*Occaf. Siste, puer, lacrymas; hæc sint tibi pignora nostri.*

*Paruum parua decent: fac tecum crescat in horas*

*Munus; ut & magnum quondam te magna sequantur.*

*Temp. Quilibet ergo suo fungatur munere. Occaf. Nemo*

*Tantis se indecorem reddat. Ang. Deducat in usus*

*Assiduos; cæptoque operi mentemque manumque*

*Impendens, studeat dignos adhibere labores,*

*Quò meritum dent fata olim conscendere culmen.*

*Drufill. Ne dubita: mens ista mea est, mens ista meorum;*

*Et capere, & capto nos munere reddere dignos.*

*1. Diab. Angele, sic nostris usque insidiabere lucris?*

*Struximus insidias; prædæ spes magna fovebat;*

*Sed frustra: invidia stimulante intercipis artes.*

*2. Diab. Quid nobis partas extorques perfide palmas?*

*I, repete æthereas sedes: hæc nostra palæstra est.*

SCHE-



## SCHEMA VII.

Dum TEMPVS labitur, OCCASIO-  
NEM fronte capillatâ remorantur.

Occasio, Druſillus, Tempus, Tornus, Stora, Mi-  
randulus, Darotiftus, Angelus.

Occaf. **N**unc fas eſt alios terrarum inuiſere tractus,  
Auxiliumque anſamque aliis offerre. Valet.

Druſill. Siccine deſtituas tam raros cara ſodales?

Temp. Sic opus eſt. Torn. Quare? Temp. Num ſede mo-  
remur in vnâ?

Stor. Quaſo mane. Occaf. Accelera frater; dextraque  
prehenſam

Tolle ab humo, atque alias ſubitò me transfer in oras.

Mirand. Te ſine vt exorem, TEMPVS. Temp. Reſper-  
negat. Torn. Ergo,

Si tibi tanta fugæ lex eſt; OCCASIO ſaltem

Tardet adhuc; noſtri que vt par eſt iure fruatur

Hoſpitij. Occaf. Cur tot nequidquam verba per auras

Perditis? hinc aliò, mora nulla, recedo. Valet.

Druſill. Non tam vana ſedet noſtræ ſententia menti.

Huc ſocij, conferte manus. OCCASIO triſti

Ardet abire fugâ, noſtræ ſpes vna ſalutis.

Stor. Dextram age tu Darotiſte tene. Darot. Tu Torne ſi-  
niſtram.

Druſ. Vim faciat? paſſos potiùs pro fronte capillos



*Arripiam, quàm se nostris subducatur ocellis.*

*Occas. Ai, sine, sponte sequar. Sum victa; isti q; morabor  
Ædibus, ad iustam dum vos prouexero metam.*

*Drufill. Hac lege implicitis feriantur fœdera dextris.*

*Occas. Lex placet; implicitis feriantur fœdera dextris.*

*Ang. Laudo præstantes Iuvenes, & pectora fida.*

*Vis illata placet: neque fert OCCASIO iniquè*

*Hoc vehemens studium: gaudet se denique cogi.*

*Drufill. Nuncie siderei Regni, Dux inclyte nostræ*

*Præsidiumque domus, qui dignâ voce canamus*

*Telaudesque tuas? Vtinam pro munere tanto,*

*Dum nihil occurrit dignum, vice muneris, omnes*

*Nos habeas: qualique modò dignatus amore es,*

*Dum duce te TEMPVS diuesque OCCASIO rerum*

*Nostros deuenère domos, ita deinde morari*

*Ne pigeat; nostrosque optato calle labores*

*Dirigere, & teneros tot contra aduersa tueri;*

*Vt vult nostra salus, & magni gloria Regis.*

*Ang. Fidite, non deero: superâ promittitur arce*

*Auxilium. Drufill. Grates agimus. Torn. Iam, OCCASIO, nostra*

*Tecta subi, pactos nobis hæsurâ per annos.*

*Drufill. Sic lato vultu & dulci sermone fruemur.*

SCHE-



## SCHEMA VIII.

Imprudentes serò sapiunt, suamque de-  
plorant amentiam.

Golphus, Britto, Pontanus, Morinus, Oleander,  
Diaboli.

Golph. **H** Ei mihi! quò TEMPVS? quò se gratissimus  
hospes

Proripuit? Britt. Prò me miserum, quòd futilis horas  
Ætatisque meæ florem sic triuerim. Pont. Ineptus  
Heu nimium insulsusque fui! Quò OCCASIO rerum  
Tam locuples abiit? Morin. O si mihi Jupiter illam  
Nunc statuatur reducem, neglectaque tempora reddat!  
O quàm sinceris complecterer illa medullis!

Golph. Vt mihi nulla brevis sine fructu diffuat hora!

Olean. O mihi dilapsi fiat si copia vultus!

Golph. TEMPVS, ades! Nostris vtinam te OCCASIO  
votis

Obtuleris! Britt. Nòs tam vesani pœnitet orsi.

Pontan. Grati eritis. Morin. Vos amplectemur. Oleand.

Dona placebunt.

Britt. O volucres Diui, pia Numina! adeste, redite;

Vos reuoco. 2. Diab. Frustrà. 1. Diab. Renuit auersa reuerti.

2. Diab. Discite sic rapidis expandere retia ventis.

1. Diab. Discite sic cribro latices haurire fluentes.

SCHE-



## SCHEMA IX.

Elapsum TEMPVS & OCCASIONEM  
insequuntur, non assequuntur.

Oleander, Golphus, Brittus, Pontanus, Morinus,  
Diaboli.

Oleand. **D**Enique nunc video ; Volat irrevocabile  
TEMPVS,

Nec reditura — Golph. Tace. Socij, non omnis adempta  
Spes nobis: noua prateritorum alludit imago.

Brit. Golphe, vides aliquid? Golph. Video, nisi lumina  
fallunt.

TEMPVS! siste gradum. Britt. Cur tam pernicious alis  
Præcipitas? Pont. Lentesce precor. Morin. Nosque adspice  
præsens.

Oleand. Ah fugit! Britt. Heu! velox OCCASIO præ-  
terit, ora

Detorquens aliò. Pont. Miseris quid denique restat?

Golph. Quid vetat iniectis manibus retinere fugacem?

Ferte manus. Morin. En eluctata est, veste relicta.

Golph. Prende capillitium, & proprio remorare capistro.

Britt. Heu! serò sapimus. POST EST OCCASIO  
CALVA.

2 Diab. En auis elapsa est; tempus, captare volentem.

1. Diab. Curre, scelus, propera: miseris impende leuamen.

2. Diab. Assulto, intendo, prensò, reuocoque fugacem,

Sed



*Sed frustra: euolitans hominum spes ridet inanes.*

2. Diab. *O malè consultum! quò iam me denique uortam?*

Oleand. *Heu! serò sapimus: POST EST OCCASIO CALVA.*

## S C H E M A X.

Quanti damni quantique periculi sit,  
OCCASIONEM neglexisse.

Diaboli, Golphus, Britto, Pontanus, Morinus,  
Oleander.

1. Diab. **N**on, ut vos fertis, POST EST OCCASIO CALVA:

*Ecce, capillatam obtendo: gaudete, tenete.*

2. Diab. *Ad barathrum, ad barathrum sic sic raptentur inertes.*

Golph. *O stultum puerile genus! Britt. Prò, dira satanæ*

*Consilia! Pont. O serò semper meliora sequentes!*

Morin. *Eheu me miserum, cui ver geniale iuuentæ*

*Frugis inops abiit, METANOEAQVE sola remansit!*

Oleand. *Quàm dolet insano sic indulgisse furori!*

Omnes. *Parce Deus: tam vesani nos pœnitet orsi.*

1. Diab. *Iam serò sapitis.* 2. Diab. *Non est spes vlla salutis.*

Golph. *O genus infidum! Cùm nobis ocia dudum*

*Occineres, non has fundebas perfide voces.*

1. Diab. *Nō fuerat præstanda fides: nam, fallere, nostrum est.*

*Sic gruibus pedicæ tenduntur, retia ceruis.*

P

2. Diab.



2. Diab. FISTULA DULCE CANIT, VOLVCREM  
DVM DECIPIT AVCEPS.

1. Diab. *Delicie pueros capiunt, ludi, ocia, risus.*

## SCHEMA XI.

Angelus diabolo prædam extorquet,  
ad Pœnitentiam.

Angelus, Golphus.

Ang. **H**inc, hinc, fœda lues Erebi; fera peßima, ad  
Orcum.

*Non hæc tam furuis debetur faucibus esca.*

*Abstulit hos error; scelus admisere; fatentur:*

TEMPVS iſt studiorum, OCCASIO iuſta receſſit:

*Sed reſipiscendi ſpatium, atque errata dolendi,*

*Eſt ſuper. Ergo agite, ô Iuvenes! quod reſtat, in omne*

*ſam reliquum vitæ tempus, deflete latentes*

*Deſidiam: obſcurosque inter, tam fœda ſtupendæ*

*Crimina ſtultitiæ luite: & prece fleſcite Diuos,*

*Cura quòd exſtiterit vobis tam parua ſalutis.*

Golph. Angele, fide comes, noſtræque ſalutis amator,

*Quæſo, tuère tuos deinceps hac lege clientes;*

*Vt, licet ad magnas poſthac OCCASIO laudes*

*Et TEMPVS miſeris perijt; tamen illa ſuperſit*

*Anſa, patrociniſt veſtro, quæ ritè piandis*

*Commisſis ſatis eſſe queat: ne morte luamus*

*Æternâ, & numquam liceat ſperare ſalutem.*

Ang.



Ang. Faxo, sed hæc faciant præmissa pericula cautos.  
 Terreat, æternum multorum torrida flamma,  
 Quos noxa inuoluit similis, neque tergere fletu  
 Fas fuit, aut errata viæ reuocare prioris.  
 Terreat, exitium vix effugisse supremum:  
 Nam Cælo indultum vobis, quod Numina dignis  
 Placentur lacrymis, nec spes fiet omnis adempta.  
 Ergo, ic̃ti sapite, & vestram vos carpite culpam,  
 Dum vitæ inuitæ suspendunt flamina Parcæ.  
 Actum est, si ad veniam perit irreparabile tempus.

## SCHEMA XII.

Captæ neglectæque OCCASIONIS  
 dispares exitus.

Beatorum chorus. Diaboli. Tres animæ damnatæ.

Beati: **O** Pietas suprema, & inenarrabile donum  
 in cælo. Latitia! Deus alme, tuo quot fonte red-  
 undant

Gaudia! FELICES, QUIBUS EST OCCASIO CORDI!  
 Felices, quos magna olim respexit ab alto  
 Numinis immensi bonitas; atque vberè largo  
 Fontis inexhausti sitientia pectora fouit!  
 Quis dedit, innocuo salebrosa pericula vitæ  
 Mortalis superare gradu, atque euadere ad auras  
 Æthereas! SIT LAVS SUMMO GRATESQUE TO-  
 NANTI.

p 2

1. Diab.



1. Diab. *Vah infernales furiae! Plutonia regna!*

*Ut ringor! quàm me horrifonus furor occupat intus!*

*Me rabies atque insatiabilis enecat ira.*

*Emorerer; pudor, & dolor, invidiaque venenum*

*Tolleret; aeternos nisi pascere cogeret ignes.*

*Non fero, non patior. Phy, quàm pudet & piget!*

*excors*

*Belua, in oblatam (vah!) quàm malè provida pradam!*

2. Diab. *Quid facimus? nostris elapsa est illa catenis.*

1. Diab. *Sum ratus esse meam; sed spes delusit hiantem.*

*Angele; vah, generis nostri implacabilis osor!*

*Inuide, sic nostras eludes vsque labores?*

2. Diab. *Non satis est nos unâ eademque ex stirpe*  
*creatos*

*Exturbasse polo, & cæcis mersisse tenebris?*

1. Diab. *Non satis est, vos celestis spatia ampla palati*

*Incolere ut dominos, pulsos consortibus; ingens*

*Invidia in nostram cudad nisi praelia gentem?*

*Æthereas habitate domos: sint tartara nobis*

*Et nostris saltem inuiolata clientibus. Ecquid*

*Tantus amor, nostris arcere procaciter oris,*

*Quos vel sponte iuvat se subdere Ditis Auerni*

*Imperio? quos castra sequi, quos legibus uti*

*Occidui oblectat regni, patriæque nigrantis,*

*Teque tuosque omnes turbam diuinumque perosos?*

*O quàm nunc tentasse dolet! quàm pœnit et, illis*

*Insidias posuisse, & frustrâ fortia facta*

*Tot patrasse! modò imprudens cervicibus istis*

*Arte meâ duo damna & atrocia flagra paravi.*

*Deinceps tentati sapient: quin, tu ta timebunt.*

*Sicque*



*Sicque oculis coram nequidquam retia tendam.*

*Nunc maiora ferent inuicti præmia, quàm si*

*Nunquam impugnassem, vel tela hamata vibrassem.*

2. Diab. *Sic in Christiadas vis nostra retunditur; artes*

*Dum nostras contra armantur puerilibus annis.*

1. Diab. *Hem, scio quid faciam: nondum hinc mea castra*  
*mouebo.*

*Peruigil incumbam prædæ, me si qua manet sors.*

*Interea, vacuas dum fraudant fercula fauces,*

*Nec pacata fames, neque sic benè pasta voluptas;*

*Mens tamen est, aliquà nunc me oblectare placentâ,*

*Amisissamque nouâ sic laudem laude tueri.*

*Produc imbelles animas, queis fraude doloque*

*Persuasi pridem, ut, dum florida curreret ætas,*

*Et TEMPVS tererent, & quâ se OCCASIO ferret,*

*Respuerent; nihil aut recti aut sequerentur honesti:*

*At nunc, æternas pendunt ob crimina pœnas.*

*Produc imbelles animas: furor haud sinit ultra.*

2. Diab. *Sic faciam.* 1. Diab. *His pascar dapibus. Nam pœ-*  
*na nocentum*

*Et tormenta, meo sunt esca optata palato.*

2. Diab. *Huc, huc, egregiæ mentes: dissoluite nostra*

*Vestros damna malo.* 1. Diab. *Volup' est, renouare dolores.*

*Jam nunc quæque suam percenseat ordine sortem;*

*Vt mea fraus, veteresque doli, vestraque ruina*

*Auribus acceptæ, pariant noua gaudia plausu.*

*Incipe spurca lues: quæ sis ante omnia narra.*

2. Diab. *Euome; quid? taceas?* 1. Diab. *Profer maledi-*  
*cta Charybdis.*

1. Anima. *O me infelicem, factis condigna ferentem!*



Heu, quantis crucior flammis! quàm me mala torquent  
 Innumera! infandi colubri! feralia spectra!  
 Nulla quies, mora nulla, eheu! solatia nulla.  
 Nulla futurorum spes allenat; omnia turbant.  
 Heu! quò oculos Vertam? dolor Undique & Undique  
 terror.

Quis ferat hos morsus? quis viuat in igne vorante?  
 Eheu! quin morior? tantos tolerare dolores,  
 Tot tormenta, cruces, angues, pestemque, necemque,  
 Nec scio, nec didici, tamen est tolerare necesse.  
 Quid faciam? Vah! cur vinum profudit ab alio  
 Infelix genitrix? cur non exstinxit in ortu?  
 1. Diab. Quò raperis malefana? tui ne oblita, furentes  
 Das sine mente sonos? 2. Diab. Quin quæ sis iussa profaris?  
 Dic age, quæ fueris quondam. 1. Diab. Pudet eloqui?  
 adesdum,

Fare, aut candenti terebrabere guttura ferro.  
 1. Anim. Heu pudor! heu probrum! quanta heu infamia, gentem  
 Et mores aperire meos! Fas iure silentium  
 Esto frui saltem. Sileam, & geminate dolores.  
 1. Diab. Non faciam: crescit nostri nam gloria facti,  
 Non modò captiuâ prædâ, sed fraude malignâ  
 Jlectâ; crescit generoso stemmate auorum.  
 Tolle moras: tamen intereà haud minuetur amaror.  
 1. Anim. Stirpe fui quondam clarisq; parentibus ortus,  
 Indole præstanti iuuenis; spes vna meorum.  
 Ingenuus, pulchro cui gratia sedit in ore.  
 Quem multi generis columen patriæque futurum,  
 Fixurumque Deo, cæso hoste, tropæa caneant.  
 Huc ortus, spes omnis, & omnis cura parentum,

Et



*Et praeceptorum labor improbus, intendebant.*

1. Diab. Perge, quid hic cessas? 1. Anim. Heu pulchris quam malè cæptis

*Consului, dum virtuti tam commoda spreui  
Tempora, dissi studiis ludumque iocosque praeopto!  
Semper iners inimicitias & praelia moui.*

*Nec patris monitus, lacrymaeque per ora volutæ  
Materna, his animum potuere auertere cæptis.*

*Interea TEMPVSQVE & facta OCCASIO rebus  
Præterit, & vitii vires creuere fouendo.*

*Prædo latronumque caput, pro milite Christi,  
Grassabar; multosque neci, ius fasque refringens,  
Crudelis mea dextra dedit: sædusque cruore  
Innocuo perij, desperans Numen amicum.*

*Nunc meritas pendo pœnas Phlegetonte sub imo.*

1. Diab. Nec sanè immeritò. 2. Diab. Nam te tua praua voluntas

*Supplicio immer sit. 1. Diab. Quanta hæc sunt gaudia nobis!  
Hæc tu eadem narrando crea; omni ambage remotâ.*

2. Anim. Stemmata non equidem illustri, tamen ortus honestâ

*Progenie, laudandus eram: nutritus in omni  
Et fidei & morum studio, Musisque sacratus.*

*Spes erat, & rerum series, & vota meorum  
Huc incumbabant, Medicâ vt famosus in arte*

*Conspicerer; vel fura sciens, patronus haberer,  
Eloquio doctus populi compescere motus;*

*Audireque, PATER PATRIAE, ASTRÆAEQ. sacerdos.*

*Cuncta rei tantæ primordia respondebant.*

*Ast, dum TEMPVS iners perdo: dum nil nisi vana*

*(Vt*



(*Vt fert ingenium iuuenum*) consulta capeſſo;  
 Heu dolor! ē manibus noſtris OCCASIO fugit.  
 Deſeruit deſerta prius: neque paruit Ultra.  
 Stultitiæ puduit, puduit reſipſcere: tandem  
 Quas callebam artes fraudi patuere. Nocentes  
 Eripui pœnis auro corruptus; iſſque  
 Damnaui inſontes; fœdē periurus, iniquus,  
 Mendax, verſutus, vecors, infamis, & effrons.  
 Fas, iura, & leges, quod mens ſibi conſcia dicitat,  
 Sacra, profana, fidem, atque aras, & Numina ſpernens.  
 Sic fœdam eructans animam, raptabar ad Orcum.  
 Heu! quanti conſtas OCCASIO perdita! quanti!

1. Diab. Serò ſapis: duplicant ſemper lamenta dolores.  
 2. Diab. Attamen his noſtræ mulcentur cantibus aures.  
 1. Diab. Ergo age, fœx barathri: tua fata, Venefica, narra.  
 2. Diab. Ha, Ha: diſſimulat. 1. Diab. Noſtin quare ab-  
 nuat? olim

Quò reliquis magis enituit, iam turpior error  
 Maiorem culpam parit, & pudor ampliùs urit.  
 Perge, nihil refert: pudeat licet, attamen ora  
 Pandere opuſt, & te propriâ ſuffundere voce.  
 2. Diab. Ni bucam reſeras; obices poſteſque reuellam.  
 3. Anim. O miſerâ! ô fœdam! ô maledictam, & dira luentem!  
 O morientem animam ſemper, ſed morte carentem!  
 Heu! quis erit lacrymis modus? Ah, quæ meta dolorum?  
 Hei miſerâ! O vtinam pœnis euicta morirer!  
 Mors fugit, & morior: nequeo tolerare tot ignes,  
 Tot tormenta; tamen cogor tolerare per æuū.  
 O vtinam hæc celerem pariant ſibi regna ruinam!  
 Styx, Acheron, vaſtumque Chaos, quin tartara tota,

Mole



*Mole suâ dehiscant; tali condarq̃ue sepulchro!*

1. Diab. *Hæc nihil ad rhombum: memora citò perfida causas,  
Cur Ditis dignata domo, dignata cubili.*

3. Anim. *Me satis obscuri atque inopes genuere parentes.  
Nulla mihi generis, Fortune nulla facultas.*

*Pauper eram: sed præclaris Natura bearat  
Dotibus. Ingenium solers, præcelsa mihi mens:  
Vis memorandi ingens, effandique ore disertor:  
Lumina ridebant, & eram spectabilis ore:  
Flauaque formoso per candida colla fluebat  
Cæsaries; & eram præstanti corpore totus:  
Natus ad egregias, vt res præagijt, artes.*

*Educor in studiis ope præsidioque potentum  
Certatim; quos ingenij huius & indolis altæ  
Huc rapuit specimen, spesque indubitata futuri.  
Aggredior: cæptis promittunt cuncta fauorem.  
Collegas extemplò omnes præuerto palestræ.  
Mirantur cuncti; nec me capio ipse: Videbar  
Ingenitas aut cælo affusas farier artes.*

*Quid multa? (Ah! memini, licet hæc meminisse recusæm)  
Fatidico vnanimis de me cuncti ore canebant,  
Præsul erit quondam, sacrâ dominabitur aulâ.  
Pastorale pedum manibus, capitiq̃ue tiaram,  
Omne ponebant leto; & sublime tonantem  
Fingebant cætu medio, vel ritè litantem.  
Jamque adeò rata vota fuere, adeoque fauebant  
Numina; vt & veris fierent quàm proxima rebus.*

*Quid moror? Ah! numquam sat deploranda supinæ  
Orgia stultitiæ! Dum RES, OCCASIO, TEMPVS,  
Me Diuûmque hominumque fauor super astra locarent;*



Solus ego aduersis me contra calcibus iui.

Protrui TEMPVS: siquando OCCASIO molles

Pertentans aditus, mihi se & secum omnia ferret;

Indignabundus repuli, mœstamque fugavi.

Me miserum! quantas dedit hæc amentia clades!

Nam dum sorte meâ dedignor strenuus uti;

Omnia me aduersum consurrexere sinistrè.

Pro pastore, lupus truculentus, ouile cruore

Fœdaui, sæuè lanians pecus; astraque contra,

Contemtor Superum, demens arma impia sumsi.

Propterea æternum horribilis me incendia flammæ.

Torrent. Hei quantum hei crucior! quàm magna malorum

Agmina me cingunt, atque incurfantia mactant

Singula mille modis! Heu quòd mors nulla sequatur!

1. Diab. Hem, satis est: sic fas inuitas cogere, culpam

Dicere, quantumcumque pudor vel pœna retardet.

Si vobis METANOEAE olim captata fuisset;

Crimina confessis fuerat sperare salutem.

Nunc TEMPVS, nunc apta OCCASIO, & omnis igitur spes.

2. Diab. Serò Phryges sapiunt: POST EST OCCASIO CALVA.

1. Diab. Nunc digna cumulare decet mercede laborem.

Quid cessas latro? fla, suffla; pix atra lique scat:

Bulliat, æstuet, ardeat, excandescat, adurat.

2. Diab. Pix ignita rubet. 1. Diab. Lepida hoc capita unguine inunge.

Non sit parca manus: liquor omnes perfluat artus.

Tædia, desidia, & torpor, tali illita nardo

Curantur. Vigilem, solertem, alacremque supinis

Subdimus his animum. 2. Diab. Sic desidiosus & excors,

Et



*Et quæ nulla sui cura est, Acheronte fouentur.*

1. Diab. *Ite genus miserum, ad veteres remeate dolores.*

3. Animæ simul. *HEV, HEV! AETERNVM MISERAS!  
DVRE HEV DOLOR! EHEV!*

## EPILOGVS.

**P**laudite, sidereo quæ corda imbuta favore  
Exundant, rebusque per ardua cæpta gerendis  
Opportuna sibi calo data tempora captant.  
Namque hominum veluti tum demum iacta salutis  
Anchora, cum certo voluentibus ordine seclis  
Adfuit illa dies, quæ æterno Numinis alti  
Fixa erat arbitrio; sic mollia tempora cuique  
Seruandis super astra animis, vitæque probandæ,  
Et faciles per opaca viæ, panduntur Olympo.  
Tu modo solerti studio infractoque labore  
Arripe, cui superest vel sollicitudo perennis  
Vlla boni, vel qui virtutis ad ardua tendis,  
Illiusque viâ ad verum grassaris honorem.  
Gratia non deerit, comes indiuisa patroni  
Nec manus Angelici, aut OCCASIO temporis apti,  
Si non defuerit propriæ tibi cura salutis.

At, quisquis tam rara polo data pignora spernit;  
Corruet in præceps; METANOEAQUE sera remordens  
Exedet ignauum pectus; crudelis Auerni  
Nec minus æternâ luct impia crimina flammâ.



## APPROBATIO.

**D**RAMA istud P. Ioannis David Societatis  
IESV Sacerdotis, de salutis æternæ omnif-  
que boni OCCASIONE tempestivè ample-  
ctendâ, cum voluptate totum perlegi; reperiq;  
omni ex parte ad salutis promotionem vtilissi-  
mum ac planè dignum, quod iusto de OCCA-  
SIONE tractatui eiusdem Auctoris, mihi priùs  
etiam viso & probato (quemque Archipresby-  
tero nostro exactiùs legendum probandumque  
commiseram) ad maiorem lucem, efficacio-  
remque animorum tactum, iungatur. Quod &  
nominis nostri subscriptione testatum volui.  
Actum Ipris, ipsis Calendis Maij. 1605.

*Petrus Simons, Episcopus  
Jprensus.*

IN-



# INDEX RERVM.

A.

- A** Bigail prudentia in discreto moræ  
& accelerationis vfu. 124  
Abner à Dauide neglecti regis arguitur.  
112  
Abraham hospitalis. 76.85.&c.  
Abfalom fallentis mundi ludibrium &  
typus. 170  
Absentia quærentur, quæ spernebantur  
præsentia. 146.149.165.194  
Accelerationis in expeditionibus com-  
mendatio. 125.125.129.132.193  
Acceleratio & dilatio quandoque pro re  
nata. 124  
Acco vetula secum ad speculum collo-  
quens. 177  
Adam Occasionem neglexit. 64  
Adeni oppidi victoria parva, turpissimè  
neglecta. 191  
Adolescentes. *Vide* Iuuenes.  
Adolescentiæ imprudentia. 43  
Admirandæ expeditiones. 127  
Adoniæ temeraria Regni inuasio. 142  
Aestimatio rerum æqua esse debet. 159.  
161  
Aeternitatis descriptio. 6  
S. Agnetis gloria reuelata. 153  
Agrippa victus & solutus miro euen-  
tu. 37  
Alaricus Romam cepit. 165  
Alberto Magno diabolus in forma fratris  
apparuit. 204  
Alcedonia, dies tranquillæ. 90  
Alexander succensuit insumentis tempus  
in rem friuolam. 57  
Alexandri in Asiam traiectionis occasio-  
nes. 31  
Alexandri spes. 233  
Alexandri plurimum mundorum imagina-  
tio. 45  
Alipij lucta contra spectaculorum curio-  
sitate. 156  
Alipius ab Augustino per occasionem ad-  
iutus. 103  
Altare ingentis magnitudinis. 25  
Amani mutatio subita, per occasionem.  
36  
Amisæ deplorantur, quæ habita negligē-  
bantur. 149.165.194
- Amisso claudere septa bone. 195  
Angeli studium quàm nobis cordi esse  
deberet. 18  
Angeli munus in Occasione submini-  
stranda. 15  
Angelorum gaudium in peccatorum  
conuersione. 28  
Angelo duce magna resipiscentiæ utili-  
tas. 242  
Angelum lucis imitatur diabolus. 199.  
201  
Anima è pilo pendet. 58  
Animarum amator Christus. 238  
Animorum deiectio, erectioque per oc-  
casionem. 160  
Annibal Romam capere non potuit, cum  
vult. &c. 183  
Annibal plus timebat Fabium cunctan-  
tem, quàm Marcellum pugnantem.  
30  
Annibal cunctando frustratus spe sua. 133  
Annibalis victoria ad Cannas, qua occa-  
sione. 139  
Antigonus Occasionis obseruator. 28  
S. Antonij visio, temporis distributioni  
seruiens. 57  
Apollo per Gregorium Thaumaturgum  
obmutuit, & loqui permittitur. 87  
Aquæ haustus opportunè datus, quantæ  
efficaciæ. 38  
Aquæ fluxui temporis fluxus compara-  
tur. 119  
Araneus captas muscas inuoluit. 216  
Arcæ sanctæ præstantia. 35  
Arcæ Noë constructionis obseruatio. 52.  
64  
Arcus in nubibus, telo destitutus. 240.  
Arius scintilla primum, postea incen-  
dium fuit. 131  
Arma togæ cedunt. 35  
Arsenius studiosè occasionem mali vita-  
bat. 263  
Artaxerxi aqua è manibus dono data. 36  
Asinaria porra custodienda. 72  
Assensus in malum, quarta cauda diaboli.  
216  
Assueri regis donaria. 94  
Astus autusque diaboli. 230  
Asyli immunitas. 181  
Athenienses non nisi pullis induti pacem  
perebant.



# INDEX RERVM.

- petebant. 147  
 Athenienses in Areopago superstitioni. 151  
 Avaritiæ derisæ punitæque in Rufino spectaculum. 100  
 Avaritiæ poena. 113  
 Avaritia Simoniacæ labis. 207  
 Avaritiæ occasio fugienda. 262  
 Aucupes imitatur diabolus. 169  
 Aues captare volantes. 194  
 D. Augustino faceta salutis occasio ob-  
 git in mendico. 152  
 Augustini lucta inter bonum & malum. 218  
 Augustinus fororis contubernium vita-  
 bat. 263  
 Augustinus admirabilis occasionis ob-  
 servator. 256  
 Augustini furtum, non nisi per confor-  
 tium. 219  
 Augustinus catenam peccatorum descri-  
 bens & deplorans. 221. &c.
- B.
- Babyloniorum in Daniele invidiæ. 24  
 Balaam ab asina increpatus. 16  
 Balaam cadens apertos habuit oculos. 155  
 Balaami peruersum iudicium & confi-  
 lium. 164  
 Balsazar rex sibi placens, insipiens factus  
 est. 174  
 Beatitudinis æternæ gloria. 247  
 Beatitudine æterna hospitalitas com-  
 pensatur. 97  
 Beatitudinis æternæ quædam propina-  
 tio. 105  
 Behemoth, diabolus, caudam stringit vt  
 cedrum. 217  
 Belisarii incutiâ Roma perditâ. 175  
 Bellici intestini motus subito opprimen-  
 di. 131  
 Bellicis in rebus occasio. 26. &c.  
 Bellica exempla. Vide Indicem Exem-  
 plorum.  
 Bellum ventis inferre. 178  
 S. Benedicti splendidus è viuis excessus. 213  
 Beneficentiæ efficacia. 93  
 Beneficiorum contentus. 61. 67  
 Berenice Ptolomæum maritum à ludo  
 ad seria reuocat. 49  
 S. Bernardus diaboli describit astutiam. 168  
 S. Bernardi charitas erga seductum. 235  
 Bibliothecam Studitarum exussit Leo  
 Armenus. 77  
 Bilanx & trutina, deliberatio. 159  
 Blandi insidiatores scorpionibus similes. 216  
 Bœorum crassus aër. 178  
 Bouis & asini gratitudo. 19  
 Branchiam piscis arripere, est diaboli vi-  
 res elidere. 223
- C.
- Cæcus videns; Abij, Lani, Vidi. 132  
 Cæcutientes in propria causa. 157  
 Cæsar exceptus mensâ, gratus hospes  
 fuit. 85  
 Cæsar, Veni, Vidi, Vici. 132  
 Cæsar's industria bellica. 137  
 Cain blandè eduxit Abelem, cum vellet  
 occidere. 169  
 Cain occasionem neglexit. 64  
 Calliconis stulticia. 148  
 Calumniatorum princeps Medius. 216  
 Cancri molitio in ostreum. 22  
 Canius Iulius à ludo latruncularum ad  
 mortem. 49  
 Canticum Domini in terra aliena im-  
 portunum. 155  
 Carpi exemplo speret peccator. 240  
 Catellorum ius. 139  
 Catena peccatorum oblonga & miseran-  
 da. 221. 243  
 Caudæ septem diaboli. 213. 220  
 Caupones quosdam dæmon imitatur. 169  
 Celeritas. Vide Acceleratio.  
 Certamen bonum & legitimum. 251  
 Cham occasionem non arripuit. 65  
 Charitas refrigescit. 69  
 Christi aduentus in mundum opportu-  
 nissimus. 56  
 Christi triumphus. 94  
 Christophori Lusitani laus, ob salutis  
 curam. 54  
 Christus hospitio exceptus à S. Grego-  
 rio. 76  
 Christi vis attractiua. 238  
 Christus se hospitis more gessit. 96. 98  
 Christus



R E R V M.

E.



INDEX R-E-R-V-M.

- boli elusit insidias. 209  
 Ephraim miro modo peccatricem con-  
 uertit. 264  
 Error communis per occasionem umbrat-  
 icam peccantium. 112. 182  
 Error ferè omnis ex amputando illo PV-  
 TANDI furculo pullulat. 188. 191.  
 194  
 Error crassus Belisarii in tutanda Roma. 175  
 Errores casuales stupendi. 109  
 Esau Occasionem non arripuit. 65  
 Esau sibi sapiens, se ipse fefellit. 157. 164  
 Esther expeditum consilium, cum effe-  
 ctu. 126  
 Eutropius asyli temerator. 181  
 Exempla varia. Vide Indicem Exem-  
 plorum.  
 Expeditiones admirandæ. 127  
 Ezechia Regis imprudentia. 82
- F.
- Fabij cunctatio terrori Annibali. 30  
 Fabulla sibi complacens fastidita, tametsi  
 pulchra & diues. 158  
 Facies diaboli velata. 201  
 Fallentes seiplos sapientes sibi. 157  
 Falx quid denotet in Temporis typo. 8  
 Famis tempore captanda occasio. 31. &c.  
 Ferrum dum candet cudendum est. 90  
 Festina lentè. 124  
 Festinatio. Vide Acceleratio.  
 Filiorum Israel in Babylone lamenta.  
 154. &c.  
 Filius perditus spem facit errantibus.  
 232  
 Fimbria in Mutium calumnia. 107  
 Flaminij expedita solertia, pro re nata.  
 128  
 Fons patens, Dei misericordia. 237  
 Formica docet, habendam temporis ra-  
 tionem. 48  
 S. Fortunatus Episcopus miram à diabo-  
 lo calumniam passus. 83  
 Frænum peccatoribus diabolus iniicit.  
 215  
 S. Franciscus admirandus Occasionis ca-  
 ptator. 254  
 Fraudis detectæ neglectus noxius. 212  
 Fraudulencia diaboli blanditiis variis  
 comparata. 167. &c. 210
- Fronte capillata capienda Occasio. 134.  
 &c.  
 Fucus & impostura diaboli. 204  
 Fugacitati temporis vt inuigiladum. 122  
 Fugiendæ occasiones ad malum. 108.  
 262
- G.
- Gallus gallinaceus Romæ nomine ap-  
 pellatus. 165  
 Gedeon Occasionem arripuit. 17  
 Giezi punita cupiditas. 110  
 Gloria celestis eorum qui Occasionem  
 sunt amplexi. 247  
 Gloria æterna. Vide Beatitudo.  
 Gloriæ splendor Occasionem colentium.  
 253  
 Gratia diuinæ præsidium. 12  
 Gratia, virgines. 145  
 Gratiis inuitis nati. 75  
 Gratitude studium. 75. 89  
 S. Gregorij adhuc viuents gloriæ signa.  
 253  
 S. Gregorij hospitalitas, qua & Christum  
 excepit. 76  
 S. Gregorius Thaumaturgus à Sacrificu-  
 lo Iouis exceptus hospitio, nec frustra.  
 87  
 Gygis annulus nihil ad Christianum. 112
- H.
- Hæretici scorpionibus similes. 216  
 Hæretici similes vulpibus Samsonis. 219  
 Halcyonis auiculæ præfagia. 90  
 Halcyonidæ, serenitatis dies. 90  
 Hallucinatio umbram pro re captan-  
 tium. 173  
 Hanon rex, in legatos Daudidis iniurius.  
 101  
 Hieroglyphicum inanis studij. 167  
 Hieroglyphicum opportunitatis echi-  
 nus. 20  
 S. Hieronymus quàm studiosus Occasio-  
 nis sectator. 254  
 S. Hilarion vitium proprietatis in cicere  
 suboluit. 205  
 Hirundines docent accelerationem. 125  
 Honorius Imp. cum Romam perditam  
 inaudiret, gallum gallinaceum sic ap-  
 pellatum perditum existimabat. 165  
 Horarum distinctarum vsus. 48  
 Hori-



I. N. D. E. X. R. E. R. V. M.

- |  |              |  |            |
|--|--------------|--|------------|
| Horiperdæ, frugiperdæ.                                     | 45           | Irriflores irridentur.   | 247        |
| Hospes ingratus, notatus stigmate in fronte.               | 84           | Israelitici populi ingratitudo.  | 67         |
| Hospes infidelis dirè mulctatus.                           | 88           | Iudas à Phariseis primùm blandè exceptus, postremò in desperationem actus. | 170        |
| Hospitalitatis officium.                                   | 75.86.89     | Iudæ loco Matthias electus.  | 79         |
| Hospitalitatis præmia. 85.&c.89.95                         | 97           | Iudæ solertia, in Occasione ad malum quærenda.                             | 19         |
| Hospitium animæ, corpus.                                   | 85           | Iudæis relictis, itum ad Gentes.   | 78         |
| Hospitum typo Dei dona pinguntur.                          | 76           | Iudicantium malè, temeritas.   | 164        |
| Hostes animæ, hospitio non excipiendi.                     | 81.83        | Iudicij nouissimi tempus.  | 51.54.110. |
| Humilitatis veræ efficacia.                                | 141          | 141.165  |            |
| I.   |              | Iudicium proprium, statera dolosa.   | 158.       |
| Iacob patriarcha Occasionis obseruator.                    | 31           | 183.186.194  |            |
| Iacob & Laban.   | 66           | Iudicium puerile quorundam in rebus seriis.                                | 183        |
| Iactura incomparabilis neglectæ Occasionis.                | 193          | Iudith ab Angelo directæ.  | 18         |
| Iahel, mulier fortis & prudens.                            | 141          | Iuliana virgo diaboli detexit astutiam.                                    | 204        |
| Iberorum industria in Occasionis obseruatione.             | 28           | Iulianus hospitator.   | 87         |
| Iephte filia patri hostia facta.                           | 149          | Iuuentutis lubricitas.   | 41         |
| Ignauitiæ detrimentum in rebus agendis.                    | 132.166      | Iuuenum imprudentium proteruitia.  | 41.        |
| Imaginem pro re sectantium inscitia.                       | 174          | 43.61.76   |            |
| Importunum opportunum quandoque, diuerso respectu.         | 112          | Iuuenum prudentium gratitudo & alacritas.                                  | 75.103.&c. |
| Incendium subito restinguendum.                            | 131          | L.   |            |
| Incuria in rebus maximis intoleranda.                      | 166.175      | Laban Occasionem non obseruauit.   | 65         |
| Incuriamerâ Roma semel perditâ.                            | 72.          | Labyrinthus similis Temporis explicatio.                                   | 1.6        |
| 169.175  |              | Lampas contemta, Sapiens neglectus.  | 34.186     |
| Incuria neglectæ Occasionis, iniuria est.                  | 266          | Laniones imitatur diabolus.  | 169        |
| Infidelitatis pœna.  | 84.89        | Lapsus in peccatum facilis, difficilis exitus.                             | 168        |
| Ingrati hospitis typus.                                    | 84.98.102    | Largitio, & benignitas.  | 103        |
| Ingratitudinis detestatio.                                 | 34.61.67.70. | Latronis iusti præconium.  | 228        |
| 99   |              | Laus proprio sordet in ore.  | 158        |
| Inhospitalitas & indignitas.                               | 77           | Legitimè certatibus debetur corona.  | 250        |
| Inhospitalitatis iusta punitio.                            | 98           | Leo Armenus Studitarum monasterium incendit.                               | 77         |
| Inimicorum, non dona, dona.                                | 212          | Leprosorum accessu soluta Samariæ oblidio.                                 | 38         |
| Insensati, qui quoduis tempus ad quiduis aptum existimant. | 182          | Lex præscripta certamini.  | 251        |
| Ioas rex Israel Eliseum ægrotum inuisens, quid egerit.     | 190          | Libella deliberationis exacta.   | 159.162.   |
| Iocus malus seriâ pœnâ rependitur.                         | 146          | Liberalitas & munificentia.  | 93         |
| Ioseph venditus, solatio miseris.                          | 232          | Libertatis malæ vitanda Occasio.   | 263        |
| Ioseph Occasionis obseruator.                              | 31           | Loci Occasio percommoda.   | 28         |
| Iosephi castimonia.  | 111          | Loth generi, contemnentes Occasionem, extincti sunt.                       | 65         |
| Iosephi fratres Occasionē neglexerūt.                      | 66           | Luculli expeditio per accelerationem, aduersus                             |            |



INDEX		R E R V M.	
uersus Mithridatem.	128	num.	153
Lucrum temporis inæstimabile.	58	Mentis obnubilatio, prima cauda di-	213
Ludi pastores.	50	boli.	213
Ludi periculosi in rem seriam versi.	109	Mentis inflexio, cauda secunda diaboli.	214
Ludus perdentium tempus deplorandus.	48	Mentis infræratio, tertia diaboli cauda.	215
Ludus larrunculorum.	49	Mercatores imperiti, peccatores.	45
Ludus tesserarum.	49.109	Merendi Occasiones in operibus chari-	69.&c.
Ludus puerorum, se mutuò per ordinem	214	tatis.	69.&c.
transilientium.	214	Meretrices ex Gratiis faciunt, qui eis ab-	145
Lupus innoxiam ouem culpât.	108	utuntur.	146
M.		Meretricum merces, eò vnde.	146
Macareus, Bacchi sacrificus infidelis, vt		Meretrix solo picti Polemonis adpectu	189
perit.	88	conuersa.	189
S. Macarij exemplo conuersus Tribunus.	189	Metanœa ad tormentum, quæ.	265
Magnetis & succini vim attractiuam		Metanœa, dolor remanens Occasione e-	147.154.166.170.190.193.
imitatus Christus.	238	lapsa.	196.224.264
Magnum paruū, in tempore datum.	36	Metanœa efficacitas singularis.	227.
Mali diabolum imitantur.	23	243	
Mali propriè nulla datur Occasio.	106.	Midæ votum ridiculum.	113
260		Miles rudis, leges certaminis ignorâs.	252
Malitia aperta, cauda quinta diaboli.	217	Minatur Deus, ne feriens tangat.	241
Mali Punici præstantia.	37	Miseri cur maneamus, hoc tempore.	71
Manibus Dei inscripti sumus.	237	Misericordia Dei immensa erga pecca-	233.&c.237
Mannæ contemptus, eiusque præconia.	68	tores.	233.&c.237
Marci Catonis expeditio, in acceleratio-		Misericordia Domini, arcui sine sagitta,	241
ne.	128	in nubibus, comparata.	241
Mardochæi acceleratio in necessitate.	126	Misericordiæ operum neglectus.	69
B. Maria excepit hospitio Dei filium.	86	Miseriæ perditorum cum beatorum sa-	266
Maria Moyſi soror leprâ pœnas dedit.	107	lute collatio.	266
S. Mariæ Magdalenæ solertia in Occa-		Mithridatis industria, Occasionis mo-	30
sione salutis sectanda.	257	menta librantis.	30
C. Marij solertia in Occasione capienda.	28	Mons Sion, Ecclesiæ specula.	177
Marthæ hospitalitas.	86	Mora in omni expeditione odiosa.	123.
S. Martinus aurigam acutè commonuit.	124	129.131	
Martij imperatoris prudens deliberatio.	160	Mora in tempore, pro re nata.	124
Martij palmâ donatus latro in cruce.	228	Monachi Mesopotameni deceptio dia-	208
Martyrius monachus Christum in for-		bolica.	220
mâ leprosi gestauit.	97	Mors æterna.	220
Medius, Alexandri parasitus, calumniatorum princeps.	216	Morti proximo, quæ mens ad alia?	50
Mendacij lupus tempus.	10	Mortis meditatio.	44
Mendicitas læta, vt mouerit Augusti-		Mortis neglectus.	49.196
		Moyſes Occasione prouectus, Deo pro-	32
		uidente.	68
		Moyſis cum Deo consortium.	95
		Mulier magna, Sunamitis, hospitalis.	239
		Mulier adultera à Christo dimissa, solatio est peccatoribus.	239
		Mundani gaudij extrema luctus occu-	145.220
		pat.	Mundi



I N D E X R E R V M.

- Mundi fallentis typus. 170  
Mundi amatores vani. 45.170  
Mundi sapientium insipientia. 104.164.  
243  
Munera præmiaque hospitalitatis. 85.  
95.103  
Munerum efficacia. 95  
Mutationum rerum subita, per Occasionem.  
36
- N.
- Naaman Occasionem admisit. 37  
Naballi punita rusticitas & ingratitudo.  
98  
Nassa diaboli; nassaque piscatoriæ descriptio. 167  
Nathan & Bethsabee industria, in Regno Salomoni asserendo. 142  
Neglectus premonitionis incendij Constantinopolitani. 166  
Noë arcæ constructio neglecta in tempore. 52.64  
Noëmi cum Ruth Occasionem captarunt. 32  
Nosce tempus. 9  
Nundinatio mundi fallax. 45
- O.
- Obedientia melior victima. 187  
Obfidio Samariæ mirabiliter soluta. 38  
O C C A S I O benemerendi numquam deest. 139  
Occasio quomodo depingatur. 10  
Occasiones ad bonum ab Angelo subministrantur. 15.&c.  
Occasiones in malum à diabolo procurantur. 21.23  
Occasio captanda. 26  
Occasio loci. 28  
Occasio temporis. 29  
Occasio rerum. 30  
Occasio rerum gerendarum mater. 30  
Occasionis utilitas. 31.34  
Occasionis contentus. 63  
Occasionem spernentium ingratitudo. 61.&c.  
Occasionis acceptæ commoda. 93.137.  
189  
Occasionis neglectæ punitio. 98.100.  
&c.  
Occasionis amissæ læmæta. 154.166.227
- Occasionis admittæ exempla. Vide Indicem Exemplorum.  
Occasiones ad malum fugiendæ. 111.  
108.282  
Occasiones erroneæ admirandæ. 109  
Occasionis ad malum calamitas. 110.  
113  
Occasio mali non excusat à malo. 113  
Occasio rerum gerendarum gubernatrix. 129  
Occasio sisti potest, tempore præterlabente. 117  
Occasionem arripientium negligentiumque diuersitas. 134.191  
Occasiones maleuolè acceptæ. 109  
Occasio victoriæ Cannensis ex errore oborta. 139  
Occasionis & Sapientiæ conciones. 148  
Occasio adstat quandoque ignorantibus. 151  
Occasionis momenta libranda. 161.191  
Occasio neglecta, circa umbram palpitatio. 173  
Occasionis amissæ idea phantastica. 174  
Occasio præceps. 175.195  
Occasionis contentores, ut insensati, deridentur. 177.181.264  
Occasionis imaginariæ simulacrum. 178.199.206  
Occasionis neglectæ, deplorandum toti Reipublicæ Christianæ exemplum, memorandum. 191.&c.  
Occasionem obseruans, ut legitime certans, coronandus. 250  
Occasionis obscura nonnunquam species abstergenda. 258  
Occasionis vocabulum in S. Scriptura in malum acceptum explicatur. 260  
Occasio dextrâ manu data, sinistrâ capienda non est. 268  
Ocij & negligentia damnum, Davidis exemplo. 22  
Ominis boni neglecta Occasio. 190  
Onesiphori hospitalitas cælo compensata. 97  
Operum bonorum retributio. 70.86.97  
O P P O R T U N I T A S captanda. 120.181  
Opportunitatis auctoritas. 27.55.99.  
135.141.181  
Oratio trutinata, quæ. 163  
Orationis Martij Imp. ad milites efficacia. 161



# INDEX RERVM

- Oris diabolici medium, quale. 201  
 Ostrei ofcitantia periculosa, sic & nostra. 22  
 Ovis perdita, solatur errantes. 231
- P.
- Pacem pullis vestibus petere. 147  
 Palmæ significatio. 103  
 Paruum, magnum per occasionem. 36  
 Pastores negligentes increpantur à Domino. 236  
 S. Paulus certator legitimus, & sedulus Occasionis obseruator. 250  
 S. Paulus Occasionem auaritiæ amputat. 262  
 Paulus eremita primus, quàm acer Occasionis captator. 254  
 Peccati merita pœna. 113  
 Peccator, calamus quassatus. 236  
 Peccatorem qua industria Deus in spem erigat. 234  
 Peccatori spes veniæ, sacra anchora. 235  
 Peccatorum singularis cura Deo. 238  
 Peccatum leue primum facit diabolus, postea grauissimum. 167. 169  
 Peccatum quantopere detestandum. 112  
 Peccatorum catena terribilis. 221  
 Pecuniæ impotentia. 207  
 Petra salis Sapientiæ typus. 16  
 Phantastica quibusdam Occasio obtruditur. 176. 179  
 Pharaon contempsit Occasionem. 67  
 Philisthæi, per Occasionem, viri ex non viris facti. 35  
 Philisthæorum in Samsonem molimina. 24  
 Phryges serò sapiunt. 195  
 Piscatio diaboli. 21. 167. 208  
 Piscatio salutaris neglecta. 21  
 Pisces docent nos accelerationem. 128  
 Pisces è nassa escam petentes. 168  
 Plinius maior nepotem ambulanti ob- iurgauit. 46  
 Pœnitentiæ veræ defectus, causa tantarum miserationum. 71  
 Pœnitentiæ dolor. Vide Metanœa. Fructus. 228  
 Pœnitentiæ, & spes veniæ, sacra anchora. 235  
 Polemon ex ganeone per occasionem Philosophus. 42
- Polemonis picti occasione conuersa me- retrix. 189  
 Portæ afinariæ commune periculum. 72  
 Præmia hospitalitatis. 84  
 Præsentis temporis descriptio. 8  
 Præsentia contempta, desentur & qua- runtur amissa. 194  
 Præsumtuosorum temeritas. 183. 185. 187  
 Præteritis icti, vix futuris sapiunt. 151  
 Prætoriani milites per errorem ferè im- peratorem trucidarunt. 109  
 Primi nouissimi, & contrà. 228  
 Propinatur quodammodo nobis æterna beatitudo. 105  
 Prouidentia diuina. 56. 152. &c.  
 Prudentes Iuuenes Occasionem ample- xantur. 75. 136  
 Prudentium gratitudo, & laus. 75. 78. 80. 248  
 Psylli AVSTRO bellum inferunt. 178  
 Ptolomæus à Berenice vxore pruden- tiam discit. 49  
 Publius Scipio sedulus Occasionis obser- uator in bello. 30  
 Puellæ captivæ consilium vtile Naama- no. 37  
 Pusillanimum multiplex consolatio. 233
- Q.
- Quæ præsentia contemnimus, dolemus amissa. 194  
 Quenam Occasionis concio. 148  
 Quærere & acquirere, multum: sed tueri non minus. 166  
 Quærens occasiones recedendi ab ami- co, exprobrabilis. 25  
 Quærens occasiones dimittendi vxorem, à Deo culpatur. 24  
 Quæsierunt Babylonij occasionem con- tra Daniele. 24  
 Quæsiuit Deus Occasionem contra Phi- listhiim. 102  
 Quàm paruum, quàm magnum fit, per Occasionem! 36  
 Quàm sit periculosa tergiversatio. 134  
 Quantum malum consuetudo mala. 218  
 Quassatus calamus, peccator. 236  
 Qui



INDEX R E R V M.

- Qui vicerit, coronabitur. 252  
 Quiduis quouis tempore attentantium  
 vanitas. 187  
 Quinque imprudentium proteruia. 41.  
 265  
 Quinque prudentium virtus & studium.  
 75.265  
 Quomodo futura quasi praesentia effici  
 queant. 150
- R.
- Rahab meretrix, ab hospitalitate lauda-  
 ta. 96  
 Rebecca captauit occasionem. 31  
 Recreatio honesta, licita. 53  
 Reditus Christi ex Aegypto, per Ange-  
 lum procuratus. 18  
 Regina Saba coram Salomone stupef-  
 cens, gaudium beatorum incompre-  
 hensibile figurauit. 248  
 Regni caelestis occasio obuia. 105  
 Regni Saulis scissio, pallij scissione signa-  
 ta. 187  
 Relapsus iteratos Israëliitarum imita-  
 mur. 70  
 Religiosi proprietarij vitium S. Hilarij  
 in cicere est odoratus. 205  
 Rem negligentes, vmbra captant. 173  
 Remedia efficacia contra desperatio-  
 nem. 230.&c.  
 Reprobatis ingratissimorum electio. 78  
 Reuelationes beatitudinis. 253  
 Ridiculum se facit, qui opportunitatem  
 temporis non putat in quacumque re  
 obseruandam. 121.177  
 Roma per portam ASINARIAM à Toti-  
 la capta. 72  
 Roma per Alaricum intercepta. 165  
 Roma per Totilam incuria Belisarij ca-  
 pta. 175  
 Ruffini tristis exitus, & ludibrium. 100
- S.
- Sagittarum ictus, boni ominis. 190  
 Sagittario malo Deus minans compara-  
 tur. 241  
 Salutis incuria dolenda. 72  
 Samaritae obsidio solutioque. 38  
 Samaritanus noster Christus. 98  
 Samson male exceptus. 102
- Samsonis vulpes, haeretici. 219  
 Sanctitas simulata, cauda quinta diaboli.  
 217  
 Sanctorum fidelitas & constantia. 112  
 Sanctorum gloria, pro salutis Occasione  
 bene obseruata. 248  
 Sapientes sibi, falluntur à semetipsis.  
 157.164.193.205.208.259  
 Sapientis tamen pauperis praestantia. 34  
 Sapientia & scientia sanctorum, qualis.  
 104  
 Sapientum mundi insipientia. 104.164.  
 259  
 Saturni descriptio. 9  
 Saul reprobato, Dauid eligitur. 79  
 Saulis prima expeditio bellica admiran-  
 da. 127  
 Scientiae munus eximium. 104  
 Scipio Africanus Occasionem in bello  
 commendat. 28  
 Scipio minor Occasionem obseruauit. 29  
 Scorpiae diaboli cauda. 216  
 Scorpionis vulnus, haeticum dogma.  
 ibidem.  
 Semei ad nequitiam promitudo. 107  
 Semei solertia, ad captandam occasionem,  
 in periculo capitis. 137  
 Sera, plerumque nulla. 132.166  
 Serò cum Phrygibus sapientes. 147.166.  
 194.&c.  
 Sertorius dux Romani exercitus, vt tem-  
 pus redemerit. 46  
 Simulacrum Occasionis imaginariae.  
 178  
 Simulatio, cartilago diaboli. 202. 205.  
 210  
 Sifara per Occasionem ex femiuiro vir  
 factus. 38  
 Socrati statua ab Atheniensibus post sup-  
 plicium decreta. 195  
 Spectaculum descendum Occasionis neg-  
 lectae circa Adenum. 192  
 Spectaculum ex interemti Ruffini ma-  
 nu. 101  
 Spectaculum orbis Eutropius. 181  
 Spes ex desperatione sumpta. 35  
 Spes in dolij labro haerescens. 196  
 Spes veniae peccatoribus data. 233.236  
 Spes anchora sacra. 235  
 Spei meritum. 234  
 Sphaera quid in typo Temporis defi-  
 gnet. 8  
 1 3  
 Spiri-



INDEX R E R V M.

- Spiritus hæreticorum, ater an albus, ignorabat Zuinglius. 179
- Spiritus immundus desertum requirit hospitium. 82
- Sponsa Maialis ridicula. 63
- Sponsæ inuersæ simulacrum. 62
- Sponsi Penelopes nebulones. 53. 136. 169
- Sputi occasione conuersio populi. 189
- Stactei à morte suscitati relatu, conuersi duo iuuenes sancti Ioannis Euangelistæ discipuli. 243
- Statera dolosa, iudicium proprium. 158. 164
- Statera deliberationis exacta. 159. &c.
- Statua loco Dauidis in lecto supposita. 179
- Statuæ instar in lecto, Xenocrates. 180
- Stephanus Gamma, cunctando frustratus. 133
- Stratagemata. 30. 72. 137
- Studitarum occasione, Catholici bonas artes acceperunt. 77
- Stultorum est, dicere, Putabam. 188
- Stulti luctus plusquam mortui. 149
- Stultus Nabal punitus pro meritis. 98
- Stultitia Calliconis. 148
- Stultorum conditio ridicula. 206
- Subito in casu quid facto opus. 50
- Succini naturam imitatur Christus in peccatoribus attrahendis. 238
- Superba prauorum potentia, diaboli cauda. 217
- Susannæ pudicitia. 111
- Susannæ trutina in deliberatione iustissima. 162
- T.
- Talentorum Euangelicorum figura. 103
- Tarditas in expeditionibus inuisa. 192
- Tarditas. Vide, Mora, & Acceleratio.
- Temeritas Simonis Magi. 207
- Temeritas & pœna malè iudicantium. 164. 183. &c.
- Tempestiuitatis utilitas. Vide Opportunitas. 27
- Tempus, quid sit. 1.4
- Tempus quando inceperit, & quando finietur. 3.6
- Tempus quomodo se habeat ad æternitatem. 6
- Tempus quare cum talibus instrumentis depingitur. 7
- Tempus dux & lux Occasionis. 11
- Tempus pretiosissimum. 41. 46. &c. 53
- Tempus fallentium insipientia. 41. &c.
- Tempus redimendum. 46. 58
- Temporis gratiæ opportunitas. 12. 56
- Temporis opportunitas maximi faciendæ. 55. 120. 181
- Tempus iuuat, quando fauet. 90
- Tempus ad malum, nullum datur. 106
- Tempus præsens, præteritum, & futurum. 119
- Tempus quoduis non ad quiduis accommodum. 182
- Tempori fit iniuria, quando ad malum expenditur. 110
- Temporis fluxus varius assidue. 180
- Temporis iactura turpissima, quæ per negligentiam fit. 180
- Tentatio diaboli detegenda. 211. 243
- Tentationis ad desperationem remedia. 230. &c.
- Tentationis lucta mirabilis in Alipio. 156
- Tentator Christi, in specie (vt putatur) viri religiosi. 204
- Tergiversatio odibilis. 123. 129. 131
- Terrenis addicti. 214
- Tesseraum ludus, & corporum casus differunt. 49
- Thaumastus seruus, per haustum aquæ opportunè datum, mirè sublimatus. 38
- Thomæ Didymi illusio. 199
- Thomæ alterius fasciatio. ibid.
- Thomæ cuiusdam tertij deceptio. 200
- Titio fumigans, obnubilatio, cauda prima diaboli. 213
- Titus Vespasianus exactus temporis trutinator. 47
- Tobias adiutus ab Angelo. 17
- Totilas Romam capit, per portam ASI-NARIAM. 72
- Totilas Romam capit, Belisarij neglectu. 175
- Transitio ab indignis ad meliores. 78. 80
- Trutina, iusta rerum æstimatio. 159. 161
- Trutinata sententia, qualis. 163
- Tryphon & Alcimius, diabolicæ simulationis typi. 210
- Turcici imperij clauis per OCCASIONEM oblata, turpissimè neglecta. 191. &c.



# INDEX RERVM.

V.

Vagaonis eunuchi lenocinium erga Iu-  
dith. 62  
Venator astutus, diabolus. 168  
Venatores captâ prædâ, quid agant. 200.  
215  
Venæ spes additissima. 233  
Vento A V S T R O P s y l l i arma mouent.  
178  
Ventum pugno stringere. 176  
Veritas, temporis filia. 10  
Victori corona debetur. 252  
Victoria sui, maxima, Daudis exemplo.  
140  
Victoria Romæ ferè parta, neglecta. 175  
Victoriæ Cannensis occasio. 132  
Victoriæ occasio neglecta, circa Ade-  
num. 191  
Vidua Prophetæ per Eliseu seruata. 138  
Viduæ Sareptitanæ hospitalitas remune-  
rata. 94  
Vigilum dormitatio. 152  
Villicus iniquitatis, solatio peccatoribus.  
231  
Virga ferrea & longa, æterna damnatio.  
221  
Virgæ in aurum mutata. 243  
Virginitalis amissæ luctus. 149

Virginum cura. 24  
Virtutum speciem vitia induunt. 203  
Virum ex non viro facit Occasio. 35  
Vita, via ad mortem. 50  
Vitæ longioris spes fallax. 44  
Vitæ tempus vt expendendum. 51  
Vitia virtutes æmulantur. 202. &c.  
Vmbram pro re captantium insipientia.  
173. 206  
Vmbraticæ occasiones variæ. 176  
Volscorum fraudulenta legatio. 25  
Volucrum captare volentem. 195  
Vota stultorum præpostera. 145. 155. 194  
Vtendum concessis, in tempore. 105. 194  
Vulpecula leonis elusit insidias. 225  
Vulpibus Samsonis hæretici comparati.  
219. &c.

X.

Xenocratis continentia. 180

Z.

Zacchæi solertia ex futuro præsens fa-  
ciens. 150  
Zeli defectus multum nocet rebus publi-  
cis. 61  
Zuinglius, à spiritu atro an albo didicerit,  
ignorat. 179



IN-



# INDEX EXEMPLORVM.

Propria nomina, quodd rebus æquè atque exemplis seruirent,  
in rerum Indicem sunt relata.

- A.**  
**A**biectio animi, ex hostium metu. 35  
 Abiectio animi, in obsidione ciuitatis. 128  
 Abiectio animi, ob profligatū exercitū. 160  
 Abiectio animi, ob rerum egestatem. 16  
 Vide infra, Animorum erectio.  
 Acceleratio in rebus gerendis. 123. 127.  
 &c. 132. 193  
 Adeni oppidi victoria in manus data, ne-  
 glecta turpissimè. 191  
 Ambitio. 100. 152  
 Ambitio, inuasioq; Regni mox elisa. 142  
 Angelorū officii in nostri obsequiū. 16. &c.  
 Animorum erectio, in rebus afflictis. 16  
 Animi erectio, in articulo mortis. 55  
 Animorum erectio ad recuperandam vi-  
 ctoriam. 160  
 Animorum erectio ex desperatione ipsa  
 sumta. 35  
 Animorū erectio ad praelara facinora. 17  
 Animi erectio, in extrema necessitate. 58  
 Apparitio Christi, vide, Christus.  
 Apparitio Sanctorum, vide Visio.  
 Asinaria quorundam incuria, circa por-  
 tam Asinariam. 65. 72  
 Astus diaboli, vide, Diaboli fraudulentia;  
 & Infidia.  
 Asyli immunitas ab eodem violata &  
 usurpata. 181  
**B.**  
 Beatitudo celestis. 97. 249. 253  
 Bellandi opportunitas, vide Occasio. 124  
 Bellandi cupiditas intēpestiua. 30. 185. 187  
 Bellandi lex superstitiosa. 137  
 Bellica expeditiones. 127. 167  
 Bellicosi milites, vide Pugnares; & Vi-  
 ctoria.  
 Bellum Austro vento qui inferant. 178  
 Beneficentia. 36. & sequentibus. 93  
 Bestiarū quadā prudentia. 19. 20. 90. 126  
**C.**  
 Calumnia. 24. 46. 83. 101. 107. 216  
 Calumniatorum princeps. 216  
 Castitas, vide infra, Continentia.  
 Charitatis opera. 37. 95. 97  
 Vide Misericordia.  
 Christus apprensus, iterū patē paratus. 210  
 Christus ut hospes in hoc mundo. 76. 86  
 Christus in forma leprosi in humero sub-  
 latus. 97  
 Confessio peccatorum. 55  
 Considerationis libella. 160  
 Vide, Deliberatio.  
 Consilium bonum. 37. 124. 130. 142  
 Consilium bonum neglectum. 16. 166.  
 186. 210. 212  
 Consilium malum. 62. 101. 164  
 Consolatio. 101  
 Consortium. 156  
 Constantia. 162  
 Consuetudo mala. 218  
 Contemptus spiritaliū & celestium. 68. 78  
 Continentia. 180. 263  
 Vide, Zelus pudicitie.  
 Conuersio peccatorum. 238  
 Conuersio filij prodigi. 231. 235  
 Conuersio fratrum S. Bernardi. 244  
 Conuersio duorum Iuuenum, audita voce  
 suscitati à mortuis. 243  
 Cōuersi populi, occasione sputi tolerati. 189  
 Conuersio Alipij, per occasionem. 156  
 Conuersio Sacerdotis Apollinus, & ad Epi-  
 scopatum euecti, mirabili modo. 88  
 Conuersio Polemonis ex ganeone in Philo-  
 sophum. 42  
 Conuersio Meretricis visopicto Polemone.  
 189  
 Conuersio Tribuni ad vitam monasticā,  
 aspectu & breui verbo S. Macarij. 188  
 Cōuersionis speculū Magdalena. 257. &c.  
 Credulitas. 84. 175. 208  
 Crudelitas, vide Inhumanitas.  
 Curiositas. 22. 82. 156. 196  
 Curiositas dispendiosa. 133  
**D.**  
 Damnatio aterna. 114  
 Dei misericordia, vide, Misericordia.  
 Dei prouidentia, vide, Prouidentia.  
 Deliberatio trutina. 160. 162  
 De.



# INDEX EXEMPLORVM.

Deliberatio malè trutinata. 65.68.78.	Hospitalitas. 76.83. &c. 86.88.95
158	Hospitalitatis utilitas. 86.
Diabolica fraudulentia. 22.83.167.103.	Vide Remuneratio.
209.223. Vide Fraudulentia & Illusio.	Humani sensus inconstantia 68.70.164
Diaboli tentatio detegenda. 222. &c.	Humanitas. 85.87.95.
Diaboli inpotentia. 88	Vide Misericordia.
Dolus bolus. 179	Humilitas. 141.189
E.	I.
Echini terrestris ac marini solertia nos	Illusio diabolica. 200.204.208.244
docet prudentiam. 20	Imprudentia. 82.191.
Epulonis exemplo ostenditur, quas daturi	Vide Stultitia, Neglectus, Error.
sint pœnas donorum Dei contētores. 266	Incredulitas. 199
Error grauis, at innoxius. 87	Infidelitas in depositi custodia. 88
Error grauis, culpa non vacans. 89	Infidelitas in officij administratione, vide
Error grauis, periculo plenus. 109	Vrbium neglecta custodia.
Error grauis in victoria Cannensi. 139	Ingratitudo erga Deum & homines. 62
Error grauis in Roma amissione, ex nuncio	Ingratitudo post acceptum obsequium. 66
non rectè intellecto. 175	Ingratitudo erga beneficium. 67
Expeditiones bellica celeres. 127.132	Ingratitudo erga benignum hospitem 84
Exploratores. 72.82.84.101.184	Ingratitudo erga amicum & fidum con-
F.	seruatorem. 99
Famis tempore, captanda occasio. 32.38	Ingratitudo post euectionem ad Magistra-
Felicitatis dolium malè custoditum. 196	tus & dignitates. 100
Figuram angeli assumit diabolus. 204	Ingratitudo erga consolatorem & bene-
Filius per errorem parentes occidit. 87	ficium. 101
Filij quandoque parentum causâ luunt,	Ingratitudo Iudaorum erga Christum. 98.
ut in ijs parentes plebantur. 82.83	Vide Inhumanitas.
Frater fratrem, ad imitationem immola-	Inhospitalitas. 98.102
tionis, ludendo ingulauit. 89	Inhumanitas proditorè, & amici specie
Fratrum gratia. 65.66.68.107	trucidantis innoxium. 88
Fraudulentia. 22.25.88.169.212	Inhumanitas persequentium omnis boni
Fuga peccati, vide, Occasio ad malum,	auctorem. 98
fugienda.	Inhumanitas Occasionem fastidientium,
Fuga periculi. 16.54.129	vide Occasio neglecta.
G.	Inhumanitas incitantium Principes ad
Gaudium calefium. 260	insontium cades. 100
Gloria beatorum, in Regina Saba figura-	Inhumanitas opulentorum erga indigen-
ta. 249	tes. 99
Gloria beatorum, qui occasionem obser-	Inhumanitas malum pro bono rependen-
uarint, in sanctis ipsis considerata. 253	tium. 101
Gratia tempus, dies salutis. 12	Inhumanitas Amani Iudaorum excidium
Gratias meretrices ex virginibus faciunt	machinantis. 126
ingrati. 145	Inhumanitas gladiatorum Circensiu. 156
Gratitudo animalium erga homines. 19	Insidiarum hieroglyphicum, Cancer ostreo
Gratitudo. 37.38	insidians. 22
Gratitudo erga hospitem. 94. & seqq.	Insidia in alterius perniciem. 24
H.	Insidia in propria patria vastationē 210
Hæresis Arrij ex scintilla in incendium	Insidia bellica & proditones. 210
exarsit. 131	Insidia leonis in spelunca latentis. 223
Hæreticorum spiritus. 179	Insidia Iuda in Christum. 109
Hauitius aquæ seruum Regni fecit admi-	Insidia ludicum iniquorum in Susannam.
nistratorem. 38	ibidem.

f

Insidia



I N D E X

E X E M P L O R V M.

- Insidia diaboli, vide Diaboli fraudulētia.*  
*Iudicij defectus in auditu condenantis.* 84  
*Iudicij defectus ex suspitione & calumnia ferre sententiam.* 101  
*Iudicij defectus, se in propria sua astutia fallentium.* 164  
*Iudicij defectus in re magni momenti leuiter procedentium.* 174  
*Iudicij defectus, victorias oblatas & paratas elabi finientium.* 192  
*Iudicij defectus in Occasione non capienda: vide Occas. negl.*  
*Vide Deliberatio male trutinata.*  

L.

*Latitia communes & epula.* 94  
*Leo latens, diabolus insidians.* 223  
*Liberalitas, vide Munera.* 36. &c.  
*Literarum bonarum à Græcis ad nos transmigratio.* 77  
*Longanimitas diuina benignitatis.* 58. 70.  
*Vide Misericordia diuina.*  
*Ludibrium iniquum.* 102  
*Ludibrium commeritum.* 101. 181  
*Ludus latrunculorum, reserarum &c.* 49  
*Ludorum Circensium atrocitas.* 153. 156  
*Ludus in vindictam, cum manu Ruffini defecta.* 101  
*Ludus luctuosus.* 49  
*Ludus ferè in luctuosas cades versus.* 109  
*Lusus pueriles.* 43. &c. 48. 63  
*Lusus puerorum se inuicem per modum hostia iugulantium.* 89  

M.

*Manus Ruffini à militibus in ludibrium circumlata.* 101  
*Maledicentia, vide Calumnia.* 107  
*Mater interimit filium, qui fratrem occiderat, & matrem necat superueniens pater.* 89  
*Mendicitatis lata spectaculum.* 153  
*Mirandum à subtilitate.* 58  
*Mirandum præ stupore & raritate vindictæ diuine.* 89  
*Mirandum præ celeritate expeditionis bellicæ.* 127. 128  
*Mirandum præ confidētia periculosa.* 152  
*Mirandum ob incredibilem continentiam.* 180  
*Mirandum à miraculo, & rediuiui relatu.* 243  
*Mirandum præ stultitia.* 178  
*Mirandum, quod Mutius Abbas solem ut alter Iosue iusserit stare.* 268  
*Misericordia Dei.* 239. &c.  
*Misericordia humana.* 97. 101.  
*Vide Misericordia.*  
*Mora noxia.* 123. 192  
*Mortis meditatio.* 44. 55  
*Mortis nuncij celeres semper expectandi.* 126  
*Mortis præsentis neglectus, & irrisio.* 49  
*Mulier heroica, Prophetissa, Dux belli.* 35  
*Mulier heroica, maritum Regem Iustitia normam erudiens.* 49  
*Mulier heroica, Ducentem hostilis exercitus triumphans.* 141  
*Mulier heroica, nutans Regnū stabiliens.* 142  
*Mulier heroica, ab innicta castitate.* 162  
*Mulier heroica, mariti seruatrix admiranda.* 179  
*Mulier heroica, familia column & tutatrix.* 99  
*Mulier heroica, patria salus.* 18  
*Mundi contentus.* 188  
*Mundi vanitas, vide Vanitas.*  
*Munera à Regibus populo elargita.* 94  
*Munera Occasionis.* 103  
*Munera sponsalia.* 85  
*Munera hostium, seu dona, non dona.* 212  
*Munuscula exigua Regibus oblata.* 36. &c.  
*Munuscula gratia captanda gratia data.* 205  
*Mutatio dolēda vita fluxa & caduca.* 42  
*Mutatio magna, ex seruo in proregem.* 38  
*Mutatio subita, in victoria ambiguitate.* 35  
*Mutatio subita in superbi deiectione.* 36  
*Mutatio subita Ganconis in Philosophum.* 42  
*Mutatio subita in diluuij obortu.* 52  
*Mutatio subita in nouissimo die futura.* 52  
*Mutatio subita in Vasthi Regina repudio.* 94  
*Mutatio subita in trucidationis publica versa alex.* 126  
*Mutatio horribilis in Rege Balsare.* 174  
*Mutatio mirabilis in Eutropio ad asylum confugiente quod prius exautorari curarat.* 181  
*Mutatio deploranda victoria parta & perdita.* 192  
*Mutatio admiranda status bellici circa Bethuliam.* 124  

Mutatio



INDEX EXEMPLORVM.

<i>Mutatio stulta populi Israelitici super astimatione Mannæ.</i>	68	<i>Orationis scholastica efficacia.</i>	43.47.85.
<i>Mutij Abbatis inopina ex latrone in mo- nachum conuersio.</i>	268		153
N.		<i>Orationis ad milites energia.</i>	132.160
<i>Nebulones, sponsi Penelopes.</i>	53.136.169	<i>Oratorum secularium vanitas.</i>	153
<i>Neglectus saluus propria.</i>	22.52.64. 66.	<i>Oscitantia, vide Neglectus.</i>	
	151	<i>Otium &amp; sui obliuio.</i>	22
<i>Neglectus mortis propria imminens.</i>	49	P.	
<i>Neglectus mortis alienæ, &amp; iustitiæ ad- ministranda.</i>	49	<i>Pandora neglectus.</i>	196
<i>Neglectus urbium custodiendarum, vide Urbium negl. custodia.</i>		<i>Parentes quandoque in filijs plectuntur.</i>	82.83.89
<i>Neglectus officij publici.</i>	72	<i>Parentibus honor debitus.</i>	65
<i>Neglectus victoria.</i>	132.175.191	<i>Parentum in filiorum ortu letitia.</i>	85.86.
<i>Neglectus incendijs exorientisq; hæresios.</i>			96
	131	<i>Parentum pia filiorum cura.</i>	55.138.142
<i>Neglectus incendijs Constantinopolitani, prædicti tamen.</i>	166	<i>Patientie efficacia.</i>	58.107.189
<i>Neglectus excubiarum.</i>	152	<i>Pax comprecata.</i>	99
<i>Neglectus melioris consilij, vide Consilium bonum neglectum.</i>		<i>Pax in pullis vellibus expetita.</i>	147
<i>Neglectus Occasionis, vide Occasio ne- glecta.</i>		<i>Pax simulata.</i>	210
<i>Neglectus militaris officij.</i>	175	<i>Peccati enormitas.</i>	112
<i>Nominis cupiditas ex re bellica perperam gesta.</i>	185.187.210	<i>Peccati illecebra.</i>	62
<i>Nihil ex omni parte beatum.</i>	39	<i>Peccati punitio.</i>	114
<i>Nuptiæ regales.</i>	94	<i>Peccatum reciduum grauius.</i>	70.82.83
O.		<i>Peccati excusatio.</i>	64
<i>Obedientia melior victima.</i>	66.187	<i>Peccatorum confessio.</i>	55
<i>Occasio captata.</i>	31.127.130.137.141.	<i>Pœnitentia.</i>	138.257.
	153.160.254. &c.	<i>Vide Conuersio, &amp; Resipiscencia.</i>	
<i>Occasio neglecta.</i>	64. &c. 67. 72. 101. &c.	<i>Pœnitentia vera defectus.</i>	71
	174.190	<i>Populi tumultuatio.</i>	68.130.185
<i>Occasio, per unum neglecta, per alterum arrepta.</i>	78	<i>Præcipitatio periculosa.</i>	109
<i>Occasio ad malum, fugienda.</i>	22.111.	<i>Prædictio conflagrationis urbis Constan- tinopolitana neglecta.</i>	166
	263	<i>Præsumtio.</i>	80.184.187.207.
<i>Occasio ad malum, arrepta.</i>	107.109	<i>Vide Temeritas.</i>	
<i>Occasionis ad malum, arrepta, punitio.</i>	110. &c. 113	<i>Providentia diuina.</i>	17.19.36.38.79.88.
<i>Occasio malinon excusat à malo.</i>	113		90.153
<i>Occasio ex loci opportunitate capta.</i>	28	<i>Proximi cura.</i>	37.49.95.99.235
<i>Occasio à tempore sumta.</i>	29	<i>Prudentia.</i>	25. &c. 31.90.223.254
<i>Occasio à rebus &amp; circumstantijs accepta.</i>	30	<i>Prudentia typus &amp; hieroglyphicum.</i>	16
<i>Occasiones erronee mirabiles in re magna.</i>		<i>Pueri fratres, ad immolationis æmulatio- nem alter alterum iugulantes.</i>	89
	109.139	<i>Putare in bello, magnos errores parit.</i>	139
<i>Occasiones umbraticæ.</i>	176.178	Q.	
<i>Oculorum custodia.</i>	22	<i>Querimonia pia super miserando pecca- toris statu.</i>	222
<i>Opportunitas.</i>	20.27.141. &c.	<i>Querimonia vana cum elapsa est Occasio, vide Serò sapere.</i>	
		<i>Quinque reges ab Abrahamo deuicti.</i>	
			126
		R.	
		<i>Ratiocinatio pia.</i>	189
		f 2	<i>Ratio-</i>



INDEX		EXEMPLORVM.	
<i>Rationum consideratio in deliberatione necessaria.</i>	191.	<i>Tempus, veritatis parens.</i>	10
<i>Vide Deliberatio.</i>		<i>Tentatio.</i>	156
<i>Religionis contentus.</i>	174	<i>Tergiversatio Annibali in mora fuit, cur minus Romam à pugna Cannensi interceperit.</i>	134
<i>Religiosus sui iudicij.</i>	205.208.244	<i>Terra promissionis exploratio.</i>	184
<i>Remuneratio humana.</i>	37.38.175	<i>Tranquillitatis hieroglyphicum.</i>	90
<i>Remuneratio diuina.</i>	85.95		
<i>Remuneratio prapostera.</i>	84.99.102		
<i>Reprobatio malorum.</i>	77.78.79.94		
<i>Resipiscencia salutaris.</i>	137.243.244		
<i>Resipiscencia sera.</i>	16.193.195.164.166.177.267		
<i>Reuelatio, vide Visio.</i>			
<i>Roma non semel per incuriam perdit.</i>	72.165.175		
	S.		
<i>Saba regina beatorum gaudium representauit.</i>	249	<i>Vana gloria.</i>	187
<i>Sacerdos Apollinis factus Episcopus.</i>	88	<i>Vanitas mundi.</i>	52.82.152.188
<i>Sacrificus Bacchi horrendè punitus à Domino.</i>	89	<i>Vanitas iudiciorum quorundam.</i>	68.
<i>Salutis cura.</i>	48.55.86.150.257	<i>Vide, Defectus iudicij.</i>	
<i>Salutis neglectus, vide Neglectus.</i>		<i>Veritas, tempore detecta.</i>	10
<i>Sapientia neglecta.</i>	34.186.212	<i>Victoria sui.</i>	140
<i>Seditio.</i>	130	<i>Victoria obtenta.</i>	126.128.132.134.137.139. &c.
<i>Sero sapere.</i>	164.166.	<i>Victoria neglecta.</i>	35.133.165.175
<i>Vide Resipiscencia sera.</i>		<i>Victoria parta prosecutio.</i>	134.161
<i>Seruus per hauritum aqua sublimatus.</i>	37	<i>Vindicta diuina.</i>	89.64.67.78.82.100.110.113.141.166.175.181.179
<i>Simulatio.</i>	205.210	<i>Vindicta humana.</i>	84.101.219
<i>Socordia.</i>	35	<i>Virginitatis amissa comploratio.</i>	149
<i>Spei solatium.</i>	196.233	<i>Viri ex non viris per occasionem effecti.</i>	35.124.160. &c.
<i>Spes venia.</i>	58.87.232	<i>Visio gloriosa sanctorum.</i>	253.255
<i>Stratagema bellicum proditorium.</i>	210	<i>Visio horrenda &amp; consolans simul.</i>	240
<i>Stratagema bellicum.</i>	72.140.141.137	<i>Visio falsa &amp; fallax.</i>	204.208. &c.
<i>Stratagema domesticum.</i>	179	<i>Voluptas.</i>	81.109
<i>Stratagema naturale inter cancrum &amp; ostreum.</i>	22	<i>Vrbium seruata custodia.</i>	38.124.127.134.183
<i>Stultitia.</i>	98.121.148.177. &c.	<i>Vrbium custodia neglecta.</i>	72.165.175
<i>Superbia.</i>	16.36.80.141.211		X.
<i>Superbia meditantis imperium.</i>	10	<i>Xenocratis continentia stupenda.</i>	180
<i>Suspicio.</i>	25.101		Z.
	T.	<i>Zelus honoris cultusque diuini.</i>	140
<i>Talorum tesserarumq; non qualis eorum casus.</i>	49	<i>Zelus Ecclesiastica libertatis.</i>	181
<i>Temporis habenda ratio.</i>	46.57	<i>Zelus veritatis defendenda.</i>	184
<i>Temporis perditio.</i>	57.58	<i>Zelus animarum.</i>	55.88.151.235
		<i>Zelus salutis propria.</i>	48.126.150.257
		<i>Zelus castitatis matrimonialis.</i>	36.87
		<i>Zelus Iustitiae.</i>	49
		<i>Zelus Reipub. conseruanda.</i>	128
		<i>Zelus Dei.</i>	80
		<i>Zelus pudicitiae tuenda.</i>	III.162
		<i>Zelus erroneus.</i>	87
		<i>Zelus indiscretus.</i>	78. &c.240

IN-



# INDEX SCHEMATVM ET CAPITVM.

## SCHEMA PRIMVM;

*Quo TEMPVS & OCCASIO sua munia in Typo declarant.* pag. 1

- CAP. 1. Quæritur, quid sit Tempus. 1  
CAP. 2. Definitur, seu potiùs describitur Tempus, & quando inceperit. 3  
CAP. 3. Quando Tempus finietur, & quomodo se habeat ad Æternitatem. 6  
CAP. 4. Quare Tempus ita describitur, vt in Schemate depingitur. 7  
CAP. 5. Cur OCCASIO ita depingatur, & quare ipsi TEMPVS ceu dux vel comes detur. 10  
CAP. 6. Gratix diuinæ præsidium TEMPORI & OCCASIONI coniunctum. 12

## SCHEMA II.

*Quo ad frugem vocat Angelus, auocat verò Diabolus.* pag. 15

- CAP. 1. Angelo duce, OCCASIO, TEMPVS, DEI que auxilium hominibus subministrantur. 15  
CAP. 2. Alijs præterea exemplis, Angelorum circa OCCASIONEM declaratur officium. 16  
CAP. 3. Quantopere nobis Angelicum hoc studium, OCCASIONIS intuitu, cordi esse debeat. 18  
CAP. 4. Diaboli piscantur, captantque occasionem eludendi OCCASIONEM. 21  
CAP. 5. Improbi homines, exemplo Diaboli, occasionem ad malum inuestigant. 23  
CAP. 6. Cauendum sedulò, ne ymquam elabatur OCCASIO. 26  
CAP. 7. Sacris exemplis declaratur OCCASIONIS utilitas. 31  
CAP. 8. Admiranda OCCASIONIS energia & vis, varijs argumentis demonstratur. 34

## SCHEMA III.

*Quo fatui instinctu satana turpiter TEMPVS terunt.* 41

- CAP. 1. Improbum diaboli studiù, vt TEMPORIS ratio negligatur. 41  
CAP. 2. TEMPORIS symbola atque instrumenta in risum vertuntur ab imprudentibus. 43

f 3

CAP.



INDEX SCHEMATVM

- CAP. 3. Pretiosissimum cùm sit TEMPVS, maximam eius habendam rationem. 46  
 CAP. 4. Exactis calculis ostenditur, quanti sit momenti, compendium & dispendium temporis. 49  
 CAP. 5. Curæ temporis, ob vitæ incertitudinem, terrena cura posthabenda. 53  
 CAP. 6. Temporis opportunitatem, exemplo quoque diuinæ prouidentiae, maximi esse faciendam. 55

SCHEMA IV.

*Quo, stimulante Demone, miserè eluditur OCCASIO.* 61

- CAP. 1. De ingratitude OCCASIONEM Dei que dona spernentium. 61  
 CAP. 2. Stupenda indignitas eorum qui OCCASIONIS opportunitatem eludunt. 63  
 CAP. 3. Alijs adhuc exemplis, spretæ OCCASIONIS damnum ostenditur. 65  
 CAP. 4. Intoleranda erga OCCASIONIS beneficium ingratitude, alijs præterea exemplis declaratur. 67  
 CAP. 5. De diuina benignitate OCCASIONEM merendi donante, nostraque in eandem ingratitude. 70

SCHEMA V.

*In quo prudentiores TEMPVS & OCCASIONEM studio-  
 sè obseruant.* 75

- CAP. 1. Hospitalis & gratus erga OCCASIONEM animus valde commendatur. 75  
 CAP. 2. Oppositio aspernantium & amplectentium OCCASIONEM. 78  
 CAP. 3. Ab ingratis ad cordatiores transitio, more hospitum. 80  
 CAP. 4. Quam indignè agunt, qui hostes animæ, vt hospites gratos, hospitio cordis excipiunt. 81  
 CAP. 5. De hospitis ingrati dispendio, de hospitio animæ in corpore, & præmijs hospitalitatis. 84  
 CAP. 6. Lucundum hospitalitatis exemplum. 86

SCHEMA VI.

*Quo, quàm alacres OCCASIONIS commoda prudentiores amplectantur, ostenditur.* 93

- CAP. 1. Liberalitatis ac remuneratæ hospitalitatis exempla, per OCCASIONEM. 93  
 CAP.



ET CAPITVM.

- CAP. 2. Pia hospitalitatis vtilitas, alijs adhuc exemplis illustratur. 95  
 CAP. 3. Malè exceptæ OCCASIONIS & inhospitalitatis punitio. 98.  
 CAP. 4. Alia non impunè spretæ OCCASIONIS exempla. 101  
 CAP. 5. Munerum titulis, vtilitates OCCASIONIS benè habitæ explicantur. 103  
 CAP. 6. Nulla Occasio, propriè dicta, cuiquam ad malum datur. 106  
 CAP. 7. Occasiones non captandæ ad malum, sed fugiendæ: amplectentium verò vindictæ recensentur. 108  
 CAP. 8. Occasionis noxiæ euitatæ exempla, & pæna captatæ. 111

SCHEMA VII.

*In quo, dum TEMPVS labitur, OCCASIONEM fronte capillatam prudentes remorantur.* 117

- CAP. 1. Quomodo fieri possit, vt, Tempore præterlabente, Occasioni tamen mora iniiciatur. 117  
 CAP. 2. Quia tempus semper labitur, semperque est præsens, idcirco captanda opportunitas. 120  
 CAP. 3. Temporis fugacitati incunctanter inuigilandum. 122  
 CAP. 4. Celeritate vtendum, quando vrget opportunitas, exemplis elucidatur. 125  
 CAP. 5. Alijs adhuc argumentis ostenditur, accelerandum negotium, dum se offert OCCASIO. 129  
 CAP. 6. Occasionem apprehendentiū negligentiumq. diuersitas. 134  
 CAP. 7. Statim arripiendam OCCASIONEM, exemplis ostenditur. 137  
 CAP. 8. Acceptæ neglectæque OCCASIONIS exempla. 140

SCHEMA VIII.

*Quo exhibetur, vt imprudentes serò sapiunt, suamque deplorant amentiam.* 145

- CAP. 1. Extrema mundani gaudij luctus occupat. 145  
 CAP. 2. Sera lamenta eorum, qui concionem OCCASIONIS contemserunt. 148  
 CAP. 3. Occasionem esse captandam: quique præteritam neglexerit, neque verisimiliter amplexurum venturam. 151  
 CAP. 4. Iusta manet eos METANOEA, qui oblatam OCCASIONEM contemserint. 154  
 CAP.



# INDEX SCHEMATVM

- CAP. 5. Sibi sapientes OCCASIONEM sepe rejiciunt: & in propria astutia capti, suo aliorumque malo sapere discunt. 157  
 CAP. 6. Omne negotium vtraque ex parte benè trutinandum. 161  
 CAP. 7. Malè iudicantium de rebus temeritas, & merita pœna. 164  
 CAP. 8. Diabolus peccatum antequam committatur leue facit; grauiissimum verò, cùm fuerit perpetratum. 167

## SCHEMA IX.

*Quo elapsus TEMPVS, neglectamq; OCCASIONEM nequidquam insequuntur imprudentes.* 173

- CAP. 1. Hallucinatio circa vmbra palpitantium, qui rem neglexerint. 173  
 CAP. 2. Qui veram OCCASIONEM prætermiserunt, inanes postea phantasias captant. 176  
 CAP. 3. Exemplis elucidatur phantastica occasionis vana captatio. 178  
 CAP. 4. Occasionem atque opportunitatem spernentium stultitia, atque intolerandus eorum stupor, qui quoduis tempus ad quæuis opportunum existimant, dummodo velint. 181  
 CAP. 5. Punitæ temeritatis exemplum, contra OCCASIONEM nitentium. 184  
 CAP. 6. Quiduis quouis tempore attentantium vanitas, spreteque OCCASIONIS punitio. 187  
 CAP. 7. Perpes ob neglectam OCCASIONEM METANOË societas, & dolor irreparabilis. 190  
 CAP. 8. Quæ præsentia contemnimus, dolemus amissa: sed volat irreuocabile TEMPVS. 194

## SCHEMA X.

*Quo ostenditur, quanti damni periculique sit, OCCASIONEM neglexisse.* 199

- CAP. 1. Diabolus transformat se in Angelum lucis, in Occasione fucata subministranda. 199  
 CAP. 2. Impostura diaboli post veræ OCCASIONIS contemptum, supponentis vmbriticam. 203  
 CAP. 3. Homines sibi parùm præsentis, fictam facillè pro vera Occasionem arripiunt. 206  
 CAP. 4. Diaboli machinatio, quantumuis tecta, sub finem se prodere solet funesto exitu. 209  
 CAP. 5. De septem diabolicis caudis. 213  
 CAP. 6. De tertia & quarta diaboli cauda. 215  
 CAP. 7.



ET CAPITVM.

- CAP. 7. De quinta, sexta, & septima cauda diaboli. 217  
CAP. 8. Caudarum diabolicarum cum catena peccatorum collatio,  
præsentisque remedium eis opponendum. 221

SHEMA XI.

*Quo exhibetur, quomodo Angeli tutelaris obsequio, præda diabolo eripitur, ad commissæ negligentie penitentiam.* 227

- CAP. 1. METANOËÆ, seu doloris neglectæ OCCASIONIS  
efficacitas. 227  
CAP. 2. Remedia contra tentationes diaboli ad desperationem inci-  
tantis. 230  
CAP. 3. De spe veniæ peccatorum, & immensa Dei misericordia. 233  
CAP. 4. Ad spem veniæ, tamquam ad sacram anchoram, peccatori  
confugiendum. 235  
CAP. 5. Christus singularē semper habuit peccatorum rationem. 238  
CAP. 6. Carpi exemplo admiranda Christi in peccatores benignitas  
declaratur. 240  
CAP. 7. Angelo duce magna est resipiscentiæ utilitas. 242

SHEMA XII.

*Quo captatæ neglectæq; OCCASIONIS dispares exitus,  
contrario prorsus spectaculo, exprimuntur.* 247

- CAP. 1. De gloria eorum qui OCCASIONEM suo tempore sunt  
amplexi. 247  
CAP. 2. Qui salutis OCCASIONEM obseruauerit, vt qui legitimè  
certauerit, coronam gloriæ est accepturus. 250  
CAP. 3. Splendor gloriæ eorum, qui OCCASIONEM coluerint,  
exemplis collustratur. 253  
CAP. 4. In D. Augustino, ac Maria Magdalena, docetur, quomodo  
& ipsi Occasionem obseruauerint; ideoque gloria sint coronati: &  
quomodo eos imitemur. 256  
CAP. 5. Sacræ scripturæ loca explicantur, quibus OCCASIONIS  
vocabulum in malum accipitur. 260  
CAP. 6. Debita OCCASIONIS ad salutem datæ & neglectæ punitio,  
Damnatio æterna. 264  
CAP. 7. Exemplo diuitis Epulonis ostenditur, quas daturi sint pœnas,  
diuinæ gratiæ Occasionisque contemptores. 266  
EPILOGVS totius operis. 268  
Drama, seu Dialogus, De OCCASIONE. 271

IN-



# INDICVLVS ORATIONVM

## XII. SCHEMATVM.

1. **A**.D benè vtendum occasione alijsq̃. Dei muneribus.  
13
2. Ad declinandas diaboli infidias, & Angelico præsidio in-  
uigilandum. 39
3. Pro bona pretiosi temporis ratione. 59
4. Contra ingritudinem & oscitantiam. 73
5. Pro vera cælestium donorum agnitione. 91
6. Vt cælestibus donis sincerè vtamur, ijsq̃ue respondeamus.  
115
7. Vt medijs ad salutem concessis benè vtamur. 143
8. Pro vera pœnitentia, vitæq̃ue emendatione. 171
9. Vt contentis terrenis, amemus cælestia. 197
10. Ad vitandas diaboli infidias. 225
11. Ad spem veniæ concipiendam, obtinendamq̃ue Dei mi-  
sericordiam. 245
12. Vt euitata gehenna cælestibus asseramur. 269

### ERRATA.

- Pagina 21. lin. 5. à fine, lege, *extemplò*.  
Pag. 32. dele totam vltimam lineam.  
Pag. 52. lin. 6. pro *nomini*, lege, *nouum*.  
Pag. 72. lin. 4. lege, *erga*.  
Pag. eadem. lin. 21. comma illud post *Gothi*, præponendum est.  
Pag. 80. lin. 3. à fine, in margine pone, *A*.  
Pag. 117. lin. 3. lege, *capillatam*.  
Pag. 209. lin. 7. à fine, lege, *considerat*.  
Pag. 274. lin. 3. à fine, lege, *ceu*.  
Pag. 278. lin. vltima, lege, *sectare?*  
Pag. 300. lin. 12. lege, *nostros*.  
Pag. 304. lin. 9. à fine, lege, *buccam*.



## A D L I B R V M.

**V** Ade, Liber. Dubitas? comes est OCCASIO, vade.  
 Hac duce Meandros tesqua nec ulla time.  
 J, propera; adspirans tibi velificabitur aura  
 AVSTRIADVM: incisas quæ velit esse moras.  
 Auster, io, perfla. quid enim? ceco impete Psyllus  
 Austrinis iterum flatibus arma mouet.  
 Namque procellarum quondam furibundus habenis  
 Exitium spirans Auster agebat equos.  
 Arma, arma, exclamant Psylli: simul arma capeffunt;  
 Et stolidè in ventos irrita tela vibrant.  
 Auster, arenarum cumulos mugitibus inflans,  
 Mergit arenosis arma virosque iugis.  
 Ecquid in obscuris ludo? nox atra recede.  
 Quis mihi nunc Auster, quis mihi Psyllus erit?  
 Fallor? an Hæretici Psyllorum in imagine pugnant?  
 Scilicet hydorum sanguine vtrique tument.  
 Hæc si Aquilæ contra armigeras (quas ardua GENTIS  
 AVSTRIACAE attollens gloria in astra rapit)  
 Vesanas ductans acies malè prouida turba  
 Iuerit: aut flammâ luminis iccta cadet;  
 Aut malè ventosis composta tumultibus Austri  
 Sentiet in proprium tela retorta caput.  
 Ergo, Liber, temnas inimica ausa omnia, cum te  
 Maestas & amor protegat AVSTRIADVM.  
 Et propera securus iter; ne OCCASIO ridens  
 Ingerat; En, sequeris, quæ fugienda doces.

I. C. B.



SVMMA PRIVILEGII.

**A**LBERTI & ISABELLÆ CLARÆ EVGENIÆ  
Infantis Hispaniæ, Archiducum Austriæ,  
Ducum Burgundiæ, Brabantiæ, &c. Priuilegio  
cautum est, nequis librum *P. Ioannis David*  
*Societatis IESV Sacerdotis*, cui titulus est,  
OCCASIO ARREPTA. NEGLECTA. præter  
voluntatem *Joannis Moreti*, Typographi  
Antuerpiensis, intra octennium imprimat, aut  
alibi impressum in Inferioris Germaniæ ditio-  
nes importet, venalémve habeat. Qui secus  
faxit, confiscatione Librorum & alia graui poena  
mulctabitur: vti latiùs patet in litteris, datis  
Bruxellæ xx. Septemb. M. DC. IV.

Signat.

*I. de Buschere.*



A N T V E R P I Æ,  
EX OFFICINA PLANTINIANA,  
APVD IOANNEM MORETVM.

M. DC. V.







005645976



ÖSTERREICHISCHE FLORENZ-HILFE  
AKADEMIE FÜR ANGEWANDTE KUNST IN WIEN  
RENOVIERT 1967





KONSERVIERT DURCH  
ÖSTERREICHISCHE FLORENZHIFFE  
WIEN 1967